




**Historien. Der Heyligen Außerwo?lten Gottes Zeügen,  
Bekennern vnd Martyrern, so in Angehender ersten Kirchen,  
Altes vnd Neüwes Testaments, z? jeder zeyt gewesen seind. :  
Ausz H. Göttlicher, vnd der Alten Lehrer Glaubwürdigen  
Schrifften, z? gemeyner Auffbauung vnnnd Besserung der  
Angesochtenen Kirchen Teütcher Nation,**

<https://hdl.handle.net/1874/426819>



79

**Dit boek hoort bij de Collectie Van Buchell  
Huybert van Buchell (1513-1599)**

**Meer informatie over de collectie is beschikbaar op:**

<http://repertorium.library.uu.nl/node/2732>

**Wegens onderzoek aan deze collectie is bij deze boeken ook de volledige buitenkant gescand. De hierna volgende scans zijn in volgorde waarop ze getoond worden:**

- de rug van het boek
  - de kopsnede
  - de frontsnede
  - de staartsnede
  - het achterplat

**This book is part of the Van Buchell Collection  
Huybert van Buchell (1513-1599)**

**More information on this collection is available at:**


<http://repertorium.library.uu.nl/node/2732>

**Due to research concerning this collection the outside of these books has been scanned in full. The following scans are, in order of appearance:**

- the spine
- the head edge
- the fore edge
- the bottom edge
- the back board

H. qu.


58





H. 8  
58


no.





Historia Ecclesiastica

Quarto n.º 58.



N:107 C.

# Historien Der Heiligen Außer-

wölten Gottes Zeitgen / Bekenner und  
Martyrern / so zum theyl vor diser zeitt / zum teyl aber  
zu disen vnsern lezten zeittren / darinnen der Allmechtig  
Ewig Gott seine Kirchen mit der reynen Lehr seines gnade  
reichen Euangeliums väterlichen heymgesitt  
hat / hin vnd wider in allen Lan-  
den worden seind.




Alles auff eynfaltigst vñ warhafftigst /  
zu gemeyner Auffbauung der Angefochtenen Kir-  
chen Teütscher Nation / durch Ludouicum Rabus von Mem-  
mungen / der H. Schrifft Doctorn / vnd diser zeitt  
Prediger der Kirchen zu Straß-  
burg / fleißig beschrie-  
ben.

Der Dritte Theyl

M. D. LV.



Ex Donatione Hüb. à Brühl.



Faint, illegible text, possibly a title or introductory paragraph, located below the illustration.

Second block of faint, illegible text, appearing to be a list or detailed description.

M. D. L. V.

Dem Ehrnuesten Für-  
nemmen vnd Achtbarn / Herrn Israel  
Minckell / dem Bergkherm zu Straßburg /  
meinem insonders Günstigen  
Herrn.

Gnad vnd Frid von Gott dem Vatter /  
durch Jesum Christum / seinen Eyn-  
gebornen Geliebten  
Son. 26.

**L** Ehnuester / besonders Günstiger  
Herz / Wiewol der Allmechtig Ewig Gott /  
in S. Göttlicher Schufften hin vnd wider /  
nicht allein die glaubreiche Anhörung / sonder  
auch die offentliche / mündliche / vnd beständige Be-  
kantnuß / seines S. Worts vnd gnadreichen Euange-  
liums / als den Eynigen vnd Höchsten Gottesdienst  
von meniglich / wes stands vnd ansehens er inmer setzen  
kan / ernstlich / vnd bey verlust seiner ewigen huld vnd  
gnad / erfordert / So richtet sich doch der leydige Teufel  
zu jeder zeÿt mit gewalt dahin / das er sollich herz-  
lich / vñ hoch notwendig Gottes Werck / bey dem grös-  
sten theyl der Welt / auch vnder den genanten Chri-  
sten / hohes vñ widers stands / müglichs fleiß / verhin-  
dere. Vnd das nicht allein mit ueben eingefürter sal-  
ij. scher

## Horred.

Scher Lehr/hohen verheysungen/oder erschrocklichen  
grausamen tröuworten / sonder auch / das er die Lehr  
des S. Euangeliums/in den hertze der Zuhörer/so ge-  
ring/verächtlich/vnnd ergerlich machet/als die nicht  
Gottes/vnd defhalb nit werdt sey/vmb deren willen  
sich der mensch in eynige gefährlichkeyt begeben solte.  
Will also (meines erachtens) fromen Christen in alle  
weg/vnd züm höchsten von nöthen sein/das sie nit al-  
lein wider des Teüfels hoch erbietten / oder grausam  
schrocken/dardurch er etwan die leüt von der Bekant-  
nuß mit gewalt abreisset / auf Gottes wort / wol ge-  
gründet vnd getröstet/sonder auch in irem hertzen des  
gewißlich versichert seyen / das dise Lehr/ so der All-  
mechtig Ewig Gott / auf besondern Gnaden / Teüt-  
scher Nation/zü disen letzten zeytten/auf den Schriff-  
ten der S. Propheten vnd Aposteln / durch seine dar-  
zü verordnete Diener vñ Prediger / geoffenbaret hat/  
gewißlich die Ewige/Unwandelbare vnd Göttliche  
warheyt sey / Iha / wie Paulus sagt / züm Römern im  
ersten Capitel / die Krafft Gottes selber / selig zuma-  
chen alle die/so daran glaubē/vñ defhalb wol werdt/  
auch zur Seligkeyt in alle weg von nöthen/vmb deren  
willen frome Christen / ihr Leib / Lehr/güt/weib/kind/  
hauf/hoff / Iha das zeitlich leben (was es der Herr erfor-  
dert) mit freuden in d'schantz schlagen/vnnd verlieren  
sollen vnd müssen.

Wie

## Vorred.

**I** Wie ich nun in den Vorreden der zweyen ersten Theyl/so hienor von den H. Gottes Bekennern vnnnd Martyrern aufgangen seind/ nach der gnad vn̄ gaab mir von Gott verlihen/ fromie Christen ernstlich/vn̄ auß erzölten wichtigen visachē fleissig vermanet hab/ das sie sich weder des Satans hofieren / vnnnd hohes erbieten/ verleckeren/ noch sein tröuwen / toben vnnnd wütten / schröcken lassen wöllen. Also will ich nun E. Ehruuest/vnnnd andern Gätterzigen Verständigen Christen / zū notwendiger betrachtung/ in diser Vorred des Dritten Theyls/etliche Zeügnussen/wider den Lugen vnd Lestehaftigen Teüfel/nach ordnung einführen/auf welchen gantz gewaltig vn̄ vnwidersprechlich erweisen würt/das ( wie gemeldet ) vnser Lehr/die Lehr Gottes/seines lieben Süns/vnd die ewige warheyt gewislich seye / Vnd deshalb würdig vnnnd notwendig/die von vns Menschen zür glory Gottes/zür auffbauung vnd erweiterung der H. Christlichen Kirchen/vn̄ vnserer seelen seligkeyt/auch mit vnserem Blüt/vor diser argen vnd bösen Welt/bezeüget vnnnd bestättiget werde.

**I** Das Erste Zeügnus nemmen wir daher / dierweyl dise vnserer Lehr/die aller Erste/vnd Eltiste Lehr auff Erden / vnd von anfang gewesen ist / so Erstlich / nit durch Menschen oder Engel / Sonder von dem Allmechtigen Ewigen Gott selber/im Paradeis/vnsern



## Vorred.

voreltern Adam vnd Eua geprediget / Nachmals zün  
zeytten der lieben S. Patriarchen vnnnd Propheten /  
Wunderbarlicher weyse für vnnnd für erhalten / vnd  
letzlich durch den Sun Gottes selbers / in angenome-  
ner Menschlicher Naturen / wie die Epistel sagt / zün  
Hebreern im 1. Cap. offentlichen aller Welt bezeüget  
vnd bestättiget worden ist.

Nün sagt Tertullianus recht vnd wol wider Prae-  
am / das die Erste vnd Eltiste Lehr gewislich die be-  
ste / vnd recht sein müsse / Dann Gott der Herr hat ye  
vnd ye Ein Kirchen guff Erden / vnd von anfang ge-  
habt / deren er seinen ewigen vnwandelbaren / gerech-  
ten vnd gnädigen willen / geoffenbaret hat.

Dieweyl dan vnserer Lehr / mit der ersten Predig des  
Allmechtigē Ewigen Gottes / gewaltig vber eins stim-  
met / vñ deshalb die Erste vnd Eltiste / billich genant  
würt / vñ auch warhafftig ist / so folget vnwidersprech-  
lich / das sie auch die recht / vñ die ewige Göttliche war-  
heyt sein müß. Dargege aber befindet es sich / auß glaub-  
würdigen Historien / das der Heyden Abgöttische Re-  
ligion / vnd vilfaltige Superstition / aller erst iren an-  
fang genommen hat / zñ der zeyt / da nach dem Sünd-  
fluß / die Leüt / der Altnätter reyne Lehr / haben fallen  
lassen / vnnnd dargegen ihnen selbs ihres gefallens / vil  
vñ mancherley Götter / auch vngleiche Gottesdiest  
erwöhlet. So ist auch gewis / das der Türcken vnnnd  
des

## Vorred.

des Mahomets Lehr/ ein neuw erfundne vñnd erdachte Lehr ist/ Wie auch des leydigen Antichrists/ welcher ober sich wol vnder dem Titel der Kirchen für vñnd für traglich rühmet/ so ist doch klar vñnd offenbar/ das sein Lehr (des lebens/ als das zu vil grob vñ greifflich/ will ich jetzundt geschweigen) inn den fürnehmsten Hauptstücken/ darauff sich vnser seligkeyt fürnemlich gründet/ der Ersten/ Alten/ vñnd Keynen Gottes Lehr/ wie Feur vñnd Wasser/ Liecht vñnd Finsternuß/ Christus vñnd Belial/ ernstlich entgegen vñnd zuwider ist.

¶ Das ander Zeiignuß würt genossen von Keynigkeyt diser vnserer Lehr/ au jr selber/ vñnd von den fürnehmsten hauptstücken/ so durch solche Lehr den Menschen geoffenbaret worden seind. Dann gewis ist es/ dz durch solche Lehr vil dings an tag kompt/ die menschlicher vernunfft vñnd weisheit nit allein verborgen/ sonder auch gantz vnbegreiflich seind / als da ist der Artickel von der S. Dreyfaltigkeyt / Gott Vatter/ Gott Sün/ Gott S. Geyst. Item vom Ursprung vñnd Ursach der Sünden / sampt allem andern Jamer / so von der Sünd wegen vber das ganz Menschlich Geschlecht einkommen ist. Des gleichen von der Justification oder Rechtfertigung des Sünders etc. Dann ob wol das Menschlich hertz durch betrachtung vñnd anschawung der Herrlichen Geschöpfften im Hünmel vñ Erden/ vberzeiget/ bekennen muß/ das ein Gott seye/ (wie

## Worred.

(wie auch Paulus sagt von den Heyden/zün Römern im Ersten Capitel) so kan es doch mit nichten verstehen/fassen/oder auch glauben/die herrlich Maiestatisch offenbarung/so dabeschehen ist im Tauff vnser Herren Jesu Christi/Matth. iij. dardurch dann allen Christen/gleichsam augenscheinlich fürgehaltē würt/das gleichwol mit mehr dan ein Eynigs/Ewigs/vnd Göttlichs wesen/aber doch in dem selbigē wesen/drey vnder schidner Personen/als nemlich der Vatter/der vnser schaffen/der Son/der vns erlöset/vnd der H. Geyst/der vns geheiliget/auch zür gemeynschafft des Ewigen lebens gebracht hat/seyen.

Ob dann schon auch Menschliche weißheyte/allerhand Jamer/angst vñ not/vor augen sibet/den selbigē ernstlich klaget vnd beweynet/auch etwan in der Natur oder Materie/die ursach sūchet/so weyßt vñnd bedenckt sie doch die vrsprünglich ursach nicht/als nemlich die Sünd/durch welche sich der Mensch erstlich von Gott seinem Schöpffer abgewendet/vnd durch solchen fall/sein ganze Natur erschrocklicher weyße verderbet/vnd zeitlichem vnd ewigem Jamer vnder worffen hat.

So ist vñ bleybt gewislich auch diß aller vernunfft verborgen/das man verzeyhlung der Sünden/rechte vnd beständigen trost in aller trübsal/sampt dem ewigen Lebē:c. allein vmb sonst/ohn vnser vñ oder nach  
gohnde

## Vorred.

gehnde vñ dienst/auf gnaden/durch den glaub̃ vmb  
Jesus Christus willen erlangen vnd vberkommen.

Diweyl dan dise/vnd andere dergleichen Artickel  
mehr(so vmb kürze willē hie vmbgange) von Mensch  
lichem verstandt/klügheyt vñd weißheyt/wie hoch  
die selbig immer sein kan/weder erlernet/noch ergrün-  
det/oder hienon etwas beständig kan gesagt oder ge-  
redt werden/so folget/das dise vnserē Lehr/die von  
solchen hoheit/vñ zur seligkeyt notwendigen stücken/  
gründtlich/vñd nach dem Zeügnuß der H. Propheten  
vnd Aposteln/redet vñd handelt/nit von Menschen  
erdacht/sonder vñsprünglich von Gott dem Herren  
selbers herkomē/vñd deßhalb der Mensch schuldig/  
das er bey solcher/vnder allem Creütz vñ leyden/auch  
mit verlust seines zeytlichen lebens/beständig bleyben/  
vnd verharren solle.

Die dritte Zeügnuß würt genomen von Krafft  
vñ Göttlicher würckung/so solche Lehr in den hertzen  
der Zuhörer aufrichtet/vñd von dem Inwendigen  
Zeügnuß des H. Geystes/vnd vnser eygnen Gewis-  
sens/welches alle rechtgleübigen vnd Gottsfürchtigē  
in irer Trübsal gewaltig befinden. Wie dann hienon  
nit allein vil herrlicher Schrifftē/sonder auch Christ  
licher leüt warhaffte Exempel/glaubwürdig zeügen.  
Paulus sagt zün Galatern im iij. Cap. das wir durch  
die Predig des Glaubens/entpfahen die gnad vñ gaab

## Vorred.

des H. Geystes/welcher dann mit allein Zelignuß gibt vnserem Geyst/das wir Gottes Kinder seyen/sonder auch (Rom. viij.) in allen nöthen die hertzen zu warer Anruffung treibet / auch in beständiger gedult/vnder allem Creutz vnnnd Leiden/zü einem seligen end erhaltet. Welches auß Heydnischen / oder andern dergleichen Büchern vnnnd Schrifftten / keins wegs kan oder mag erlanget werden.

Die Historien bezeügen/das der Heyd Cato Uticensis / vor seinem todt züm andern mal durchlesen habe/das büch / so Plato von der Vnsterblichkeit der Seelen geschriben. Ob wol nün Plato in solche Schrifft/alles das/so zü trost der Angefochtenen / Philosophischer vnd Natürlicher weise / kan oder mag erdacht vñ eingefüert werden/zusammen getragen hat / So hat sich doch gemeldter Cato solches alles mit nichten trösten könden / sonder kömpt zuletst in Verzweyfelung/vnd erwürget sich selbs. Dargegen aber sibet vnnnd liest man/wie gewaltig die hertzen der Menschen durch vnser Lehr troffen/vnd durch mitwürckung des beywohnenden H. Geystes/züm höchsten getröstet werden/also dz sie sich vor keiner zeytlichen Marter fürchten/oder entsetzen.

Da Christus nach seiner Außerständnuß die Schrifft den zweyen Jüngern auflegt / bekanten sie nachmals/dz ire hertzen gebreüt haben ic. Dader H. Apostel Petrus

## Worred.

trus am Pfingstag die gewaltig Predig/vñ ernstliche vermanung zum Jüdischen Volck gethon/warden ire hertzen dermassen erschüt vñnd durchstochen/das sie sich von stund an zu warer büß begaben.

Da der fromme Dauid ins Ellend von seinem Reich durch seinen eygnen Son verstoffen ward/ob er auch wol vilfeltige vrsach der endlichen verzweyfflung gehapthette / Jedoch so bleybt er an Gott dem Herren beständig/dañ er tröstet sich Göttlicher verheissung/so im durch den Propheten Nathan verkündigt ward/das Gott der Herr seine Sünd von ihm hingenommen hette/vñ er nit mehr sterben solte/vnd ist in seinem hertzen gewis / das er widerumb zu gnaden auffgenommen sey/vñ dz in Gott in gegenwertiger trübsal nit werde stecken lassen. Darumber dan im Psalmen singet / Ich will mich nit fürchten vor vil tausent / deren die mich vmbbringen/dañ du Herr bist bey mir.

Auf solcher Krafft vberwindet der H. Stephanus die stein/damit er getödtet/der Alte betagte Polycarpus/das feur/dardurch er verbrant / der Gottselig Ignatius die grausamen Löwen/von welchen er zerrißten/der Beständig Laurentius / die glüenden kolen/auff welchen er gebraten ward / Vnd andere dergleichen mehr.

Dieweyl dan nün solche Lehr/die hertzen der Menschen/wunderbarlicher weyß ändert/vnd durch mit

## Worred.

würckung des H. Geysts/ freid mit Gott/ ein frölichen  
zügang zu jm in aller trübsal/ Ja beständigkeyt in höch  
ster leibs not/ anrichtet / so folget vnwidersprechlich/  
das solche Lehr gewislich von Gott herkomie. Vnd be  
findt sich ye mit warheyt / das ein eynziger Spruch  
auff H. Göttlicher Schrifften / wa er mit glauben ge  
faßt vnd verstanden würt/ mehr dienet/ züm trost/ zür  
beständigkeyt zc. dan aller Philosophen vnd Natur  
kündiger bücher vnd Schrifften/ auff einen hauffen.

Die vierdte Zeignuß würt genomen/ von bestän  
diger eynhelligkeyt/ vnd eynhelliger beständigkeyt di  
ser Lehr/ so für vnd für/ auch vom anfang her/ gewäh  
ret hat. Für vnd für ist in der Kirchen Gottes dise Lehr  
von anfang der Welt/ bis auff den heütigē tag / durch  
die Altvätter/ Patriarchen/ Propheten/ Apostel/ vnd  
andere/ erhalten/ geprediget/ angenommen / vnd beken  
net worden. Das nemlich der Allmechtig Ewig Gott  
der Sünden seyndt/ vnd die selbig auß seinem gerech  
ten vrtheyl/ zeytlich vnd ewig straffe. Dargegen aber  
gnädig vnd barmherzig seye/ allen denen/ so ire sünd  
erkennen/ vnd dieselbigen in warem glauben vmb Je  
sus Christus willen/ abbitten.

In diser Lehr ist nyemals trennung oder vneynig  
keyt erfunden worden/ vnder allen Altvättern/ Patri  
archen/ Propheten/ Aposteln/ Martyrern / zc. SOND  
es ist nach der red Pauli zün Ephe. im iij. Capitel/ für  
vnd

# Worred.

vñ für bliben/ein Leib/ein Geyst/eynerley Hoffnung/  
ein Herz/ein Glaub/ein Tauff/ein Gott vñnd Vatter  
vñser aller. 2c. Keint ander Fundament ist nye gelegt  
worden (1. Cor. iij.) Alle Propheten/wie Petrus sagt/  
Actorum am x. geben Zeignuß / das alle / die an Jesum  
Christum warlich glauben / in seinem Namen / verzey-  
hung irer sünden erlangen. Vñnd seind durch solchen  
glauben die lieben S. Vätter / Patriarchen / König/  
Propheten / vñnd alle frommen / im Alten Testament / vor  
der Zukunfft Messie / selig worden / Wie auch nach sei-  
ner Zukunfft alle Bleibigen in Christo / der für sie ge-  
storben vñnd auferstanden ist / selig werden.

Solche Eynhelligkeyt kan mit nichten in anderen  
Heydnischen / oder sonst Abergleibischen Religionen  
vñnd Lehren / gezeyget werden / dan die selbigen vil vñnd  
mancherley Götter / auch widwertige Gottesdienst /  
in sich schliessen.

Darumb so muß auch folgen / das dise so eynhellige  
Lehr vñnd Bekantnuß / auß einem brunnen / nemlich von  
dem Allmechtigen Ewigen Gott / herkomie vñnd fließe.

Die fünffte Zeignuß würt genomen / von bestän-  
diger Succession / Volg vñnd Ordnung / deren / so zu je-  
der zeyt / solche Lehr auß befehl Gottes / in der Kirchē  
geführt haben. Vñ ist sehr tröstlich / wann man die Kirch  
samt ihren verordneten Personen vñnd Dienern (da-  
ye einer auff den andern gefolget / vñnd wie die Kriegs-



## Worred.

Knecht in der Schlacht / in des vorigen Fußstapffen getreten ist) auß Gottes Wort / vnnnd Glaubwürdigen Historien / nach ordnung bedencket.

Anfäncklich seind gewesen die 5. Vätter / Adam / Seth / Enoch / Matthusalem / Noe / Sem. Auff sie seind gefolget die 5. Patriarchen / Abraham / Isaac / vnnnd Jacob / Joseph 2c. Nachmals ist auffgestanden Moses / Josua / Samuel / Vnd nach inen Dauid / Elias / Eliseus. folgend die Propheten / Esaias / Hieremias / Daniel / Zacharias / Esdras / Nehemias / Onias 2c. Nach ihnen ist kommen Mattathias / vnd auff ihn Simeon / Zacharias / Johannes der Teuffer 2c. Nach welchem der Son Gottes / Jesus Christus selbers / ins Predigamt getreten ist. Auff den Herren Christum seind gefolget die lieben Heyligen Apostel / Vnnnd nach ihnen die Heyligen Vätter Polycarpus / Ireneus / Gregorius Neo Cesariensis / Basilius / Augustinus / Prosper vnd andere.

Vnnnd ob wol nach solcher zeyt erschröckliche Finsternus gefolget / Diuweyl die Rhömischen Bischöff sich Weltlichs Gewalts zu vil vnderzogen / So hat doch Gott der Herz für vnnnd für etliche Gottselige / fromme Doctorn vnnnd Lehrer / erhalten / bis das er zu disen vnsern letzten gefährlichen zeytten / den Theuren Mann Doctor Martinum Luther / heyliger vnnnd seeliger Gedächtnus / in Teütscher Nation hat erwecket /  
durch

## Worred.

durch welchen Keyne Lehr/ vnd rechter Gebrauch der  
S. Sacramenten/widerumb ans liecht gebracht wor  
den ist.

Nun ist aber kein andere Religion oder Lehr/so sol  
che beständige Folg/ Ordnung/ vnd Succession von  
anfangzeygen künde/Darauf nun auch ohn alles wis  
dersprechen folget/das solche vnserer Lehr/ die Ewige  
Gottes Warheyt/gewislich sein muß / vnd auch war  
hafftig ist.

¶ So geben demnach auch zum sechsten ein gewal  
tig Zeügnuß vnserer Lehr/die Herlichen/Maiesteti  
schen/vnd Vilsaltigen Mirackel vñ Wunderwerck/  
damit sie von anfang ist gezeret/bestättiget/vnnd of  
fentlich vor aller Welt bekant worden.

Im Sündtflus erhalten Gott der Herz den frommen  
Noah/Vnnd mit ihm acht anderer Seelen/so solcher  
Lehr anhängig waren.

So füret Moses das Israelitisch Volck auß Egy  
pten landt / durchs Rot Meer / mit gewaltiger handt/  
Vñ speyset sie nachmals Gott der Herz in der Wüstin/  
vierzig ganzer Jar an einander.

Die Son stehet am Himmel still/vmb des Gebetts  
Josue willen.

Elias/Elisens/machen die todten widerumb leben  
dig/wie auch nachmals der Herz Chrustus/vnnd seine  
lieben Aposteln.

Welches

## Vorred.

Welches aber alles fürnemlich darumb beschehen ist/damit frome hertzen warhafftig vergwissert wurden/vñ nicht zweyfelten/dañ das solche Lehr/seye die Lehr Gottes/dieweyler sieder massen/sampt iren verordneten Dienern vñnd Predigern/mit so herzlichem Wanderwercken zñ jeder zeyt hat bestättiget.

Vñd ob wol/nit allein vnder den Abergleübischen Heyden/mancherley wunderwerck fürgangen/Sonder auch Christus sagt Matth. im xxiij. Cap. das vil zeychen durch die falschen Propheten/zñ den letzten zeytten beschehen werden/so ist doch klar vñnd offenbar/das die selbigen alle anderst nichts/dañ des leydiggen Teüfels Gespenst/betrug/vñnd bschif seind/Dieweyl sie nit zñ den Ehren Gottes/noch mit warer anruffung seines H. Namens/sonder zñr bestättigung offentlicher Abgötterey/vñd lesterung Gottes/vñd seines H. Worts/die leüt in bekanten sünden/schanden/vñ lastern zustercken/beschehen. Vñd auch dermassen beschaffen/das sie der Teüfel leichtlich nachthün kan/Sodoch Gott dargegen für vñd für solche Mirackel in seiner Kirchen erhaltet/die ihm weder der Teüfel/noch des Teüfels Diener/die falschen Propheten/haben zñ gleich nachthün können oder mögen.

Das sybendt Zeügnuß/seind die herzlichem Propheceyen vñd Weissagungen/der H. Propheten/welche also auch im Werck vñd in der Warheyt stattlich  
(wie

## Vorred.

(wie sie verkündiget worden) zu jeder zeyt erfüllet seind.

Vnd ob wol auch die Heyden / ire Weissager vnnnd Zeychendeütter gehabt / so seind doch ire Proheceyen / ganz verborigner / vngewisser / verwirriter / vnd vnuerständiger weise / fürgeben worden / wie solches die Heydnischen Historien in vilen Exempeln genügsam aufweyssen.

Dargegen aber seind die Propheceyen vnd Weissagungen / so von Anfang in der Kirchen / vñ vnder dem Volck Gottes gewesen / nit allein von hohen / wichtigen / vñ ernstlichen dingen / als von der Zukunfft / Entpfäncknuß / Geburt / Leyden / Sterben / vnnnd Außerständnuß Jesu Christi / Item von tressenlicher veränderung / der Höchsten Monarchien vnd Königreichē auff Erden / Sonder ganz warhafft / verständlich / vnd gewiß gewesen / Vnnnd seind endlich dermassen erfüllet worden / wie sie geweissagt / vñ zukünfftig sein / zū vor verkündiget worden seind.

Der Heylig Patriarch Jacob weissagt an seinem Todtbeth / von der Zukunfft des verheysnen Messie / vnnnd setzt klärlich / das er zu der zeyt komien / wann das Scepter vom Königreich Juda hinweg genommen sein werde. Dife Weissagung nun ist folgendis warhafftig auch erfüllet worden / Dañ der Herr Christus ist geboren zu Bethlehẽm / im xxx. Jar der Regierung des Königs Herodis / & ein Edomiter vñ ein frembdling war.

## Norred.

Der Königlich Prophet David / ob er wol garnahemehr dan tausent Jar / vor der geburt Christi gelebt hat / so hat er doch vom Herren Christo / seinem Sterben ic. so verständtlich gepredigt / als were er selbers in seinem Leyden zugegen gestanden.

Der Prophet Esaias / welcher mehr dan syben hundert Jar vor der Geburt Christi gelebt hat / weissagt so gewaltig von der Entpäncknus / Geburt / Todt / vnd Sterben Christi / als wann er solches nit von zukünfftigen / sonder zū vor vergangenem vnd beschehenen dingen / geredt hette.

Vmb die selbig zeyt / erneut auch der Prophet Micheas das ort / nemlich die Statt Bethlehem / im Jüdischen landt / da der Herr Christus solte geboren werden / welches auch also / nach der Schrift / warhafftig ist erfüllet worden.

So hat der Prophet Daniel gewaltige Gesicht / vñ herrliche Weissagungen gehapt / nicht allein vom Herren Christo / vñnd seinem Ewigen Reich / sonder auch von Veränderung vñ Ordnung der höchsten Monarchien vñ Königreichen auff Erden / Alla nemlich / wie die höchste Monarchia von den Chaldaern vnd Assyriern / auff die Persen / folgendes auff die Griechen / Vñnd nachmals auff die Römern kommen soll. Item das nach der vierdten Monarchia die Zerstorung durch den Türcken / Vñnd demnach das End vnd die  
Auff

## Vorred.

Aufferstehung der Todten folgen solle. Vnd ist solches alles warhafftig / in solchen Monarchien nach Ordnung erfüllet worden. Darauf dann ein Gütthertziger Christ / leichtlich verstehen kan / das solches alles den lieben Propheten / durch den h. Geyst (wie Petrus sagt ij. Pet. i.) ist geoffenbaret worden / Sie auch gewislich von dem Ewigen Gott gesendet / vnd vnser Lehr / so wir auß disen ihren Schrifften führen / gewislich die Warheyt seye.

Vnd ob wol dises sybende Zeügnuß vnder die Mirackel (daruon oben meldung gethon) köndte gerechnet werde / so ist es doch ein besonders schön Zeügnuß / dardurch vil hoher / grosser König vnd Potentaten / als Nabugdonosor / Darius / Cyrus / vnd andere / zum Warhafftigen Gott bekeret worden seind / Vnd deshalb wol werdt / das es insonderheyt gesetzt / vnd mit fleiß offtm als betrachtet werde.

¶ Das Aechtende Zeügnuß (welches auch der Heilig Augustinus im fünfften Capitel des Dreyzehenden Büchs wider Faustum / den Manicheer / vnnnd sonst gedencckt) ist die Vile vnnnd Menge Frommer vnnnd Glaubwürdiger Leüth / die von solcher vnserer Lehr / ye vnd ye gezeüiget / das sie Göttlich vnnnd Warhafft seye.

Da Gott der Herr sein Gesatz / Vnnnd in dem selbigen seinen Gerechten Willen / auff dem Berg

## Vorred.

Syna/ mit erschrocklicher stimm vnd vilfaltigen Wunder  
zeychen/ dem Jüdischen Volck gegeben hat/ seind zuge  
gen gewesen / mehr dann zwölff mal hundert tausent  
Menschen / welche alle eynmündige Zeignuß geben/  
das dise Lehr/ so Moses beschriben hat/ nit von Men  
schen erdacht/ sonder des Allmechtigen Ewigen Got  
tes Stim/ Predig vnnnd Lehr seye. Nun muß aber dis  
ein vnfinziger vnruwiger Mensch sein/ der so vilhun  
dert tausent Menschen der lügen vn vntwarheyt straf  
fen/ vnd inen in solchem fall nit beyfallen vnd glauben  
geben wolte.

Da Christus der Herr von den todten aufferstan  
den/ habet in mehr dan fünff hundert brüder ( wie Pau  
lus sagt i. Cor. xv. ) gesehen / die ihazum Zeignuß der  
Warheyt/ einem jeden vernünfftigē Menschen genüg  
sein sollen.

Item da der H. Geyst am Pfingstag den liebē Apo  
steln gegeben ward/ müste die ganze menge des volcks  
bekennen/ das etwas besonders vnd Similichs mit ih  
nen fůrgangen were/ Dann die Apostel/ sampt andern  
Gleübigen / redeten in mancherley Spraachen vnnnd  
Zungen/ So geschahen auch grosse wunder durch sie.

Dieweyl dann solche Lehr vil gewaltiger Zeignuß  
hat/ von vilen vnd Glaubwürdigen leütten / so folget  
gewißlich/ dz sie nach solchem eynhelligem gemeynem  
Zeignuß/ von Gott dem Herren herkomē.

Zum.

## Vorred.

**C** Zum neündten / so ist auch des leydigen Teüfels vnserfettlicher Haf / Meyd / Mordt / vnd Güm / in welchem er sich aller vnd jeder zeyt / wider dise vnserer Lehr auffgelehnet / vnd mit ernst eyngelassen hat / ein Tröstlich Zeügnuß der Warheyt vnserer Lehr. Dan gewiß ist es / das der Teüfel von Anfang keiner anderer Lehr so hefftig zuwider / vnnnd grausam zügesetzt hat / dann eben diser vnserer Lehr / vnd allen denen / so sich der selbigen mit ernst vnderzogen / vnnnd angenommen haben. Vnd ist nicht von nöthen / solches der länge nach vnnnd weitleüffig einzufüren. / Dann Gott der Herz solche feyndtschafft selbs verkündigt hat / da er zum Schlanggen sagt / Ich will feyndtschafft setzen zwischen dir vñ dem Weib / zwischen deinem samen / vnnnd des Weibs samen. &c.

Wie wir nun mit warheyt vnd vnwidersprechlich schliessen / das von Gott dem Herzen die Sünd nicht herkomme / Er auch kein vrsach der Sünden sey / die weyl es offenbar / das er aller Sünd vnd Vngerechtigkeyt von Herzen feyndt ist. Also könden wir auß jetzter zölter Zeügnuß / auch mit güttem grundt schliessen vñ sagen / Die weyl der Satan vnserer Lehr zum höchstē zuwider / Iha von Herzen vnd spinnen feyndt ist / Das sie gewißlich nicht von im / sonder vom Son Gottes / welches abgesagter feyndt der Teüfel ist / herkomme.

**C** So würt auch zum Zehenden ein herzlich Zeügnuß



## Vorred.

nuß genommen von der Straff vñ Plag/dardurch auß  
gerechtem Gottes vitheyl / alle die / so solcher Lehr ye  
vñd ye entweders mit gewalt / oder aber mit Lugent  
vñd falschem Gottesdienst / zuwider gewesen / offent-  
lichen heymgesücht worden seind.

Was der arbeitselig Cain für ein greinwlich end ge-  
nommen / weyft meniglich.

Was erschöcklichs todts vmbkommen / gestorben /  
vñd verdorben sey / Pharaos / Dathan vñd Abyram /  
Jeroboam / Achab / Senacherib / Herodes vñd ander  
re / ist auß Gottes Wort gnügsam bekant vñ offenbar.

So zeiget Lucas / dz der Zauberer Elymas / vñplötz-  
lich mit Blindtheit von Gott gestrafft worden sey.

Der Tyrant Nero hat sich endlich selbs erstochen /  
oder wie etliche Historien melden / ist er in einem wald  
von den Wölffen zerissen vñd zerzerret worden.

Der grausam Wüterich Domitianus / ist von seinen  
eygnen Dienern erwürgt / vñd mit höchster schanden  
begraben worden.

Der Vnmenschlich Maximinus würt zu Aquileja  
erschlagen.

Der grausam Decius ward von den Gothen in ei-  
ner Schlacht vberwunden / vñd ersoff er in einer Pfü-  
zen oder Mirlachen / wie Dispergensis meldet.

Valerianus der Wild / ward vom Perser König ge-  
fangen / seiner Augen beraubet / vñd in Jamerhafti-  
ger Dienst

## Norred.

ger Dienstbarkeyt sein leben lang gehalten. Dañ wass  
der König wolt zū pferdt sitze/müßte Valerianus sein  
füßschemal/darauff er stände/sein.

Aurelianus der Grimmig/ward auch von Gott ge-  
strafft / Dann es schlug westlich ein Feüriger Stral  
vom Himmel/vor ihm nider/Vnnd ward er bald her  
nach von seinen eygnen Kriegsknechten jämerlicher  
schlagen.

Valerius Maximinus ward vō Gott dermassen am  
Leib geplaget / das er auch Würm von ihm speiwete/  
So kondte auch vmb grausames gestancks willen kein  
Mensch vmb ihn sein/oder bleyben.

So starb Julianus der Abtrünnig/eines schandtli-  
chen todts/in grosser Verzweyfelung vnnd Gottle-  
sterung.

Arius der Ketzer ward von Gott gestrafft/das er  
durch den stülgang sein Eingeweyd von sich gab / vn̄  
also auff dem Heymlichen gemacht todts funden ward.

Cerinthum/vnnd andere seine Mitgesellen schlug  
ein Badstub zutodt.

So schreibt Eusebius in seiner Chronica/das vmb  
das Jar D. vnd X. zū zeytten des Keyseris Anastasij/  
seye zū Carthago ein Ariuanischer Bischoff/Olympi-  
us genant/dieweyl er in offner Badstuben / vil lester-  
licher Wort/wider die H. Dreyfaltigkeyt geredt hatt/  
zūm dritten mal / mit feüßigen Pfeilen oder Stralen  
vonn

## Vorred.

vom Himmel troffen / vnnnd also sein ganzer leyb jämertlich verbrant worden.

So hat auch Gott der Herz zu disen letzten zeytten etliche fürneme seynd diser Lehr / vor aller welt offentlich zuschanden gemacht / deren etliche ganz gählingen / vnd im fäpftapffen / da sie solche Lehr geschendet hatten / Etliche aber in verzweyfelung / oder sonst auff andere weyse / schandtlich vmbkommen vnnnd gestorben seind.

Dise vnnnd andere mehr dergleichen erschröckliche Exempel / Göttlichs Zorns / wider seine vnnnd vnserer Lehr seynd / geben auch ein starck Zeügnus / das solche Lehr dem Herzen angenam / die er also zeytlich / Vnnnd nach disen leben in ewigkeyt / an allen Verfolgern vñ Lestern / gestrafft hat / vnd gewislich straffen würt.

¶ Das Eylffte Zeügnus ist / die gewaltige Administration vnnnd beständige Verwaltung / dardurch der Allmechtig Ewig Gott / seine Kirchen / vnd in der selbigen dise vnserer Lehr / gnädiglich zu jeder zeyt / vnnnd bis auff den heütigen tag / wider alle seynd erhalten hat / vñ bis zu end / Iha hernach in ewigkeyt / erhalten würt. Dañ ob wol solche Lehr / von Weltlicher macht hie auff Erden / wenig beystandt vnd schutz hat / Dar gegen aber vil grausamer Verfolgung vnnnd Anstöß / vom Teüfel / Tyrannen / Kettern / vnd andern Gottlosen gelitten / vnd noch täglichs leydet / So hat sie doch  
Gott

## Vorred.

Gott der Herr zu jeder zeit / durch sein gnad mitten vn  
der den Feynden wunderbarlichen erhalten / das auch  
die Porten der Höllen (wie Christus verheyst Matt.  
im xvj. Capitel) vnd weder Höllische noch Menschli-  
chemacht / sie nit hat mögen vberweltigen.

Wie wunderbarlich hat doch Gott dise Lehr: zün  
zeytten der Ersten Welt / Nachmals zün zeytten des  
frommen Helie / vnd folgendes zür zeyt der Nachabeer /  
da doch die Kirch vmb solcher Lehr: willen sehr geäng-  
stiget / klein vnd schwach war / heraus gerissen / vnd er-  
halte. Wie gewaltig hat er sie zür zeyt der Ersten Kir-  
chen im Kleinwen Testament / da sie doch züm grausam-  
sten durchächtet vnd verfolget ward / beschützet vnd  
beschirmet? Iha wie gnädig bewaret er noch die sel-  
bige / in vnsern Landen Teütscher Nation / wider des  
Teüfels vnd seiner Instrumenten / greiwlich vnd blüt-  
dürstig fürnemien? Welches gewißlich ein ware anzey-  
gung ist / das solche Lehr: des Allmechtigen Ewigen  
Gottes Lehr: selbers ist. Vnd sollen fromie Herzen solch  
Zeügnus mit ernst bedencken / vnd deshalb nit allein  
Gott loben vnd dancken / das er dise Lehr: noch bis an-  
her so gewaltiglichen erhalten / sonder auch mit höch-  
stem ernst bitten / das er sie zün disen vnsern geschwindē  
zeytten / vmb seines Namens willen / schützen vnd schir-  
men / vnd auff vnserē Nachkömme gnädiglichen ge-  
langen lassen wölle.

## Horred.

**Z**um zwölfften vnd letzten (dañ andere Zeügnus-  
sen lassen wir vmb kurtze willen hie anstehen) so gibt  
auch das Blüt / viler tausent frommer Martyrer / vom  
gerechten Abel an / bis auff den heütigē tag / so sie vmb  
solcher Lehr willen mit fleüden vergossen haben / ein  
gewaltig vnwiderprechlich Zeügnus / das dise Lehr /  
die Stimm Gottes selbers seye / vmb deren willen recht  
geschaffne Christen / billich auch jr Leib vñ Leben dar-  
strecken sollen.

Wie nun der todt seiner Heyligen / Gott dem Her-  
ren angenam vñnd wolgefellig / also ist auch ohn allen  
zweyfel die Lehr an ihr selbers / vmb welcher willen sie  
solchen todt gedultig vñnd beständig leyden / im ange-  
nam vñnd gefellig.

Vnd ob wol nach der meynung Augustini / Mit der  
Todt oder die Marter an jr selbs / sonder die Vrsach /  
vmb welcher willen einer getödtet würt / einen rechtē  
Martyrer anzeygt / So ist doch gewis / das alle / so  
vmb vnserer Lehr willen (diuweyl sie den Schrifftten  
der S. Propheten vñnd Aposteln / gemäß) den todt ley-  
den / gewislich ein auffrichtige / vñnd vor Gott dem  
Herren ein gerechte sach haben / Vnd deshalb vor im  
als rechte Martyrer gehalten / vñnd folgendreichlich  
sollen belohnet werden.

**D**ise zwölff fentertzölte vrsachen vñ Zeügnussen /  
sollen L. Ehmuest / sampt allen Güttherzigē / bey sich  
mit

## Vorred.

mit fleiß erwegen. Vnd damit meniglich den selbigen nachgedancken / augenscheinlichen vnd gleichsam Greifflichen anlaß vnd vsach hette / hab ich vor Jahren den Erste / vnd bald hernach den Andern / wie auch auff dis mal / den Dritten Theyl von den H. Gottes Zeügen / Bekennern vnd Martyrern / durch den Truck offentlichen lassen auf gehen.

¶ Das ich aber / Ehnuenster Insonders Günstiger Herr / solchen Dritten theyl vnder E. Ehnueste Namen / an tag geben / vñ in Truck hab komien lassen / hoffe ich / solches solle von E. E. freündtlichs gemüts verstanden werde. Wie es daß auch von mir ganz Christlicher wolmeynung beschehen. Vnd erstlich darumb / dieweyl sich E. E. nün lange zeyt her (nach dem löblichen Exempel Fürwerer Voreltern / so nün in Gott seliglichen rügen) beyde gegen gemeyner Kirchen / vnd auch meiner Person / in Christlicher liebe vnd wolthat vilfaltigklich erzeyget / Hab ich hiemit mich / in gemeyner vnserer Kirchen / vnd auch besonders vnd fürnemlich in meinem Namen / etlicher massen / vnd mit einer solchen geringen Vergeltung / so zur auffbauung gemeyner Kirchen dienstlich / gegen der selbigē danckbar wöllen beweyfen.

¶ Zum andern / dieweyl E. Ehnueste neben vilen andern / zum offtermal auch behertziget / vnd zu gemüt füret / die geschwinde / sorgliche / vnd gefährliche

## Vorred.

zeytten/welche wir erlebet / vñ weiters auch von tag  
zū tag haben zuerwartē / Hab ich der selbigen dise her-  
liche Lebendige Exempel / viler fromer lieber Marty-  
rer / so hin vñnd wider in allen Ständen vñd Landen  
worden seind / Dedicieren vñd zūschreiben wollen. Da  
mit sie sich neben der mündtlichen Predig vñd Lesung  
der H. Göttlichen Schrifften / tröstlich hette zuerin-  
nern / was auch Ihr in gleichem fall / zuthun gepüren  
vñd gezinnen wolte.

Es hat sonst der treuwe Gott / E. Ehruueste / mit  
vil herrlichen gnaden vñd gaaben Leibs vñnd Guts/  
reichlich vñ für vil andere gesegnet. Was sie sich nūn in  
solchem seggen / auch der seligmachenden Erkantnuß  
vñd Bekantnuß Jesu Christi / mit allein nit beschāmen /  
Sonder getröst vñnd beständiglichen vnderziehen  
vñd annemen würt (wie sie dann nūn herrlichen ange-  
fangen / vñ bisher also löblich verharret ist) So würt  
gewißlich der Treuwe Gott / mit allein den Leyb / auch  
hinfürt mit Zeytlichen / sonder auch beyde / Leyb vñnd  
Seel nach disem mit Ewigen Himelischen Güttern /  
reichlich vñd vberflüssig belohnen.

Dem selbigen Allmechtigen Ewigen Gott / vñd sei-  
nem Eyngebomen lieben Son Jesu Christo / sampt  
dem H. Geyst / will ich hiemit E. Ehruueste / aller vñ  
jeder zeyt / besolhen haben / ganz freündtlich bittend /  
Dieselbige wölle Ihr dise meine geringe Arbeyt gefal-  
len las

# Vorred.

len lassen/vnnd mit günstigem willen annemen/Auch  
Gemeyne Kirch/mich/sampt den meinen/in günsti-  
gem befelch zuhaben. Datum Straßburg den dritten  
tag Martij. Anno M. D. LV. Auff welchen tag  
vor 2070. Jaren vō neistwem widerumb auff gebau  
wen vnd vollendet/auch mit herlichen Opffern vnd  
grosser frolockung Gott dem Herren Geheyliget wor  
den ist/der herzlich Tempel zu Jerusalem/nach dem  
das Jüdisch Volck auß der Babylonischen Gefänck-  
nuß ledig gelassen ward. Welche History auch allen vñ  
jeden Gütthertigen/vrsach geben soll/den Herren von  
herzen anzuruffen/das er seine Chrißten hin vnd wie-  
der von des leydigen Antichrißts schädlicher Gefänck-  
nuß entledigen/vnnd verleyhen wölle/das sie Ihn/in  
seinen Kirchen/die durch Abgötterey jämerlich  
verwüßtet ligen/in rechtem glanbē/auch  
mit besserung ires lebens/sür vñ  
sür loben/bekennen vnd  
preysen mögē.

Amen.

\*

L. Ehmuette

Dienstwilliger

Ludwig Rabus Doctor



Zum Christlichen Bücherzige


gen Leser.


**W**iewol ich mich gantzlich ver  
siche/diser mein getreuer Dienst/vnnd  
großgehapte mühe vnd arbeyt/werde  
von Meyster Klügling/ders doch nit  
besser machen kan/mit vnangesochten bleyben/Sou  
der(wie sein branch ist)gelestert/vnnd züm bittersten  
gedelittet vnd außgelegt werden. Jedoch bitte/ver  
mane/vnnd bezeüge ich andere Gütliche Leser/sie  
wollen/was etwas gefalet/mit freündlichkeyt verbes  
seren/vñ mir(dieweyl solche arbeyt nicht eines Men  
schen ist)in alle weg dahin verhelffen/damit dise Hi  
storien sampt vnnd sonders/auff das eynfaltigst  
vnd warhafftigst verzeychnet/vnd also  
den Nachkomenden zu Lehr  
vñ trost/behalten  
werden.



Handwritten text, possibly a signature or date, partially obscured.

Faint handwritten text at the bottom of the page.





Der Dritte theyl von  
den Heyligen Außgewöhlen Gottes Zeit  
gen / Bekenern / vnd Martyrern / so zum theyl vor di-  
ser zeyt / zum theyl aber zu disen vnsern letzten zeitten / da-  
rinnen der Allmechtig Ewig Gott seine Kirchen mit der rey-  
nen Lehr seines H. Wortes / gnädiglichen heym  
gesücht hat / hin vnd wider in allen  
Landen / worden  
seind.

W. Wilhelm Thorpe / ein  
Priester in Engellandt.

Die History von diesem eyferigen Gottseligen  
Man, wie er mit den genannten Geystlichen vnd Prelaten in En-  
gelland vmb Glaubens willen ernstlich disputiert / Endlich aber  
von ihnen / nach irem brauch / verdampft / vnd volgends im Kercker  
heymlichen seye ermordet worden / Ist volgends auß den  
Schriften des Hochgelehrten Joannis Balei /  
vnd Joannis Foxi / so hienon auß-  
gangen / warhafftig be-  
schryben.

**W**ilhelm Thorpe / welcher auff  
der Hohen Schül zu Dyfforde / in Freyen Wilhelm  
Künsten Magister / vnd volgends in En Thorpe /  
gellande / ein Priester worden / ist seiner wer er ge-  
person halben eines einfaltigen lebens vñ wesen sey.  
wandels / Aber ein fleißiger Erkündiger vnd Erforscher  
A gewes

# Vonden H. Gottes Bekennern



gewesen / Apосто-  
lischer Lehr / vnd zu  
seiner zeit ein war-  
hafter Predi-  
ger des H. Euan-  
gelij / hat auch nit  
allein Gott seelig-  
lichen / recht vnd  
wol gelehrt / son-  
dern auch solcher seiner  
Lehr / ein ganz ge-  
mäs / dz ist / ein er-  
bars Christlichs le-  
bē / geführt. Derhal-  
bē er vmb Christi

Wilhelm  
Thorpe erst-  
lich gefan-  
gen / bald  
widerumb  
erlöst / aber  
letztlich wi-  
der gefan-  
gen vnd  
umbkommen

cher Lehr vnd Predig willen endlich durch den Erzbi-  
schoff zu Candelburg / Thomam Arundell / zu London  
ins gefäncknuß geworffen worden / im Jar als man zalt  
nach der geburt vnsers Eynigen Heylands Jesu Christi /  
M. CCC. XCVII. Aber nach dem gemeldter Erzbi-  
schoff / durch den König seines Vatterlandts verjagt vñ  
verstoßen ward / widerumb auß fürbitt seiner verwan-  
ten vnd güten freünd / durch Robertum Braybroke / der  
selbigē zeit Bischoff zu London / ledig gelassen. Folgende  
aber zu Salopia vnd Candelburg / durch den Antichristi-  
schen hauffen / widerumb gefangen / vnd im gefäncknuß  
gräulich geplagt / Endlichen im Schloß Salewoden  
offenlich fürgeführt / von den Prelaten verhört vnd exa-  
miniert / vnd nachmals verbannet vnd gecödet worden.

Wie

Vnd Waceryern/der iij. cheyl. ¶

¶ Wie sich aber solch Examen vnd verhö verlos-  
fen/solget hernach weitleuffig/vnd mit fleissiger mel-  
dung aller vmbständen/ordenlichen  
beschriben.

¶ Vnderzeyt / als vil gemeldter Wilhelm Thorpe seines  
Glaubens rechen schaffe geben solt vnd müste / hat er  
zū vor an etliche / so ihm in Christo herzlich zūgerho-  
waren / liebe brüder begert / das sie alles / so mit im für ge-  
nommen vnd gehandelt wurde / fleissig auffzeychenen / vnd  
zū gemeyner auffbauung vnd besserung viler anderer  
Christen / in schriftten verassen solten.

¶ Als er nū im Jar nach der geburt vnsers Lynigen  
Erlösers vnd Seligmachers Jesu Christi / als man zalt  
M. CCCC. vnd VII. auß dem Kercker zū Saltwoden /  
da er dann gefäncklich gehalten ward / auff den nechsten  
Sontag nach Peert Rättenfeyr / im Augstmonat / ge-  
fürt / ward er gestellet für den Erzbischoff Thomam  
Arundell / welcher zūr selbigen zeyt Apostolischer / vnd des  
Seüls zū Rhom Legat / auch des Königreichs Engel-  
lande Cansler / sha der Oberst Potentat im ganzen En-  
gellande ware.

¶ Der Erzbischoff wolte niemands von den Leyen /  
oder anderem gemeynem volck zugegen stohn / vnd zūhö-  
ren lassen / sonder gieng in ein besonder gemach allein / vñ  
name zū ihm einen / mit namen Maluererum / der zūr sel-  
bigen zeyt zū Londen Pfarherr war / vnd noch zween an-  
dere Diener des Geystlichen oder Bapstischen Rechtens.  
Daselbsthin ward auch der gefangen W. Wilhelm Thor-  
pe gefürt.

# Von den G. Gottes Bekennern

Red des  
Erzbischo  
fes wider  
Wilhelmū

¶ Der Erzbischoff von Candelburg sieng an / frage  
in / vnd sprach / Wilhelm / Du hast nūn mehr vber die zwen  
zig ganzer Jar / die vmblicgenden Länder durchzogen /  
vnd den grössern theyl vnseres Königreichs / mit deiner  
falschen Lehr verfürēt vñ beslecket. Aber nichts desto we  
niger / dieweyl wir alle / nach der Lehr des H. Apostels  
Pauli schuldig seind / mit allen menschen frid zu haben /  
Wa du dan deine irrige Lehr widerriffen / vnd dich gelaf  
sen vnd demützig / den geordneten Kirchen sätzen vñ  
derwerffen würst / so solen keinen rauhen oder vnmitlen /  
sonder einen gnädigen freündlichen Herren vnd Bi  
schoff an mir haben. ¶ Hierauff antwortet Wilhelm /  
vnd sprach / Was will das werden? Wie soll ich diß veste  
hen? ¶ Erzbischoff. Du solt hie nider knyen / deine  
händ auff diß büch legen / vnd mit dem Eydschwur ver  
sprechen / das du allen vnd jeden vnsern gebotten vnd sa  
zungen / die wir dir segundt aufflegen vnd fürhalten  
werden / gehorsam sein wöllest. ¶ Wilhelm. Herz / Die  
weyl ich vermerck / das ich bey euch im verdacht bin / als  
solte ich etwas Irzigs vñ Ketzerischs lehren vnd glau  
ben / So bitt ich / Man wölle mir vergönnen / allhie ein of  
fentliche vñd freye Bekantnuß / meines Glaubens / zu  
thun. ¶ Erzbischoff / Es sey dir erlaubt / sag vnd be  
teñ frey / wie es dir vmbß herz ist. ¶ Allda sieng Wil  
helm an / die fürnehmsten vñd hauptstück / vnseres H. All  
gemeynen Chlristlichen vñd Apostolischen Glaubens /  
nach ordnung / mit angehendter schöner / aber kurzen auß  
legung zu erzölen. Vnd da er kam an den Artickel von der  
Kirchen / sagte er / Diser Kirchen will ich mich von hertzen  
gern

Beger des  
Erzbischo  
fes an M.  
Wilhelm.

Wilhelm  
begert ein  
öffentliche  
bekantnuß  
seins Glau  
bēs zu thun

Bekantnuß  
M. Wil  
helm Tho  
pe

gern/vnd mit willen vnderwerffen (dann sie ist in Christo  
 Jesu gleichsam als beyn von seinen gebeynen/vnd fleysch  
 von seinem fleysch) Vnd auch allen denen/die ich auß dem  
 rechten fruchten des Glaubens erkennen vnd vtrheylet  
 mag/dz sie rechte ware Glider solcher Kirchen seyen. Be-  
 zeüg mich auch hie vor euch vieren/das ich von hertzen be-  
 ger solcher Allerheyligsten Kirchen/gantz eygen zu sein.  
 Vnd wolte Gott/das solches die ganze Welt von mir  
 wüste. Weiter so glaub ich auch/das beyde Gesatz Got-  
 tes (das ist/Alt vnd Neüw Testament) welche auß eyn/  
 gebung vnd befehl der h. Dreyfaltigkeyt/selbs herkom-  
 men seind/seyen dem ganzen Menschlichen Geschlecht  
 zur seligkeyt von nöthen/das auch die selbigen zur Selig-  
 keyt genüg seyen. Vnd das man alles/so in den selbigen  
 von Gott/entweders gebotten oder verheysen worden  
 seye/mit vngesweyfeltem glauben annehmen/vnd festig/  
 lichen halten solle. Wa nun jemand mich auß h. Göt-  
 licher/oder anderer glaubwürdiger Lehrer vnd Väter  
 Schrifften/eyniges irthumb/in denen Artickeln/so ich  
 halt vnd glaub/vberzeügen vñ vberweyssen kan/dem will  
 ich mit willigem vnd ganz geneygtem hertzen gern wei-  
 chen. Will auch nit fräueler weyse die Schrifften der altē  
 Väter vñ Lehrer verwerffen/allein das sie nach der Re-  
 gel der h. Götlichen Schrifften erwegen/vnd der selbi-  
 gen nit zuwider sein/befunden werden.

Alle vnd  
 Neüw Tes-  
 tament zur  
 seligkeyt  
 nöthig vnd  
 genügsam.

¶ **E**ind aber ist/das ich von euch/ Herr: Erzbischoff/  
 begar zu wissen. Vnd nemlich/Warumb vnd auß was ur-  
 sach/soll ich mein handt auff dis büch legen? ¶ Erzbi-  
 schoff. Zu einem zeügnus/das du deinen gethonen Eyde/  
 A iij. mit.



# Von den G. Gottes Bekennern

mit guten treuwen vñ glauben halten wöllest. ¶ Wil-  
helm. Ehrwürdiger Herr: / Dis büch ist auß vilen Creatu-  
ren oder stucken zusamen gesetzt / durch vñnd bey welchen  
Bey den Creaturen / die weils die Schrifft verbeit / kein Christ schwören kan.  
schwären / Aber nichts desto weniger / so bezeüge ich mich / in beysein /  
ist ein Chri- vñd vor disen eüwern Priestern / Wa jr mir auß H. Göt-  
sten verbot- licher Schrifften beweysen könden / dz ich an solchem eyd-  
ten. schwür / den ich durch die Creatur thün soll / mich nit ver-  
sündige / Darneben aber auch die Artickel / vmbständ vñ  
ursach dieses Eydes / den jr von mir begeret / erzölen / so will  
ich nichts / das recht vñd billich ist / abschlagen. ¶ Erz-  
bischoff. Du müst schwören / das du nicht allein alle jrzige  
Sanna des eydes / den der gefan- gen Wil- helm thün solte.  
Lehr falscher Prediger wöllest faren lassen / Sonder dich  
auch nachmals mit ganzem gewalt / vñd nach deinem be-  
stten vermögen / allen denen / dardurch die H. Kirch vnri-  
wig gemacht vñd verwirret würt / entgegen vñd zuwider  
setzen. Wa auch etliche in ihrem gefassten Irthumb halft-  
starrig bleyben wolten / so müstu sie bey ihren namen / mit  
samt jrer falschen Lehr / den verordneten desselbigē ortes /  
oder jren Dienern anzeygen. Zulest / so müstu dich auch  
alles Predigen müßigen vñnd absteheren / biß das wir ge-  
nügsum vñd eygentlich sehen vñnd erkennen / das du dich  
warlichen bekeret / vñnd deine Irthumb verbessere hast.  
¶ Wilhelmensetze sich von ganzem hertzen ab diser  
red des Erzbischoffs / vñd die weyl er / wie die lieb Susann  
na / da sie dermassen geängstiger ward / nicht wol wußte /  
was er hierauff antworten solte / schwig er still. ¶ Da  
sprach in der Erzbischoff selbers an / vñd sagt / Gib doch  
antwort. ¶ Wilhelm. Ehrwürdiger Herr: / Sole ich  
dich thün /

Diß thün/vñ so vil lieber fromer/Man vnd Frauen per-  
sonen/den Bischöffen vñnd iren Gottlosen Dienern/der-  
massen auß böshēyit angeben / so möchte vñnd solte man  
mich billich / für einen Kundtschaffter vñnd Verhäter  
des gangen Königreichs Engelland /sha vil erger dann  
Judam den Verhäter selbers / halten. Dann es möchte  
sich zürtragen / das die / so auff den heütigen tag / im weg  
der Warheyt Gottes/nach beständig bleyben vñ verhar-  
ren/auf forcht der Marter vñnd der Verfolgung ( wie ich  
wolt etwan gesehen hab ) widerumb solten/von ein mal er-  
kanter vñnd angenomener Warheyt abfallen. So sind ich  
auch in allen Biblischen Schrifften / Altes vñd Neüwes  
Testaments nit/dz man solches von einem Christen men-  
schen künde vñnd möge billichen erfordern. Derhalben  
waichs nün thate / wurd ich die selbigen gleichwol züm  
rodt/mein armes gewissen aber/in ein greüwlichen vñnd  
vñtrüglichen last führen vñnd bringen/Vñnd were sha wol  
werdt/das mich nit allein hie zeytliche vnglück angien/  
sonder auch zulest in ewigkēyit müßte verdampft sein/da  
für mich doch/der Gerechte Gott gnädiglichen vñd vä-  
terlichen behütten wölle.

¶ Ergbischoff. Du bist verstockt / wie vor zeyten der  
König Pharao in Aegypten auch war/ Der leydig Teü-  
fel hat dich dermassen verblindet vñnd verzaubert/das du  
weder die Warheyt mehr wissen / noch vnser angebottene  
gnad nicht kanst erkennen vñnd bedencken/ Ich merck auß  
diser deiner gegebnē vñ lieblichen antwort wol/dz du dei-  
ne alte vñnd eyn mal gefasste irthumb/nach nit wilt saren  
lassen. Aber das laß dir gewiß sein/du schandlicher ver-

flüchter

Wilhelm  
will ande-  
rer Christe  
Verhäter  
nit sein

Der Erg-  
bischoff zür  
net/vñ trda  
wer dem ge-  
fangne Wil-  
helm das  
für.

# Von den H. Gottes Befehern

flüchter Ketzerey/Würstu nicht also bald zu vnserer Lehr/  
Decreten/vnnd Satzungen treten/so sollestu öffentlich  
Enweyhet/vñ wie dein gesell zuuor/auff offnem marcke  
verbrant werden.

Wilhelm  
Santreus  
in Engel-  
land im jar  
1400. ver-  
brant.

¶ Auff solche red bedacht sich der gfangne Martyrer  
Wilhelm einzeyelang/als der nichts mehr vñ ernstlicher  
vmb Gott begeren vnd erwerben köndte/dañ das er eins  
so herlichen vnd heyligen todes sterben möchte. Vnd die  
weyl er sahe dz sich der Erzbischoff nicht entferte vnnd  
bekümmerte/ob er wol zuuor im Jar als man zalt nach der  
geburt Christi M. CCCC. den vnschuldigen man Wil-  
helm Santreum hatte lassen verbrennen/Sonder ye län-  
ger vnd ye mehr dürstiger vnd begiriger wurde/vnschul-  
dig blutzünergiessen/hat er sich auch desto weniger für  
seiner Tyranny entsetzet/vnd ihn für einen öffentlichen  
vnd abgesetzten seynde des Allmechtigen Ewigen Gott-  
tes gehalten. Es war im aber auch sehr beschwärllich/  
das solche handlung nicht solte in beysein viler frommer  
Christen/brüder vnd Zeügen/sonder allein vnder wenigē  
in geheym/vnd an diesem besondern ort verhört werden.  
Jedoch hielt er mit ernstlichem gebett bey Gott an/das  
er ihn mit dem Geyst seiner Krafft begnaden vnd bewap-  
nen wolte/wid solche leüt/die sich gleichsam zusamen wi-  
der in verbunden hatten.

¶ Vnd als er nun solches bey im in seinem hertzen/vñ  
in der stille bedacht/redet in einer auß den Priestern/so zu  
gegen waren/spöttlicher weyse an/vnd sagt/Lieber was  
gedenckstu jezunde bey dir selbers/Thü das/das dich vn-  
ser Herr/der Erzbischoff/jezunde geheysen hat.

Wilhelm

vnd Martyrern/der iij. cheyl.

v

¶ **W**ilhelmus bedachte sich noch länger/schwig still vñ gab kein antwort. ¶ Da redet in der Erzbischoff selbers an/vñ sagt/Hastu dich noch nit genügsam bedacht/was du thun wöllest? ¶ **W**ilhelm. Ehrwürdiger Herr/ als mich vorzeyten meine Eltern (deren sich Gott erbarmen/vnd inen gnädig sein wölle) zum studieren verlegte/ vnd endelich/beyde mit gücten vnd auch mit tröuworten dahin berederen / das ich solte die erste Weyhe zum Priesterlichen ampt nemen/bate ich sie / sie wolten mich zu vor von andern leurren/die ich für andere from/gelehrte / vnd heylig sein/gedächte/lernen lassen/was doch zu einem solchen herrlichen vñ heyligen Ampt/eines Priesters/gehörete vnd erfordert wurde. Solches vergönneten sie mir freywillig / vñ gaben mir auch hierzu die zerung/so ich auff dem weg habē müste. Da hab ich mich nun zu denen gehalten/die man dazumal für die aller frombsten/gelehrtesten/vnd heyligsten leute hielte / Bey denen hab ich auch so lange zeyt verharret / biß das ich vermeynt / ich hette mich auch selbers ab irem heyligen leben / vnd auffrichtigen wandel/etwas gebessert. Ward also endliche / durch solche herrliche exempel irer Kunst/Gottseligkeyt/Fromkeyt/vñ vnschuldigen lebens/bewegt vnd verursacht/vñ begab mich gar auff die D. Göttlich Schrift/begert auch/vnd besliste mich auff alle weys vnd weg/dz ich nach der selbigen mein ganzes leben anrichten vñ führen köndte. In dieser D. Göttlicher Schrifften hab ich mich lange zeyt geübet/vnd meinen lust fürnemlich auch gehapt.

¶ **W**a ich mich nun jezundt widerumb solte / so bald durch eüwere freündliche oder tröuwort/von diesem mei-

Bekantnuß  
Wilhelmi/  
wie er zu  
dieser Lehr  
des H. E.  
uangeltis  
kommen sey.

B nem

## Von den H. Gottes Bekennern

nem fürnemmen / darinnen ich nün mehr dan zwentzig Jar /  
in Lehr vnd Leben / gestanden vnd verharres bin / lassen  
abschrecken / so were ich ih a wol werdt / das ich von allen  
menschen gestrafft vnd gescholten wurde / vnd hetten sich  
billich iren vil ab mir zuergern. Wurde auch mit solchem  
die Kirch Christi nit bauwen / sonder vil mehr zerstören /  
Desgleichen nicht ein treüwer diener vund Prediger des  
Worts / sonder vil mehr ein vnnütz vnd todt Blid sein / dz  
da billich solt abgehawen werden. Ich hab ih a vil Exem  
pel deren / so auß schwachheyt widerumb verleünet / vnd  
abgefallē seind / als Nicolai Herford / Joannis Puruei /  
Thome Brituelli / vund fürnemlich dises Xepingtons /  
geschē / auß welchen ich wol abnemmen kan / was nit allein  
mir / sond vilen andern gütherzigē Christen / in gleichem  
fall zusföchten seye. Dan wir sehē / mit was grosser gefahr  
vnd schaden / die obernanten drey mit irem schandelichen  
widerriß / die Kirch Gottes verwüsten / vnd erschöckli  
cher weyse verstrren. So verführet Xepington das arme  
Christenliche Vöcklin / nicht allein mit Pharisaischem  
gleichnerischem betrug vnd gesebter lugin / sonder verfol  
get auch bis zum todt / alle recht wargleübigen. Aber solt  
we des schandelichen fleyschs weißheyt / damit sie jezund  
den Weltkindern hofieren vnd dienen / vnd in iren Predi  
gen schmeychlen / würt gewislich von Gott nicht vnge  
strafft bleyben. Vorzeyten predigten sie die warheyt / zu  
grosser außbauung vnd besserung gemeiner Kirchen /  
aber jezundt so geben sie auch das aller geringst nit / von  
wegen der Warheyt auß.

¶ Erzbischoff, Die ihenigen so du jezund erzölt hast /  
die

Verleügne  
te Christen  
thün den  
gröste scha  
den

die waren vorzeytten vnuweyse leüt vnd Keger/ Jezundt aber weyßemenigklich/ wie weyße vnuud hochuerständige Mäner sie seind / wiewol sie von dir vnuud deins gleichen/ für Keger gehalten werden. Ich hab fürwar nyemals ey nigen rechegelehrten vnuud erfarnen mañ gesehen/ der da lang sey bey eüwerer versürischen Lehr blyben.

Christu ver  
leügnen/  
halte die  
Welt für  
besondera  
weißheyt.

¶ Wilhelm. Ich glaub wol/ dz solche leüt vor der Welt für Weyß vnd Klüg gehalten werden/ Sie hatten aber doch schon den Pfandeschilling vñ die Versicherung Götlicher Weißheyt/ zütrer vnd viler anderer leüt seligkheyten empfangen / Wa sie nur also im Glauben/ Armut des Geysts/ vnuud warer eynfalt eines Christlichen lebens/ weren verharret vnuud blyben. Aber wehe denen allen / so dermassen schandliche rāht geben/ greüwliche Tyrāney treiben/ vnuud dem zeytlichen also nachhengen/ dann hiedurch würe garnache die ganz Welt in alles vnglück vnuud jamer eyngesührt.

¶ Erzbischoff. Du schandlicher Keger/ das weyß ich wol/ wañ du vnuud deins gleichen gewāñ wisten ein gütre Pfründ/ oder andere der Kirchen gütter zuübertömen/ ihr ließen eüch die Bārt biß auff die haut hinein/ abschāren. So war Jesus Christus lebt/ so weyß ich keine geizigere bößwicht/ dan eben die/ so von eüwerer Secte seind. Ich hab auff ein zeyt Johanni Purneo/ ein Pfründ / die nicht gar tausent schritt von disem Schloß ligt/ geluben/ Es ist aber vnder meinem ganzen Bistumb keiner gewesen/ der da geiziger gewesen sey im Opffer vnuud Zehenden samlen/ dan eben er. ¶ Wilhelm. Diser Johān Purneus / der halts nicht so gar mit eüch/ ob er wol ein Pfründ

Johān Pur  
neus.

## Von den H. Gottes Beküern

u**ber**kömen hat/vnd bleybt darzü auch nit beständig bey der Lehr/die er vormalß schriftlich vñ mündlich bekant hat. Dieweyl er sich aber dermassen erzeygt / als einer der weder kalt noch warm ist/so soll er vnd seins gleichen sich wol fürsehen/dz sie nit erwan (wa sie sich nit besseren) auß der zal der Anserwölten verstoffen werden/vnnd entfalten. ¶ **E**rgbischoff. Ist Joha<sup>n</sup> Purneus/wie du sagst/so arglistig vnd geschwind/so sey ers auff sein gefahr vnd schaden / Kompt er aber erwan widerumb in solchen sachen für vns/so wöllē wir in nit widerumb hinweg lassen/er habe sich dan zünor offentlichen vñ gestügsam vor vns allen erkläret/wes si<sup>n</sup>s/gemüts vñ glaubens er seye. Aber sag doch an/wer seind die selbigen herrlichen vnd heyligē männer/von denen du dermassen vnderwysen vñ gelehrt worden bist: ¶ **W**ilhelm. Es ward herr Joha<sup>n</sup> Wicleff von vilen/sür alle andere/so zū seiner zeyt lebte/züm höchsten berhümpet vnd gelobt. Diser war auch leibs halben ganz mager/abkömen/vnd krafftlos / süret aber ein vnsträfflich/vnschuldig leben vnnd wandel. Derhalben dan auch vil auß den gewaltigsten in disem Rönigreich mit im offtmals sich vnderredet/ Jhn auch sehr lieb/vnnd in allen ehren gehalten/was er sagt/fleißig auffgeschribē/vnd seinem leben vnd wandel treüwlich nachgefolgt haben. So würt auch sein Lehr noch auff den heütigen tag von vilen dafür gehalten / das sie der rechten Apostolischen vnd Ersten Kirchen am aller äbulichsten vñ gleich förmigsten sey. Vnnd diß ist auch die vsach/vmb welcher willen er heütigs tags von so vil frauwen vnd Ma<sup>n</sup>s personen / so gar in grossen ehren vnnd hoch gehalten würt.

Dar nach

Joha<sup>n</sup> Wicleff.

Darnach war auch M. Aistonus/welcher solche Lehr/die er von im hatt entpfangen/schriefflich vnd mündlich so vil im imer möglich war/hat außgebreytet/vnd nach der selbigen ganz vnsträfflich/bis an sein end gelebt. Ein solcher war auch Philippus Kepingtonus/da er noch ein Thumberz zu Liestra war. Item Nicolaus Herfordus/David Gortrens/Item Pakryngus/welcher ein Mönch zu Bylanden/vnd in D. Schriefft Bacularius war. Item Johā Purueus/mit etlichen andern/die man zur selbigen zeyt für herliche ansichtige leüt gehalten hat/welche aber alle in solcher Lehr mit grossen ernst/mühe vnd arbeit/anhielten/vnd auch jr leben gang vnsträfflich füreten. Zu denen hab ich mich lange zeyt gehalten/vnnd als ein Junger/von ihnen vnder wysen vnnd gelehrt worden. Jedoch zu keinem mehr/dann eben zu bemeltem Johā Wicleff/welcher zur selbigen zeyt der aller heyligste vnnd auffrichtigste Man war/in der gangen weitren Welt.

M. Aistonus.

Philippus Kepington

Nicolaus Herford.

David Gortrens.

¶ Von disen nun/hab ich meinen anfang in Lehr vnd leben entpfangen/darvon ich auch bis in mein letst end nicht beger zuweichen. Vnd wiewol deren etliche/so jetzt erzolt worden seind/widerumb abgefallen/vnnd nun ihnen selbs zuwider worden seind/so ist doch ihr Lehr/so sie zur selbigen zeyt/nit auß Mosis/sonder des Herren Christi stül/geprediget haben/in alle weg gewis vn warhafft. Derhalben sie auch auff den heutigen tag/wa man sie hie rüber mit ernst anspricht vnd straffet/das sie die Krafft Gottes verleügnen haben/frey bekennen/das sie vormals mit nichten geizet/aber auß forcht des todes/jr meynung vnd glauben verschwigen haben/als die/die da lieber wol



## Von den H. Gottes Bekennern

reit sich ein zeyelang mit verborghen vnnnd hinderlistigen  
worten ansprechen/dan mit dem Herren Christo durchäch  
ret vnd verfolget werden.

¶ **Erzbischoff.** Die Lehr/die du doch für die Warheit  
haltest/die verergeret die H. Römisch Kirché/wie solches  
vö jr offtmals ist erweisen vñ angezeyge worden. Vnd wie  
wol der Wicleff eüwer Oberster/von vilen als ein gelehr/  
ter fromer man gehalten vnd gelobt würt/so ist doch sein  
Lehr durch das Zeügnuß der Kirchen nit bestättiget/son  
der würt billich in vilen stücken/verworffen vnnnd ver/  
dampt. So hat Philippus Kepington/der vormals  
Thumherz vnnnd Apt zu Lycestria gewesen ist/erlanget/  
das er gesucht vnd begert hat. Dann nach dem er ist Bi/  
schoff zu Lincoln worden/ist er weder eüch noch den eüwe  
ren mehr günstig/Sonder er verfolget vnnnd durchächret  
auch solche Lehr mehr/dan alle andere Bischöff vnd Prie  
laren. ¶ **Wilhelm.** Iha man sagt vil böses dings ger  
nüg von diesem Man/vnnnd halten in iren vil für den grö/  
sten seynde der Warheyt. ¶ **Erzbischoff.** Lieber was  
haltestu vns lang mit solchen vnnützen sabeln auff: Sag  
an/wiltu vnseren gebotten gehorsamen vnd folgen/oder  
wiltu es nit thün: ¶ **Wilhelm.** Wie ich oben geantwor  
tet hab/also sag ich auch jezunde/Ich darff eüweren Geb  
botten nit folgen/dan ich fürchte Gott.

¶ Da ward der Erzbischoff hefftig bewege vnd erzür  
net/vnd wincket einem auß den Priestern/so zugegen wa  
re/vnd sagt/Gehe hin/vnd bring die Handschufft/so mir  
neüwlich von Salopia/versiglet mit dem Birschie der  
Oberkeyt daselbst/zugeschickt worden ist/wider die irri  
ge Ketzer

Philipptis  
Kepington  
ein abgefal  
lener Christ

vnd Martyrern/der iij. theyl. viij

ge Keyserische Lehr/so von disem losen menschen daselbst gepredigt vnd außgespreytet worden ist. Der Priester bracht sie bald /vnd verlas sie öffentlichen/ Der Inhalt aber war diser.

Anlag dar  
ren vñ Sa  
lopiā /wid  
Wilhelmū  
Thorpe.

¶ Auff den dritten Sontag nach dem H. Ostertag/ im Jar als man zalt nach der geburt Christi/vnsers Eynigen Seligmachers M. CCCC. vnd VII. ist gen Salopiam komen Wilhelm Thorpe/vnd nach dem man ihm erlube hat zupredigē, hat er öffentlichen in der Kirchen zu S. Ceddas vor allem volck gelehrt.

Das im Sacrament des Altars/ auch nach der Consecration/das ist/nach dem der Priester den Canon gesprochen/warhafftig Brot bleybe.

Item/ Das man die Bilder nit soll anbetten vnd verehren.

Item / Das die leüt nit sollen zu den Heyligen wallen gehen.

Item / das die Priester kein macht vnd gewalt haben/ den Lebenden inen zuzueygnen.

Item/das man nit schwören soll/

V.

¶ Als nun aber solches verlesen / vnd die Schrifft wider zusammen gelegt war /sabe der Erzbischoff ganz saur vnd grimig/ redet weytter/vnd sagt / Wie soll man auch das arme Volck also lehren? Oder was nuzt doch solche Lehr das Volck?

¶ Wilhelmus. Dise Artickel haben böse leüt wider mich mit der lügen vnd vnwarheyt erdacht/dan also hab ich wider in gemeyn noch bñsonders gelehrt. ¶ Erzbischoff. Ich gib irem schreyben mehr glauben/dan dir. Du Lector/du hast die ganze statt Salopiam

# Von den H. Gottes Bekennern

lopiam dermassen vnrüwig gemacht / dz sie mich (der ich  
zweite Erzbischoff bin zu Candelburg / der Oberst im  
ganzen Engelland / vñ des ganzen Königreichs Cantz  
ler) schriftlichen vnd zum höchsten angesücht vnd gebete  
ten haben / dz ich dich solte / andern zu einem schrecken / hie  
her fordern / damie du entweder widerüfftest / oder aber  
in widerumb zugeschickte wurddest / zur straff / so du wol ver  
dienet hast. Vnd zwar / sagt er zum letzten / es soll in kein  
vergesß gestellt werden / das sie so ehrlich / löblich vnd ernst  
lich begert haben. ¶ Wilhelmus der bekümmert sich nie  
hoch ab des Erzbischoffs vnnützem toben vnd wütten /  
Sonder wie die Natur des Palmenbaums / nit mag mit  
keinem schwärem last vnder sich getrückt werden / sie rich  
tet sich aber ye länger vnd gewaltiger für vnd für wide  
rumb auff / Also ward auch das hertz dises theuren liebens  
Mans / keins wegs durch die hochprächtigen erdwort  
des Erzbischoffs kleynmützig / sonder vil mehr mit einer  
Göttlichen Mäulichkeyt vnd Krafft befestiget / Derhal  
ben er im auch ganz vnerschrocken / vnd frey heraus / mit  
nachgehenden worten antwort gab / vñ sagte. Zwar wan  
ich ye soll die warheyt sage / so sag ich also / das ich alle die /  
so man zu Salopia od an anderẽ orten dazfür haltet / als  
solten sie dem Christlichen Glauben schädlich sein / war  
haffrig halte für die / die den selbigen Glauben am aller  
meysten befürderen. Dargegen aber die man für Gläubig  
ge leüt vñ gute Christe haltet / sag ich fürwar / dz sie nichts  
wenigers seind / dan eben dis / dz sie in iren grossen Titeln  
dem Volck fürgeben. Vnd das bezeüget jr vnleydenlicher  
stoltz / hochmüt / neyd / haß / geytz / vnkeuschheyt / vnd ande  
re dergleis

die sich am  
meyste rhü  
men / seind  
zum wenig  
ste die rech  
ten Christe.

re dergleichen des fleysches feyne fruchtlin. Man kan vnd  
 soll ye nicht dje ihenigen für die Kirch Christi halten/die  
 Gottes wort offentlichen verachten/wie dann solche leute  
 den mehrern theyl auff den heütigen tag zuchün pflegen.  
 Vnd dise seind eben die/die alle die ihenigen/so Gott den  
 Herren warlich fürchten/sür Keger halten. So ist auch  
 kein wunder/ob schon das volck zu Salopia/auf anreys-  
 zung vnd anstiftung ierer Geystlichen (daran mir nicht  
 zweyfelt) etwas wider mich erbittert ist/Es hat doch sol-  
 ches der Sun Gottes/Jesus Christus/von den Weysen  
 zu Hierusalem/selbers leyden müssen. Vnd auff ein solche  
 weyse haben den Herren Christum die Obersten in der  
 Schulen zu Nazareth/vmb seiner Predigen willen/zür  
 statt hinauf gestossen/vnd in begert vom berg herunder  
 zustrürgē. So hat auch Gott der Herr selbers durch Mo-  
 sen gesagt/Er wölle denen/so ihm dienen/allwegen ein  
 Volck/das ihnen zuwider sein werde/erwecken/dardurch  
 sie täglich angefochten/probiert/vnnd bewärt sollen  
 werden. So ist vnmöglich/das einer Gottes wort bey  
 den Vngleübigen ohn Creütz vnd Verfolgung predigen  
 künde/wie solches beyde die Exempel vnd Schrifften des  
 Herren Christi/vnd der h. Propheten genugsam bezeu-  
 gen. ¶ Erzbischoff. Haltestu dich dan selbs für einen  
 Jünger vnd Nachfolger Christi:vnd vermeynest/du ha-  
 best deshalb macht vnd gewalt/ohn erlaubnuß eines or-  
 denlichen Prelaten oder Bischoffs/zupredigen: ¶ Wil-  
 helm. Fürwar der Herr Christus sagt doch selbers/das ei-  
 nes Christenlichen Priesters eyinig vnd fürnembst Ampt  
 seye/das er das h. Euangelium frey vnd an allen orten/

Einē rech-  
 ten priest-  
 er ist vom her-  
 ren Christo  
 erlaubr als  
 lntthalben  
 zupredigen

## Vonden H. Gottes Bekennern

verkündige vnd predige. So hat er auch/als der Oberste vnd Erzhirt/zu solchem Ampt niemandts gelassen/dañ solche leüt/die sich zum höchsten beflissen/wie sie dz Volck dem Herzen zufüren vnd gewinnen möchten. Wir rhümē vns zwar nichts solches/bitten aber den Herren obn vnderlaß/das wir solche Diener Warhafftig sein mögen.

Rom. r.

¶ Erzbischoff. Du böser schalck/was bringst vns da für ein gespenst/Sagt nit Paulus selbs/vnd frage/Wie wöllen sie predigen/wann sie nicht gesandt oder geschickt werden. Ich hab dich zwar noch nye außgeschickt zupredigen. So ist dein falsche verfürische lehr un mehr im ganzen Königreich Engellande verschreyet vñ bekant/dz dir nit bald der andern Bischöffen einer solches erlauben würt. Warumb vnderstehstu dich dan/du grober vngelahrter Idiot/das zuthun/so du doch von keinem Prelaten oder Bischoff erlaubnuß hast. Sagt nit auch/vnnd vermanet der H. Apostel Paulus/Was solle den Fürgeetzten vnd Oberherren gehorsam sein/vnd nit allein den gütigen oder freündlichen/sonder auch denen/die gebrechlich vnd Tyrannen seind. ¶ Wilhelm. Wir fragen nit vil nach eüwren briefen/nemen sie auch nicht an/dañ in jnen ist nichts anders begriffen/weder solche Sazungen/die dem H. Euangelio vnd Geyst Christi ganz zuwider seind. Dise eüwre brieff dienen wol den armen Brüderlin/die auß anderer leüt armüt reich werden/vñ jr narung mit liegen vnd betriegen süchen. Unsere brieff seind fürnemlich die leüt selbers/die wir vnderweyßen vñ lehren/defgleichē die ewige Warheyt Gottes/die shaft stark vnnd gewiß zeügnuß genug ist. Dann wir/die wir Gottes

# vnd Martyrern/der iij. chlyl.

2

Gottes Wort dem volck eynfaltig vnd vmb sonst verstantigen/begeben keine solche brieff/die mit dincen geschriben seind/nach eynig menschlich zeügnuß/Vnd das nach dem Exempel des h. Apostels Pauli/der da sagt. ij. Cor. ij. Wir bedörffen keiner Lobbriefe/Unsere brieffe seind in Herren/nicht mit dincen/sonder mit dem Geyst des lebendigen Gottes/geschriben.

¶ So vil dan belanget die gehorsame gegen denen/so uns fürgesetzt seind/die gesteh wir ihu/verbieten die selbigen auch niemands/sonderlich gegen denen/so mit gesunder Lehr vnd guttem Exempel andern leütten wol fürgehen. Dargegen aber/so halt ich gänglich/es solle ein fromer Christ eher sterben/vnd den todt leyden/dan das ihenig thun/das im wider Gottes wort von den Tyrannen anfferlegt vnd gebotten würt. ¶ Erzbischoff. Wan die Oberkeyt etwas vnrechts gebeüt/so verdampft sie sich selbers hie mit/ Jedoch so verdient der etwas/der solchem Gebott gehorsam ist/dan die Gehorsam/wie Samuel sagt/Sam. xv. ist besser dann alle Opffer. ¶ Wilhelm. Die Gehorsam welche durch den Propheten Samuel vom König Saul erfordert würt/angemelt ort/die betraff fürnemlich Gott/vnd nit den menschen. So bezeügen der h. David vnd Paulus/vnd stimpt mit ihnen der h. Gregorius/das nit allein die/so vnrecht thun/sonder auch die ihenigen/so ihnen solchs vnrecht gefallen lassen/verdampft werden. So zeygen auch der Kirchen Decret vñ Satzungen selbers an/das der Knecht seinem Herrē/der Sun seinem vatter/die Frau frem Ehmañ/der Wösch seinem Fürgesetzten/in keinen andern/dann

Vom gehorsam gegen den Oberherren.

Wie fer sich die gehorsam strecken solle.

## Von den H. Gottes Bekennern

zimlichen ehelichē dingen/gehorsam zusein/schuldig seye.

¶ Erzbischoff. Das ist eben stolz genüggeredt / Du vermeynest/du vnd deins gleichen seyen allein fromb vnd gerecht/derhalben verachten jr die Lehr Pauli/vnd vermeinen/eüch sey erlaubt alles das anzufahen vñ zuthun/das eüch nur gelustet. ¶ Wilhelm. Wolan so sagt mir/Wen halten jr darfür / das er in der Kirchen das Ampt der H. Aposteln verrichte vñnd trage/Lüwere Priester:

¶ Erzbischoff/Iha in alle weg. ¶ Wilhelm. Wolan was die H. Apostel für ein Ampt gehape haben/das lasse sich seyn sehen Matthei am zehenden / vnd Marci am letzten Capitel. Der Herz Christus hat seine lieben Apostel aufgesendet/das sie das H. Euangelium lehren vnd predigen solten. So liest man auch Luce am zehenden Capitel/das Christus die zween vñnd sybennig Jünger in alle Stett vnd ort / dahin er dan Komē wolt/allein zupredigen aufgesendet hat. Wie auch solchs anzeygt d. H. Gregorius/da er im Decret also schreibt vnd spricht/Das das Predig ampt ein gemeyn Ampt sey mit dem Priesterlichē ampt. Der Priester/sagt er/erzürnet den Allmechtigen Ewigen Gott / von dem das volck die stim des gepredigten Euangeliums nit höret. Itē die Gloss vber den Propheten Ezechiel sagt/ Das ein Priester/der nit prediget/ aller deren verdammnis theylhafftig vnd schuldig sey/die deshalben verderben. Die auch dem Volck fürstehen / vñ das Euangelium nit predigen / seyen Mörder vor Gott/ als die der seelen jr narung vñnd auffenthalt rauben vnd stelen. So sagt auch Isidorus. Die Priester werden vmb des Volcks misserhat vñnd vngercheigkeyt willen verdampft/

Predige ist  
de fürnētst  
ampt eines  
reaprie  
fiere.

Alles ist

dampft/wa sie die vnwissenden nit vnderweyfen/vnnd die  
 Sünder nit straffen. Christus sagt / dazü bin ich geboren  
 vnd kōmen/das ich von der warheyt zeignuß gebe. Wer  
 auß der warheyt ist/der höret mein stime. Darauß folget  
 dann gewaltig/ das nach dem beselch vnnd Exempel des  
 Herren Christi/aller Priester ampt ist/das sie vor vnd ob  
 allen dingen das H. Euangelium Gottes verkünden vñ  
 predigen sollen. So sagt auch der H. Gregorius/wañ der  
 Mensch das auß fahrlässigkeit nit thut / das er doch zu  
 thun schuldig ist/so sey alles anders/ er thue gleich was er  
 wölle/dem H. Geyst nit angenām. Vnd Licolnensis sag  
 get schön/Das ein jeder Priester/der Gottes wort nit pre  
 diget/ob er gleichwol sonst keinen sáhl an jm hat / ein rech  
 ter Antichrist/der Teuffel selber/ein Nacht dieb/ein Mōr  
 der im tag/ein Seelen Mōrder/vñ ein Engel des Lieches  
 sey/der sich aber in Finsternuß verkeret vñ verwandelt ha  
 be. Auß disen allen angezognen orten vnd sprüchen/ist  
 klar vñ offenbar/das diß vermaledeyete vnnd verflüchte  
 Priester seind/die Gottes wort vnd das H. Euangelium  
 dem volck nit lauter vnd reyn fürtragen vnnd predigen.

¶ Da wendet sich der Erzbischoff zü den dreyen Prie  
 ster/so bey jm sassen vnd sprach spöttlicher weys / Das ist  
 allen Ketzern gemeyn/das sie die schwären ort der schriff  
 ten vñ der H. Väter wider vns vnd wider der Kirchen  
 sagung führen/dardurch sie sich selbers vnd ire sect verthā  
 digen vnnd außreden. Du ellender Mensch/hettest gern  
 das Psalteriū /das ich dir dormalen eins zü Candelburg  
 genommen habe/widerimib/darauß du jmer etwas finden  
 köndtest/das du vns entgegen werffen möchtest/ Aber dz

Ein weyße  
 red von ein  
 nem gros  
 sen Bis  
 schoff.



# Von den 5. Gottes Bekennern

soltengewisslich glaubē/ Ich will dir weder dasselbig Psalterium/noch eynig ander büch der H. Schrifften mehr zü stellen/biß das ich vermercke/das du von herzen vnd mit munde der Kirchen warhafftig versünet bist. ¶ Wilhelm. Ich hoffe/ich glaub vñnd halt von der H. Christlichen Kirchen anders nichts/dañ wie es einem Diener Jesu Christi züstehet.

Was die  
Kirch seye

¶ Als ihn nün der Erzbischoff hierüber fraget/Was doch die Kirch seye? Gab er antwort/vñnd sprach/ Ich glaub das die Kirch/die ich Heylig nenne / sey nichts anders/dañ der Herz Christus/vñnd seine lieben Heyligen selbers. ¶ Erzbischoff. Das bekē vñnd glaub ich auch/ aber allein von der Kirchen/die im Himmel droben ist. Ich frag dich aber woz ist die Kirch/die noch hic auff Erde ist?

Kirch Christi  
ist zwey  
erley.

¶ Wilhelm. Die Kirch ist in zwey theyl abgetheylet/ Deren das ein vñ grösser theyl nün mehr alle Seynd vber wunden hat / triumphiert vñnd lebt in freuden mit dem Herren Jesu Christo. Der ander theyl aber streyret noch hie auff Erden / mit einem rechten Glauben / wider des Teüfels/des Fleysches/vñnd diser Welt vilfaltige ansechtungen vñnd anstöß / Vñnd dise mag auch kein Gewalt/ kein Stolz noch Hoffart/kein Verfolgung/kein Tyrān/ keine Lehrer / wie widerwertig sie gegen einander reden vñnd schreyben/von dem rechten Glauben/vñnd H. Göttli cher Schrifften/abreiben / Dann sie seind durch Gottes Wort auff den Herzen Jesum Christum / als auff einen starcken Felsen/gegründet vñnd gebauwen.

Die rechte  
Kirch ist  
vñüber=  
windtlich.

¶ Daveder der Erzbischoff seine Püester/so zugegen waren/an/vñnd sagt/Lieber sehet doch/ Wie ist doch diser  
Böswicht

Böswichte so gar verstockt / wie gewaltig creybt ihu der Teüfel / das er seine Irthumb für vnd für bestreiten vñ verthädigen will. Wan wirs im züliefen / so wurd er vns mit solchem seinem vnnützen geschwätz einen gangen tag auffhalten. Da setzt sich einer auß den dreyen Priestern / so bey solcher handlung waren / wider Wilhelmum / vñnd sagt / dieweyl er sich vormals beklagt hett / dz die Schrifft so von dem Volck zu Salopia wider in gestellt / vñnd hieher geschickt worden ist / sey auß bösheyt vñ mit vnwarheyt wider ihn angestellt vnd erdacht worden / So frage man in jertzund selbers / was er von den selbigē Artickeln / so im fürgeworffen vnd verwissen worden seind / halte vñ glaube / damit wir auß seinem eygnen munde hören / wes er gesinnet / vnd was wir von im zeüigen sollen.

¶ Bald name der Erzbischoff die selbig Schrifft zu seinen handen / sprach in an / vñnd sagt / Dir ist erstlich hie fürgeworffen worden / wie das du in der statt Salopia / vñnd in der Kirchen zu S. Ceddas offentlich geprediget haben soltest / Das im Sacrament des Altars / auch nach der Consecration / das ist / nach dem der Priester die wort darüber gesprochen hat / warhafftig Brot bleybe: Was sagstu nün hierzu: ¶ Wilhelm. Ich hab in der selbigen Predig nichts vom H. Sacrament gelehrt oder geprediget / dan eben wie ich jertzund frey sagen vnd bekennen will / Als ich von der Cantzeln / Gottes Wort predigete / begab es sich eben / das man in der Mess / die dazumal besonders gehalten ward / vnd als man die Hosty erheben wolt / das glöcklin leütet / Dieweyl dann das Volck vñplözlich (wie es pflegt) zusammen lieff / darauß ein groß getümmel in der

L. v. 28  
Was im Sacramēt des Altars zugege sey

Kirche.

# Von den H. Gottes Bekennern

Kirchen ward/Daß meniglich ließe die Predig faren/vñ  
sah ander swa hin/Da hab ich sie also angeredt / vnd ge-  
sagt / Ihr Brüder in Christo / Die lebendige Krafft dieses  
Sacraments / die im Glauben stehet / ist ihu vil gewalt-  
iger vnd krefftiger / dan die / so allein in einem eüsserlichen  
sinn hangen vñ kleben bleybt. Darüb soltē jr auch vil mehr  
stehen bleyben / vnd der Seligmachenden Predig des H.  
Euangeliums zühören / dan ein solche vnruß anrichten/  
vmb des Spectackels willen der Messen / Dann durch die  
Predig Götlichs Worts / würt der Glaub in alle weg  
mehr bestättiget / gemehret vnd bekrefftiget. Vnd so vil  
hab ich ongefärllich zur selbigē zeyt / wie ichs behalten hab  
be / vom Sacrament geredt.

¶ Erzbischoff. Ich will den ernandten Zeügen mehr  
glauben / dann dir. Dieweyl du aber solches nicht gestehr  
wilt / vnd vermeynst dich hiemit aufzureden / so frage ich  
dich / Was haltestu doch von diesem Sacrament: Bleybe  
auch noch in der gesegneten Osty das materlich Brot / od  
nit: ¶ Wilhelm. In H. Götlicher Schrifften findet

Bekantnuß  
vñ lehr. N.  
Wilhelms  
vñ H. Sa-  
crament.

man das wort (Materlich) nit. Derhalben wann ich vom  
H. Sacrament predige / so gedenc ich keines Materli-  
chen Brots. ¶ Erzbischoff. Wie lehrestu dan dz volck  
vñ diesem Sacrament: Wilhelm. Eben also / wie ich auch  
selbers hienon in meinem hertzen glaube. ¶ Erzbi-  
schoff. So sag an vnd bekē / Was glaubstu dan:

¶ Wilhelm. Ich glaub dz der Herr Jesus / in der nacht  
da er ist verzhaten wordē / hab genomen das Brot / danck  
gesagt / dasselbig gebrochen / seinen Jüngern gegeben / vñ  
gesprochen. Nemet / Eßet / das ist mein Leyb der für euch  
hingē

hingegen würr. Vnd das alle Menschen auff jetzterzöl  
 te weiß vom Sacrament halten vnnnd glauben sollen/ber  
 zeüge die H. Euangeliste/Mattheus/Marcus/Lucas/  
 vñ mit inen der H. Apostel Paulus. Einen andern glau  
 ben nim ich nit an/Lehre auch keinen andern/sonder ach  
 te diser sey recht vnd genügsam. Will auch in dem selbigē  
 leben/vnd sterben.

¶ Erzbischoff. War ist es/das in disem Sacrament  
 der Leib Christi ist/vnder der gestalt des Brots. Aber du  
 vnd deins gleichen/sagen vnnnd wöllen/das das Brot im  
 Sacrament Brot bleybe. ¶ Wilhelm. Ich vnd ande  
 re meins gleichen/die ihr als Kexer verwerffen/glauben  
 anderst nicht/dañ wie ich jezundt gesage hab. Jedoch be  
 ger ich von euch zuhören/wie die Wort Pauli zünerstehē  
 seyē/da er sagt zün Philippem am andern Capitel/Ein  
 segtlicher sey gesinnet/wie Jesus Christus auch war/wel  
 cher/ob er wol Götlicher gestalt ware/rc. Nimpt vnnnd  
 braucht nit hie Paulus das wörtlin Gestalt/sür das We  
 sen oder die Substantz selber? So singt auch die Kirch al  
 le tag/O Herz/der du vnser Neyland bist/bis eingedenck/  
 das du vorzeytten auß der reynen Junckfrawen/da du  
 geborē wardest/die Gestalt vnfers Leybs an dich genom  
 men hast/rc. Davumb so gebt mir antwort/Würt nit hie  
 vnfers Leybs gestalt/sür das Wesen selbers vnfers leibs  
 genommen? ¶ Erzbischoff. Ich will dir hierüber nicht  
 antworten/dañ die Kirch hat es vil anderst erkant vnd  
 beschlossen. Ich frage dich aber/Glaubstu dem/das die  
 Kirch geordnet vnd erkant hat/oder glaubstu ihm nit?

Das Wört  
 lin Gestalt  
 würt off  
 mals für dz  
 Wesen sel  
 ber gebrau  
 het.

¶ Wilhelm. Ich höre wol/was die Fürgesetzten in der  
D Kir

# Von den 6. Gottes Beteñern

Menschen Kirchen/aus ihren eygnen Köpffen gemacht haben / das  
sazungen : muß ein Artickel des Glaubens sein? Zwar ich hab vor  
sollen vnd mals nye gehört / das man die Menschen Satzungen / sol  
die artickel te vnder die Artickel des Glaubens setzen vund zölen.  
des Glanz ¶ **E**rgbischoff / Hastu dan das vormal noch nye ge  
bens mit ge hört / so weystu noch nit / hast auch vnd kennest nit den  
s. It werde rechten Glauben der Kirchen. Aber was sagen vñ schrey  
ben die H. Alten Lehrer vber dise frag? ¶ **W**ilhelm.  
Der H. Apostel Paulus / welcher doch sonst ein grosser  
fürnehmer Doctor vund Lehrer der Kirchen gewesen ist /  
da er den glauben von diesem Sacrament lehret / nennet  
ers auch Brot / dann er sagt / Das Brot das wir brechen /  
ist diß nicht die gemeynschafft des Leybs Christi. .c. So  
würte es auch in eüwerer Stillmeh selbers / auch nach der  
Consecration / vund nach dem die Wort darüber gespro  
chen seind / Brot genenner. So ist kein Pfaff in diesem gan  
zen Königreich / der nit nach empfarné Sacrament /  
auch im gebett züm Beschluß sage / **S** Herr / verleyhe / da  
mit wir das / so wir jezunde mit munde genossen haben /  
auch mögen mit einem reynen hertzen (dz ist / wie mich be  
dunckt) mit warem glauben fassen. Es beteñet auch der  
H. Augustinus / das diß / das man im Sacrament des A  
sars sihet / Brot seye / das man aber daninn sein / warbaff  
tig glaube / seye der Ware Leyb des Herren Christi. Eben  
also lehret auch Fulgencius / ein seiner Lehrer der Kir  
chen / der warlich nit zünerwerffen ist. In der Stillmeh /  
die man liest am H. Christag / ehe die Sonn auffgehet / da  
lesen ihe also / Gott ist vns erschienen / Also wölle vns mit  
auch dise Irdische Substanz (verstand das Brot) auch  
geben

geben das ihentig/so Göttlich ist. Vnnd beger/ ihr wöllent mir disen seze angezogenen Spruch auflegen vnnnd erklären.

¶ Erzbischoff. Jegund verstand vnd merck ich erst/ was du süchest/vnd wa dich der Teüfel hin treybt/damit du dich der H. Kirchen Satzungen nicht ergebest. Laß aber das faren / vnnnd gib mir also bald ein richtige antwort/ Glaubten das nach der Consecration/vñ nach dem die Wort gesprochen seind / im Sacrament des Altars/ noch warhafftig vnd wesentlich Brot bleybe oder nit?

¶ Wilhelm. Diß ist ein spitzfündige frag / die meinen verstande weit vbertriefft/der halben besilhe ich solches zu ergründen den geschwinden Sophisten vnnnd Schül Lehrern/vñ will ich mich des eynfaltigen Glaubens vnd Bekantnuß/so ich droben auß den Worten der H. Euangelisten gethon habe/halten vnd vernügen lassen. Die Sophisten pflegen solche verwirte fragen auß beyde theyl gegen einander zuereyben / biß das sie sich zulest selbers nicht mehr verstehen/Vnd in dem sie vermeynen/sie seyen die aller gelehrtesten/vnd halten (biß sicher) vil auß sich selbers/so werden sie doch/vnnnd seind die grösten Narren vor Gott. ¶ Erzbischoff. Ich beger dich nit mit solchen spitzfündigen fragen der Schül Theologen/zufabê/dann ich weyß wol/das du sie nit verstehest. Ich will dich aber zwingen/das du müß der Kirchen Satzungen vnd Bekantnuß/glauben geben. ¶ Wilhelm. Es hat sich die Kirch mehr dan tausent ganzer jar nach der Geburt Christi/zü irer seligkeit/der Bekantnuß, die ich vom Sacrament oben gethon hab/lassen benügen. Was nün her

# Von den G. Gottes Bekennen

Thomas  
von Aquin

naher / nach dem der Teüfel durch den Engel ledig gelassen ist / durch Brüder Thomam von Aquin / vnd andere dergleichen Sophisten / in die Kirch eyngesüret worden ist / als da ist die Frag / Ob auch ein Accidens on ein Subiectuum sein künde / vnd dergleichen. 2c. ) daruon halte ich / das niemandes schuldig sey dem selbigen zuglauben. Will auch auß dises Brüders erbettelten meynung / Keinen Artickel des Glaubens machen / Es mache vnd hand le gleich der Allmechtig Ewig Gott mit mir / was seinem gnädigen willen wol gefalt. ¶ Erzbischoff. Du solt mir heüt auß meinen händen nit entgehen / du habest daß dise deine meynung vnd Bekantnuß geändert.

II. Aber jezund wollen wir vom andern Artickel / vñ nem lich von den Bildern / reden / Was sagstu hierzu?

Von den  
Bildern.



¶ Wilhelm. Wir lesen im erstē büch Mosi / das alles / so Got im anfang auß nicht erschaffen hat / seye sehr gürt gewesen. Der halben auch ein jede Creatur in seiner Art / vñ darzu sie d Herz fürnem lich erschaffen hat soll ehrllich gehalten werdē. Insonders aber ist der Mensch /

Mensch/als der von Gott in seiner Bildnuß/vnd zu sei-  
 ner Gleichnuß erschaffen worden ist/sür alle andere thier  
 auff Erden/herlich zuhalten. So ist auch billich/das  
 Christenleüt/von wegen allerley herlicher vnnnd hoher  
 gaaben vnd gnaden/einander alle Ehr beweysen. So ist  
 auch das holz/die stein/das zin/das Erz/Eysen/Silber  
 vnd Goldt/darauff man die Bilder macht/alles vnnnd je-  
 des in seiner art/sür sich selbers gü. Jedoch so sollen die  
 außgehauene/gegossne vnd gemalte Bilder/vnd ande-  
 re dergleichen ding/so von Menschen erfunden/von den  
 Gleübigen Christē nit angebetet noch verehret werden/  
 ob schon solches die Weltlich Oberkeyt ihr gefallen laßt/  
 vnd erfordert/vnd zu Calendarn oder Ermanungs zey-  
 chen/sürgestellet werde solchen leüten/die Gott den Her-  
 ren weder in seinem Wort/noch in seinen Creaturen lo-  
 ben/Ihn auch auß seinen herlichen vilfaltigen Wunder-  
 wercken/nit verehren/sonder allein auß denen Bildnuß-  
 sen vnnnd Gestalten/die der Mensch selbers machet. Der-  
 halben so künden vnd mögen jert erzölte ding/on sonde-  
 re Abgötterey vnd Gottslesterung/nit angebetet vnnnd  
 verehret werden/dieweyl sie die Art vnnnd Gestalt nit ha-  
 ben/darzu sie Gott erschaffen hat.

¶ Erzbischoff. Ich glaub auch/das man die Bilde-  
 nussen nicht vmb ihrer selbs willen also schlecht verehren  
 solle/Sonder vmb der Form vnd Gestalt willen/die jnen  
 gegeben ist/oder vmb des willen/das sie also von aussen  
 bedeütten. Als da ist/das Crucifix/das soll man ehren/  
 von wegen des todes Christi/den es bedeütet. Item/die  
 Bildenuß der Dreyfaltigkeyt/der H. Junckfrawen Ma-  
 D iij rie/

Bilder soll  
 man nit an-  
 betten.

103  
 104  
 105  
 106  
 107  
 108  
 109  
 110  
 111  
 112  
 113  
 114  
 115  
 116  
 117  
 118  
 119  
 120



## Von den H. Gottes Bekennern

rie/vnd anderer Heyligen/soll man verehren/vmb deren ding willen/so durch solche Bilder bedürret werden. Es pflegen doch sonst die Vnderthonen ihrer Wellicher Herren vnd Potentaten/versiglete brieffe chlich zuentpfarhen vnd zuhalten/Warumb wolte man dan das nit auch thun vnd erzeygen den Bildtussen Gottes/vnd seiner lieben Heyligen? ¶ Wilhelm. Dis ist ein Menschliche gleichnuß/vnd kan mit nichten in Gottes sachen gebrauchet werden/vñ dis so vil desto mehr/dieweyl Moses/Daruid/Salomon/Esaias/Baruch/vnd garnah alle andere Biblische Scribenten/mit außgetruckten Worten/vñ mit angehenckter ernstlicher erdruung/allen Menschen alle die Bildtussen/so von Bildhauern gemacht worden seind/verbotten haben. ¶ Erzbischoff. Du verstoekter Sautast/Ob wol vor der geburt Christi vnseres Heylands/kein außgedruckte Vorbildung der H. Dreyfaltigkeyt gewesen ist/so haben wir sie doch jezundt/vnd das auß der Lehr vñ Predig Christi selbers. Vnd ob wol vil vnder den Gelehrten hin vnd wider seind/die da vermeynen/es seye sünd/das man die H. Dreyfaltigkeyt abmalet/so achte vnd erkenne es doch ich ein sehr notwendig ding sein/dieweyl es den Leyen vnd dem gemeynen man grosse vrsach gibe zur andacht.

¶ Vnd als der Erzbischoff solches gesagt hatt/wendet er sich zu den seinen/so zugegen waren/redet sie an/vñ sprach. Es seind an etlichen orten ihenseyts der Meers solche Künstler vnd Werckmeyster/die haben einen solchen brauch/den ich mir auch trefflich wol gefallen lasse. Wann sie erwan ein Bildtuss/es sey mit malen/aus leymen/od

sonst

Bilder werden in Gottes Wort ernstlich verboten.

Von der Bildtuss der H. Dreyfaltigkeyt.

sonst mit stechen/machen wollen / so gehen sie zünor züm Pfaffen/beyche im ire sünden/entpfahe die Absolution/vnd gelobey sich entweder zusasten oder zubetten / oder Walsarten zugehen/Bitten auch den Pfaffen/das er ihnen in solchem Künstlichen Werck/bey Gott/mit seinem Gebett/zubilff kome / damit sie ein andächtig Bild machen könden. ¶ Wilhelm. Wir zweyfelt nit/wann solche Werckmeyster die Schrifften Moses/Dauids / Salomons / Esaie/Baruch/vnd anderer dergleichen/recht verständen / es wurde sie solches ires thuns bald gerühren/ Iha sie wurden auch vil lieber alles leyden wollen/dan ein sollich Gottslesterlich vnd vnnsinnig handwerck treyben. Aber die Pfaffen sündigen vil schandelicher / dieweyl sie ihnen in solchem vnrechtens fürnehmen / aller erst ein hertz machen/das ihnen zünollbringen/dz doch vor Gott/vnd seinem W. Wort/vnrecht vnd vermalcedeyer ist. Wa nun die Pfaffen dem Herren Christo/vnd den H. Aposteln folgen/vnnd ihr ampt recht geschaffen verrichten wolten/so dörfte man zur Erkantnuß Gottes/keiner solcher stummenden Gözen vnd Bilder. Aber jr geiz ist vnersetzlich/ Dardurch sie mit solchen vnnd dergleichen Teüfels listen vnnnd geschwindigkeytten / das arme volck/das leichtlich zuüberreden ist/zur ewigen verdammnuß führen.

¶ Erzbischoff/ Ich halte dich / vnd alle andere deins Glaubens genossen/sür verfluchte verdampfte leüt / die jedermassen des gemeynen Volcks andacht verhindernen vnd auffheben. Soll dan das seyn sein / vnd gefalt es dir so gar wol/du Denckermäßiger Lecker/Wan in der Kirchen gar keine Bilder gesehen werden?

Wilhelm

Etlicher  
Maler vnd  
Bildhau-  
wer schant-  
liche an-  
dacht gleich-  
nercy vñ ab-  
götterey.

Bild helf-  
fen zur er-  
kantnuß  
Gottes  
nichts.

# Von den H. Gottes Bekennern

Wer recht  
betet.

Joan. xx.

¶ Wilhelm. Niemandes bettet seliglicher/dañ eben  
die/so alle ihre sün züschliessen/vnd allein sich mit irem her-  
zen vnd gemüt/im Geyst vnnnd in der Warheyt zü Gott  
hinauff schwingen. Dann der Herr sagt/Selig seind/die  
da nit sehen/vnd dannocht glauben. Derhalben so sollen  
wir vns nit an die Bildenussen/sonder allein auff Got-  
tes Wort verlassen. ¶ Der Erzbischoff war vber solt-  
chered etwas zorniger/sagt derhalben. Du schandlicher  
Keger/Gott geb was du mir hiegegen eynfürest/so halt  
ichs doch Christlicher Religion gemäß sein/das man die  
Bildnuss der H. Dreyfaltigkeyt verehret soll. Was sagt  
stu dan hierzū? Es bewegt doch die Seel inwendig/wañ  
der Mensch solche ding mit den Augen außwendig an-  
schauwet. ¶ Wilhelm. Ich wolte gern/das jr mich hies-  
rüber/welchs mir dan für vnd für in meinem hertzen ligt/  
genügsam berichten. Diweyl Vatter/Son/vnnnd H.  
Geyst/von ewigkeyt ein Gott ist/auch eines ewigen Le-  
bens vnnnd Wesens/in beyden Testamenten/Desgleichen  
auch vil vnder den H. Propheten vnd Altuärtern gewes-  
sen seind/die züm theyl im Glauben dapffer bekennet/züm  
theyl auch vmb solcher Bekantnuss willen auch getödet  
vñ gemartert worden seind. Was ist nün die ursach/vmb  
welcher willen man im Alten Testament solche Bildnuss-  
sen/zü einer Erinnerung dem gemeynen Volck(wie ihr  
wöllen)nicht hat wöllen zülaffen? ¶ Erzbischoff. Die  
Synagog der Juden hat nit so grosse macht vnd gewalt  
gebapt/wie aber jezundt die Kirch hat. ¶ Wilhelm.  
Der H. Gregorius/welcher ein weitberhümpter herlti-  
cher Man gewesen ist/der hat(wie man in den Historien  
liset)

lisset einen mit namen Serenus / ob er wol ein Gottloser  
 Man war/ hefftig gelobet/ das er mit hat wollen die Bild  
 der lassen anbetten. ¶ Erzbischoff. Du verschampst  
 man/ Ich glaub fürwar/ du haltest eben so vil auff die  
 Warheyt/ als auff ein vnvernünftigen Hund. In Lon  
 den ist ein Kirch/ so da genener wüet zu S. Paul/ da han  
 gen so vil Wunderzeychen an der thüren/ so gegen Witz  
 ternacht stehet/ die die Junckfraw Maria vber Meer  
 vnd sonst hin vnd wider durch ganz Engellandt gehon  
 hat/ Solte nün das volck sollich ort/ vnd dergleichen/ nit  
 mit mehrerer andacht/ vnd ernstlicher/ dann die andern/  
 besuchen? ¶ Wilhelm. Des bin ich gewiß in meinem  
 hertzen/ das die Wunderwerck/ dardurch die Gözen vnd  
 Bilder groß gemacht/ vnd heyllich gehalten werden/ von  
 Gott nit geschehen. So ist auch in syen kein solche krafft/  
 (wie ich auch in der statt Salopia. öffentlich geprediget  
 hab) vmb welcher willen sie von den Menschen solten be  
 sücht/ oder mit Kny biegen/ opffern/ gelübden/ vnd ander  
 ren dingen/ sollen verehret werden. Dañ es hat der fromb  
 König Ezechias die ährin Schlang/ die doch auß befelch  
 Gottes durch Mosen auffgerichtet wordē war/ abgebro  
 chen/ vnnnd zerschlagen/ dieweyl sich zubesorgen war/ das  
 Volck wurde Abgötterey darmit treyben.

¶ So schreyben die H. Lehrer/ Augustinus/ Gregori  
 us/ Johannes Chrysostomus/ vnnnd vil andere mehr/ das  
 die Teüfel selbers mit solchen Wunderzeychen die hertzen  
 der Vngläubigen/ vmb ihres Vnglaubens willen/ dermas  
 sen verzaubern/ verblenden vñ betriegen. So siset man  
 auch das das Volck auff den heütigen tag vil begiriger  
 ¶ vnd

Von wun  
 derzeychen  
 so bey den  
 Bildern d  
 Seyligen  
 beschehen.

Die Ehin  
 Schlang  
 zer schlage.

## Vonden H. Gottes Bekennern

vnd mehr geneyget ist / solche Wunderwerck zubesuchen /  
dan das W. vnd Seligmachend Wort Gottes zubören /  
oder dem selbigen zuglauben. Derhalben vhsere Erlöser  
auch den Phariseeen / zu irer grossen schand / selbs geant-  
wortet hat / das dise Phbreecherische / arge vnd böse art /  
für vnd für grosse zeychen haben wöll / vnd siche. Hiege-  
gen aber solle man das W. Euangelium aller vnd jeder  
zeyt mit rechem vnd warem Glauben hören vnd auff-  
nehmen. Gottes Wort soll vns für sich selbs / ohn alle zey-  
chen der Bilder / genüg sein.

¶ Darneben aber / dieweyl Gott der Vatter ein Geist  
ist / vnd kein solche gestalt hat / die wir Vonden begreiffen  
oder verstehen / so kan ich mich nit genügsam verwunden-  
ren / was jr indoch wölle für ein Form / gestalt oder Bild  
nuß machen vnd geben: ¶ Erzbischoff. Es lassen sich  
die rechten Kinder der Kirchen vernügen an der Bilde-  
nuß der W. Dreyfaltigkeyt / die sie von Jhr / als von der  
Mutter / so vil Jar entpfangen vnd gehabt haben. Die-  
weyl aber du Gottloser Mensch / ein faul vnd stinckend /  
Ihs ein sollich Glid bist / das von der Kirchen abgeschnit-  
ten ist / so verachtestu auch alles / was sie als heylig erkant  
vnd geordnet hat.

III. ¶ Dieweyl aber der tag verlaufft / so gib auch antwort  
auff den dritten Artickel / von den Wallarten. Du hast ge-  
von Gelüb-  
den vnd  
Wallarten  
sagt / wie wir von Glaubwürdigen leuten verstanden ha-  
ben / das dises chorechte / vnd Vnuerständige / Flüchtige /  
Verflüchte vnd Arbeytsilige leyte seyen / die auß Gelübd /  
entweder gehn Wandelburg / oder Benerlach / Carling-  
ton oder Wallingen / oder an andere heylige ort / Wall-  
arten

farten chäus. ¶ Wilhelm. Es mögen meine Widersä  
 cher von mir gesagt haben/was sie wollen/ Ich hab in der  
 stadt Salopia allein von zweyerley Wallfarten/die Gott  
 gefällig seyen/ geprediget/ ¶ Erzbischoff. Welche hal  
 testu dan/das sie nit rechte Wallen gehen. ¶ Wilhelm.  
 Alle Menschen die Gott im geyst suchen/vnd von hertzen  
 den sünden vnd lastern seynd seind/befleissen sich auch die  
 gebott Gottes zuhalten/die haben jha keinen andern  
 Glauben/dan wie in der Herr Christus im Euangelio sel  
 bers lehret/oder sie in auß den Artickeln des N. Allgemey  
 nen Apostolischen Glaubens nennen. Dise befleissen sich  
 der rechten wercken der Liebe/es kompt ye einer dem an  
 dern/nach seinem stand vñ vermögen/zuhilff/vmb keines  
 andern gegen gewinns/dann allein vmb der verheyßung  
 Gottes willē. Dise eröffnen auch on vnderlass dem Herrē  
 ire Gewissen/hütten sich/damit sie in nit beleydigen/vnd  
 ist ihnen die größte freud/wan sie in jren nächsten Brüdern  
 vñ Schwestern/den Herren Christum selbers sehen/wan  
 sie alle Welliche glücklichteyt verachten/des Sleysches  
 bösen gelüsten vñnd begirten absagen/ In widerwertige  
 Feyr/ercüß vñ leyden/geduleig/in allen handlungen für  
 sich vñ klüg/jha der rugent ganz ergeben seind. Dise  
 fragen auch nichts nach aller Tyränen greivlichkeyt/sie  
 tragen mit den armen herglichen mitleyden/ Im gebett  
 seind sie embßig/vnd folgen dem Herren Christo/in vilen  
 andern/vnd dergleichen stücken/in warer Gottseligkeyt  
 nach. Also seind alle die beschaffen/solche eygenschaften  
 vñ Göttliche warzeychen haben vñ tragen sie an jnen/  
 die dem Allmechtigen Ewigen Gott in jrer Wallfart ge  
 fallen.

Zweyerley  
 Gott ge  
 fällige wal  
 farten.

# Von den H. Gottes Befehern

des Bapsts  
Walfarten  
wie sie be-  
schaffen sey  
en.

Was aber auß einwern leuten ist/so da Wallenger  
hen/die haben solche eygenschaften warer Gottseligkeyt  
nit an jnen/dz hab ich selbs zum offternmal vnd eygenli-  
chen erfahren. Man findet vnder sechs hundertten Taum ei-  
nen/der die gebort Gottes wisse/der das H. Vatter Vn-  
ser/den Christlichen Glauben/recht betten vnd sprechen  
künde. So haben sie etwan auch/vn gemeyniglich lieder-  
liche vsachen/vmb welcher willen sie solche Walfarsen  
furnemen/als da ist/des Leybs gesundtheyt/gute Gesell-  
schafft/gut Glück/Oberfluß/Würwil/Schwelgerey/  
Nurerey/xc. Aber lieber was finden solche leut/nach dem  
sie vil Gelts verzehret/vnd müde süß gemacht haben/an-  
derst/dan eben Todtenbeyn/vnnd stumme Sögen: Wer si-  
het nun nit/der ein wenig vom geyst Gottes erkant hat/  
das solches alles eytele vnd vergebne ding seind: Man es  
dau schon gelt treget (wie es dann warlich treget) so würt  
doch dasselbig alles /entweder den geizigen Geltsüchti-  
gen Psaffen/oder den schandlichen vnchlichen weibern  
vnd Nuren zu theyl. Will jez indt geschweygen / das da-  
hey men etwan Weib vnd Kind/iba das ganze Haus ge-  
sind manglen müß/darfür doch ein jeder Christen mensch  
schuldig ist/für allen dingen sorg zutragen. Was man nü  
nach dem befehl Gottes / zu nutz vnsers nechsten Men-  
schen/vnnd vnserer Freünden/solte verwenden / das ver-  
schwendet die armen leut ohn nutz vnnd vmb sonst. So  
seind deren vil / die entweders solch gelt enlehenen / oder  
aber stelen/das jnen zu solcher reys von wörten ist / gibts  
aber kein theyl wider. Da führen sie dan auch mit jhnen ire  
eygne Spil leut vnd Pfeiffer/Singen etwan auch die al-  
ler schandte

ler schandlichsten Lieder/damit sie irer fleyschliche märe  
willen büßen. Wan sie dann wider heym kómen./so bring  
gen sie nichts anders/dañ greüwliche vnnnd gleißnerische  
Gottseßterung/vnnnd verflüchte Luginen mit iren.

¶ Erzbischoff. Du verzweyfelter Lesterey / du sihest  
vnnnd verstehest noch nit das ihénig / das in solchen Wal  
farten das aller fürnembste vnnnd gröste ist/Als da seind/  
der armen leüt die also Wallen gehen / mühe vnd arbeyt/  
auch allerhandt aufferlegte peen vnnnd straff. Darumb so  
bedunckt mich das in alle weg verdienstlich vnnnd löblich  
sein/das du dermassen schendest vñ schmähest. Ob sie dan  
schon auch etwan Spilleüt vnnnd Pfeiffer bey inen haben/  
dardurch sie kurgweyl süchen/vnnnd irer müden süß vnnnd  
mühseligen reiß desto mehr vergessen/dz schadet der Wal  
fart nichts. ¶ Wilhelm. Paulus lehret / man soll mit

den weynenden auch weynen. ¶ Erzbischoff. Gott  
geb was du wider solche leüt plapperst/so halt ich doch/  
das die Walfarten den menschen zu höherer vñ grösserer  
gnaden verhelffen / von deren du aber gar nichts weyst.  
Summa du richtest alles miteinander dahin/damit du  
das Volck von irer andacht abtreyst. Aber das du zum  
letsten hie eyngefüret hast/hilff dich nichts/dañ der Kö  
niglich Prophet David sagt / das man Gott mit allen

Instrumenten loben vnnnd preysen kónde. ¶ Wilhelm.  
Disen Spruch soll man jezunde / nach gemeiner Aufle  
gung der Alten Lehrer/vom Geyst verstehen/vnnnd stimmen  
hiemit die Auflegung des H. Apostels Pauli/8 da sagt/  
das solches alles vorzeyten in der Figur beschehen sey.

Derhalben so sollen wir vns fleißig verhütten/damit wir

Wz da heist  
se Gott vñ  
alle Instru  
mentē lobē

Wz da heist  
se Gott vñ  
alle Instru  
mentē lobē



## Von den 5. Gottes Bekennern

mit/waß wir also bloß auff dem kalten Buchstaben bleyben wöllen/des rechten zwecks vnd verstandts verfahren/  
Der Herr Christus (wie man liest Matt. im ix. Capitel) der wolt die tochter Jairi nit ehe vom todt aufferwecken/  
es weren dann zuvor die Pfeiffer hinaus getriben/als die vil mehr hinderten/waß man etwas in Glaubens sachen handlen vnd aufrichten wolte.

Das die Digen in der Kirchen.

¶ Erzbischoff. So höre ich wol du schalck/dein meynung ist/als dörfte man in der Kirchen keine Digen zu lob Gottes brauchen. ¶ Wilhelm. Nach menschlicher ordnung so braucht man sie/das weys ich wol/Aber nach dem befehl Christi/wurde in Euangelische Predig/beyde Gott dem Herren angenämer/vnd auch dem Volck vil nützlicher sein/dan eben die Digen. ¶ Erzbischoff. So halt ich dargegen/das die Digen mit iren lieblichen stimmen die hertzen des gemeinen Volcks mehr bewegen/dan vil tausent Predigen. ¶ Wilhelm. Ich glaub wol das die Weltkinder/ab solchen dingen grosse freud empfahen/aber es ist vil ein ander ding vmb die verachtete Diener des Herren Christi/die begeren nichts anders/dan das sie ander seelen mit gesunder speys versehen werden. Dan Gottes forcht/vn die hohe liebe/die sie haben zu den himlischen ewigen dingen/die wenden vnnd führen sie ab/von allem/so in diser Welt zergänglich/vnd dem Fleyß wolgefellig ist. Wie dan auch der H. Hieronymus gar herlichen vnser feyn sagt/ Das es vnmöglich seye/ In diser Welt wöllen freud vnd allen wollust/vnd auch nach disem das ewig leben haben.

Merck.

¶ Ab diser antwort ward der Erzbischoff befreig er zu ruck

Jürnet/vnnd sagt / Warab meynt jr/das sich diser Idiot  
vnd vngelerhrte Mensch entsetzen oder fürchten solte/dies  
weyl er doch in meiner gegenwertigkheyt so frech vnd frä-  
uel redet: Aber bey dem lebendigen Gott/du würffst vnnd  
solt noch anders erfahren.

¶ Was sagstu nun auff den vierdren Artickel. Istes  
auch den Priestern erlaubt/das sie den Zehendē von iren  
Pfarckindern/sordern mögen: ¶ Wilhelm. Ich hab  
in meiner Predig zu Salopia/des Zehendē nye gedacht.  
Aber nach dem ich einen ganzen Monat im gefändnuß  
gelegē war/kam zu mir ein Vnbekanter Mensch/der frag-  
get mich vil vnd weyleuffig vom Zehenden. Dem hab ich  
nicht wöllen/vnd ob ich schon gewölt hette/nicht künden/  
mein antwort/auff die fürgehaltene fragen verschwey-  
gen. Dan Petrus vermanet vns alle/das wir einem jedē/  
ders begert/rechenschafft vnseres Glaubens/mit beschey-  
denheyt geben sollen. Dem hab ich nun geantwoitet/das  
man vnder dem schatten des Alten Testaments/den Ze-  
henden den Leviten schuldig gewesen sey / Aber der Herr  
Christus vergönne den seinen solches im Neüwen Testa-  
ment nicht. Dann er gebietete/das man sich der Werck der  
Barmhertigkheyt in alle weg beflissen soll/wa es sich zü-  
tragen wurde/das vnser nechster/vnserer hilff wurde von-  
nöthen sein. So habe sich auch der Herr Christus selbers  
mit sampt seinen Jüngern/nicht vom Opfer oder vom  
Zehenden/sonder auß liebreichem Allmüßen/vnd Gemeyn-  
ter skeiir/deren/benen er geprediget hat / vnderhalten.  
Vnd nach dem er ist gehn Himmē gefaren/ba haben die lie-  
bē H. Apoffel/auch nach dem sie den H. Geyst empfah-

III.

Vom Ze-  
henden der  
Priester.

# Von den H. Gottes Bekenñern

gen haben/mit ihren eygnen händen gewercket/damit sie auch speyß zur notturfft haben möchten / wie man solchs an vielen orten in Paulo sehen kan. Jedoch so sey auch vñ nöthen / das die / so das Euangelisch Predigamt führen/ auch vom Euangelio leben/wie dan auch der H. Apostel Paulus an einem andern ort anzeygt. So liest man auch bey etlichen Glaubwürdigen Histori schreybern / das den Lebenden in der Kirchen aller erst auffgesetzt hab Papst Gregorius / der zehend des Namens / Im Jar als man zalet nach der gebure Christi M. CC. vñ LXXI. Jahr ist aber der kein Priester Christi / der seinen vñnd der H. Aposteln fußstapffen nicht nachfolget / ob er wol tausent mal geschmiert / gesalbet vñnd beschoren ist / wie dan solchs die H. Väter / Augustinus / Gregorius / Chrysostomus / vñnd Lincolnensis Gottseligklich beweysen.

Wes rechte  
Priester  
Christi sey

¶ Erzbischoff. Meynstu auch / das solche Lehr dem gemeynen Man zur auffbauung vñnd besserung dienstlich seye? Sie ist doch wider alle der H. Väter Sazungen vñnd Decret / die den Priestern den Lebenden nit mißgönnen / das Opffer nit nemen oder verbieten / auch des Volcks andacht in denen stucken allen nit verhindernen.

¶ Wilhelm. Wan der Pfaffen ein wenig minder weren / vñnd man keinen zu einem Priester machete / er were dan nach dem Exempel des Herren Christi / vñnd seiner Aposteln / in der Predig Göttlichs Wortes fleissig vñnd ernstlich / So wurde on zweyfel das Christlich Volck wol so vil zusamen legen / das ein jeder der notturfft nach / sich wol hetze zu underhalten.

¶ Solche red verdros einen auß den Priestern / so zu  
gegen

zufragen war/ Derhalben gab er ihm hierauff antwort/  
 vnnnd sagte / Du hast's jm redlich gesagt / Solten wir erst  
 auff des Volcks freywillige vnderhaltung warten? Es  
 gibet doch mit vnwillen dz ihenig/so es Rechts halben zu/  
 geben/schuldig ist. ¶ Wilhelm. Es ist kein wunder/ob  
 schon das Volck den Pfaffen seynde vnd zuwider ist/dan  
 jr leben/thun vnd lassen/ist des Herren Christi Lehr vnd  
 Leben ganz zuwider. Vorzeytten gab man nach gemey/  
 ner des Rechten Erkantnuß / vnnnd theylet vnder die ar/  
 men auß/was von den Zehenden/Scriffungen/Legaten  
 vnd anderen des gemeynen Volcks Steuern vnd Allmü  
 sen/nach dem die Kirchendiener versehen waren/vberbly  
 be. Aber darnach haben sich die Geystlichen selbers zu  
 Schaffnern deren Gütter gesezet / vnd sie in jren eygner  
 nutz verwendet/ Jha jres Ampts gar vnnnd gang verges/  
 sen/vnd (das auch ein schand ist/das mans sagen soll) zu  
 allem vberfluß schandlich mißbrauchet. Solt es dan ein  
 Wunder sein/wan schon der gemeyn Wan ansahet dassel  
 big güte vnnnd steur an sich zuziehen / dieweyl sie sehen/das  
 sie sich auch hiemit/jrer sünden/schänden vnd lastern/die  
 weyl man solche steur zu aller bossheyt mißbrauche / ecli  
 cher massen theylhafftig machen.

welcher ge  
 stalt dz Kir  
 chen güte ist  
 außgerhey  
 let worden.

¶ Erzbischoff. Du würst nimmer mehr güte thun/du  
 Lecker/dieweyl du die Kirch/dein Geystliche Güter/der  
 massen verachtest. Schemest du dich nit/das du solche ding  
 darffst öffentlich vn so vnuerschamt für allem volck leh/  
 ren vnnnd predigen? Ist nit der Zehend/zü vnderhaltung  
 der Priester/notwendig? ¶ Wilhelm. Nach der Lehr  
 des h. Apostels Pauli / so hat man allein den Zehenden  
 S den

## Von den H. Gottes Beteüern

den Priestern oder Leuten im Alten Testamente gegeben. Diweyl aber Christliche Priester nit vonstammen Leut sonder Juda seind/so gehört ihnen auch der Zehend/nach Gottes verheyssung nit zu. Diweyl dan auch das Priesterthumb geändert worden ist/so ist auch das Gesetz geändert/also das wir nun hinsürter nit Mosey/sonder dem Herren Christo vñ seinen H. Aposteln/als die vnserer rechten Priester seind im Neüwen Testamente/nachfolgen sollen. So ist es auch nit billich/das der Jünger höher vnd grösser sey/dan sein Meyster/Sonder dz er sich nach dem Exempel seines Meysters/in aller Lyffalt/bescheydenheyt/Sanftmüt vnd gedult erzeyge.

Der Erzbischoff verflucht Wilhelm.

¶ Hierüber ward der Erzbischoff gar vnd ganz ergrimet/vnnd sagt/diweyl du dan dem Alten Testamente mehr dan dem Neüwen/vñ den Leuten mehr dan vnsern Priestern zügibst/so wölle vnnd müsse dich Gott an leyb vñ an seel straffen vñ verfluchen. ¶ Wilhelm. Mich wundert/das jr den H. Apostel Paulum nit anderst vnd besser verstehen. Der Herz Christus vnnd seine H. Apostel/seind ja vil vollkonnener gewesen/dann im Alten Testamente/die Leuitischen Priester gewesen seind. So sagt der H. Hieronymus(welches er on zweyfel auß dem H. Apostel Paulo erlernt vnd genomen hat) das die Priester zu seiner zeyt/entweders widerumb Juden wöllen werden/oder aber den Zehenden nit keiner billichkeyt erfordern. Vnnd was thün sie anderst/wann sie also für vñ für im schatten des Moseschen Gesetzes hangen bleyben/dan das sie mit sampt den Juden/verleügnen/das Jesus Christus/der Sun Gottes/noch nit ins Fleysch kommen vnd Mensch worden sey.

Erzbischoff

¶ Erzbischoff. Habt jr auch yemals ein Ketzler also  
 hören reden: Aber das ist jr gemeyne Lehr/ mit disen böse  
 haffrigen pfeulen / schenden vnd vndercracken sie für vnd  
 für die freiheit der Kirchen. ¶ Wilhelm. Lieber was  
 Freyheiten könden jr in der Kirchen auß den Zehenden  
 erhalten/dieweyl doch weder der Herr Christus/noch sei-  
 ne h. lieben Apostel / den Zehenden genommen haben.  
 Dargegen aber kan ich wol mit der warheyt sagen/dies  
 weyl die Pfaffen den selbigen so geyzig eynsamlen / das  
 die Kirch vil mehr geergert / vnd ihrer habenden rech-  
 ten freihert beraubert würt. ¶ Erzbischoff. Warumb  
 predigest du vnd deins gleichen/nit eben so wol ernstlich  
 mit eyngefürten Sprüchen der h. Schrifften/vnd Alen  
 Lehrern/wider das gemeyn volck/wie jr aber wider vns/  
 die Priester vñ Geystlichē thut: ¶ Wilhelm. Wir haben  
 in vnseren Predigen kein ansehen der Personē/sonder  
 zeygen meniglichen an/was jr Ampt ist/straffen auch in  
 gemeyn alle Sünden vñ laster. Jedoch so heben wir zum  
 ersten an den Priestern an / welche der h. Chrysostomus  
 sagt / sie seyen der Wagen des anderst gemeynen Volcks/  
 dieweyl wir wissen / das sie in größern vnd greüwlicheren  
 sünden vnd lastern stecken/weder andere leüt. Dañ sie ver-  
 derben vnd verunreynigen durch jr Hoffart/Simoney/  
 Stolz/Wollust/Neid/Was/vnd andere dergleichen sün-  
 den/alle Ständ vnd Ordnung im ganzen Volck/vñ reyn-  
 igen auch Gottes gerecht vrtheyl vñ straff/ober alle Men-  
 schen / dieweyl sie niemands vmb solcher sünden willen  
 straffen.

Ein frommer  
 Prediger  
 siche in sei-  
 nem Predi-  
 gen die per-  
 son nit an.

¶ Erzbischoff. Du achtest die für hoffertige leüt / die

# Von den H. Gottes Bekenern

Von der Rleydung. nit wie du/sond ehrlichen vnd stattlichen bekleydet seind. Es seind aber die selbigē/ob sie schon in Scharlach/Sammat vnd Seydin bekleydet seind / vil freündlicher dann eben du/ob du gleich beschaben vnnnd vnflätig daher zühhest. Aber sag mir/Warbey erkennest vnnnd vithylest du das ein Priester hoffertig vnd stolz seye? ¶ Wilhelm. Wann er den Herren Christum/vnd seine W. Apostel verachtet. Dañ die selbigē haben aller Welt vñ des Fleyschs anreynlichen üppigkeytten vrlaub geben/vnnnd seind am Geyst arm gewesen. Vnsere aber od eüwere Priester / die stellen od vberkömen erwan mit gewalt/diser Welt Ehr/Reichthumb vnd Wollust/Treyben auch mit den Geystlichen gütern ein schandliche Kauffmanschaft/vñ verunreynigen also nach dem Exempel Jude des Verhätters/vnd Simonis des Zauberess/die herlichen Kirché vnd Tempel Gottes.

Vom vrey len vnd verdammen der Sünder. ¶ Erzbischoff. Wan du sergent einē Priester wistest/der mit allen jezterzöltē lastern behafftet were/od ein Dürren bey jm hett sitzen / woltestu in auch darumb verdammen/oder für einen verdampfen halten? Dañ ich sag dir/das sich ein solcher in einem Augenblick recht mag bekeren vnd besseren? ¶ Wilhelm. Ich will niemandes verdammen/Jedoch so bedunckt es mich ein böses zeychē der büß sein/wañ ein Priester/der dermassen gesündigtet hat/nit auch öffentlichen sein Büß vnd reüwe bezeüget vnd war machet. Aber man sihet das der grösser vnd mehrer theyl vnder jnen/nit ein mal oder zwey mal / sonder für vñ für/vnd biß sie gesterben/in solchen sünden fürfaren/vñ sünd mit sünd täglich hauffen. Von denē halte ich/das sie zum Todt

Tode sündigen für welche man auch/wie Johanes sagt/  
nit bitten soll.

¶ Da stünd einer auß den Priestern auff/so zugewen  
waren/redet den Erzbischoff an/vñ sagt/Herz/ Ich ach  
rees sey hie von genüg/dañ ye mehr jr fragen/ye halffar  
riger er würt/vnd bescheisset ihm für vñnd für sein eygen  
nest. ¶ Der Erzbischoff antwortet dem Priester/vnd  
sprach/Verzeuch noch ein weyl/dannes ist noch eins vor  
handen/dauon man auch fragen muß.

Vnd redet den Gefangnen an/vñnd sprach/Wan hat V.  
zum letzten wider dich Klage/das du zu Salopia solst ge  
predigt vñnd gesagt haben / Eydt schwören seye vnrecht Vom Eydt  
vñnd in alle weg verboten? ¶ Wilhelm. Dis hab ich schwär.  
nyemals weder gedacht/nach geredt/sonder ich hab nach  
der zeignuß des H. Euangelij/vnd des H. Apostels Ja  
cobs/also geprediget/das ein Christen Menschen verbot  
ten seye/durch die Creaturen oder Geschöpfften Gottes/  
(wie dann der gemeyn brauch ist) zuschwören. Hab auch  
gesagt/das man gar nit schwören soll/wañ man vor dem  
ordenlichen Richter die öffentliche vñnd bekante Warheit  
durch andere Mittel kan erweisen vnd beybringen. Wa  
aber das nit sein kan/so hab ich gelehrt/das man wol mö  
ge mit dem Eydt schwür/der aber allein vnder dem nam  
men Gottes/welcher die ewige Warheyt ist/beschehen sol  
le/die Warheyt bezeugen vnd bestättigen.

¶ Wie antwortet ein Priester/fraget den gefangnen  
vñnd sprach/Wie sagstu/Solte nit einem Vnderthonen  
erlaubt sein/das er nach befelch seins Prelaten vñnd Ober  
herren/mit gebognen Knyen/vnd angerürtem Euangeli



# Von den G. Gottes Bekennern

Vom gebor-  
sam d. Prie-  
latten vnd  
Oberherren

büch/ auff nachfolgende weys schwören dörffte/ vnnnd sa-  
gen/ So war mir Gott helffe / vnd diß sein W. Euangelio  
um 2c. So doch sonst ein jeder treuwer vnderthon / für  
sich selbs/ vnd freywillig alles das thun würt / das in sein  
Prelat vnd Oberherr heysset. ¶ Wilhelm. Mich be-  
duncket/ diser handel hab sein seyne ordnung/ die man frä-  
ueler weyse nit vberretten vñ verbrechen solle. Wie wän  
vns vnser Prelaten in der Kirchen/ etwas vnchlichs  
vñ vnrechts wurden gebietten/ müßten wir inen darumb  
eben folgen vnd gehorsam sein?

¶ Erzbischoff. Was für gewalt die Oberherren ha-  
ben/ weysst menigklich wol/ Aber wän sie schon etwas vn-  
rechtes würdē gebietten / so soll man inen doch gehorsam  
sein/ vnnnd dörffen sich die vnderthonen hierüber / ob sie  
wol schwören / keiner sünden / oder gefährlichkeyt bes-  
sorgen.

¶ Wilhelm. Dise wundbarliche red verstand ich noch  
nit genügsam. Aber laßt vns wider auff die fürgenomēn  
frag kōmen.

¶ Ich hab auff einzeyt in eines fürtrefflichen Manns  
hausß zu Imbiss gessen / vnnnd daselbst eben von diser fra-  
gen/ als nemlich vom Eyde schwören / einen Theologum  
oder Prediger/ auß W. Göttlicher Schrifft/ vñ einen Jur-  
risten / auß den Weltlichen Rechten / mit einander hören  
disputieren vnnnd spraach halten. Der Jurist der wolte/  
das wän einer vom Richter / in einer rechten sachen dar-  
zu angesprochen vnnnd erfordert wurde/ ein jeder Mensch  
wol möchte die handt auff das büch legen/ vñ also schwö-  
ren/ Da er aber vermercken würd/ das die sache falsch vnd  
vnrecht

Ob es auch  
recht sey/  
bey dē Erca-  
turē schwö-  
ren.

vnrecht were/das er die hand / gefahr zuuermeyden/solte hinweg thun.

¶ Dargegen füret der Theologus oder Prediger etliche vrsachen eyn / vnnnd saget / Welcher die handt auff das büch legt/der lestert Gott/vnd ergert seinen nechsten Menschen. Dañ was ist das büch anders / dan ein Creatur/oder ein ding/das auß vilen Creaturen vn̄ Geschöpfen zusammen gesetzt vnd gebunden ist. Derhalben wer also schwört/der thut nichts anders / dann das er die todte vnnnd zerstörliche Creaturen zu Zeügen der Warheyt/die da Ewig ist/anruffet. Welches aber auch / nach meinem verstandt/verbotten/vnnnd von Gott dem Herren selbs/im Besatz nit zugelassen worden ist/So bezeügte auch solches der H. Chrysostomus/vnnnd straffe die beyde/nit allein den/der auff jetzterzölte weyß schwört / sonder auch den/der das büch herfür bringt.

¶ Als die Assessorn vnd Beyßiger solchs hörten/sieng gen sie an zulachen/vnd allerley schand vnd schmachwort wider in zureden. ¶ Der Erzbischoff aber/der sieng an/im alle peyn vnd Marter zutrdruwen / wa er nit einer andern meynung sein vnnnd werden wolt. ¶ Wilhelm. Dis ist nit mein meynung allein/sonder auch des Herren Christi/des H. Apostels Jacobs/des H. Chrysostomi/vn̄ anderer alten Väter.

¶ Da besalch der Erzbischoff/das man da aufflegen vnd herfür thun solte/die Predig Chrysostomi / die er zu Candelburg auff ein briefflin abgeschriben/dem gefangnen Wilhelm genomen/vnd sie seiner Diener einem gegeben hatt. Vnnnd als dise Predig offentlich verlesen ward/  
bif

# Von den 5. Gottes Bekennern

Wie es zu-  
uerstehen  
sey/dz Chy-  
sostomus  
sagt/Recht  
schwö:ē sey  
auch sünd.

bis auff die wort/da Chrysofostomus sagt/Das auch recht  
vnd wol Schwören/sünd sey/ ic. bat Maluerenus (einer  
auß den Beystigern) den Erzbischoff/ er wolte doch den  
gefangne Wilhelmū fragen/welcher gestalt er die selbigē  
Wort verstanden vnd außlegen wolte: Welches auch der  
Erzbischoff nachmals gethon hat. ¶ Wilhelm entse-

zet sich erstlich ab solcher fragen/ Jedoch antwortet er  
letztlich/ getrüster durch den geyst Gottes/vnnd sprach/  
Man findet etliche leüt/die in gemeynen geschäfften ohn  
vnderlaß den Allmechtigen Ewigen Gott (damit man  
inen desto mehr glauben gebe) züm zeügnuß der warheit/  
anruffen vnd nennen. Welches doch aber wider Christli-  
che Religion/vnnd ganz fräuel gehandelt ist/dieweyl sie  
doch hiezü von keinem ordentlichen Richter erfordert od  
getrungen werden/vnd der Herr Christus zü solchen leü-  
ten sagt/Man solle aller ding nit schwören. Auff vnd wis-  
der solche leüt nün/soll das ort vnd der spruch im Chryso-  
stomo verstanden werden. Dañ auß solchem/ Kompt dañ  
vnder dem gemeynen Man vnd entstehet/die schändelich  
leichtfertigkeit des falschen schwörens/damit sie entwe-  
ders etwas gewinnen/oder andere leüt betriegen/oder sie  
selbers der straff enttrinnen mögen. ¶ Erzbischoff.  
Es mag velleicht solch ort also/vnd auff die weys/wie je-  
zunde erzöit ist/ außgelegt vnd verstanden werden.

¶ Da sprach den gefangnen Wilhelmum ein anderer  
Priester an/vnnd sagt/Lieber was haltestu den Erzbis-  
choff lang auff/leg die handt auff das buch/vnd schwör/  
du wöllest seinen vnd der Kirchen sagungen/hinsürt ge-  
horsam sein. ¶ Wilhelm. Hab ich nit vor gesagt/das  
ich von

ich von einem Lehrer der H. Schriffe das gelernt hab / in  
 einem gleichen fall / das es eben so vil sey das Buch anrü-  
 ren / vñ durch das Buch schwören. ¶ Erzbischoff. Das  
 sag ich / es muß mir in ganzem Engellandt kein gelehrter  
 bleybē / der entwedts nit schwöre müsse / wa man es von im  
 erfordert / od aber gewißlich mit dir gleiche straff leydē vñ  
 tragen solle. ¶ Wilhelm. Ist euch der H. Chrysofomus  
 nit genugsam zu einem zeugen / in diser sachen? ¶ Erz-  
 bischoff. Ja er ist. ¶ Wilhelm. Diweyl dan Chrysofosto-  
 mus sagt / dz der ein Gottslesterer sey / der allein das buch  
 herfür bringt / dem / der da schwören muß / wievil mehr hal-  
 tet er den für einen Gottslesterer der den Eyde durch dz  
 Buch selbers thut. ¶ Erzbischoff. Wir nemen Chryso-  
 stomum nit an / wa er etwas anders / dan es die Kirch er-  
 kant vnd beschlossen hat / lehret.

Dareder der eine Priester weyter vñnd fragt / Hat nit  
 Gottes wort / eben so grosses ansehen / als Gott selber?

¶ Wilhelm. Das widerspriche niemands. ¶ Priester.  
 Warumb wiltu dan nicht bey dem Euangelio schwören / so  
 doch das Euangelium eben das / das Gott / ist? ¶ Wil-  
 helm. Der H. Augustinus sagt es sey nit Christlich / wañ  
 ein brüder dem andern nit eynfaltig glauben geben will.  
 Derhalbens so bin ich bereyt vnd willig / auff eürwer gefahr  
 in Gottes wort schwören / diweyl ich doch sihe / das man  
 mir sonst nit glauben will. ¶ Priester. So lege nün dein  
 hand auff das Euangelium / vñ schwöre. ¶ Wilhelm.  
 Kan man auch das Euangelium mit den handē begreif-  
 fen oder anrürē? ¶ Priester. Ey du treybst schimpffhã-  
 ding. ¶ Wilhelm. Lieber sagt mir / welches stehet einem

# Von den G. Gottes Beküern

Welches das rechte Euangelium seye.

Christen menschen bass an das Euangelium anrühren/od dasselbig lesen? ¶ Priester. Das lesen. ¶ Wilhelm. Der H. Hieronymus zeüget / das dz nie ein Euangelium sey/waß man schon die Buchstaben lifet / sond waß man Gottes wort mit rechtem glaubē annimpt. Item/nie die bletter im büch / die gar bald zerrißten seind / sondern die Warheyt selbers/die man im Herzen glaubt. Vnd sager weyters. Das Euangelium/welchs ein krafft Gottes ist/ das bleybt nie in Pergamentenen bletteren / sonder in einer starcken wurzel eines rechten waren glaubens. Bleybet auch nie in solchen büchstaben die mit dinten geschryben seind / sonder im verborgnen verstandt der H. Göttlichen Schrifftten. Also sagt auch Paulus in der Epistel an die Corinthen. Das reych Gottes/spricht er/ stehet nie in der red oder in den worten/sonder in der krafft. Vñ Dauid sagt / Die stim des Herren ist in der krafft. Durch das wort des Herren seind die Himmel gefesnet / vnd durch den Geyst seins stüls all ire krafft/es seye Engel/od mensche.

¶ Priester. Du woltest gern/das wir in denen dingē mit dir diezeyt also vnnützlich vertribē. Nennet man nie auch dises Euangelia/die in vnsern Messbüchern geschryben stehen? ¶ Wilhelm. Ihr nomen sie wolsalso / aber durch einen mißbrauch. Bey den Philosophis vñ Naturkündigern nimpt man ihacerman das fürnehmste theyl / für das ganz ding. Also würt erwaß die Seel des Menschen/die nie mag wie den Natürlichen fünf sinnen begriffen werden / für den ganzen menschen genommen. So ist auch sonst ein verborgne krafft in einem jeden baum / die man aber mit eüsserlichen augen nie sehen kan. Vnd dies

weyl

1. Cor. iij.

Psal. xxxij.

weyl wir droben vom greyffen anwären oder betasten ge-  
redt haben/ So haben ih̄a auch den Herren Christum/  
weyl er noch auff erden gelebt vnd gangen ist/vil leüt/ge-  
sehen/gehört vnd berüret (wie auch vil auff den heütigen  
tag die Schriffe lesen/auslegen vnd schreyben) vnd seind  
nit umb ein haar fröm̄er od̄ besser wordē. Wien die ewi-  
ge Gottheit nimer mehr on glaubē erkant wū. also kanz  
man das Euangelium nit fassen/ohn den Geyst Christi.

¶ Priester. Du bringest vil wunderbarlichs vnd unge-  
reümp̄ts dings herfür. Wan̄ jr gesellen/die ihr doch wolt  
des volcks Fürsteher vnd Lehrer sein/dise kleyne geringe  
ding nit verstehen wöllen/so ist warlich zū besorgen/euch  
werde/wie vor zeyten/den Fürsten vnd Erbs̄ten des Jū-  
dischen volcks/das Himelreych gar entnommen werden.

¶ Da sagt Valuerenns. Weystu nit dz er wan̄ ein ein-  
zig wort vilerley bedeutungen hat/ vnd auff mancherley  
weyß genōmen vñ verstanden würt. Das wörtlin Himel  
reich bedeutet mancherley. Wz verstehstu aber hie durch  
dasselbig wörtlin: ¶ Wilh. Wie mich meine Fürsteher ge-  
lehrt habē/so nime ichs an disem ort/für dē verstädt d̄  
Göttlichen Schriffe. ¶ Priester. Von welcher würt nū  
solch Himelreich hinweg genōmen: ¶ Wil. Vō den Wey-  
sen diser welt/die die obersten sitz sūchē in den Schulen/vñ  
sich selbers so für weyß haltē/dz sie vermeynen/ sie dōrffen  
wed̄ dem Herē Christo/nach scinē h̄. Aposteln etc. warin  
nachfolgē. ¶ Erzbischoff. Du ellender mensch/du vrthey  
lest für vñ für die Geystlichē Prelatē. Bey dem lebendigē  
Gott/d̄ König thūt vnrecht/wan̄ er dich vñ deins gleichē  
nit lass̄et verdamen vñ tödten.

Dz wörtlin  
himelreich  
würt man-  
cherley in  
d̄. Schriff-  
te verstan-  
den.

## Von den G. Gottes Bekennern

Von der  
Beycht.

Demnach warff jm ein anderer Priester entgegen vnd verwißte jm/ wie das er den vergangenen Freytag/ einem Knecht der dem Erzbischoff wol bekant vnd verwandt war/ gerathen hett/ er solte seine sünd keinem Menschen/ sonder allein dem Allmechtigen Ewigen Gott beychten vnd bekennen. Hierüber ward der gefangne Wilhelm sehr bekümmert/ daß er vermerckt/ dz in diser Lecker schantlich betrogen hatte. Diser war vor zweyen tagen/ hinderlistiger meynung zü jm in den Kercker kómen/ vnd hatt in vil vnd weytleüffig von der Beycht gefragt/ dieweyl er aber hie hörete/ das er von jm were verhaten vnd angeklagt worden/ Bate er erstlich Gott/ er wolte jm dise sünd zü argem nit zürechnen. Demnach bate er auch den Priester/ er solte verschaffen/ das diser Mensch da öffentlich fürgestellt/ vnd von allen denen dingē/ wie sie sich verlossen hatten/ selbers verhört wurde. ¶ Darüber sagt der Erzbischoff. Es were eben genüg mit denen so jezundt zügegen weren/ Er solte selbs bekennen was er mit jm geredt hette.

¶ Wilhelm antwortet/ vnd sagt/ Als er zü mir in die Gefängnuß kam/ klagt er (wie es mich bedunckt hat) mit weynenden augen/ vber die bosheyt der ganzen Welt/ vber den groben vnuerstandt der Priester vnd Geystlichē/ vñ das er am Hoff nur ye länger vnd ye erger wurde/ begert derhalben auß Gottes wort zuhören/ was Gottes güter gnädiger vñ gerechter will were. Nach dem ich nun seinen ernst/ auch ware reüw vnd leydt sahe/ beredet ich in dahin/ das er die alten irthumb solte saren lassen/ vñ hinfür sein leben in wärer forcht Gottes anrichten. Vnd die weyl.

weyl er etwas ernstlich anhielte vñnd zu wissen begert/ ob  
 im auch sein Sünd/wañ er schon dem Priester mit beych  
 tete/köndten verzygen werden? Gabe ich im die antwort/  
 Das es allein Gottes ampt were/die Sünd zuuerzeyhen.  
 Fragte er widerumb/Wie kompt es dan/ dz beym Priester  
 die Absolution steht? Da antwortet ich/ es were ein ding/  
 die Sünd verzeyhen vnd Absoluieren/vñ solten deshalb  
 dise beyde von Gott begert vnd erwartet werden. Sage  
 auch weytters / Das solche weys zu Absoluieren mehr als  
 tausent Jar vñ anfang in d Kirché nit were gewesen/da  
 gegen aber were die krafft zu binden vnd zulösen die from  
 men vñ Gottlosen/in solcher zeyt durch die predigē Göt  
 liches worts heymlichen außgespendet vnd außgetheylet  
 worden/Vnd eben auff jesterzölte weys/hab ich ein mal/  
 einē Wöndch zu Candelburg in offner Kirché zum Creutz  
 genant/hören predigē. Dis ist nün gewesen/das ich mit  
 euwerem diener geredt habe.

¶ Erzbischoff. Dise lehr aber nimpt die Kirch nit an.  
 ¶ Wilhelm. Die Kirch/deren das haupt ist Jesus Chris  
 tus/nimpt gewislich dise jesterzölle lehr vnd meynung  
 an. Dan es bedunckt mich ein vnleidlicher frauēl vñ müt  
 will sein/das die genandten Geystlichen frome Christen  
 dermassen mit dem Bañ zur gehorsam ierer eygner Wen  
 schen satzung zwingen vñnd tringen/die doch vom Her  
 ren Christo ihrem Erlöser/warlich frey gemacht worden  
 sind. Vñnd weder der Herz/noch seine N. Apostel solche  
 Menschen satzungen yemals selbers gehalten/ Iha vil  
 mehr verbotten haben. ¶ Priester. Du särest vil ver  
 borgner betrügenlicher reden eyn/die du von denē gehört

Stünd ver  
 zeyhen vnd  
 Absoluierē  
 stehe allein  
 Gott zu.



## Von den H. Gottes Bekennern

vnd gelernet hast / die das vnkraut vñ andere schädliche  
verfelschte samen / vnder den güten Weytzen geworffen vñ  
gesäyet haben. Es were aber mein rath / dir skündest ab  
von allen disen setzerzölten deinen irrhumben / vñ erge-  
best dich vnserm Herren dem Erzbischoff / du würdest on  
zweyffel erfarc / das er ein Gnädiger gütiger Herr / vñ ein  
freündlicher lieber Vatter gegen dir sein wurde.

¶ Hiegegē aber war ein anderer loser Psaff / diser ver-  
wisse dem gefangnen ganz grümglich sein halbsstarig  
Keyt / vñ nemlich / dz er neüwlichen zu Londen / den Psaff-  
her daselbst / genant Alkerton / etwas rauch angefarē / vñ  
ein Gleysner / Irem / einen andn Doctorn / einē Schmeich-  
ler geneuet hat. Es hatte aber gemelter Alkerton vor we-  
nig tagen in der herlichen Kirchen zum Creütz genant /  
vnuerschamprer vñ ganz fräueler weys / verworffen die  
Predig / so einer von Dyomen gethon hatt / vñ aber dazit  
mal den Papisten nit gefallē wolte. Vñ vmb diser vsach  
willen hat vnser gefangner Wilhelm Thorpe den gedach-  
ten Psaffher Alkerton einen Gleysner gescholten. ¶ Da  
antwortet nün Wilhelm dem Psaffen / vnd sagt / Es hat  
niemandes die predig so der von Dyomen gethon / mit sü-  
gen kōndē od mögen scheltē / vñ hat Alkerton kein vsach  
gehabt / darumb er den güten Jungen Man also solte in  
offner Kirchen vor allem volck geschendet vnd geschmä-  
het habē. So hat auch derselbige vō Dyomē in seiner Pre-  
dig alles wz er sagte / mit dem reynē H. Gottes wort / auch  
mit vilfeltiger herlicher zeügnussen der altē Lehrer / des  
gleichē mit sarrē verständlichen vsachen / ganz Christ-  
lich bewysen vñ dargerhō. ¶ Psaff. Er hat so vngereümp  
re ding

te ding dazumal gepredigt/dz ers auch jezunde selber nie  
mehr darff verchädigen. ¶ Wilhelm. Es ist dieselbig Pre  
dig in Lateinischer vñ Englischer sprachen beschreyben/  
würde auch allenthalben vmbhergetrugen/vnd von vilen  
in grossen werdt gehalten. Ist er aber abgefallē/so nimpe  
es mich sehr wunder. Dan̄ dis̄ weiß ich wol/da er noch zu  
Lambert war/leügnete er deren stuck̄ keins/die er gepredi  
get hatt/sond̄ verantwortet dieselbigē alle sampt vñ son  
ders/offentlich zween ganger tag/vor dem Erzbischoff  
vñ seinē Doctorn. ¶ Die frage ein ander Pfaff/vñ sa  
get/Welchē meynt jr doch auß den selbigē leckern (Dan̄ zu  
Dyomen warē jr vil)man müß in auch noch zured̄ stellē/  
eben von wegē diser Predig/die er öffentlichen hat lassen  
ausgehen/Es lasset jm zwar nyemandes solche predig ge  
fallē/dan̄ allein die/so Narren vnd thoren seind/wie du.

¶ Erzbischoff. Dise verfluchte vñ verzweyffelte Sect/  
die sücht vñ begert nichts ands/dan̄ wie sie die Kirch vñ  
alle ihre freyheyten bringen köndte. ¶ Wilhelm. Zwar so  
weyß ich sonst nyemandes anders/der sich vmb gemeyner  
der gangen Christlichen Kirchen wol fart so hoch beküm  
mere/vnd mit solchem ernst anneme/dann eben die iheni  
gen/die ihr als Ketzer ganz greüwlicher weyß vertheylen  
vñ verdämen. Dan̄ sie seind vñ hertzē seind/aller hoffart/  
vberfluß/aller Ehrgeyzigkeit/allē Geyz/Symoney/Ab  
götterey/vñ andn̄ d̄ gleiche sündē vñ lastern/dadurch die  
Kirch Christi am allermeysten verwüstet würt/dargegē  
wandlen sie in aller eynfalt vnd armüt des geysts/predi  
gen dz̄ Euangelium vmb sonst/wie dan̄ rechten Gliedern  
des Herren Christi züfstehet/Vñ lassen sich der zeytlichen  
dieses leybs notwendigen vnderhaltung benügen.

# Von den H. Gottes Bekennern

¶ Das sprach der Pfaff den Erzbischoff an/vnd sagt/  
Herr der tag will sich neygen/so haben wir noch weytters  
zureyten/derhalben machet doch ein end daran/dieweyl  
ers nit thun oder begeren will. Dañ mich bedunckt/ye ge/  
dultiger vnd gelasner jr gegen im seind/ye halstarriger  
vñ verstockter er würt. ¶ Valueremus. Mein Wilhelm  
fall auff deine Kny nider/bitt vmb Gnade/vnd versprich  
das du als ein rechter Sün bey der mütter der H. Christli/  
chen Kirchen/bleybē wöllest. ¶ Wilhelm. Ich hab nün  
mehr zum offternmal an den Erzbischoff/auch in Chri/  
sti namen begert/er wölle doch allen gefassten widerwil/  
len gegen mir faren lassen/vñ mich in verrichtung meins  
Christlichen ampts nit mehr verhindern. Dann ich beger  
auffer den and's vnd liebers nichts/dann das ich in disem  
meinem beruff vñnd Ampt/meinem Gott vñnd Herren  
Köndre treüwlich dienen.

¶ Erzbischoff. Wan du mir doch noch woltest folgen/  
so wurde es dir zum besten reychen vnd dienen. Du darffst  
vom handel weytters nit mehr reden/sonder sag schlechtes/  
Iha oder Neyn/Entweders nim die angebotne gnade  
demürtiglichen an/oder lasse sie als ein vndanckbarer  
mensch faren. ¶ Wilhelm. Ich frage eüch/Solle man  
auch glauben/dz Jesus Christus warer Gott vnd mensch  
sey/das auch/was er gethon vnd gelehrt hat/war sey?  
¶ Erzbischoff. Iha in alle weg soll man solches glaubē.  
¶ Wilhelm. Soll man dan auch glauben/das die Lehe  
der H. Propheten vnd Aposteln im Alten vñnd Neüwen  
Testament/vom H. Geyst her kommen seye? ¶ Erzbis/  
choff. Iha. ¶ Wilhelm darauß folget das man die selb  
bigē

Welche fra  
ge so d'ge-  
fangene de  
Erzbi-  
schoff für-  
hallet.

bigel lehre/für allen dingen/zü gemeyner der Kirchen auff  
 bauung anneme/vnd jr ja nichts fürsetze. ¶ Erzbis  
 schoff. Dis gestand ich gern. ¶ Wilhelm. Dañ dise lehr  
 zeygt vñ lehret allein die Arzney/wie man allen lastern/  
 auch des leydigigen Teuffels anfechtungen statlichen be  
 gegnen vñnd widerstehen soll/ Ohn welche man auch we  
 der zü einem rüwigen Christlichen leben/nach zü der er  
 kenneuß Götlichs willens Kommen mag. ¶ Erzbischoff.  
 Darwider bin ich nit. ¶ Wilhelm. Wz jr mich nun wer  
 den heysen/das diser Lehr gemäß sein würt/das will ich  
 vermittels Götlicher hilff vñnd gnaden/auch mit meins  
 leybs gefährlichkeyt/mit willen vñnd gern thün. ¶ Erz  
 bischoff. Wolan so vnderwürffe vñnd ergebe dich den Sa  
 zungen der Kirchen wie ich dir sie jezunde fürhalten vñ  
 erzölen will. ¶ Wilhelm. Ihr wißt ja das allein der  
 Herr Jesus Christus/das eynige haupt ist seiner Kirchē/  
 was mich derselbig/oder seine h. Apostel in ihren schriff  
 ten werden thün heysen/dem will ich mit höchster begir  
 den folgen vñnd gehorsam sein.

Wilhelm  
 will alles  
 thün was  
 Götlicher  
 Schrifft  
 gemäß ist.

¶ Da ergrimet der Erzbischoff/schläg mit der hand  
 zornigklich auff den Tisch/vñnd rüfft mit lauter stim vñnd  
 sehr beweglichen worten/ So war Jesus Christus lehr/  
 wüßtu nit in meinen fürschlag ohn alle weytere aufred  
 bewilligē/so will ich dich widerumb ins gefäncknuß werf  
 fen/vñnd in dem selbigen dich dermassen fesseln vñnd binden  
 lassen/dergleichen kein Wörder oder Todtschläger ge  
 bunden würt. Darumb bedenck dich jezunde also bald/  
 was du thün wöllest. Vñnd als der Erzbischoff solches ge  
 sagt/stünd er auff/vñnd legte sich ins fenster.

Erzbi  
 schoff er  
 grimet wi  
 der den ge  
 fangnen vñ  
 iröwet jm.

## Von den H. Gottes Bekennern



Malzerenns vñ  
sonst noch ein an-  
derer loser Pfaff  
an / mit dem ge-  
fangnen Wilhel-  
mo / dann mit  
freündlichē / dan  
mit schrocklichen  
trouwortē zuhād-  
len. Erzölet ihm  
zum ersten / was  
gräulicher straff  
er leyden müste/  
vnd erst darnach  
entweyhet / verbā

net / offentlichen geschendet vnd geschmähet / zuletzt ver-  
brennet / jha in abgrunde der Hellen ewigklichē gestürzt  
werden / wa er sich mit beyzeyten an den Erzbischoff erge-  
ben / vnnnd seinem gethonen fürsschlag folgen wurde. Bes-  
schloß dise sein red / vñ sagt / Solchē jezterzölten des leibs  
vnd der seelen grossen gefähligkeyten / kanstu leichtlichē  
antrinnen / allein mit einem geringen süßfall / dē du dem  
Erzbischoff ehüst / der ein treüwer Vatter der Kirchē ist /  
auch deiner seelen halben grosse sorg tregt. Der halben so  
erbarne dich vber dein person selbers / vmbß Derren Chri-  
sti willen / vnnnd bedenck doch / was für gewaltiger Mān-  
ner auch gewesen sind / der jezig Bischoff zu Licolnien /  
Jeem / der Wersfordt Puruey / vnnnd Brituellis. Dise aber  
alle haben ihre iurthumb widerrißte / verschworen / vnnnd

gar

gar verlassen. Darumb so laß dich doch das Exempel dieser Männer/die alle vil gelehrter seind dan du / bewegen / vnd begib dich wider in die gemeynschafft der N. Christlichen Kirchen.

¶ Darnach war noch ein anderer Psaff des Erzbischoffs vorhanden/der wolt den gefangenen Wilhelmum vberreden/vnd sagt/das er vom Herforde selbers gehört hette/das ihn das volck jezunde vil lieber hette / er auch in größerm ansehen bey dem gemeynen Man were / danis sünder. Zu dē auch wider die Ketzler mehr erbittert / dan er sünder gewesen wer in verantwortung jrer lehr. Dis bestätiget auch Malucenus 8 Psarher zu Londen vñ sagt / mir zweyfelt nit / wann du nach einem Püester schicken / vnd jm deine Sünd beychten würdest / auch die büß so dir von vnserm Herren dem Erzbischoff aufferlege vnd fürgeschryben worden ist / annemmen / so würdestu in Kurzem befinden / das dein hertz auch haß zufrieden sein würde.

¶ Wilhelm. Wa dise vier (die jr mir jezunde fürgehalten / vnd vermanet haben ich solte jrem Exempel folgen) 8 Welt Ehr / Keychthumb / vñ wollust hette verachtet / vñ dargegen sich der einfalt Christi vnd seiner N. Aposteln benügen lassen / So solten sie billich mir vñnd andern / als Exempel Christlicher Gottseeligkeyt / denen wir folgen solten / fürgehalten werden.

¶ Dieweyl sie aber Gottes wort vnd warheyt verachtet / vñ alle jezterzölte stuch / mit grosser / viler fromer Christen verergermuß / angenommen / so will ich sie auch / als leute die der Kirchen Christi zum höchsten schaden / nit haben.

## Von den H. Gottes Bekennern

Vnd bin in meinem hertzen gewiß vnd versichert/das ich  
hinsürt/den weg Cains nit mehr wandlẽ/ auch den lohn/  
damit Balaam ist betrogen worden/nit eynnemen/ noch  
auch in solcher widersprechung wie Chore vnd andere die  
mit im verdorben seind/wölle befunden werde/damit ich  
nit Gottes vnd aller welt gerechte straff vnd raach vber  
mich eynfüre. Die jenigen die jr mir jezunde erzölt habẽ/  
seind erstlich vmb der bekantnuß willen Euangelischer  
warheyt durch des Antichrists diener schwärlich geplagt  
worden/ jezunde aber seind die durch den Lydt dahinge-  
erungen worden/das sie selbs den Herren Christum ver-  
folgen. Derhalben ob jr schon ihr lehr hoch preysen vnd  
haltẽ/so solle doch dieselbig nyemandts auß dẽ vnsern/be-  
wegẽ/sond vil mehr in d̄ Lehr des glaubẽs/die wir ein mal  
angenomen/bestättigẽ vnd betreffeigen/Dann wir wis-  
sen doch wol/dz der eüsserliche scheyn Menschlicher kunst  
vñ weyßheyt/wa sie ohn den Geyst Gottes ist/nichts ist.  
¶ Da gebot der Erzbischoff den seinen/sie solten im wey-  
ters nichts mehr rathen. Vnd sagt/Sie haben zusamen  
geschworen/das sie wed der Kirchen/noch den verordne-  
ten Prelaten eyniger gehorsam leysten wöllen. Dañ weyl  
ich jezunder im Fenster gelegen bin/so hat sein mitge-  
sell auß der gefäncknuß einen botten geschickt/vnd lassen  
anzeygẽ/das er künzumb nit thün wölle/was wir im für-  
geschryben haben/Vñ hat auch disem jungen Menschen  
so hie zugegen stehet/eben dasselbig gerhaten. Redet dem  
nach den gefangnen selbers an/vñ sagt/ Ir lauren/habt  
mit höchstem fleys eüch dahin bearbeytet/wie ihr disen  
jungen Menschen auch in eüwer Sect bringen möchten/  
aber

aber es hat eüch in disem eüwerem Goclosen fürnemmen  
 weyt gefählet/ Dann er hat mit weynenden augen eüwer  
 betrügliche lcht verlassen/vnnd verflucht dargegen eüch  
 vnd eüwers gleichen/vnd hat sich gar vn gang der Kir  
 chen ergeben. So war Gott lebt/so werestu wol werdt/dz  
 man dir so vil Töde anhet/so manchen eynsaltigen lie  
 ben menschen/du mit deiner verdampften schädlichen lehr  
 verführet hast. Darumb so müß man dich an das ort für  
 ren/da züvor auch Herfode vnnd Puruei gefangen ge  
 legen/vnnd vmb gleicher vsach willen seind gepeymiget  
 worden. Hoff auch ich wölle dich bald anderst gesünet/be  
 finden. Was gilts/ich will sehen/ob ich dich auch am selbi  
 gen so traurig machen köndte/so frölich du warest/da ich  
 auß Engellädt entweychē müste. Ich schwöre dir bey S.  
 Thoman/es soll dein freüd inn traurigkēyt verwandele  
 werden. ¶ Wilhelm. Mich hat zwar (wie ich dann mit  
 warheyt beken) eüwer entweichen nit so hoch erfreüwet/  
 so hoch mich erfreüwet/das ich auß meiner schwären ge  
 säncknuß durch den Bischoff zü Londen widerumb ledig  
 gelassen ward. ¶ Erzbischoff. Du weyst nit die vsach  
 vmb welcher willen ich auß Engellande entwichen bin.  
 Das solt du aber wissen/das mich Gott widerumb hie  
 her gebracht hat/das ich dich mit sampt deiner Sect  
 vnd falschen lehr ansfreüten vn dempffen solle. Will auch  
 (das soltu mir gewislich glauben) nit ehe auffhören oder  
 nachlassen/bis das ich dise Sect vnd Trennung auß ganz  
 Engellande dermassen hinweg sage/dz auch die gedäch  
 nuß eüwers namens in disem Königreych nit bleybē soll.  
 ¶ Wilhelm Der H. Prophet Hieremias/der hat vorzey

Erzbis  
 schoff tröu  
 wet dē ge  
 fangenen  
 alles herze  
 leydt.



# Von den H. Gottes Bekennern

te dem falsche Propheten Anania ein solche antwort gegeben/vn gesagt/Wan da erfüllet vn beschehē würt/das diser Prophet sagt/so würt man warhafftig wissen/das in der Herz gesendet hab. ¶ Der Erzbischoff griff grammet/wendet sich hin vnd her/vnd sagt/Ich will dich bald mit ey sinen Ketten dermassen beschwären/dz du fro wüsst sein/andere wort zureden. Vnnd als der Erzbischoff den armen gefangnē/der sich in aller handlung ganz bescheydenlichen gehalten/nach seinem miltwillen nur schandlich gnüg außgangen vnd verachtet hatt/rüffet er heymlich einen andern Priester zu sich/vnnd besalch jm/er solte den Obersten des Schloß Saltwoden herein beruffen. Demnach kamē auch herzu vil auß dē gemeynē volck/die tröuweten jm vilfeltig/wie vorzeyten die Juden dem Herren Christo. Felich wolten man solte ihn von stund an verbrennen/Die andern aber sagten man solte ihn ins Meer/das nicht weyt von dannen war/schiessen vnnd ercrencken.

¶ Als nun beyde die Bauren vnnd Psaffen wider ihn dermassen tobte/stünd ein anderer Priester mittē vnder dem andern hauffen auff/stel nider auff seine kny/vn bat den Erzbischoff/er wolte jm der Werrin entlassen/vnnd vergönnen/das er doch auch sein heyl vnd fleyß an diesem gefangenen Wilhelmen möchte versüchē/Vnd sagt/Ich dorffte das versprechen/das ich in innerthalb dreyen tagen dahin bringen vnd bereden wolte/das er seinem Erzbischoff nichts wurde abschlagen. Aber der Erzbischoff für in seinem grām vnd zorn für/vnd tröuwet jm/er wolte gegen ihm handeln/nach dem er verdienet hette. Vnder

der der weylen Kam der Oberst/ vnd gieng zu dem Ergbischoff/ vnd als sie sich ein wenig mit einander vnderredet hatten/ nam er den gefangenen vnd füret ihn mit sich/ auß beselch des Ergbischoffs/ hinaus. Ward aber also bald widerumb hincyn gefordert. ¶ Da setzet der Prier widerumb an ihn/ vnd bat/ er wolte sich doch ergeben/ dann das würd im vil besser sein/ dan wann er also halßfarzig von dannen hinweg scheyden wurde. ¶ Wilhelm sprach den Ergbischoff selber an/ vnd saget/ Ich habe mich ye heüt diß tags zum offtermal protestieret vnd bezeüget/ das ich nicht allein wölle Gottes gebot/ ten gehorsam sein/ sonder auch einem jeden glied der Kirchen/ so ferz dasselbig dem haupt Jesu Christo/ mit seiner Lehr vnd Leben nicht züwider sey. Dann durch solch cheleit beger ich von hertzen/ ermanet/ gestrafft/ vnd vnderwysen oder gelehrt züwerden.

¶ Ergbischoff. Ich habe das vorhin wol gedacht/ das sich diser Gottloser Mensch/ ohn dise bedingung/ in nichts nicht begeben wurd. Siengen also ihn/ den gefangenen an/ schelten/ schenden/ schmähen/ lessern/ sein sporten/ vnd im zutröuwen/ welches aber alles er standt/ haßtig geduldet/ vnd stillgeschwygen hat. Ober ein kleine weyl fraget in der Ergbischoff/ Ob er doch noch wolte/ die Satzungen der Heyligen Kirchen annemen.

¶ Darauff gabe Wilhelm antwort vnd sagt/ Ja von hertzen gern/ aber auff die weys/ vnd mit der maß/ wie jezunde gemeldet worden ist. Dann sonst würd ichs nicht thun.

Da

# Von den 5. Gottes Bekennern

Wilhelm  
würt wide-  
rumb ins  
gsäncknuß  
geführt.



Da befolch der  
Erzbischoff dem  
Obersten / das er  
ihn bald mit sich  
hinweg fürte. Als  
er nun widerumb  
ins gesäncknuß ge-  
fürt ward / der vol-  
ler gestanck / wüßte  
vnd vnflut war /  
hat der gefangen-  
dem Allmechtigē  
Ewigē Gott dāck  
gesagt / nit allein  
das er vō solchen

Gottlosen leuten were erledigt worden / sonder auch das  
er weder vmb ihrer schmeichel vnd glatten / noch erschrock-  
lichen erdworten / in etwas hette bewilliger / das der glo-  
ry vnd Ehr Christi were züwider gewesen. Dan er sich für  
vnd für in diser ganzen vñ langen handlung dem Erzbi-  
schoff vnd seinen Antichristischen Psaffen beständigkli-  
chen züwider gesetzt hatte. Deshalb lobt vñ dancket  
er in der gesäncknuß Gott / bettet von hertzen / vñ sprach.

Gebett des  
gefangnen  
Wilhelms  
in der ge-  
säncknuß.

O Herze Gott / gib du / dz wir alle in deiner warheyt / zur  
glory deins H. namens / beständig vñ eynhellig bleyben.  
Vnd damit solches bald beschehe / so bitte ich dich von her-  
zen / du wöllest gnädiglichen verleyhen vñ geben / das  
alle / die dise vñ ande meine Schrifften lesen od hören wer-  
den / mit mir / dich als den eynigen Ewigen vnsterblichen  
waren

waren Gott außsessen / vnd im glauben on allen zweyffel  
 ernstlich bitten / das dein vnaussprechliche gute allen men  
 schen gnädiglichen wolle verleyhen / damit sie hinfürt  
 in deiner Lehr / ihrer eygnen seligkeit nit züwider streo  
 ben / sondern vns allen in Christlichem freiden vereyniget  
 vnd zügethon / dir in vollkommnem glauben /  
 hoffnung vnd liebe / seliglic  
 chen leben . A  
 mer.

**N**ach solchem hat er auch sein letztes Testament ge  
 macht / In welchem er nach eyngesürten vilen Gott  
 seligen / Christlichen vnd ernstlichen ermanungen  
 zulerst sein Seel dem Allmechtigen Ewigen Gott / seinem  
 Leyb aber den Peynigern vnd Henckern / das sie den selo  
 bigen / an welchem ort sie nur wolten / vnd wie es Gott ges  
 falle würde / zermarterten / auffgeopfert vñ besolbē hat.  
 Auch die Kirch der gläubigen von ganzem hertzen gebet  
 ten / das sie doch für ihn / als für einen armen / verlassenen /  
 vnd von aller welt verworffnen Menschen / treüwlich bito  
 ten wolten / damit im Gott von oben herab seine Ewige  
 Weysheyte mittheylen wolte / vñnd er also in der warheyt  
 des Herren Jesu Christi bis ans ende beständiglichen  
 verharren / vñnd also ein angenehm vñnd wolgefellig opf  
 fer zü einem lieblichen geruch / züm lob vnd preys seines  
 N. namens / vñnd gemeyner auffbauung der Kirchen  
 Christi / werden möchte / Amen.

Letzt Testa  
 ment Wil  
 helmi.

Also ist nun endlich diser vnser theurer Martyrer vñ  
 Bekenner des Herren Jesu Christi / nach dem er wider den  
 und J An/

# Von den H. Gottes Bekennern

Wilhelmus im Kercker heymlich ermordet worden.



Antichristlichen  
hauffen / in der  
Krafft des H. Gei-  
stes gewaltig gefe-  
gee / im Kercker  
des schloßz Salt-  
woden / durch an-  
stiftung des Erz-  
bischoffs zu Can-  
delburg heymlich  
ermordet / vnd ge-  
tödtet worden. Im  
Monat Augusto /  
Als man zalt (wie  
Johannes Valeus  
meldet) von der ge-

burt vnsers Heylandes vnd Lynigen Erlösers Jesu  
Christi / M. CCCC. vnd VII. Jar.

## Johannes Oldeca stell ein

Ritter in Engels

landt.

Die History von diesem theuren Helden / vñ rechte  
Geadeltem Ritter im Reich Christi / rauger erslich vmb der Bee-  
kannuß Euangelischer Warheyt verklagt / nachmals durch den  
Antichristlichen hauffen / als ein Betzer verdammet / Weltlicher  
Oberkeyrz übergeben / vnd ins gefächnuß geworffen worden / Auf  
dem

dem selbigen aber zu nacht enterumen/vnd nach vier Jaren wider  
rumb gefangen vnd verbrunnet worden ist/hab ich Günstiger Le  
ser/auß den Schufften des Hochgelehrten Herren Johannis Ba  
lei/vnd Johannis Foxi/so hienon außgangen/

hienach warhafftig verteütscht/  
setzen wollen.

**J**ohannes Bidecastell ist gewe  
sen ein Ritter in Engellande/vnd ein Herr  
zu Cobham/vō gutem geschlecht erbom/des  
gleichen auch ein fürtrefflicher/hochuers  
ständiger vnd wolberedter Man. Diser/wie  
wol er zu grossen ehren/vmb seiner redlichen vnd manli  
chen thaten willen/kömen/auch seinem Fürsten für ande  
re lieb vnd werdt gewesen ist/so hat er doch solches alles



für gering vnd  
nichts geachtet/  
sonder sich dahin  
bearbeytet/wie er  
auch in der Er  
kennung vnd Be  
kennung seins Er  
lösers Jesu Chris  
sti/möchte gead  
let werden. Dann  
er wol wußte/das  
alles was zeylich  
ist/auch zergänd  
lich were/dargege  
aber dz der rechte

Christum  
kennen ist  
der rechte  
Adel,

J ij Adel

# Von den G. Gottes Bek. nern

Adel diser sey/wan man in Christo Edel ist. Deshalben er auch endelich dahin komen ist/das er frey vnd vnerschrocken in offnem Parlament mehimals gesaget/vnd auch er halten hat/Es werde dem Königreych Engellandt züm höchsten nutz vnd gut sein/wan man den Papsst zü Rom nit lasse darüber herrschē. Demnach auch vil fromer Christen/so vmb der Kirchen vnd Bekantnuß Christi willen/in allerley leybs gefährigkeit waren/in sein schutz vnd schirm genömen. Aber solches haben die genandten Bischoff von jm gar bald erfahren / Vñ dieweyl sie befunden/das jr fürnehmen durch disen gewaltigen Man trefflich gehindert/haben sie sich auch mit höchstem gewalt/irs besten vermögens / wider ihn gesetzt. Vñ ist demnach/nicht lang hernach/der Erzbischoff vñ Candalburg/Thomas genandt/selbs für den König komen/vñ disen theuren Helden Christi verunglimpfft vñ verklaget/auch wider jm mancherley beschuldigungen eingefüret / Ihm erzölet in was grosse gefahr vnd vnruß die ganze Kirch im Königreych Engelland vmb eines solchen Mans willen komen werde/vñ jha nichts daderlassen/dz zü seinem vnglimpff/reychen vnd dienen konte.

Der König als ein Klüger vnd hochuerständiger herr/nach dē er solche des Erzbischoffs/ beschwärliche antrag angehört/ob er wol billich dardurch solt wider vilgemeldtē Herrē Johānem erbittert wordē sein/hat er doch nichts fräuels gegen disem treuwen redlichen Man/den er als einen wolverdienten/in seinem Königreych für andere lieb vnd werdt gehabt hat/ fürnehmen vñnd handlen wollen/Sonder den Erzbischoff widerumb von sich gelassen/

Johān Ol  
decastell  
würte  
schwärliche  
den verfla  
get.

Foxe

1563

lassen/vñ besolhen/er soll mit sampt den andern Bischof  
fen ein zeytlang still stehen/so wölle er selbs mit jm persö  
lich handeln/vnd so vil jm̄er möglich/solche trennung vñ  
zwittracht zwischen jm/vñnd den Geystlichen stillen vnd  
hinlegen.

¶ Dieweyl vnd aber/auch durch des Königs ernstli  
che vnderhandlung/gemelter Herr Johan̄ nit hat Kön  
den von seiner Gottseeligen vnd Christlichen beständig  
keyt abgeriben werden/Item/der Erzbischoff/In zu  
anderen mal verklaget/ Ist endlich die ganze sache den  
Bischoffen heymgestellt vnd besolhen worden.

Herr Joah  
Eldecastell  
wür  
den Bis  
schöffen  
uberliffers.

¶ Was aber die selbigen mit jm fürgenömen/vnd man  
cherley an jm haben versücht/wie beständiglichen er sich  
allzeyt gehalten/vnd letstlich durch geschwinde praccitē  
vñ grosse Tyranny mancherley weyß seye gepeyniget/vñ  
weltlichem gewalt vberantwortet worden/ das würdte  
Günstiger Leser auß nachfolgendem Sendbrieff/so den  
Erzbischoff von Candelburg/anden Bischoff zu Londen  
von diser ganzen sachen gestellt hat/weytleüffig vernem  
men. Disen hab ich auch hienach von wort zu wort ver  
seütschet/setzen wöllen/damit du die warheyt

diser ganzen Historien/desto baß  
erkennen vnd zuher  
gen süren sol  
rest.

J iij Copey



0777  
Von den H. Gottes Bekennern

**T** Copey des Brieffs/so der Erzbischoff von Candelburg an den Bischoff zu London geschriben hat/ darinnen auff's Fürzeß vnd warhaftigst dise ganze handlung begriffen würt / was sich newlich von anfang bis zu dem letzten Endurtheyl mit dem theuren Ritter vnd Helden / Herren Johan Oldecastell in Engellande verlossen hat.

**T** Thomas von Gottes gnaden Erzbischoff zu Candelburg/ Oberster im Königreich Engellande/ vnd des Römischen Stuels Legat / erbeüret seinen gruß/ vnd brüderliche liebe im Herrē/ dem Ehrwürdigsten Herren / seinem lieben brüder/ Herren Reichart von Gottes gnaden/ Bischoff zu London.

**A**ls wir kurz verriechter ragen / in vnserer Pfarr Kirchen zu S. Paul/ bey einander versamlet hatten/ alle vnd jede vnserer Prelaten vnd Geystlichen/ so vnserm Bisstumb vnderworffen seind / das wir vns / einer gemeynen Reformation der Kirchen in Engellande vergleichent/ ist neben andern/ auch von vns/ vnd obgemelten vnsern Prelaten vnd Priestern endelich dahin geschlossen worden / das es vnmüglich sein werde / eynige Reformation in der Kirchen fürzunehmen oder zuerhalten/ wa man nit züvor die Fürnembssten in disem ganzen Königreich/ die solcher Kezerereyen erste Anfänger/ Beschützer vnd Beschirmer seind/ ernstlich ansprechen/ oder auch/ wa es vorderten sein wolte / durch das vrtheyl gemeyner Kirchen/ mit beystande der Weltlichē Oberkeyt/ von iren Irthumben abmanē werde. Vñ nach dē wir in solcher vnserer versammlung/ bey allen/ so dazumal in grosser vile vnd anzahl/

Herz Joan  
Oldecastell  
würt  
schwartz-  
schen im  
Concilio  
Pfaffen  
verklaget.

auff

anß vnsern Gebieten/zusamen kómen waren/sleyffige vñ  
 ernstliche vmbfrag gehalten/ Ist vnder andern vns er-  
 nant vnd anzeygt worden/ Herz Johan Oldecastell/der  
 Ritter/als einer vnder den Fürnembssten/die solche Re-  
 zer auffhalten/befürdern/beschützen vñ beschirmen/Dz  
 er auch im Londischen/Roffensischen vñnd Herfordensis-  
 schen Bistumb/etlicher solcher irziger Lehrer/ohn erlaub-  
 nuß der Ordinarien an selbigen orten/ auch wider des  
 ganzen Landes erkantnuß/ so hierüber außgangen ist/  
 zupredigen gesendte/ auch in solchen schandelichẽ predig-  
 selbers persönlich zugegen gewesen/vnd sich wider alle/so  
 solchen Predigern widersprochen/wa er sie hat kónden be-  
 retten/mit schreck vnd erdruworten/ desgleichen mit ge-  
 walt vnd mit dem schwerdt/auffgelehnet hab/Darneben  
 sich auch vernemen lassen/wie das wir/sampt vnsern  
 Weyhbischóffen/nyemals macht gehabt/auch noch nicht  
 haben/in vnsern Gebieten/solches zúnerhindern.

¶ Zú dem so halte er/glaube vñ lehre vil anderst/vom  
 Sacrament des Altars/von der Beycht/von den Wal-  
 farten/von Verehrung der Bilder/von den Schlüssel/  
 vnd gewalt der Kirchen/dann die Khómisch vnd Allges-  
 meyn Christlich Kirch haltet vnd glaubet. Derhalben  
 sind wir von gemelten vnsern Prelaten vnd Geystlichen  
 ernstlich angesprochen vnd ersucht worden/das wir vmb  
 seitzer Bletter Artikel willen/wider den Herren Oldeca-  
 stell/nach vermóg vnserer Geystlichen Rechten/fürsa-  
 ren solten. Dargegen aber/von wegen vnserer Her-  
 ren Königs/dem dann gemeldter Herz Johan zur selb-  
 bigen zeit wol gehalten/vñnd zú Ehren der löblichen  
 Ritter?

# Von den H. Gottes Bekennern

Kircherhoffte/sein d wir mit sampt vnsern mitbrüder vñ  
 Weyhbischöffen/so dazumal zugegen/auch dem Größern  
 theyl der Püesterschafft vnserer Landen/zü vnserm Her  
 ren de König/der dazumal im Schloß Kenyngton lag/  
 selbs persönlich gegangen / vñnd im die Klag wider den  
 Herren Oldecastell erdffnet/auch angezeygt warin gemel  
 ter Herr Johan fürnemlich sich irte.

Erkenntnis  
 der Geyst  
 lichen wis  
 der de Ber  
 ren Olde  
 castell.

¶ Dieweyl dan nün vnser Herr König hierumb gebee  
 ten/haben wir in alle wog vns vnderstanden / wie wir in/  
 ohn sein schand vñnd nachtheyl/ zü der Kirchē widerumb  
 bringen köndten/vñnd deshalb die Execution vñnd voll  
 streckung seiner gangen sachen / ein lange zeyt verzogen.  
 Endlich aber / dieweyl hochgedachter vnser Herr Kö  
 nig/nach vil gehabter mühe vñnd arbeyt bey im nichts hat  
 mögen außrichten/ wie vns dan solches von vnserm Her  
 ren König schriftlich vñnd mündlich ist angezeygt wor  
 den/ So haben wir vns folgends entschlossen/vil gemeld  
 ten Herren Johannem / damit er sich für vns/oberzölter  
 stuck vñnd Artickel halben / selbs persönlich verantwor  
 te/auff eine ernandte zeyt vñnd tag zuerfordern / auch vn  
 sern botten/ mit sampt vnsern Ladungsbrieffen zü ihm  
 abgefertiget/in sein Schloß Coulyng / darinnen er sich  
 zur selbigen zeyt gehalten hat. Haben auch vnserm bot  
 ten befelch geben/das er on erlaubnuß in das Schloß nit  
 gehen soll/sonder durch Johannem Borteler/del vnser  
 Herren Königs Kämmerhüter ist/den Herrn Oldecastell  
 ansprechen lassen/ob er im wolte vergönnen/ins Schloß  
 zugehen/vñnd die Citation züuerkundigen/ oder aber auf  
 serhalb dem Schloß sich finden liesse/damit er in solchs  
 köndte

köndte anzeygen. Hier auff der Herz Oldecastell gemeldtem Joha<sup>n</sup> Borteler/der im solchs fürhielt/ öffentlich geantwortet hat/ Er wölle nit das man in citier oder lade/wölle auch sein Citation nit leyden.

Herz Oldecastell will die Citatio<sup>n</sup> der Geystlichen nicht annehmen.

¶ Als wir nun dessen glaubwürdig bericht/vnd endlich verstanden haben/das Herz Joha<sup>n</sup> Oldecastell solch<sup>e</sup> Citation persönlich vnn<sup>d</sup> selbs/nicht hat wölle<sup>n</sup> annehmen/ seind wir inn der sachen nach vnserm Rechten fürgefahren/vnd vnder vns beschlossen/das wir ihn widerumb durch ein öffentlich Mandat erfordern/vnd haben dasselbig auch angeschlagen an die thüren der Thümb<sup>e</sup> kirch<sup>e</sup> z<sup>u</sup> Koffen/welche allein drey Engellendischer meylen von gemeldtem Schloß Couuling gelegen ist/ Das er nemlich für vns auff den vergangnen ys. tag des Herbstmonats erscheynen/vn<sup>d</sup> sich da selbers in eygner person<sup>e</sup> oberzölter Artickel halben/darinnen er der Ketzerey beschuldigt/verantworten solle.

Herz Oldecastell würt durch angeschlagene brieffe citiert.

¶ Vn<sup>d</sup> als nun diser ys. tag herz<sup>u</sup> k<sup>o</sup>mmen/seind wir in vnserer grossen Capellen/welche geleg<sup>e</sup> ist vnden am Schloß Ledys/in vnserm Bistumb/da wir dann dazumal Hoffhielten/mit sampt vnserm ganzen Hoffz<sup>u</sup> Gericht gesessen/alle ding bey güten treuwen vnn<sup>d</sup> glauben verhöret/Vn<sup>d</sup> nach d<sup>e</sup> wir aller ding gnügsam berichtet/sürnemlich wie man an den<sup>e</sup> ort<sup>e</sup> predigt/da sich dan<sup>n</sup> Herz Joha<sup>n</sup> in seinem Schloß täglichs stercket/ auch sein gefasste meyning verthädiget/vnn<sup>d</sup> die Schlüssel der Kirchen geben/sampt dem Erzbischöfflichen gewalt/vilsaltig verachtet/haben wir offgemeldten Herren Joha<sup>n</sup>/öffentlich citiert/auch mit lauter stim außgerüfft/dieweyl er

Herz Joa<sup>n</sup> Oldecastell würt verbannt.

R aber

## Vonden H. Gottes Bekennern

aber nit erschinen/ als einen Halsstarrigen vnd vngheor  
samem (wie er dann auch war) erkant/ vnd zur straff sol  
cher seiner vngheorsam / ihn daselbst schriftlichen ver  
bannet.

¶ Dieweyl wir aber auch auß jetzerzölten stucken/  
auch andern offentlichen anzeygungen / jha auß der sat  
chen an jhr selbers/ verstanden haben / das sich vilgemel  
ter Herr Johann/ seinen jrthumb wider den gewalt der  
Kirchē zū verthädigen/ allererst stercket/ vnnnd in seinem  
Schloß (wie oben gemeldet) wol verwaret/ damit er da  
den gefasteten argwon von wegen der Ketzerey vnd tren  
nung / auch wider sich selbs war macht / So haben wir  
vnder vns erkant vnd beschlossen/ das wir ihn widerumb  
entweders selbs persönlich / so er mag betretten werden/  
oder aber durch ein schriftlich Mandat/ wie vormals be  
schehe/ wollen erfordern vñ citieren lassen/ das er für vns  
erscheine / auff den Sambstag der am nechsten nach des  
H. Apostels vnnnd Euangelisten tag Matthei kommen  
würte/ vnd allda für vns rechtmässige vnnnd glaubwürdi  
ge vrsachen anzeygen/ vmb welcher willen er vermeynet/  
das man nit soll wider in/ als wider einen offentlichen Ke  
tzer/ der ein zerstörer vnd abgesagter seynd sey der Allge  
meynen Kirchen/ procedieren vnd fürsaren/ auch nit wi  
der ihn das wellich schwerdt statlichen anruffen/ vnd ja  
alles das thun/ darzū vns das Recht vermaney vnd erlei  
ben würte.

¶ Als nñn diser termin/ vff Sambstagnach des H. A  
postels vnd Euangelisten Matthei tag/ welches war der  
xxij. tag des Herbmonats/ verschinen/ Seind wir im  
Capit

Herz Joa  
n  
Blaccastell  
würte zñm  
andern  
m. leitiert.



Capitel haus der  
Kirchen zu S.  
Paul öffentlichem  
für Gericht geses-  
sen/ vund bey vns  
die Ehrwürdigen  
vnserer lieben mit-  
brüder/ Herr Reis-  
chart von Gottes  
gnaden/ Bischoff  
zu Londen/ vund  
Herr Heinrich vō  
Gottes gnade Bi-  
schoff zu Winces-  
cer/ da ist für vns

erschienen selbs per Herr Joān  
Oldecastell  
würt ge-  
säncklich  
für die Pre-  
laren vund  
Geystliche  
gestillet.

Sönlich Herr Robertus de Worley / der Oberst vber die  
Gefangnen im thurn zu Londen/ vñ mit im gebracht off-  
gemelten Herren Johān Oldecastell/ der dan kurz zū vor  
durch des Königs diener begriffen / vnd ins gefäncknis  
gelegt worden war/ vnd ihn für vns dargestellt.

¶ Also haben wir Herr Johān/ der dan selbs person  
lich zugegen stände/ mit sehr freündlichen worten/ alle  
handlung wie sie sich verlossen hat/ nach ordnung erzolt/  
Vnd nemlich/ wie schwärlichen er/ von wegen etlicher Ar-  
tikel/ so oben vermeldet seind/ inn gemeyner versamlung  
viler Prelaten vnd Geystlichen/ so vnserm Bistumb zū ge-  
hörig/ sey angegeben vnd verklaget worden. Wie er weyt-  
ters öffentlichem sey citiert / aber als ein Vngehorfamer/

# Von den H. Gottes Bekennern

in Bañ gethon worden / Aber diß alles vnangesehen so  
seyen wir / in alle weg willig vnd bereyt / shñ widerumb zu  
Absoluieren.

**Ber:** Joa<sup>n</sup> freündlich vnser erbieten verachtet / vnnnd dargegen ein  
begert sei- gefürt / wie das er gern wolte / vor vns / vnd obernandten  
nes glau- vnsern mitbrüder / seins glaubens rechen schaffe geben /  
bês offen- Und als man jm solches vergönnet vnnnd zügelassen / hat  
liche rechen er auß seinem büßen ein brieff her auß gezogen / vnd des sel-  
schafft zu- bigen inhalt öffentlichen verlesen / Auch als bald solchem  
geben. brieff vñ Schrift vns selbers zügestellt / vber die Artickel  
darüber er befragt war / Diser haltet sich nün also.

Schrifft-  
liche bekän-  
nuß des  
glaubens  
Herren  
Joha<sup>n</sup> Ol-  
decastell.

**I**ch Johann Oldecastell / Ritter / Herz zü Cobham /  
Ich künde allen Chri<sup>st</sup>en / vnnnd nün hierüber Gott  
züm zeügen / das mein hertz allwegen also gesinnet ge-  
wesen ist / auch mit Gottes hilff also bleyben solle / das ich  
jha alle zeyt mit steyffem vngeweyseltem glaubē alle Sa-  
cramenta Gottes / die er züm nutz seiner Kirchē eynge<sup>se</sup>zt  
vnd verordnet hat / erkant vnd bekant habe. Damit ich  
aber in denen vier Artickeln / darüber ich beklagt worden  
bin / meinen glauben etwas verständiglicher darthue / So  
halte vnd glaub ich wie folget.

I.  
Vom H.  
Nachmal

**E**rstlich glaub ich / das dz hochwürdig Sacrament  
des Altars sey warhafftig der Leyb Christi / vnder der ge-  
stalt des Brots / vnd ja der Leyb / der von Maria der mü-  
ter geboren / für vns gecreüniget / gestorben vñ begraben  
ist / auch nachmals am drittē tag lebendig widerumb auff  
erstanden / gehn himel zü der gerechten des Ewigen Vate-  
ters

ters gefasē ist/mic welchem er jetzt regiert/in ewiger Glo-  
ry vnd Herrlichkeit.

**I.** Zum andern/sonst da belangt das Sacrament der II.  
Büß/so ist diß mein bekantnuß/das ich glaub./Die rech./ Von der  
re Büß/das ist/ware Besserung des Lebens/sey nötig al./ Büß.  
len denen/die da begeren selig zu werden. Das man aber  
ein solche Büß mit Reu/Beycht vund rechtgeschaffner  
Gnügthung antretten solle/wie dasselbig in h. Göttli-  
cher Schrifften von vns erfordert wirt./ Sonst hat man  
sich der Verzeyhung der sünden nit zumerkōsten.

**III.** Zum dritten/so halt ich von den Bildern also/ das  
ich sie nit für Artickel des glaubens erkenne/sondern das  
sie/nach dem der rechte Glaub Christi in aller welt gepre-  
diger worden/auff erlaubnuß der Kirchen/ also auff Kom-  
men seind/das sie den Leyen vnd Dnersarnen/ als ein Ca-  
lender dienen soltē/ dardurch sie des Herrē Christi/vñ der  
andern heyligen Todt vnd marter erinnert/ zu Gottseli-  
ger nachsolgung angereyzt vnd getriben wurden. Wa-  
aber sich yemands solcher dingen mißbrauchen/vnd sol-  
chen Bildern die Ehr/ so doch vil mehr den heyligen seli-  
bers/ Javil mehr dem Allmechtigen Ewigen Gott/ dem  
die lieben heyligen alle Ehr allein anth gegeben haben/  
erzeygen vñnd thun wolte/oder aber cynig vertragen/  
das allein in Goet gegündet werden soltē/dareyn setzen/  
oder aber an disen Stücken Gözen vnd Bildern hangen/  
bleybē/oder disen mehr dan dem andern geneygter sein/  
So ist mein meynung/das solche leut Abgötterey trey-  
ben/vñnd schandlich sündigen/wider Goet/von dem alle  
Ehr allein herkompt.



# Von den 8. Gottes Bekennern

IIII.  
Von den  
Wallfartē.

**A** Zum vierdren aber vñnd letzten/so vil da belanger die Walfartē / die man hin vñ wider zu den heyligē thür / so halt ichs bey mir also / dz ich glaub / es sey kein Mensch in diser gangen weyren Welt / der nit entweders zum Leben / oder zum verderben walle oder wandle. Wer nun also lebt / das er sich wider die Gebort Gottes / die er entweders nit weyßt / od aber nit lernē will / on büß versündigt / der hat gewißlich das Ewig Leben nit zuhoffen / wan er gleich alle ort der Welt anszuge. Dargegē aber wer Gottes gebort haltet / der kan nit zugrunde gehen / oder verderben / wan er schon sein lebenlang weder gehn Rom / noch gehn Candelburg / noch zu S. Jacob oder an andere ort Walfarten gehet.

**A**ls nun solche Artikel / wie sie in der Schrifft verfaßt stündt / durch Herren Johannem selbers verlesen worden / haben wir vns mit obgemeldten vnsern liebren Mitbrüdern / vñ vilen andern der W. Schrifft Doctorn vñ erfahren vnderredet / vñ demnach gemeldtem Herrn Johan / wes wir vns hierüber entschlossen / mündelich vñ auff nachfolgende weyß fürgehalten.

**A**Herz Johan / in diser eüwerer Schrifftē seind vil guter stück / vñ der N. Allgemeynen Christlichen Kirchen gemäß / Aber eüch ist diser termin vñnd tag vmb andere verfachen willen ernant vñnd bestimēt / Als nemlich / das jr sollen antwort geben / vber ertlich Artikel / so da vns bedunckē irrig vñd Ketzersch sein / auff welche jr aber in eüwerer Schrifften vns nicht gnüg gehö haben / Darnumb so ist von nöten / das ihr eüch vber dieselbigen / vñnd auch vber die / so in eüwerer Schrifften eingeleyt seind / weytleiufft

Antwort  
der Predi-  
ten Herr  
Johanni  
auff die ge-  
rbone Be-  
fandnuß  
gegeben.

# Vnd Martyrerū/der iij. theyl.

21

leüffiger/wie ihes halten vnd glauben/erklären.

¶ Vnd nemlich/ob jr auch halten/glauben vnd bekennen/das im Sacramēt des Altars/nach beschehener Consecration/das war materlich vnd wesentlich brot in seiner Substanz/noch da bleybe/oder nicht. Item/ob jr im Sacrament der Büß halten glauben vnd bekennen/das es von nöte sey die Sünd für dem Priester/so vō der Kirchen darzū verordnet ist/vñ man in habē kan/zubeychten vnd öffentlich zubekennen/2c.

¶ Auff solches nach dem er vil vnd mancherley geantworret hat/hat er anstruckenlich gesagt/ Er wölle sich hierüber andtst vnd weyter nit erklären/dañ wie er sich in der vbergebenen Schrifftē erkläret habe. Derhalben haben wir im auß besonderm mitleyden/so wir mit ihm trüben/mit freündlichen Worten vñ geberden/dise antwort geben vnd gesagt/Sehet eüch wol für Herz Johān/dañ wa jr nit werden eüch vber die fürgehaltenen Artickel genügsam erkläret in diser zeyt/so eüch vom Richter ordentlich ernant vñ bestimpt worden ist/so habē wir machtsüßig vnd Recht/eüch als einen Keger zuerklären. Aber Herz Johān ist auff seiner vorigē meynung blyben/vnd hat kein weytere oder andere antwort geben wöllen.

¶ Ober solches haben wir vns mit obernantē vnsern Aitbrüderē vnd eilichen andern/weyterē berathschlaget/vnd hat vns gefallen/das man Herz Johān solte weytleüffig erklären/was doch die H. Römische Kirch nach der lehr der H. Väter/Augustini/Diononymi/Ambrosij/vnd anderer/in diser sachen geschlossen hette/welches jha ein jeder Christ schuldig sey zuhalten vnd zuglauben.

Hierauff

Herz Joah  
laßt es bey  
gegebner  
Bekantnuß  
blyben.

# Von den H. Gottes Beküern

Hier auff er ghandvortet/ Er wölle ja gern glaubē vnd halten alles was die H. Kirch erkant vñ beschlossen habe/ auch alles was Gott selbers gebotten hat. Aber dz vnser Herr der Pappst/ die Cardinal/ die Erzbischöff vnd Bischöff/ sampt andern der Kirchen Prelaten/ gewalt hetten/ solches zuschließen/ das hat er keins wegs gestohr oder bekennen wollen. Derhalben haben wir noch weyters/ auß besondern mitleyden gegen im/ vnd hoffnung er wurde sich eins besseren bedenckē/ im verheissen/ dz wir im eulich Artickel vnd Schlusreden von obgemeldter sachen/ darauff er sich dan solte etwas mehr erkläret haben/ schriftlichen zustellen/ vñnd auß der Lateinischen sprach/ vmb bessers verstandes willen/ in die Englisch verdolmetschen lassen wolten/ Befalhen im hiereben vnd bitten in herziglich/ das er auff nechst zükünfftigen Montag sein antwort hierüber geben wolte. Haben auch befehl geben vñnd verschafft/ das noch den selbigen tag er nante Artickel vnd Schlusreden/ auß dem Latein in die Englisch sprache seind gebracht worden/ damit er sich den nachfolgenden Sonntag gnügsam hierüber heet zübedencken. Vñ ist diß der selbigen Artickel oder Schlusreden Kürzer inhalt.

Glaub der Papiſten. Die H. Allgemeyn Kirch haltet vñnd glaubet vom Hochwürdigem Sacrament des Altars also/ das nach gehalten Consecration/ vñ nach dem der Priester dje wort in der Messen vber Brot vñnd wein gesprochen hat/ das Materlich brot verwandelt werde in den waren natürlichen Leyb Christi. Des gleichen der Materlich wein in dz ware vñ natürlich blüt Christi/ derhalben so bleybe auch nicht

Das ist die  
12. 13. 14. 15.  
16. 17. 18. 19.  
20. 21. 22. 23.  
24. 25. 26. 27.

vnd Martyrern/der iij. theyl. xli

nit mehr weder des brots/noch des Weins substanz vnd wesen/so zündt da war. 2c. Wz gibstu nün für ein antwort hierüber:

¶ Item/so hat auch die H. Kirch erkant/das ein jeder Christen Mensch so auff erden lebt/dem Priester/so von der Kirchen hiezü geweyhet vnd verordnet ist/wa er den selbigen haben kan/jeine Sünd Beychten soll. Was haltestu nün von disem Artickel:

von der  
Beycht.

¶ Weytter/So hat Christus den Apostel Petrum zü seinem Statthalter hie auff erden verordnet/vnnd ist die Römisch Kirch sein sitz oder Stül/derhalben er auch ebē solchen gewalt/wie Petro/allen nachkömlingen/die man jezunder Bapst nennet/gegeben hat/durch welchen dan in andn neben Kirchen besondere Prelaten erwölt vñ geordnet werden/als da seind die Erzbischöff/die Bischöff/vnd etlich andere Stend der Geystlichen/welchen aber allen das Christlich volck/nach erkantnuß der Römischen Kirchen zugehorsamen schuldig vñ verbunden ist. Also hat es die Kirch beschloffen. Wz ist aber hie von dein meynung?

von gebor  
sam des  
Bapsts vñ  
anderer  
Prelaten.

Faxe 1094

¶ So hat auch demnach die H. Christlich Kirch erkant/das ein Christ schuldig sey/der Abgestorbenen Heiligen Stett zubesuchen/vñ daselbst die gebeyn so noch von den Aposteln/Martyrern/Bekennern vnd allen andern Heiligen/so die Römisch Kirch angenömen hat/vberig seind/verehren vnnd anbetten. Was glaubstu aber hie von:

von Wall  
farten.

¶ Auff Montag nün den xxv. tag des Herbstmonats/seind auß vnserm vnnd vnserer lieben Mitbrüder/

L darzü

## Von den 6. Gottes Bekennern

darzu wir dann noch auch genommen haben/den Ehrwür-  
digen/vnseren lieben Brüder/Herren Benedict von Got-  
tes gnaden Bischoff zu Bangora/geheysß vn̄ beselch/mit  
angerürten Euangelien beeydiget worden / alle vnser  
Rath vnd Diener/Als memlich/W. Heynrich Ware Of-  
ficial an vnserem Geystlichen Gericht zu Candelburg/  
Philipp Morgan/beyder Rechten/Howellus Kyffyn/  
der Decreten/Johā Kemp. vn̄ Wilhelm Karleton.der  
Rechten Doctorn. Auch Johannes Witnam/Thomas  
Palmer/Robertus Wombewell/Johannes Withead/  
Robertus Chamberlayne/Richardus Dodyngtone vnd  
Thomas Walden der h. Schrifft Professorn vnn̄d Lese-  
meyster/desgleichen Jacob Cole.vnd Johānes Steuyns  
vnser darzu beruffne vnn̄d geschworne Notarij/das sie  
vber vnd von diser Watery/auch in diser gangen sachen  
ihren besten getreüwen rath/darthün vnd anzeygē wöl-  
len.

¶ Also ist folgendes obgemeldeter Herr Robertus von  
Morlay/der Oberste vber die gefangnen zu London her-  
für getretten/vnd mehr gedachten Herren Johā Olde-  
castell mit sich geführt / vnd in offentlichen für vns darge-  
stellt. Haben wir nachmals freündlich vnd gürtiglich  
im nach ordnung erzölt/was sich den vorigen tag verlof-  
fen/auch wie er verbanet worden/vnn̄d noch im Ban sey/  
vnd ihn gebetten vnd gefragt / ob er doch die Absolution  
begere/oder solche auch nach gemeynem brauch der Kir-  
chen/leyden möge.

¶ Darauff Herr Johā außtrucklich geantwortet/  
er beger in disem fall von vns kein Absolution / aber von  
Gott allein.

Herr Joā  
will die ab-  
solutio vñ  
den Prelas-  
ten nit be-  
geren.

Na



¶ Haben wir in nachmals freuntlichen ersücht vnd gebetten / er wölle doch vber die Artikel vnnnd Schlußred / so im fürgehalten worden / sein richtige antwort geben / vñ nemlich zum erstē souil da belanget das Sacrament des Altars.

¶ Hierauff hat er nün geantwor-  
 tet / vnd vnder andern wortē gesagt / Das zu gleicher weys /  
 wieder Herz Christus warer Gott vnnnd warer Mensch  
 gewesen sey / doch die Göttliche Natur inn der Menschli-  
 chen / die man an im augenscheynlich gesehen hat / verbor-  
 gen gelegen / Also sey auch im Sacrament des Altars / bey  
 de der ware Leyb vnd auch das war Natürliche brot. Dz  
 brot sey diß so wir sehen / aber vnder dem brot sey der leyb  
 Christi / den wir doch mit natürlichen vnnnd fleyschlichen  
 augen nit sehen könden. Darneben aber leügniet er offent-  
 lich / vnd wolte keins wegs gestehen / das die Bekantnuß  
 von disem Sacrament / wie sie im von vns in Schrifften  
 vbergeben / auch durch die H. Römisch Kirch vnd vil H.  
 Lehrer beschlossen / sey oder köndte sein die Erkantnuß  
 der

Bekantnuß  
 Herz Joah  
 vñ Nach-  
 mal vñ wie  
 Christus  
 im selbigen  
 zugegen  
 seye.

# Von den H. Gottes Bekenern

der Rechten Christlichen Kirchen. Waes aber ye (sagt er weyters) von der Kirchen also beschlossen ist / so ist es doch gewislich wider die H. Schrifft erkant / nemlich zu der zeyt / da die Kirch hat angefangen reych zu werden / vnd allerhandt falscher giffziger lehr vberhandt genommen hat.

Von der  
Büß vnnnd  
Beycht.

¶ So vil dan das Sacrament der Büß vnd Beycht belanget / gab er antwort / vnnnd sage mit außgetruckten worten / wann einer / in einer grossen vnnnd schwarzen sünd steckete / dauon er für sich selbers nit köndte auffstehen / so sey es im nutz vnd güte / das er zu einem ordenlichen Priester gange / vnd ihn hierüber rathsfrage. Das er aber seine sünd solte seinem oder einem andern Priester beichten / ob er ihn gleich wol bekömen köndte / das sey zur seligkeit nit von nöthen / dann solche sünd möge durch ware reuwingenomen / vnd der sündler durch die selbig widerumb gereyniget werden.

Von vereh-  
rung der  
Bilder.

¶ Von verehrung vñ anbettung des H. Creüßes / sagt er vnd bezeüget vor vns alle / das man allein den Herren Christum / der am Creüß gehangen sey / anbetten soll / der selbig sey das rechte vnd vnser cynigs Creüß / das man anbetten soll. Vnd da er befragt ward / was er doch für ein Ehr der Bildenuß des Creüßes Christi anhet / sagt er ofsentlich / kein andere / dann das ers sauber hielt / vñ es wol einsperrete.

Ff. 105.

Vn Bapst  
vnd andern  
Geystliche

¶ So vil dann den Kirchen gewalt / vnseren Herren den Bapst / die Erzbischöff / Bischöff / vnd andere Prelaten belangt / sagt er / wie das der Bapst / der rechte Antichrist / vnd das haupt were des Antichrists / desgleichen die Erzbischöff /

bischöff/Bischöff vnd andere Prelaten/seyen die Glider/  
die Brüder aber vñ ande Geystlichen seyē der Schwanz. 〰〰  
Welchem Papsst/Erzbischöffen vñnd Prelaten man nit 〰〰  
schuldig ist/zügehorsamen/es sey dann das sie ware nach 〰〰  
folger seyen des Herren Christi/vnd des H. Apostels Pe 〰〰  
tri im leben/lehꝛ/vñnd wandel. Vñnd das diß der Rechte 〰〰  
nachkömling Petri sey/der ein fromes leben vnd vnschul 〰〰  
digen wandel füret/vnd sonst nyemandes anders.

¶ Darzū hat vil gemelter Herr Johan/ mit lautter  
stim vnd mit außgestreckten armen die vmbständē ange  
sprochen/vnd gesagt/Dise alle/so jr hie zügegen/in disem  
Gericht sehen sitzen/vnd mich armen verurtheylen wöl  
len/die werden eüch alle/vnd sich selbers verführen/vñ eüch  
in abgrunde der Hellen stürzen/darumb hütet eüch für  
ihnen.

Herr Johan  
warnt die  
Umbstā =  
der für den  
Geystlichē

¶ Vñnd als er nün solches außgeredt hat/haben wir  
in widerumb vnd züm offermal mit kläglichen trauri  
gem angesicht angeredt/auff alleweyß wir jmer kondten  
vnd mochten/vnd ihn vermanet/er wölte sich widerumb  
zur eynigkeyt der Kirchen thun/vnd jha das halten vnd  
glauben/das die Römisch Kirch haltet vñ glaubt. Aber  
er blib für vnd für auff einer antwort/vnd bekant/er hiel  
te vnd glaubte anders vnd weyters nichts/dañ wie er dro  
ben schrifftlich vnd mündelich were gehört worden.

Christlich  
Beständig  
feyt Herr  
Johan in d  
bekantnuß.

¶ Dieweyl wir dan sahen/dz wir mit jm nichts kond  
ten außrichtē/haben wir endelich mit betrübtem hertzen  
das Endurtheyl wider ihn gefellet/vnd mit nachfolgen  
den Worten eröffnet.

Endurteyl  
wid dē Her  
ren Olde =  
castell er =  
gangen.

¶ In Gottes Namen/Amen. Wir Thomas von Got  
L iij tes



# Von den H. Gottes Bekennern

tes Gnaden/der H. Kirchē zu Candelburg Erzbisch off/  
vnd vnwürdiger Diener/ Oberster im ganzen König/  
reych Engellandt / vnd Legat des Apostolischen Stüls  
zu Rom. 2c.

¶ Als wir zu Londen in 8 Pfarckirchen zu S. Pauls/  
die letzte versamlung mit vnserer ganzē Priester schafft/  
so vnserm Candelburgischen Bistumb zugehörig/ gehalten  
haben/ Ist nach gehoner fleysziger Inquisition/ vnd  
vmbfrag/ vor vns etlicher irziger vnd Kezerischer Leht  
vnd Artickel halben offentlichen verklagt worden/ Herr  
Johan Oldecastell Ritter vnd Herr zu Cobham/ wie er  
auch vormals / vber solchen in vnserm ganzen Bistumb  
Candelburg/ ist verschreyet worden/ Derhalben wir ge/  
gen ihm auff das aller freündlichst / so jmer möglich ge/  
wesen (wie es Gott wol weyßt) erstlich fürgefahren seind/  
nach dem Exempel Christi/ der da nicht will den todt des  
Sünders/ sondern das er sich beker/ vnd wider lebendig  
werde/ 2c. Habē vns deshalb auch aller mittel gebraucht/  
dadurch wir verhofften vnd gedachten ihn widerumb zu  
der eynigkeyt der H. Christlichen Kirchen zubringen/ im  
derhalben nach ordnung/ vnd weyleüffig erkläret vnd  
fürgehalten / was in allen vnd jeden solchen Artickeln/  
deren halben er verklagt wordē/ die H. Römische Kirch/  
geschlossen/haltet/lehret vnd prediget.

¶ Vnd wiewol wir ihn/ als einen/ der in vnserm Allge/  
meynen Catholischen glauben schwärlich irretē/ besun/  
den/ der auch ganz halßstarrig seinen irthumb/ weder be/  
kemen/ noch entschuldigen oder widerrüffen hat wöllen/  
haben wir im doch nichts desto weniger/ auß Väterlicherē  
mitley<sup>7</sup>

mit leyden/vnd als die/so sein zeytliche vnd ewige wolfare von herten begerten zūsuchen/ ein gewisse zeyt/darinnen er sich hierüber weyters hette zūbedencken vnd zūberathschlagē/vergönte vnd zūgelassen/ob er erwan sich eines bessern bedencken/vnd von gefasstem Irthumb abstecken wolte.

¶ Endlichen aber vnd zūm letzten/dieweyl wir vermercken das kein besserung bey jm weyters mehr zūerhoffen were/seind wir/nach verrichtung aller deren ding/so in vnserem Geystlichen Rechten zū vollstreckung solcher sachen erfordert werdē/doch mit grossem hertzleyd/traurigkeit vnd schmerzen/wider ihn fürgefahren/vnd vnser endlich vtrheyl/dabey wirs gedennen bleyben zūlassen/auff nachfolgende weyß vnd wort gefelt.

¶ Im nammen vnseres Herren Jesu Christi/guff den wir allein in diser ganzē handlung gesehen haben/Nach verhörter sache/zeügen/kundtschafftē vñ mancherley anzeygungen/haben wir endlich befundē/das Herz Johan Oldecastell der Ritter/vnd Herz zū Cobham/warhafftig ein Kezer ist/vñ bleyben will/der in denen stucken/so zūm Glauben vnd gehorsam der Allerheyligsten Khönigschen vnd Allgemeynen Christlichen Kirchen gehöret/fürnemlich aber vnd insonderheyt in den 10. Sacramenten des Altars vnd der Büß/ertlichen Irigen vnd Kezerischen menschen glauben gibt vnd folget. Das er auch als ein Kinde der Bosshet vnd Finsternuß/sein Herz dermassen gang verstocket hat/das er die Stimme seines Hirten nicht will hören/vñ sich weder mit ernstlicher vermanung gewinnen/noch mit freündlichen wort

Vtrheyl wi  
der den  
Herzen Ol  
decastell.

## Von den H. Gottes Bekennern

ren vnnnd geberden / wider bringen vnnnd bekeren lassen will.

¶ Vnd dieweyl wir sha alle handlung in diser gangen sachen vrsprünglich mit sonderm fleyß vnd ernst habenn erkündigt/vnd befunden/das gemeldter Herr Johan in solchem allem schuldig / vnnnd sein sünd durch verdampfe vnd verzweyffelte halbstarrigkeit noch erger vnd grösser macht/Dargegen aber wir keins wegs weyter habenn wollen gedulden/das der/der für sich selbs böß ist/nach erger werde/vnnnd andere mit seiner giftigen falschen lehr/verfüre/So haben wir auß gemeynem rath vnnnd wolbedachter meynung vnd schluß der Ehrwürdigen vnserer lieben brüder/Herrn Reichart zu Londen/Herrn Heinrich zu Wincesser/vnd Herrn Benedict zu Bangora/Bischöffen/auch etlicher anderer in H. Göttlicher Schrifften/den Geystlichen vnd Wellichen Rechte Hochgelehrten Doctorn/auch anderer Geystlicher vnnnd Hoherfarner Personen/die vnser in diser gehaltenen Versammlung Beysässer gewesen seind/obgemeldten Herren Johan Decastell Ritter vnd Herr zu Cobham/als einen der einterschandelichen Sünden vberzeuget/auch sich mit der Kirchen durch ware Reüw vnd Büß nit hat widerumb wollen versünen/als einen Ketzer / der in den Hauptstücken/so von der Allerheyligsten Römischen/auch der Allgemeynen Christlichen Kirchen beschlossen / gehalten/gelehrt vnd geprediget werden/vñ insonders in den obernannten Artickelen / schwärlich irret/offentlichen erkennet / geurtheyle/auch hiemit schriftlich vñ mit gemeyner erkantnuß verdampfe vnd verbanet.

Befelhen

**B**efolhen ihn hiemit von diser stund an hinfürt als  
 einen Kezer der Welliche Oberkeyt. Habē auch weyter  
 gemeldten Kezer/auch alle vnd jede so in hinfürt von we  
 gen seins gefasten irthumbhs hehauseu vnd beherberge/  
 schützen vnd schirmen werden/oder eynigen Rath/hilff  
 vñ beystände in diser sachen erzeygen vñnd thün werden/  
 oder sonst solche Kezer auffnehmen vnd verthädigen/ofs  
 fenlichen verbannet/vnd thün hiemit ihu vnd dieselbigen  
 alle/mit diser Schrifftten als verbannete leüch/mes  
 niglichen zü wissen. Vnd damit solches alles/allen Chris  
 ten menschen im gangē Königreich Engellande zü wisse  
 sen vnd kñndt gethon werde/so befehlen vnd gebieten wir  
 eüwer liebe allen sampt vñnd sonders / das ihr gemeldten  
 Herin Johañ Oldecastell/ als der von vns (wie oben ver  
 meldet) als einen der Kezerische lehr füret/trennung vñ  
 spaltung anrichtet/vñ in obgeschrybnē Artickeln schwär  
 lich irret/offentlichen verdampft vñnd verbannet worden  
 ist/sampt allen denen/ so bemelten Herren Johañem sei  
 ner irigen lehre zü gefallen/eynziehen/beherbergen/be  
 schützen vnd beschirmen/oder ihm eynigehilff/rath vñnd  
 günstigen willen erzeygen werden/ als auch die/die so vil  
 an jnen ist/die Kezerische lehr verthädigen wöllē. Nach  
 diser eüwerer selbs eygner erkantnuß in allen eüweren  
 Kirchen/Seccren/Bistumben/durch eüwere darzū ver  
 ordnete Diener in ihren Kirchen zñ der zeyt/wann das  
 volck am meysten beyeinander versamlet ist/mit hoher  
 verständlicher stimme/vnd in gemeyner Engellendischen  
 spraachen/wie dan solches in disem ganzen process ernst  
 lich eyngeleybet worden ist/ausschreyen/erklären vñ auß

Her: Joañ  
 würd Welt  
 licher O=  
 berkeyt bez  
 folgen.

## Vonden H. Gottes Bekennern

rüffen/Damit doch durch solche offentliche außsprüfung/  
die gefaßten Irthumben des gemeynen volcks / das vil  
leicht in diser sachen vil anderst/dann sie sich mit warheyt  
verlossen vnd zügetragen hat/berichtet worden ist/hinge  
legt vnd auffgehoben werden.

¶ Wir gebieten auch hiemit/das jr allen vnd jeden vn  
seren liebē miedrüdern in vnserm Bistumb Candelburg/  
von wort zü wort schriftlichen züschicken vñ Kunde thün  
wöllen/Das sie auch alle sampt vnd sonders in jhrem stee  
ren vnd flecken/alle weyß vnd form diß gehaltenen process/  
sampt vnserm Endurtheyl/vnd allen vnd jeden hiezü ge  
hörigen stucken/so in bemeldter schriftten werdē verzeych  
net stehen/offentlichen anschlagen/verkünden vnd auß  
rüffen/auch verschaffen das es durch sre geordnete diener  
vnd helffer außgerüffen/verkündiget/vnd angeschlagen  
werde.

¶ Das sie auch vns vnder schidlich vnd warhafftig wi  
derumb wissen lassen/welchen tag in solche schriftte zükom  
men/auch welcher gestalt sie disen vnseren befehl haben  
verrichtet. Datum in vnserm Schloß Maydeston/den  
v. tag des Weinmonats/ Im Jar nach der geburt Christi  
M. CCCC. vnd XIII.

¶ Dieweyl dann nün vil gemelter Johaß Olbecastell/  
als ein rechter warer Ritter/des Reychs Christi/vnd Be  
kenner Euan gelischer warheyt/vö obernauter der Geyst  
lichen vnd Prelaten in Engellande Versammlung/als ein  
Reger verdampft/ In ban gethon/vnd Welcher Ober  
Keyt erlaube war/ Das dieselbig zü im griffen/vnd in geo  
säncklich/ als einen verächter vñ schmäher Königlich  
Maicstat

vnd Martyrern/der iij. theyl. elvj



Maieſtat/in dem  
churz zu Londen  
legen laſſen. Auß  
diseſer gefäncknuß  
iſt er bey nacht en-  
trunnen/vnd mit  
etlich vilē andern  
in Cabritam ent-  
wichen/vnd da  
ſelbſt vō neüwem  
wider die genan-  
ten Geystliche vñ  
Cleryſey angefan-  
gen zūhandlen.  
Aber nach vier ja-  
ren widerumb ge-

*Calan*  
Ber: Olde  
caſtell iſt  
auß der ge-  
fäncknuß  
entrunnen  
aber wider  
gefangen  
vnd ver-  
brañt wor-  
den.

fangen / vnd gehn Londen ins gefäncknuß geführt/vñ vol-  
gends vnd der Regierug König Deynricks des fünfften  
diß namēns/auff dē platz S. Aegidij an eyſine Kette auff  
gehēckt/vñ verbrēnet worden. Im Jar nach der geburt  
Chriſti M. CCCC. vnd XVIII. Iſt also in im erfüllet  
vnd war worden ſein eygne Prophecey/die er von ihm ſel-  
bers/wie meniglichen zür ſelbigen zeyt wol bewiſt gewe-  
ſen iſt/gerhon hat. Das er nemlich/wie vor zeyten Helias  
der Prophet/hie aufferden vmbkōmen vnd ſterben wer-  
de. Welches im dan auch etlicher maſſen war worden iſt.  
Dan zūgleicher weyß wie zūnor im Alten Teſtament He-  
lias/da er von diſer Erden hinweg ſcheyden wolte/in ei-  
nem ſchürigen wagen gehn Himmel zūm ewigen leben ge-

W ij führt/

# Von den H. Gottes Bekennern



fürt / oder hinge-  
zuckwordē ist / Al-  
so ist diser vnser  
theurer Marty-  
rer Johān Oldeca-  
stell / Erstlich an  
galgen / gleichsam  
als auff einen wa-  
gen gesetzt vnd ge-  
hencket / nachmals  
aber rings weyß  
vmb mit feür bele-  
get worden / vnd al-  
so gleichsam auff ei-  
nem feürigen bren-

nenden wagen / seinen Geyst auffgeben / vnd gehn Himel  
in die gemeynschafft des Ewigen lebens gefaren.

**W. Wilhelm Taylour /**  
ein Priester in Engel-  
landt.

**D**u diesem schreybt der Hoch-  
gelehrte Johannes Valens / dz er ein Prie-  
ster vnd eins auffrichtigen vnschuldigen  
lebens vnd wandels sey gewesen / Derhal-  
ben er sich dann auch mit Gottseeligem  
vnd

vnd recht Christenlichem Eysen / wider die genand-  
 ten Papisten / vor wegen ihrer vilfältigen Abgötterey /  
 habe eyngelassen / als einer der als ein treüwer vnd  
 frommer Diener Gottes länger nicht kondte erdulden /  
 die erschrockenliche Gotteslesterunge / die sie mit ihrer  
 falschen verfürischen Lehre / täglichs vnder dem gemey-  
 nen Volck / triben vnd üben. Hat also dieselbigen / bey-  
 de Schrifftlich vnd mündlich in seinem predigen / mit ge-  
 waltiger zeügnuß der H. Göttlichen Schrifftten wider-  
 sochten / insonders aber wider die anruffung der Creatu-  
 ren disen Artickel ernstlich bestritten / das man das Ge-  
 bett allein solle zu dem Allmechtigen Ewigen Gott thun  
 vnd richten / Wie er dan hie von / vñ nemlich / das man die  
 Heyligen nit soll anruffen / ein besonder büch hat beschry-  
 ben. Vnd wiewol ihn des Antichrists diener durch vilfälti-  
 gige peyn vnd Marter widerumb zum widerüß getrun-  
 gen haben / so ist er doch endlich widerumb auß rechtem  
 eysen zum Herren Christo vnd ein mal erkantet warheyt  
 getretten / sein Bekantnuß widerumb gethon / vnd also  
 auff den andern tag des Mergen / Im Jar als man zalt  
 nach der geburt vnseres Erlösers Jesu Christi M. CCCC.  
 vnd XXII. zu Londē auff dem platz / so man den Schmid  
 platz nennet / durch des Antichrists diener als ein bestän-  
 dige Bekenner Christi / verbrennet worden. Vñ schrey-  
 bet Waldenus in seinem Büch von den Sacramenten /  
 das er allein vmb diser vrsachē willen / durch der Bischöf-  
 fen erkantnuß / zum feür verdampe vñ verurtheyle wordē  
 sey / dieweyl er gelehrt vñ gesagt hab / Das die Anberrung  
 der Creaturen oder der Geschöpfften / ein Abgötterey sey.

M. Tay-  
 lom: hardes  
 Bapsts vil  
 fältige le-  
 sterung  
 ernstlich  
 wider socht  
 ten.

110

110

110

110



# Von den H. Gottes Bekennern

Wilhelm Whyte/ein Prie-

ster in Engellandt auf  
Cantia.

Wilhelm  
Whyte hat  
ein Ehe=  
frau ge=  
nommen.

**I**n diesem schreibe auch der  
Hochgelehrte Johanes Valens/dz er ein ge-  
lehrter/auffrechter redlicher vnd wolhered-  
ter Man vnd Priester gewesen sey/welcher  
sein platten vñ schmier hingelegt/vnd ein

Merck.  
Summa der  
Lehr: so der  
fromme Why-  
te gefürt  
hat.

Gottselige züchtige Junckfrawe/mit namen Joana/zü  
seinē Ehlichen gemahel genomen hab. Vñ doch darnebe  
die predig vñ verkündigung des H. Gottes worts/nit vn-  
derlassen/sond für vñ für zü befürderung des rechten wa-  
ren glaubens in den Herren Jesum Christum vil gelesen/  
geschryben/auch treüwlich vnd ernstlich ander leüt geleh-  
ret. Insonders aber sey diß in allem seinem schreyben vnd  
predigen das fürnembste vnd hauptstück gewesen/das er  
alle menschen dahin gewisen hat.

I.

¶ Das man verzeyhung der sünden allein bey vñnd  
von Gott müsse erlangen.

II.

¶ Darneben auch bezeüigt/das das Ehelos leben des  
Papsts vnd seiner Geystlichen/sey anders nichts/dan ein  
Teuffels stand/ein schwäre gesäncknuß des Antichrists/  
vnd deshalb ein abfall von Christlicher freyheyt.

III.

¶ Item/das man die Bilder vnd Gözen dem gemey-  
nen Man nit gestatten solec.

IIII.

¶ Auch die gebeyn der Todten nit mehr verehren/vñnd  
anders dergleychen/rc,

Sage

vnd Martyrern/der iij. cheyl. plovij

¶ Sagt auch die Römisch Kirch were der Seygenbaum/welchen der Herr Christus/darumb das er kein frucht eines rechtgeschaffnen glaubens bringen vnd tragen wolte/verflucht hette. V.

¶ Item das die Bekapten/geschmierten vnd beschornen Geystlichen/des Lucifers Landesknecht vnd diener waren. Vnnd das ihnen allen/dieweyl ihre Ampeln nicht brennen bleyben/sondern ausgelöscht wurden/die thür/wan der Herr Christus kômen wurde/verschlossen bleyben wurd. VI.



¶ Diser hat erstlich zu Candelburg vnder dem erzbischoff Heinrich Chycheley/ Im Jar nach der geburt Christi/M. CCCC. vnd XXIII. verleüget vnd widerüfset / Aber doch bald hernach inn Christo widerüfstercker vnd männlicher worden / sein bekandnuß gethon / vund zuletzt zu Nordonig durch den Bischoff daselbst / Wilhelmum / zum feur verdampft vnd verbrennet worden. Im Herbstmonat / Als man zalt nach der geburt Jesu Christi/M. CCCC. vnd XXVIII. Jar.

Don den H. Gottes Bekennern

Thomas Rhedonensis/  
ein Franzos vnd  
Carmelit.

Wie diser Thomas erstlich auß Franckreych in  
Welschland gezogen vñ daselbst auß Christlichem eyser/wider den pracht/  
stolz vnd vbermüt des Pappsts vnd seiner Cardinal öffentlichen gepredie-  
get/ folgendts als ein Betzer verklagt/ gesäncklich angenommen vñd ver-  
brant worden sey / Hastu günstiger Leser hienach einseyne  
Hystory gezogen vnd verteuerscht auß den  
Schufften Johannis  
Foxi.

Thomas  
zeiticht gen  
Rhom/ver  
meynt das  
selbst fröm-  
mer zürwer-  
den.

**T**war als man zalt nach der  
geburt vnsers Heylandes Jesu Christi/ M.  
CCCC, vnd XXX. ist obgemelter Thomas  
(welcher ein geborner Franzos / vñ ein Car-  
meliter Mönch gewesen ) mit 8 Venediger  
bottschafft in Italgim oder Welschlandt komen. Dann  
dieweyl er die lehr des H. Euangeliums etlicher massen er-  
schmeckt/ vñd der selbigen mit höchstem ernst vñd eyser  
nachzuhengen fürnemmens war / hat er gedacht er könt  
de solches an keinem anderen ort besser erlangen / dann  
eben in Welschlandt/ vñd fürnemlich in der statt Rom sel-  
bers. Dieweyl dieselbige Statt/ vñ menigklichem / als dz  
haupt der gangen Christenheyt/ vñ ein sitz oder Stül des  
Allerheyligsten Apostels Petri/ erkant/ verehret vñd ge-  
halten ward. Dahin ist nun diser vnser Thomas gezogen/  
als der da verhoffte/ er wolte durch die beywohnung vñd

Ye näher  
Rhom ye  
böser  
Christ.

Exem<sup>pl</sup>



Exempel solcher heyliger heerlicher vñ fürtrefflicher leüt in warer Gottseligkeit/vñ Christlicher lehr von tag zu tag/ yelänger vñ ye mehr zunemen vnd wachsen.

¶ Aber dz werck an im selbers hats vil andst bezeügte. Dann er fand da/

Saußhaltung zu Rom.

betrug vñ lauter gleyßnerey. Dañ da regiert anstatt d' Himlischen Güter/ Weltliche Bauchsorg/ anstatt warer Gottseligkeit/ allerley vberfluß/ anstatt güter künsten/ alle Faulkeyt vñ Aposteylerrey/ anstatt der Apostolische eynfalt/ lautter tyranney vñ greüwliche grosse hoffart/ Suma/ das es alles miteinander verkeret vñ verderbt war. Vedoch bekümert disen fromen theuren Man nichts mehr/ dan die vnmenschlich hoffart/ vñ grausam grosse pracht/ den er an denen leütchen sahe/ die doch sonst aller Welt/ als feyne exempel Gottseliger demüt vñ gelassenheyt solten für gestellt sein. Vñd wiewol er garnaher nichts fande/ das nach der Apostel lehr angerichtet were/ so hatte doch solch hoffart vñ vberfluß dermassen vñ so gar vberhandt

## Von den 5. Gottes Bekennern

Thomas  
kan länger  
zu dem  
prächtigen  
Stolz zu  
Kom mit  
Stillschwey  
gen.

genommen/das er auch länger hiezü nit künde/ oder wißte mit gütē gewissen/dieweyl die Kirch Christi/dardurch zugrundt gieng/stillschweygen. An gebeüwen/Kleydern/Kostlichen Pallästen/ In speyß vnnnd tranck/ In vile der Knecht vñ Diener/in üppigkeyt des lebens / mit Rossen/auch Kriegswaffen / müßte er einē vberschwenckliche vberfluß sehen. Vnd dieweyl solches alles Euangelischer lehr vnd Regel züm höchsten züwider/so hat gemeldter vnser lieber Thomas länger hiezü nit künden stillschweygen. Ob er wol wußte/das er mit seinem reden wenig nutz schaffen wurde. Dann wan ye hett sollen etwas an solchen leuten helfen/so solten sie doch ab dem todt so neüwlich Johan Nuss vnd Hieronymus von Prag vmb der warheyt willen erlitten/frömer vnnnd besser worden sein/welches aber nit allein nicht beschehen / sonder sie seind nur desto erger vnnnd verflüchter worden. Wiewol auch solche verüchte vnweyß ihn nit hat abgeschreckt/dan er auch bereyt war/was es von nöten/vnd es Gott also haben wolte / den todt vber solchem so heylsamē vnnnd notwendigen Ampt/ zu leyden.

¶ Also ward nün auß dem/der darumb gehn Thom zogen war/das er noch ein Jünger vñ discipul solcher leute sein wolt/ein Doctor vnd Lehrer/der sie vnderweyset vñ lehret. Sein leben füret er dermassen/das ihm billich alle Menschen solten gefolget haben. So war sein lehr also beschaffen/das sie meniglichen züm heyl anführen vnd weyßten künde. Aber wie Paulus gesagt hat/das alle so da in Christo Jesu wollen Gotsseelig leben/müssen verfolgung leyden/also gieng es disem gütten lieben Man auch. Er gab

vnd Martyrern/8 iij. theyl.

1

Gab meniglichen die rechten waren fruchtē/warere Gott  
 seligkeit/denen man nachfolgen solte/So gaben sie ihm  
 dargegen die Kron der Martyrer. Er zeiget ihnen dem  
 weg zum leben/so lügten sie darneben/wie sie in tödten vñ  
 vmbbringen köndtē. Sein mühe vñ arbeyt/köndte man  
 mit keinem gelt bezalen/aber dargegen haben sie in auch  
 bis ins feur hinein verfolgt. Dañ nach dem er mit seinem  
 ernstlichen lehren vnd predigen/viler Cardinalneyd vnd  
 haß auff sich geladen/haben sie zuletzt angefangen/nach  
 solchē mitteln zur achtschlagē/durch welche sie in möchten  
 vmb leben bringē. Bald nemen sie das alte vnd gemeyne  
 Mittel für sich. Dañ diß ist bey den Genanten Geystli-  
 che Prelaten vnd Herren/ein besondere vnd ewigbleyben-  
 de gewonheyt/wañ inen einer in seinem Predigen/mit ge-  
 salt/oder zuhefftig einreden/oder jrē gewin vñ einkömen  
 abbrüchig vnd nachtheylig sein will/so erdencken sie von  
 stund an etliche Artickel die da Kegerisch/falsch/vñ irrig  
 sein sollen/vñ mit den selbigen beschwären sie ein solchen  
 prediger. Vñ ist diß aller Bischöffeywigs waffen/dz/wañ  
 ein Prediger jrē mütwillen/oberfluß vñ hoffart zuwider  
 ist/sie von stund an wider in als wid ein Keger handlung  
 fürnemē/damit er erwürgt werde. Welchs man in viler  
 andn vñ gleichsam onzalbarn Exempeln/sürnēlich aber  
 an disem vnserm lieben Thoma leichtlich sehen vnd erken-  
 nen kan. ¶ Dañ so bald er ansieng etwas ernstlicher zu  
 predigen/also dz in des Papsts hoffgesind länger nit hö-  
 ren od duldē köndte/da namen sie die alt practick für die  
 hand/vñ dz sie neüwlich wider Johān Hussen/vñ Hiero-  
 nimum von Prag/zū Costentz auff dē Concilio/erdacht/

Cardinal  
 mögen das  
 predigen  
 vñ straffen  
 des fromen  
 Thome in  
 die har: nit  
 leyden.  
 Papisten  
 gemeyner  
 brauch wi-  
 der frome  
 prediger.

# Von den H. Gottes Bekennern

das erdencken sie auch wider disen lieben Man.

¶ Da gieng nun mancherley böser argwohne stark wider in/ sie vberfielen ihn mit mancherley fragen/ Examinirten in für Gericht/ stelleren Artickel/ beschuldigten in der Ketzerey/ verdampften letztlich vnd erwürgten in als einen Ketzerey. Dañ dis ist der fridlich stand aller Geystlichen/ das/ ob sie wol von aussen kein schwerdt noch andere waaffen tragen oder für/ yedoch inwendig im hertzen voller giffte/ bösheyt/ rachsirigkeit/ neyd/ haß vnd aller böser practicken/ die ihu vil scherpffer vnd spiziger seind dañ alle schwerter/ stecken. Es würt in ernstlich vnd züm hefftigsten verbotten/ das sie kein Wehr auff offner gasen tragen sollen/ vil weniger darmit sechten/ darneben aber wan es für Gericht vnd zur anlag komet/ sindt man vnder der Söhnen keinen so verruchten böswicht vñ mördeder/ der daraachsiriger sey/ vnd seins brüders leyb vnd leben so gering achtet/ dann eben dise leut. Sie vergiessen gleichwol für ihr person kein blut/ schlagen auch vnd tödten nyemandes/ nicht desto weniger aber/ so vbergeben sy sie andern/ züm todt. Vnd ist derhalben kein anderet vnder scheydt zwischen disen beyden/ dañ das dise die thäter/ ihene aber die Vrsächer des todt schlags seind.

Artickel  
wider Tho  
mam ange  
steller.

¶ Die Artickel aber/ so sie wider vilgemelte Thomam erdacht vnd angestellt haben/ seind (wie etlich vermeldt) dise nachfolgende gewesen.

¶ Das die Kirch einer Reformation von nöthen sey/ vnd das sie gewißlich schwärlich gestrafft vñ Reformirt werden soll.

II.

¶ Das die vngläubigen Juden/ Türcken vnd Heyden

den (so in Mauritania wohnen) zu den letzten zeytē auch zum Herren Christo / vnnnd Christlichen glauben bekert werden.

¶ Das zu Rom vil erschrocklichs greuwels fūrgang. III.

¶ Das des Papssts ban / wann er vnrecht gebraucht werde/nichtes zu fürchten sey/das auch die/die in schon nicht halten/nie sündigen/ze. IIII.



¶ Nūn war auch von nōtten/ das jemandts solche jetzerzölte Artickel wider in fürnemē/ vñ zum end außfürte/ Der hat sich dan auch bald funden/ Insonders zu Rom/ da man alle ding/ auch die Seelen der Menschen / vmba gelt seyl findet. Ward also befehl geben dē Cardinal Wil-

helm von Rothomagen/welcher zur selbigē zeyt des Rōmischen hoffs Viceanzler war.

Es war aber zur selbigē zeyt Papsst zu Rom einer mit namēn Eugenius/für disen ward vil gemelter vnser Thomas/ aber gefäncklich/ gefordert/ Vñ da er erschine/ ward er in Kercker geworffen. Vñ nach dem er ein zeytlang im



## Von den H. Gottes Bekennern

Krecker gefessen / vilfeltiger weysß gefoltert / gepeyniget vnd gemartert ward / Waben ihn die verordneten Richter widerumb fürgefördert. Da saß nün der Oberst Richter wie ein rechter Wolff / vñ ward vor jm Thomas als dz arme schäfflin / welchs dz wasser beträbt hatt / verklagt.



¶ Vnd bald / die weyl er ihrer bößheyt vnd gewalt / nit kondte widerstande thün / züm feür verdammet / yedoch mit dē gering / dz er zünort aller Geystlichen Weyhe / durch die er Priester wordē war / solte beraubt werden. Also müste nün d̄ fromme Thomas / ehe vñnd er gerödet

ward / zünort entweyhet / Vnd nachma s auch seins lebens beraubt vnd mit feür verbrēnet werdē / Im Jar als man zalt nach der geburt Jesu Christi M. CCCC. vñ XXXVI. Im vierdten Jar nach dem er gehn Rom Komēn war. Erliche bezeüge auch das Bapst Eugenius züm offternmal vnd biß in sein end / dises fromen Manns (der jm auß neyd vnd haß etlicher böser leüt sey fälschlich verklagt vnd angeben worden) todt hefftig geklagt vñnd betrauret hab.

Pfarthe

vnd Martyrern/der iij. theyl.

lij

Pfarher von Schonbach  
vnd Büch.

Was sich mit disen zweyen Pfarhern vnd dem Bischoff zu Merßburg/ im beysein seines Cantzlers vnd eines Magisters verlossen/ findestu hienach/ Günstiger Leser / auß einer Schrifft/ so hievon anßgangen ist/ Im Jar M. D. XXIII. nach ordnung verzeichnet / vnd von jnen selbers (wie es sich ansehen laßt) beschriben.

Handlung des Bischoffs von Merßburg / mit den zweyen Pfarhern von Schonbach vnd Büch / geschehen am Dinstag nach Bartholomei.

Anno Domini. M. D. XXIII.

**D**instags nach Bartholomei früh umb vii. vhr / seind wir Pfarher zu Schonbach / vnd Büch / zu Merßburg für vnsern G. N. den Bischoff in seiner G. Stuz ben gefordert / vnd in beysein S. G. Cantzler / vñ eins Magisters / vnser bedunckens / Prediger daselbst / verhöret / in massen wie hernach folget.

Erstlich hat vnser G. N. zu Merßburg / ein langere rede gethon / vnd den inhalt seiner Citation / Seleytsbrieff / vnd schreybens an Pfarher zu Schonbach gethon / repetiert / auch seiner antwort / mit anzeygung des vngheorsames

# Von den G. Gottes Bekennen



sams/ des sein G.  
nit vnbillich ver-  
druss hett / yedoch  
wolt sein G. gern  
vergessen vnd ver-  
gebē/ so wir nach-  
mals inn gehor-  
sam erschinen/ vñ  
beyde in gnaden  
annemen / beuor/  
so wir vns der Ar-  
tikel / damit wir  
angeben vnd be-  
rührigt / wöleñ  
weyssen lassen / vñ  
bessern / dann sein

G. were auch ein sündler / gnad von Gott bedörffend / der  
halben sein G. nit wüßt vngnädig zu sein / so wir vns er-  
kēten. Fürer weyter eyn mit langen Worten / wie sein ge-  
nad sein tag vil / vñ etwas mehr / dan wir jungen leüt / er-  
faren / manchem gewaltigen grossen vñ gelehrten vnder  
augen gesehen / auch züm theyl (on rhüm zureden / wz das  
nün were) etwas gelesen. Aber solche seltsame dinge / die  
wir vns Pfarthern fürgenomen hettē / werē seinen gna-  
den frembd vñ vngehör / vñ vñnd derhalben auch nit leyd-  
lich / sonil in seine vernunft weyset / vñ Bischöfflich ampt  
verursacht. Nemlich / dz wir Theweyber genomen hettē /  
des solten wir nün grundt vñ vrsach anzeygen / vñ fra-  
get wie folget.

Bischoff

**B**ischoff sprach. Pfarther von Schonbach/habt jr/  
als man sager/ein Eheweyb: **P**farther. Gnädiger  
Herz/Iha. **B**ischoff. Auß was vrsach: **P**farther.  
Ich hab in mir befunden die ansechtung des fleyschs also  
geschwind/das mir Keuschheyt zühalten nicht möglich.  
Vnnd wiewol ich Gott darumb vilimalß gebetten/so hab  
ich gespürt/das mir solchs von Gott nit gegeben/so lang  
ich trost von Christo Matth. am xij. empfangen/da er  
spricht/Non omnes capiunt uerbum hoc, sed quibus datum est.  
Das ist/Das wort fasset nit jederman/sonder denen es ge-  
geben ist. Vnnd darnach. Qui potest capere capiat, &c. Das  
ist/wer es fassen mag/der fasse es. Auch fürther im Pau-  
lo. Melius est nubere quam uri. Das ist/Es ist besser freyen/  
dan brunst leyden. In welchen/auch andern vil sprüchen  
ich befunden hab/das mir ein weyb zünemen/nit allein ge-  
botten/sonder auch zügelassen. **B**ischoff. Wynet jr/  
das die sprüch den heyligen Vättern/der Christlichen ver-  
samlung/der Römischen Kirchen/den heyligen vier Leh-  
rern/vnbewist seind gewesen: Halt jr euch/vnd eüweren  
fürer Doctoz Martinum mehr vnnd besser/dann die/die  
für güte angesehen haben/das die Priester/die das aller-  
höchst Mysterium/od geheymnuß/der Messen handeln/  
reyn vnd Keusch leben sollen/wie auch im alten Testamēt  
figurirt vnnd bedeitet ist bey der Archen/ıc. Auch würt  
das wörtlin Capere, das ist/Fassen/in Mattheo darvon  
nit verstanden. **P**farther. G. N. ich hab auch wol ge-  
wüß den gebrauch der Römischen Kirchen/ich hab aber  
dz wort Gottes/den menschē gebotten/die wir nach Pau-  
lo laqueos, dz ist streck/billich nehen/vorgezogē vñ besser ge-

## Von den 5. Gottes Bekennern

acht. Will mich derhalben versehen/ *L. S.* werd es auch thun. Dz aber dz wörtlin *capere*, dz ist/ *Fassen*/ in *Mattheo* dauo verstande würt/ ist Teütsch gnüg/ wan *L. S. G.* die Bibel ansehen wolt/ würd sichs also befinden/ vnnnd will es eüwer gnad hören/ so will ichs auß meiner Bibel lesen/ dan sibet eüwer gnad/ das dz pünctlin/ da Christus sage/ *Non omnes capiunt uerbum hoc.* Das ist/ Dz wort fasset nit jederman/ sich dahin zeücht/ das die Aposteln sagen. *Domine, si sic est, non expedit nubere.* Das ist/ Herz steht diosach eines Manns mit seinem Weyb also/ so ist es nicht güte chelich werden. Vnnnd also fürtan/ das das wörtlin/ *Capere*, *Fassen*/ niendert anders gehöret/ dann dahin/ das die Apostel in irer frag sagen/ *Non expedit nubere*, das ist/ So ist es nit güte chelich zu werden/ vnnnd zu dem wörtlin *Eunuche*, das ist/ Die Beschmitenen/ ich meyn ye es sey Teütsch gnüg.

¶ *Ganzler* vnnnd *Magister*. Es ist *Latēinisch*/ nicht Teütsch. ¶ *Pfarzher*. Das meyn ich also/ Es sey klar vñ verständlich genüg. ¶ *Bischoff*. Lieber laßt eüch weyssen/ die sprüch werde nit den Priestern/ sonder den Leyen gesagt. Es stehet auch ein wörtlin züuor/ *Diriciam cordis*, das Christus sage/ *Moses* habe vmb der herzigkeyt ihres Herzen willen/ ihnen etwas nachgelassen/ das möcht ich eüch wol zulegen/ dann ihr seydt ye ein harter verstockter mensch. ¶ *Pfarz*. Ich wils beweyssen/ wiewol der vnderseydt zwischen Leyen vnd Pfaffen/ in der geschrifft kein grunde hat/ so wir alle in Christo Priestern seind/ das die sprüch auch den Priestern gesagt/ dan *Paulus* in der Epistel züm *Tico* vnd *Timotheo* sagt. *Oportet Episcopum unius uxoris Virum esse.* Das ist/ Ein Bischoff soll

soll eins Weybs Man sein. So Christus vnd Paulus in  
 vorigen Worten vnd sprüchen nit die Psaffen (als jr sage)  
 gemeynt/so ist hie Paulus wider Christum/vñ sich selbs.  
 ¶ Bischoff. O lieber Psarher/maxime erratis, Ihr irrend  
 eüch weyt/wa rehent ihr eüwer uotum, oder Gelübd/hin?  
 ¶ Cangler vnd der Magister. Jha./jha/ das solt jr vorz  
 hin bedacht haben/da ihr eüwer ordines, oder Weyhe na  
 men/vnd ehe dan jr Celibatum uouiert, Keüschheyt gelobe  
 haben/jhr habt eüwer alter gehabt/ warumb bedachten  
 jrs nit vorhin/ehe dan jr iurietē vñ schwüren. ¶ Psarz.  
 Ich beken/das ich uotum vnd iuramentum/das ist/Gelübd  
 vnd Eyde gehon/beken aber nit/das ich wol vnd billich  
 uouiert vnd iuriet hab/ich hab gelobt/das ich nicht ver  
 mag/vnd das ich on sünd nit haltē kan. Item/ auß vnuer  
 standt bin ich vom Bischoff versürt/warumb solt ich eins  
 bösen Jraments/oder Eydes nit abstehen/vnd nit auff  
 hören zü sündigen (Wie lieh man mir nit statē gnüg züre  
 dē/wie dan garnah allemal) Ich kan mich auch wolerit  
 nern/das mein gelübd mit dem züsatz geschehen ist/Quanz  
 tum humana fragilitas permiserit, das ist/ Souil Menschlich  
 blödigkeyt erleyden mag/ L. G. nem auch in ein beden  
 cken/was ergernuß vñ sünd/vngezweyffelt auch hie in L.  
 G. Sciffte von Priestern geschehen/mit souil vnzüchtrigen  
 weybern/die hie zü Werßburg erhalten/vvnd öffentliche  
 sünde zügelassen werden/welches alles auß dem bösen ge  
 lübd der Keüschheyt erwechset. ¶ Bischoff. Ey lieber/  
 habt jr nit auch gelesen/Alter alterius onera portate, das ist/  
 Es trag einer des andern last. Wie soll man jm thun/es  
 muß einer mit dem andern gedult tragen/es ist ye leydt

# Von den 5. Gottes Bekennen

Hirerrey  
reyben ist  
bey den Pa  
pisten ley=  
denlicher /  
dann ein  
Eheweyb  
nemen.

cher / das ein Priester auß gebrechen vñ schwachheyt fall/  
mit einer armen dirnen zu sündigen / dann das er fränen  
lich ein Eheweyb zunemen / wider das Jurament vnd wi  
der den gebrauch der Kirchen thü. Es kompt zweyspal  
rigkeyt / ergernuß / vnd hader darauß / dz der Ley spricht /  
Schauw / der Pfaff ist sonderlich / vñnd nimpt ein weyb /  
die anderen alle müssen vngerecht sein / der ist allein klüg  
vnd from. Lieber laßt von eüwer blindheyt vñ torheyt /  
laßt mein güttigs vñ gnädigs vermanen statt haben bey  
euch. ¶ Pfarzher. Mein gnädiger Herz / ich werde dan  
besser vnderricht / dann bissher geschehen. ¶ Bischoff.  
Wolan / es ist mir leydt / Gott helff euch.

¶ Hieranff wendet sich der Bischoff / vñd  
sprach den andern Pfarzher von  
Büch an / vñnd  
sagt.

Drey vrsas  
chen was  
rumb man  
in Ehestad  
kommen soll.

**H**erz Pfarzher von Büch / bekennt jr / das jr ein Ehe  
weyb habt. ¶ Pfarzher. G. D. ja / ich bekenß. ¶ Bis  
choff. Was ist eüwer antwort. ¶ Pfarzher. G. D. wie  
wol ich mich gang auffß Pfarzherß von Schonbach ant  
wort vñnd fürgebrachte schrift referier / so sage ich doch  
auch / vñ stell mein antwort auff drey vrsach.

I.

¶ Zum erste / das ich in mir nit befunden habē die gan  
be der reynigkeyt.

II.

¶ Zum andern / dz es die Schrift an keinē ort verbeit /  
auch wenig heylige Lehrer darwider seind.

III.

¶ Zum iij. das ich ergernuß verhit / welche Christus  
so offte



so oft vnd hoch  
anzeiget / auch  
Paulus da er sa  
get. Episcopus sit  
Vir irreprehensi-  
bilis, &c. dz ist / Ein  
Bischoff soll vn-  
sträfflich sein / &c.  
Also / das mir in  
Keinen weg an-  
ders gezymmen  
wolt / dieweylich  
vnwürdig / als  
ein Pfarher /  
Gottes wort pre-  
digen solt / dann

das ich ein weyb neme / &c. ¶ Bischoff. Allmechtiger Gott  
wie verstockte blinde leüt / mich verwundert / was ihr eüch  
doch jmer zeycht. Ich setz das es recht were / das jr beyde al-  
lein eüch / on vernunfft / vñ gnügsame vrsach / so starck wir-  
der ein solche krefftige gewonheyt der Kirchen dörfte set-  
zen / möcht doch geharret haben / bis von der gemeynen  
Kirchen were zügelassen vnd gebilliche / vnd nit also züge-  
lagt. ¶ Pfarher. G. H. wir fürchten es wurde zü-  
langherten gern künden / aber nit so lang harren. ¶ Bi-  
schoff. Glaubtes / wolt auch wol eins genommen haben.  
¶ Pfarher. Warumb thüts eüwer gnad nit. ¶ Bi-  
schoff. Macht ein Creütz für sich. Da sey Gott für / da sey  
Gott für / ich verman eüch beyde mehr dan mir gepürt / ist



# Von den G. Gottes Bekennen

aber alles on frucht vnd für nichts angesehen/ Nun wol  
hin/ich hab das mein gethon.

¶ Hierauffwendet sich der Bischoff wi  
derumb zu dem Pfarzher zu Schon  
bach/vnd sagt.

Von Fasten  
vnd fleisch  
essen.

**P**farzher zu Schonbach/mit eüch hab ich weyter zu  
preden. Es ist vns fürkommen / das jr eüweren Pfarz  
leüten die Fasten verbieten/heysen sie fleisch/vñ was  
sie wöllen/essen. ¶ Pfarzher. G. D. ich habe fasten nicht  
verbotten/aber geprediget/das fasten/das ist/essens vnd  
ertrinkens mässigkeyt / sey an kein zeyt / tag oder vnder  
scheydt der speyß gebunden/züröden das fleisch. ¶ Bis.  
Ir werdey mir ye die xl. tägige Fasten nicht vmbstoffen/  
die vns Christus nachzüfolgen fürgebildet hat. ¶ Pfarz.  
Es seind zweyerley werck Christi / erstlich die sich ziehen  
ad fidem & charitatem, das ist / auff den glauben vnd Liebe/  
da er spricht / Discite à me, quia mitis sum & humilis corde. Ds  
ist/Lernet von mir/dan ich bin sanffemütig vnd von her  
zen demütig. Vnd sonst vil dergleichen vns nachzüfolge  
vermanet/den selbigen sollen wir nachfolgen. Zum an  
dern sein wunderwerck/als todten erwecken/krandten ge  
sundt machen/sovil Tausent menschen mit so wenig brot  
vnd fisch speysen/xl. tag vnd nacht sich der leybliche speyß  
enthalten/2c. welche seind ein bewärung d'Gottheyt Chri  
sti / vñnd haben damit ein Geystlichen verstande vñnd  
lehr/den selbigen künden wir nicht nachfolgen / ist auch  
nicht not. ¶ Bischoff. Ich laß das xl. tägig Fasten nit

Zweyerley  
werck Chri  
sti/vnd wie  
man den  
selbigē fol  
gen solle.

anders

anders sein/dan ein werck der nachfolgung / sagt was ihr  
wölt. ¶ Pfarzher. Wills eüwer G. nit anders haben/  
so gehe eüwer gnad hinaus in die Wüsten/vñ esse in vl. ra  
gen vñnd nächten keinen bissen. ¶ Bischoff. Ihr dörfte  
mich nicht heysen was ich thün soll/ihr seydt noch zu gäl  
vmb den schnabel/vnd zuwenig mich zuheysen / auß auß  
was höre ich. ¶ Bischoff. Was sagt jr dan zur Wess die  
jr in eüweren Kleydern/vñnd nicht wie die heyligen Vät  
ter geordnet habē / halten: Den leüten beyder gestalt das  
Sacrament gebr. Es ist aber nichts/das ich eüch vil für  
halt/ich vernim kein besserung. ¶ Pfarzher. G. H. das  
ich kurz darzü antwort/ich neime für mich die drey Luan  
gelisten/vnd Paulum/wie eüwer gnad selbs wol weyße.  
¶ Bischoff. Ach jr vernembts nit / jr folget den Griechen  
nach/dar auff jr eüch vñlleicht referiert/das seind böse vn  
gehorsame leüt/haben sich zu klüg geacht / dz sie soltē von  
den Römern regiert werden/vnd haben bissher allzeyt ih  
res Kopffs gelebt. ¶ Cantzler. Ich bin auch in Grecia  
gewesen/vñnd gesehen ire weyße zu Celebrieren/aber dan  
nocht in jren verordneten Kleydern vñnd gebrauch / auch  
von menschen geordnet/2c. was ihr eüch zeyhet/ solt eüch  
noch mehr wundern dann mich. ¶ Pfarz. Ich hab mich  
nichts gezogen auff die Griechen/wundert mich / wie ihr  
mich dahin fürē wölt. / Ich geb in dem fall eben sonil auff  
die Griechen/ als auff die Römer/ich stehe auff dem wort  
Gottes/vñ will mit keiner lehr gefangen sein / er hab dan  
die geschriffte. So nün die wort Christi/darinn die Wess  
steht/keine d weyß/wie wir bissher Wess gehalten/inhalt/  
sollen sie mir auch willbölich vnd frey sein. ¶ Bischoff.

Bischoff  
zürnet.

Von der  
Wess vñnd  
beyder ley  
gestalt des  
Sacra-  
ments.

Eins Chri-  
sten bester  
grunde ist  
Gottes  
wort.

Das

# Von den H. Gottes Bekennern

Das ist sonil gesagt/wir seind allein klüg/vnd alle Väter der Kirchen seind Narren/wissen nichts. Mein lieber freündt/D. Martin weysß noch nit alles/würt mich nit vberreden/das ich mehr von im/dañ den Heyligē vier Lehrern halt/ich biñ der wenigsten einer/wolt noch D. Martin an vil ortern weysen/da er nicht hin gedacht herr.

**¶** Pfarrher. Soll ich ihm das also von L. G. sagen. Der Christlich from vatter Martinus hat sich alle mal erboten/er kōnde vnderricht leyden/auch von einem kindt/geschweyg vō L. G. **¶** Bis. Ich sag nit dz ich mit im disputieren will/es ist mir auch nit not/dañ er ist in meinē Gebiet nit/des ich Gott danck/mir ist zūnil an eüch beydē. Aber ich will eüch ob Gott will noch dahin bringen/das jr mir folgen solt/ich sags allein darumb/dz jr alle ding mit Bibel vnd Euangelio beweyst wōlt haben/vnd also die heyligen Väter vnd Doctores veracht. Ich wolt gern vor eüch wissen/wie jr alle Artickel des Glaubens mit dem Euangelio beweysen wolt/vnd so gar nichts auff die Lehrer geben. **¶** Pfarrher. Welcher Artickel stehet dañ nit im Euangelio. **¶** Bischoff. Descendit ad infernum, dz ist/Abgestigē zū den Hellen. **¶** Pfarrher. Hilff Gott er sterhet doch in Geschichten der Aposteln/vnnd in Paulo. **¶** Bischoff. Ja Paulo/ist das im Euangelio. **¶** Pfarr. Iha freylich im Euangelio/wañ L. G. Paulum nit das Euangelium will sein lassen/haben wir bas zuehñ mit L. G. **¶** Cangler. Paulus enim habet alia uerba, quam Euangelium, si alia uerba, non est idem cum Euangelio. Dz ist/Paulus hat ande wort/dañ das Euangelium/dieweyl er dañ andere wort hat/so ist er ye nit ein ding mit dem Euangelio.

Merck  
Christlicher  
Leser der  
Papisten er  
schöckliche  
blindtheyr.

vnd Martyrern/8 iij. cheyl.

lvij

lio. ¶ Pfarz. Da da/ Nego consequentiam, das ist/ die folg  
schleüßt nichts. ¶ Cang. Jaman mag sagen/ Licet non  
sit idem cum Euangelio explicite, tamen implicite, das ist/ Ob  
wol Paulus nit eins ist mit dē Euangelio außtrucklich/  
so ist ers doch verborgenlich. ¶ Bischoff. Wolan/ lastes  
güt sein/ wir wollen vns mit ihn in kein disputaz geben.  
Aber eins müß ich sagen/ mich wundert das jr die Messge  
wände vnd weyß der Messen nichts wölt sein lassen/ so  
doch jr nie leügnē dörsst/ das man bey dem hochwürdigē  
Sacrament das leyden Christi bedencken soll/ Nün ist  
nichts am kleyde vnd Character/ dan lauter anzeygung  
des leydens Christi. ¶ Pfarzher. Hett Christus dar  
durch wöllē memoriam sui, dz ist/ sein gedächtnuß/ bey vns  
haben/ er hett vns nit sein Leyb vnd Blüt gelassen/ hett  
auch wol kleyder vnd Characteres gebraucht/ vnnnd ge/  
sprochen. Hoc facite in meam commemorationem, &c. Dz ist/  
Dis thut zu meiner gedächtnuß/ ic. Wan man das wort  
Gottes profitiert/ oder predigt/ wie Paulus sagt/ schaffe  
freylich mehr Gottes zügedencken/ dan das spiegelstechē.  
¶ Bischoff. Ihr seyde ein Narz/ das hör ich wol/ ein rech  
ter Narz. ¶ Pfarzher. Danck eüwerē G. wills also gern  
von E. G. annehmen. ¶ Bischoff. Ists doch warlich war/  
Ihr machens selbs mit eüweren worten/ heysen das aller  
heyligst ampt ein spiegelstechen/ ey ey/ wie arme leüt seind  
jr/ wolan/ emendiert vnd bessert eüch/ vn seyde nit sonder  
lich/ thut wie fromen Priestern zügehört/ nach gewonheit  
der Christlichen Kirchen/ nempe bey leyb nichts neu/  
wes für/ last Martinum Martin im bleyben/ Ich habe  
Martinum ebe gekent dan jr/ man weyß wol was lebens Luber.

Ob Paulus  
vñ dz Euan  
gelium ein  
ding sey.

von S.  
Martin

## Von den G. Gottes Bekennern

Der Teils-  
sel muß ge-  
logen habe

Martinus ist / es ist vns wol gesagt. ¶ Canzler. Sage  
mir Pfarrher / was Kleydes hat er jetzt an? ¶ Pfarrher.  
Sein schwarze Kappen / vnd was ist's dann / was ligt am  
Kleyde ¶ Canzler. Man weyß wol anders / mein G. D.  
ist auch wol vnderricht / wie er in allen quassen ligt / wild /  
vnd vnzüchtig in worten vñ geberden / ist noch lang kein  
Gott. ¶ Pfarrher. Wie ich setzt on not rede / sag dan  
nocht / das vnser Christlicher fromer Vatter Martinus  
eines Christlichen fromen lebens ist / vñnd sag / das L. G.  
zümilt bericht / wie aber dem allē / so hat vns L. G. in kein  
nem puncten besser geweyset / derhalbē wir wissen vns in  
keinem der Artickeln züendern / hat aber L. G. nie gnüg  
an vnserer leüffigen züfelligē antwort / wöllē wirs L. G.  
noch ein mal schriftlich züstellen / vñ L. gnaden erkande-  
nuß replicieren / nach vermögen fürlegen / mit hoffnung  
L. G. werd sich benügen / vns fürter vnbeschwäret lassen.  
¶ Bis. Ich will mich fürter in kein schreyben noch weytere  
rung begebē / sond vier wochen gib ich eüch ein bedencken /  
werde jr eüch in d zeyt nit bessern / vñ mich als eüwerē Her-  
ren erkennen / vñ eüch meiner vnderweysung vnd gnädiger  
vermanung nit halten / werd ich müssen darzū thün / souil  
sich gebürt. ¶ Pfarrher. G. D. wir bitten in aller vñ  
derthänigkeyt / L. Gnad wölle vns keinen gewalt thün.  
Was da  
beyß dem  
andern ge-  
walt thün.

¶ Bischoff. Meyn ich ob Gott will. ¶ Pfarrher. Dan  
thüt vns L. G. gewalt / wann vns L. G. wider das wort  
Gottes zur gewonheyt der Kirchen zwingen will. ¶ Bis-  
choff. Ich will nichts vngegründets fürnemen / solt auch  
kein vngleichs von mir erfahren / allein was mir gepürt /  
vñ auß gehorsam nit vnderlassen darff. Ir habe eüweren  
abscheyde

vnd Martyrern/der iij. theyl.

lviii

abscheyde/gehet hin vnd bessere eüch. Psarr. G. H. wie  
danken eüwerē gnaden in vndthänigkeyt/des gnädigē  
verhörens vnd vnderweysens. Erbieten vns L. G. in al-  
ler vnderthänigkeyt gehorsamlich zudienen/benor/  
wa wir nit wid die Geschrifte vnd Got-  
tes wort zuehün geweyst  
werden.

Christliche  
Erbiertung  
beyder  
Psarrhern.

\*

## S. Johaues Castellan.

**D**ie History von diesem Eysrigen Gottseligen  
vnd beständigen Bekenner Euangelischer warheyt / wie er nemlich von  
dem Antichristische hauffen erstlich gefäncklich gegriffen/ solgeds als ein  
Bezer verdampft vnd verbrant wordē sey/ Hab ich Günstiger Leser / züm  
theyl auß den Vorreden/ so der Hochgelehrte Franciscus Lambertus vber  
die Propheten/ Oseam vnd Micheam/ beschryben hat/ züm theyl auß an-  
dern hienon außgegangnen Schriften/ auß Französischer  
sprachen/auffs warhafftigst vnd cynfaltigst  
verdolmetschet / hienach se-  
zen wöllen.

**J**ohañ Castellan ist seiner ge-  
burt halbē/auß der Statt Tornaw/gelegen  
in Brabant/seines standts halben aber ein  
Augustiner mōnch/ desgleichē/in D. Schrif-  
ten/ein Hochberhümpter Doctor / vñ seiner  
Person oder lebens halben ein ansehenlicher / ehlicher/  
Wer S.  
Castellan  
seiner leze  
vñ lebens  
halben ge-  
wesen sey.

P ij Gottselig

# Von den H. Gottes Bekennern



Gottseeliger vnd  
recht Christlicher  
mann gewesen. Als  
ihn aber der All-  
mechtig Ewig  
Gott/ auß beson-  
dern gnade zu wa-  
rer erkantnuß sei-  
nes H. Wortes be-  
ruffen/hat er das  
selbig auch also  
bald/erstlich an et-  
lichen orten im Bi-  
stumb Metz geles-  
gen/ als zu Barle-

duc/Vieri/Parcoys/Schalon. Item/in der Statt Viel-  
welche des Bischoffs sitz vñ Camer ist/demnach aber auch  
in der Statt Metz selbers/ Im Jar als man zalt nach der  
geburt vnseres Herren Jesu Christi/M. D. vnd XXIIII.  
offentlichen vñnd mit grossen ernst gepredigt/vñnd des  
halb ein grossen zülauß von allem Volck (das reyner lehr-  
begirig war/vnd die Antichristlichen Baalspaffen/der-  
ren zur selbigē zeyt bey ix. hundert in der Statt Metz wa-  
ren/verachtete) bekommen. Dieweyl er aber in seinen predi-  
gen/des Antichrists vilfeltigē greüwel/mit Gottes wort  
offenbarre vnd widerlegt / seind sie jm vber die massen zu-  
wider gewesen/vnd allerley mittel vnd vsach gesucht/da-  
mit sie ihn hetten mögen erwürgen vñnd vmbbringen.  
Konnten aber solches nicht züwegen bringen/so lang ge-  
melder

Des Anti-  
christis ge-  
sind kan die  
predigen  
D. Cassel-  
lans nit ley-  
den.

melter D. Johan Castellan in der Statt Metz blybe. In  
 sonders aber tobten vnd würeten wider in der Abt vber  
 dz Antonier hauß zu Wien in Franckreich/welcher zur sel  
 bigen zeyt des Herzogen in Lottringen Oberster rath  
 war / vnnnd Bonenventura Kennel ein Minorit / der des  
 Hochgedachten Fürsten Beyrath war / mit sampt  
 etlichen andern auß den Pharisern vnd Schrifftgelehr  
 ten / dardurch dan gemeyniglich die grossen Fürsten vnd  
 Herren schandelich versürt vñ betrogen werden. Dise / ob  
 wol d Herzog für sein person / ein freündlicher / gütiger  
 Herr war / beredten sie in doch endlichē dahin / das er alle  
 die / die sich Euangelischer warheyt / so der Allmechtig wi  
 derumb durch seinen diener D. Martin Luther gnädig  
 klichē geoffenbarer hatt / solte erwürgen. Lief auch auff  
 ir ernstlich anhalten / ein ganz grausam Mandat auß /  
 gehen / darin er als Keger verdampt / alle die / so die war  
 heyt Euangelischer lehr hatten angenomen. Welches iha  
 ein kläglich vnd erbärmlich ding ist / dz des leydigen An  
 tichrists diener souil vermöge / das sie auch Gottesfürcht  
 ge hertzen der grossen Potentaten vnnnd Fürsten vnder  
 einem scheyn falsch angemakter heyligkeyt / vom Herren  
 Christo vnd seinem gehorsam abfüren.

¶ Als nun aber obernante Phariseer / den Gottseeli  
 gen vnsträfflichē wandel / sampt den eyferigen predigen /  
 dises ynser theuren Martyrers D. Johan Castellan /  
 länger nit kondten dulden / oder leyden / haben etliche ein  
 solchen rath funden / dz man zu jm greyssen vñ in gefänck  
 lich annemen solte. Vñ dieweyl solches in der Statt Metz  
 mit keinen sügen beschehen mocht / haben sie hinderlisti  
 P iij ger



# Von den 5. Gottes Bekennern

**S. Johann**  
Castellan  
würdt von  
des Cardinals  
in Lothoringen die  
nenn gefan-  
gen.



ger weys practi-  
ciert/ vnd sonit er  
lange/ das er sich  
auß der Statt  
Weg hinaus get-  
thon/ Vnnd nach  
dē er auß der Statt  
hinauß gegangē/  
haben die mörder-  
rischen verhäter  
bestellet/ das er al-  
so bald von des  
Cardinals in Lo-  
thoringen diener  
vberfallē/ gefanck-

lich angenommen/ vnnnd in den thurn zū Gorse (welches ein  
Abtey ist/ nahe bey Weg gelegen/ geworffen ward. Von  
danen er nachmals in ein stättlin/ genant Tomeny (auff  
zwo meyl von Weg gelegen) ist geführt worden.

¶ Da nun solches beschēhē/ hat sich der Antichristlich  
hauffen zūm höchsten erfreüwet/ vnd offentlichen sich mit  
solchen worten hören lassen vnd gesagt/ Was giltz/ diser  
frölich/ frö-  
me Christus  
aber zūm  
höchsten be-  
kümmer-  
vber die  
gfancknuß  
S. Johann.  
verfüerer ligt nun im thurn/ &c.

¶ Dan diser leute art ist/ das sie sich freüwen wan sie et-  
was vnrechts gethon/ vnd frolocken/ wan sie schandlich  
ding begangen haben. Dargegen aber ward das Gleübige  
ge Volck zū Weg zūm höchsten betrübet/ das ihnen diser  
ihz so eyferige Prediger/ Prophet vñ rechter Bischoff/ sol-  
te hinweg geführt sein. Warden deshalb auß besonderm  
trib

vnd Martyrern/der iij. theyl. 4

trib Gottes auch vnrüwig / vnnnd namen hiegegen etliche des Cardinals hinder sassen vñ vnderthonen gefäncklich an/behielten sie auch so lang im Kercker/biß das obgemelter Abt des Antonier hauß zu Wien in Fräckreych/genandt Theodorns von S. Chalmund/der sich einen general Vicarien in Geystlichen vnd Weltlichen sachen obernandes Cardinals im Bistumb Metz / Tulli vnd Verdunneuet / mit etlichen Bullen vnd Briesen vom Stül zu Rom/selbers gehn Metz kam/vnd durch etliche fürgeschlagne mittel mit der Oberkeyt vnd gemeyner Burger schafft/auch andern Amptsuerwandten souil handeltes/das die gefangnen widerumb frey wurden außgelassen. So waren auch etliche vnder den Burgern/ des fürhabens/das sie das ort mit gewalt wolten vberfallen/ da diser Mann Gottes gefäncklich gehalten ward/dgmit sie in widerumb ledig machen/vñ Gottes wort von jm/wie vormals auch/hören möchten / Aber solches ward durch die Obersten der Statt fürkomen vnd abgeschafft. So verhiessen ihnen auch die Seynd/vnd betrogen das arm volck mit der erlognen zusagung/das sil ihnen nemlich den gefangenen/wa er vnschuldig befunden wurde/widerumb ohn cynige entgeltnuß/zustellen wolten.

Vnrüg zu Metz vmb des gefangenen Castellás willen.

Also ist nun vilgemeldter D. Johann Castellan im Kercker zu Numeny vnd Wy (wie oben auch gesage) bey ix. gänger Monat/vñ nemlich vñ iij. tag des Meyes/ Im Jar M. D. vnd XXIII. bis vff de vii. des Juners/ des nachfolgendē M. D. vnd XXV. Jars gehalten worden. Aber in solcher zeyt seiner gfancknuß für vñ für städhafftig blibe/

D. Johann Castellan ix. Monat gefangen/ aber für vñ für beständig blyden.

## Von den H. Gottes Bekennern

D. Castell-  
lan ist auff  
mächerley  
weyß ange-  
focht wor-  
den.

auch mit vnerschrocknem hertzen den Herren Jesum Chri-  
stum / vnd die warheyt seins gnadreychen Ehangeliims  
beständiglichen bekenet. Es seind gleichwol zu im kom-  
men / die Pharisser vnd die Kinder der Babylonischen hüt-  
ren / dienach dem blut der Außerwölten dürstet / vnd hat-  
ten ihm vil greüwlichs dings getreduwet / darneben aber  
auch mit freündlichen glatten Worten zügesprochen vnd  
vermanet / das er von Gott abfallen / vnd den schandeli-  
chen Antichrist anbette / damit er sein lebē erretten köndt-  
te. Aber er ließe sich keins wegs dahin bereden. Begert ab-  
ber an sie / wa er vnrecht gelehrt hette / das sie im ein anders  
vnd bessers (wie man dan in glaubens sache billich thün  
solle) auß dem geoffenbarteñ. Gottes wort wolte zeygē.  
Dargegen aber verstopffte sie ire ohre / wie die natern / vñ  
wölten seig sein / ob er sie gleichwol mit Gottes wort be-  
richten wolte / nit hören.

¶ Erliche vnder ihnen / dieweyl sie sahen das sie mit  
schanden von im vberwunden wurden / siengen an wider  
in zütoben vnd züwütten / nicht anderst / als wañ man der  
bärin ire jungenimpt / ergrimten vñ griffgrameten auch  
wider ihn mit ihren zänen / Dann die tolln wanwitzigen  
leüt gedachten nit / das der Geyst Gottes in im redete / vñ  
im munde vñnd weyßheyt gebe / deren sie nit kondren wi-  
derstande thün / sonder sagten er were dermassen verzaub-  
bert. Sihe / sagten sie / was ist doch diß für ein arger verfl-  
rischer Mensch / Er verzaubert alle die so mit ihm dispu-  
tieren / das in nyemandts vberwinden mag. Darumb sol-  
le man sie fliehen / dan sie mit frem lehren die leüt dermas-  
sen betriegē / dz wer sie höret / von stund an verfürte würt.

Webe

vnd Martyrern/der iij. theyl. 121

¶ Wehe aber disen Lestern vnd Teuffels Kindern/ die also fräuel vnd vnnerschampt / vmb irer eygnen Ehe willen/vnd zur schmach der glorien Gottes/ die Göttlich warheyt schenden vnd lestern.

¶ Diuweyl sie dan vor dem angesicht dises Manns Gottes nit köndten bestehen bleyben/vnd für vnd für von seiner weyßheyt vnd vom Geyst Gottes/der in jm redt/vber wunder wurden/habē sie einen andern weg an die handt genommen/vñ nemlich/wie sie ihn gar köndten hinrichtē/ damit sie doch wider ihn sigen vnd obligen möchten. Gedachten aber nicht die arbeytseeligen Ellenden leüt/das beyde die Göttlich warheyt durch kein ander vnd besser mittel köndte bestätiget vnd bekräftiget werden/desgleichen ihr schalckheyt vñ bosshert mehr an tag kömen/dan eben durch das blüt fromer lieber Christē/die solcher warheyt zeügnuß geben/vnd in alle weg bereyt seind vmb der bekantnuß der warheyt willen alle peyn vnd Marter /saden todt selbers züdulden/vnd züleyden.

Mit dem todt vnd blüt fromer Christen/wäre die warheyt nur desto mehr bestetiget.

¶ Es vermeynten dise blinde Wörderische leüt / das sie wider disen heyligen Gottes man schon gesiget hetten/wann sie ihn erwürgeten/ Vermeynten auch / das durch seinen todt vil andere von der Warheyt solten abgeschrocket vnd zuruck getriben werden/so doch das gegentheil war ist/vnd frome Christen /ye mehr sie ihrer mitbrüder vnd Schwestern blüt anschawen/ in der warheyt desto mehr bekräftiget/vnd in alle weg eyferiger vnd eynbrünstiger werden.

i. Esa. vj.

¶ Also ist diser vnser lieber Martyrer D. Johaṅ Castellan / auß obgemeldter gefäncknuß zü Romeny in ein  
Or ander

## Von den H. Gottes Bekennern

andere gefäncknuß / der Statt Wygenande / gelegen in  
Lorrningen / geführt worden / vnd daselbst in beständiger  
bekantnuß seiner Lehr auch bis zum todt verharret / da  
durch dann vil volck zur erkandnuß des rechten waren  
Euangelij gezogen / andere aber die derselbigen schon ei-  
nen anfang hatten / durch disen herrlichen vnd kostlichen  
todt / den nachmals diser fromme Man etlichen hat / zum  
höchsten gesterckt vnd betreffigt worden.

¶ Wie es im aber am selbigen ort bis zu seinem letzten  
end ergangen / hat der günstig Leser auß nachfolgen  
der relation warhafftig züer-  
nehmen.

**A**uff den vij. tag Jüners / Im Jar als man zalt nach  
der geburt vnser eynigen Erlösers vnd Seeligma-  
chers Jesu Christi / M. D. vnd XXV. seind in die  
Statt Wy (darin / wie oben vermeldet / diser vnser Man  
tyrer gefäncklich gehalten ward) züsamen komen vil Abt-  
auß ganzem Lorrningen vnd Metz Bistumb / vnder  
welchen aber der Oberst vñ fürnembst war obgemeldter  
Antonier Herz / Theodorns / 2c. Disen ward nun zugege-  
ben ein schandlicher Kezermeyster / welcher ein abgefag-  
ter seynd war Göttlicher warheyt / mit etlichen andern /  
die auch seins sinns vnd seiner Faction waren.

¶ Dise liessen nun Erstlich dē gefangne Johan Castiel  
lan / auß dem Kercker für sich forderen / damit / wa er nit  
wolte also bald vnd im süßkapffen (wie man sagt) seine  
libt vnd bekantnuß widerrißsen / sie ihn von stund an er-  
würge



würgeten/vnd ins  
feür (das darzü ge  
rüfset war) würf  
fen. Hatten auch  
an dasselbig ort  
vil volcks zusam  
men beruffen/vnd  
allen denē/die bey  
solchē vrtheyl vnd  
tode sein wurden/  
besonde Gnad vñ  
Ablass versprochē.  
Solche leüt seind/  
des Antichrists  
Propheten/Abt/  
Pfaffen vnd ande

Unsinnig a  
feyt des An  
tichristischē  
Gefinds.

re Phariseer/die aller warheyt so seynd/vñ vnschuldig  
blüts so begirig seind / das sie auch im selbigē einen rhüm  
haben/vnd vermeynen das sie Gott einen besondern an  
genämen vnd wolgefelligen dienst Beweysen/wañ sie der  
massen seine Heyligē erwürgen/ Ja/das noch mehr ist/ so  
ladē sie zū solchē dz Christlich volck/ als zū einer herlichē  
Walzeyt/vnd verheysen ihnen erst darzü/wann sie solch  
vrtheyl wider die frommen sehen / verzeyhung aller ihrer  
sünden. Dis seind iha / meyn ich/in der ganzen Christen  
heyt/die schädlichsten leüt bescheyffer / dardurch nit al  
lein das arme volck/sonder auch die gewaltigen Potenta  
ten vnd Oberkeyten schandlich versürt vñ betrogen wer  
den. Dises seind rechte saule Becken/die alles auffressen  
C ij vnd

## Von den H. Gottes Beküern

vnd verschlucken/ein rechte Synagog vñ Kirch des Teufels/Abgesagte seynd Gottes vñ des Blutes Christi/Chri-  
sten mördere/stinckende würm/vnd vergiffte thier/2c.

Beständig  
frey des  
fromen D.  
Johā Ca-  
stellan.

¶ Als nün aber das volck zugegen stünde/haben sie vil  
vñ mancherley wider in geredt/darzu er aber stillschwig/  
wolt auch seinen Munde nit auffschün. Sie vermaneten  
in er solte dz ihenig/so er gelehrt hett (vñ aber die gründe-  
lich warheyt war) widerzüffen. Vñnd begerten er solte  
den Herren Christum / vmb des Antichrists / vñnd die  
warheyt vmb der Lugin willen verleügnē / 2c. Aber diser  
treuwe Knecht vnd diener Christi blib beständig vnd vn-  
beweglich. Verhalben sie dan wider in ganz grümic für-  
führen/vñnd erstlich mit der Degradation/dennach auch  
durch die Weltlich Oberkeyt mit dem feür. Wie aber vnd  
welcher gestalt das endurtheyl vñ fürnemlich die Degra-  
dation oder Entweyhung/ergangen vñ beschehen sey/so-  
get hienach von wort zu wort ordenlichen verzeychnet.

¶ Form vñ weyß des Endurtheyls vnd gehaltenes  
Degradation / so wider den Gottseligen  
Johā Castellan ergan-  
gen ist.

**S** Johā Castellan / der du ein Priester vnd Geystlich  
cher S. Augustin Ordens gewesen bist/dieweyl man  
mit dir nach ordenlichem vñ gebreüchlichem Proceß  
der Rechten/gehandelt/bistu mit warheyt verklagt/vnd  
als ein Ketzere verdampft worden. Du hast ein vnreynere  
rige/vñ mit falscher lehr befleckt bekantnuß/auf freyem  
willen

vnd Marttyrem/der iij. cheyl. lxiij



willen vñ eygnem  
munde gecho. Du  
hast alle vnd jede  
vnserer getreuwe  
vermanungen / so  
wir an dich / da du  
noch zu Weg wa-  
rest / gethon habē /  
wie ein schläg / die  
sre ohren verstopf  
set / verachtet. Da  
man dich gefrage  
hat / vnd auch mit  
dem Lyde. deine  
gegebne antwor-  
ten widerholt / ha-

stu nit allein nach des Teüffels art / die warheyt verschwi-  
gen vnd verhalten / sonder hast auch nach dem Exempel  
Cains / deine sünd vnd misser hat nit wöllen bekennen. In  
letst hat man auch eeliche vnd vil Zeügen verhörer wider  
dich / vnd ja nichts ymbgangen / das zu diser sachē eygent-  
lich vnd von Rechts wegen gehört / auch mit fleysch soll er-  
wegen werden. Vñ ist bey solcher handlung allwegen ge-  
wesen der Ehrwürdig Herr Nicolans Squim / der D.  
Schrift Doctor vñ Retermeyster. Vñ ist diser Proceß  
wider dich gehalten worden / welche da vil gelehrter leüt /  
vñ Doctorn in beyden Rechten / Geystlich vnd Weltlich /  
vnder schriben vñ bestärige haben. Thun ist es auß solchem  
Proceß klar vnd offenbar / das du D. Johanes Castellan



# Vonden H. Gottes Bekennern

offemals vnd an vilen orten offentlichen vnd vor allem Volck gelehrt/aufgespreyter vnd gepredigēt hast/vil Artickel die da irrig/falsch/gantz Kegerisch/vñ voll der Lutherischen lehr gewesen seind/welche auch dem H. Catholischē glaubē/der Euangelischē warheyt/vñ dē H. Sc̄ul zu Rom/in alle weg zūwider vñ entgegen seind/Bist also in disem deinem Ellenden abfall/darinnen du widerumb hinder sich gesehen hast/ein lugner an dem Allmechtigen Ewigen Gott befunden.

¶ Nun ist im Geystlichen Rechten erkandt vñnd beschlossen/dz es recht vnd von nöten seye/das man alle/die mit ihren giftigen zungen die H. Schrifft verfelschē/defsgleichen auch die Seelen vnd Leben der Gleübigen begeren zūvergiffen/schwärlich straffe/damit sich andere hie van stoßen/vnd sich desto weniger solcher irriger lehr auch vnderstanden.

Endurtheil  
gefelle wi  
der S. Ca=  
stellan.

¶ Derhalben auß sezerzölten/vñ ändern dergleichen Ursachen/so in deinem proceß begriffen seind/sellē wir auß Apostolischem gewalt vnd obermandes vnserer Hetzē des Cardinals anhoritet/deren wir dann in disem theyl gebrauchen/disen vnsern schließlichen Sētens/den wir hie mit in Schrifften verzeychnēt haben/vor Göttes angesicht/vñnd als die wir wol wissen/das vns eben mit der maß/damit wir ändern leütē messen/auch soll widerumb gemessen werden/Vnd sagen/erkenen/vnd erklären dich Johanhem Castellan/auftrucklich vñnd klärlich/wie du hie vor vns stehest/von wege deins verdiensts/ia vil mehr deins Misuerdiensts/darinnen du wider die Ewige Wärftester Gottes/vñnd wider den H. Christlichen glauben schwärlich

schwärllich gesündiget hast/ als einen verbannten mensche  
 mit vnd durch den grössern Ban/desgleichen auch als ein  
 nen offentlichen Keger/der du nachfolgest vñ dich theyl  
 haßtig machest alles des Luthers Gottloser lehr/welcher  
 mensch vil alter Kegerrey/ so vor Jaren verdampft worden  
 seind/ widumb herfür gebracht hat. Achre auch dz du hin  
 für nün mehr vnwürdig seyest/8 Priesterliche würde/ als  
 ler ander deiner Weyhe/ auch deiner Consur vnd Geystli  
 chen Kleydung/desgleichen aller pfründē (wa du anderst  
 eine hast) auch aller Priesterliche Freyheyt/ Vñ entsetzen/  
 ja wir sondern vnd berauben dich als ein stinckend glied al  
 ler Gemeynschafft der Gleübigen. Vnd wañ diß vollen  
 det ist/so befehlen wir dich der Wellichen Oberkeyt/Vñ  
 erkennen/dz man dich/8 nün also aller deiner würde berau  
 bet/vñ von der Kirchen abgesondert bist/ auch zugunde  
 mit der chat Entweyhen soll/ vnd befehlen solliches dem  
 Ehrwürdigen Herren Weyhbischoff/ so hie zugegen ste  
 het/an dir zū vollbringen/ in krafft vnd befehl/ wie oben  
 vermeldet.

¶ Als nün solcher Sentenz offentlich vorgelesen/  
 vñ die Predig (nach ihrer gewonheyt) vollendet war/  
 hat gemeldter Wenzischer Weyhbischoff/ der da in Bis  
 schöfflicher Kleydung/ mit sampt der anderen Priester  
 schafft/ vñ edlichen vom Adel/ zugegen saß/ die Ent  
 weyhung oder Degradation vilgemeldtes D. Johann  
 Castellan von Tornay/offentlichen vñ statlichen im  
 Werck für genommen vnd angefangen.

¶ Also ward nün D. Johann Castellā/zum ersten vñ des  
 Weyhbischoffs diener mit priesterlicher Kleydug angehö  
 vnd

Degrada  
 tion D. Jo  
 han Castellā  
 lane.

# Vonden G. Gottes Bekennen

Form vnd  
weyß der  
Bäpftliche  
Segradati  
on/oder  
Entwey-  
hung.

vnd für den Weyhbischoff geführt/sür den er dan mit zu  
samen gelegten händen/vñ gebognen knyen nider knyet.  
Vnd als er also kniet/gaben jm die Diener in seine hände  
ein Kelch/mit wasser vnd wein vermischet/Item ein Pa-  
ten mit einer Osty/dises aber name der Weyhbischoff also  
bald widerumb auß seinen händen/vnd sagt/Wir nem-  
men hiemit von dir den Gewalt vnd die Macht zu opfer-  
fern/vñ dz du hinsürt mit mehr dörffest Weß lesen für die  
todten vnd für die Lebendigen.

¶ Nachmals nam der Weyhbischoff ein stuck von et-  
nem zerbrochenen glas/vnd schabte jm die geschmierten fin-  
ger in beyden händen(welchs er doch wol mit einem schär-  
messer herre thun mögen)vnd sagt/Wir disem schaber  
nehmen wir von dir die krafft zu Opffern/zü Weyhen/vnd  
zü Bendeyen/welche du empfangen hast/da man dir die bei-  
ne hände vnd den daumen gesalbet hat. Demnach nam er  
auch von jm die Casel vnd sagt/Wir berauben dich auch  
billichen diser Priesterlichen Kleydung/dardurch die liebe  
bedeüet worden ist/dañ du hast dich auch selbers solcher  
liebe vnd aller vnschuld beraubt/du hast auch das Creuß  
vnseres Herren auff deinem rucken allein bleyben lassen/  
derhalben wir auch die Strol von dir nehmen/vnd machen  
dich also hinsürt vntauglich züuerichten die Priesterliche  
chen ämpter/sampt allem so herzñ gehört.

¶ Als sie nün dise Entweyhung/souil die Priesterlich  
würde belangt/vollendet hatten/müßten sie nün auch wey-  
ters fürtfaren/vnd in auch vom Diaco-  
nat Ampt/enfse-  
gen.

vnd Martyrern/der iij. cheyl. lxx

**S** Erhalten gaben die diener im in die handt ein E<sup>u</sup>angelien buch/diſſ name der Weyhbischoff wider rumb/vnd ſage/Hiemit nemen wir von dir den gewalt/das du hinfürt in der Kirchen dz Euangelium nicht mehr leſen ſolt/dañ ſolches ſtehet niemädes zü/dañ allein denen die es würdig ſeind.

**N**achmals name er auch von im des Diacons Kleydung/ſo man Dalmaticam nennet/vnd ſage/Wir entſetzen dich auch der Leuitiſchen ordnung vnd Weyhe/dañ ſonil die ſelbig belangt/ſo haſtu deinem ampt auch nicht genig gerhon.

**F**olgende name der Weyhbischoff von im auch hinweg den ſchapper/vnd ſage/Wir nemen ſolchs billich von dir/dann ob du ſie wol gang weyß vñ vnbeſleckt entpfaugen/vnd vor dem angeſicht Gottes ſolteſt getragen haben/ſo haſtu doch dein Ampt vnd wandel nicht gnügsam bedacht/ſonder den Bleübigen ein böſes exempel geben/derhalben ſo verbieten wir dir/das du hinfürt des Diaconat ampts müſſig ſtandest.

**A**uff ſolches namen ſie auch von ihm das Subdiaconat Ampt/gaben ihm erſtlich ein Epiffel buch in die handt/welches der Biſchoff von ſtund an hinweg nam/vnd ſage/Wir nemen hiemit von dir/das du hinfürt kein Epiffel in der Kirchen mehr leſen ſolleſt/dañ fürwar du biſt zü ſolchem ampt ganz unwürdig worden. Also nemen wir auch vö dir die Kleydung ſo einem Subdiacon zü ſtehet/dañ die ſorcht Gottes die in ewigkete heylſam vñ reyn bleybt/hat dein hertz nicht erbauwen/noch deinen Leyb geſammet.

## Von den 5. Gottes Bekennern

¶ Weyters nemen wir auch vō dir die Manipel/dañ du hast durch die frucht guter werck (die durch den Manipel bedeuert worden seind) die anstöß vnd list des Geystliche seynds nicht von dir gewysen.

¶ Folgends rüret der Bischoff die andere Kleydung an/vnd sagt/dieweyl du dein stim nit gemässiget hast / so nemen wir auch dise Kleydung von dir / dardurch dan ein hällereyne vnd heylige stim bedeuert würt.

¶ Als nun solches alles beschehen/bracht der diener einer zwey kleiner Kändelin/eins mit wasser / das ander mit weyn / Item/ein krüglin/beck in vnnnd handtzwel / ein lären Kelch mit sampt der Paten/vnnnd gab sie jm in die handt. Aber dises alles nam jm also bald auß seinen hant den der Ergdiacon/aufgenömen den Kelch vnd die Paten/die nam der Weyhbischoff/vnnnd sagt/Wie mit nemen wir auch von dir den gewalt / das du hinsürt nicht mehr darffst in die Sacristey eynghe/oder auch die Corporalia vnd andere geheyligte geschirz mehr antüren / Ja wir nemen auch von dir alle andere N. Kleydung/mit allen denen dienstē vñ ämptern so einem Subdiacono züschē.

¶ Nachmals haben die diener von ihm genömen den gürtel/rc. vnd seind kōmen mit jm auch auff die Degradation der mindern oder kleinern weyhe. Derhalben brachte der diener einer ein lärs Kändelin/vñ gabs dem armen gefangnen in die handt. Bald nam jms der Weyhbischoff vnd sagt/du vnslätiger vnnnd schandelicher Mensch/hinsürt soltu auch nit mehr weder wein noch wasser dem Paster in der Messen darreychen vnd vbergießen.

¶ Nachmals nam er auch von jm einen Leuchter vnd

ein aufgelöschte wachsin liecht / vnd sage / Du solt hinfür  
 auch kein liecht mehr tragē / dan du hast auch durch dein  
 verkerten wandel / dem volck / durch dein faulheit / dz geyst  
 lich liecht nicht wöllen mittheilen. Derhalbē so nimb ich  
 von dir hinweg alle ämpter so einem Acolutho zugehörē.

¶ Folgendts hat in auch der Weyhbischoff vom Exor  
 cisten ampt entsetzet / Der diener brachte vnnnd gab im ein  
 büch / darin die weyß zü beschwören alle ding / verzeychnet  
 war / aber dises nam man im von stund an widerumb / vñ  
 sage / Wir nemmen hiemit von dir den gewalt des hände  
 aufflegens / auff die Leüt / so von bösen Geystern besessen  
 seind / Item / den gewalt die Teüffel von den leüten außzu  
 treyben / Summa wir verbieten dir / alles was zü solchem  
 Ampt erfordert würt.

¶ Nachmals haben sie auch das Läsampt von im ge  
 nommen / auff nachfolgende weyß / Der Weyhbischoff riß  
 im das Büch auß der handt / vnd sagt / Du solt hinfürt in  
 der Kirchen Gottes / wed lesen / singen / brot weyhen / oder  
 andere ding. Dan du hast ye dein Ampt nit treüwlich / vñ  
 nit wie es sich gepürt / verrichtet.

¶ Nachmals das sie auch das Thürhüter ampt von  
 im nemen möchten / hat man im die schlüssel zur Kirchen  
 gegeben / welche aber der Weyhbischoff also bald wider von  
 im genomen hat / vnd gesagt / dieweyl du wider die schlüs  
 sel ggündiget / so lasse sie von stund an hie wider fallen /  
 Vnnnd dieweyl du das innerst vnd die thür deines hertzen  
 vbel beschlossen hast / vor deinen seynden / so nemmen wir  
 auch von dir das Thorhüter Ampt / das du hinfürt kein  
 glock mehr leyten / kein Kirch ader Sacrystey mehr auffz

# Von den H. Gottes Bekennern

schliessen/auch dem der predige will/Ein buch mehr nachtragen vñ geben sollest.

¶ Zulest hat auch der Weyhbischoff die erste Weyhe von ihm genomen / ihm seinen Rock außzogen / vñnd gesagt / In krafft Gott des Vatters / Söns vñ H. Geystes / auch in vnserer krafft / nemen wir von dir das Priesterlich kleyde / vñ stellen dich hiemit ganz bloß dar / wir berauben dich aller Geystlichen zierd / wir entsetzen / Degradieren / vñ nemen dir / alle Weyhinien / alle Freyheyden / als der du solcher nie werdt oder würdig bist. Vñ stellen dich widerumb mit diser schandliche kleydung als ein Leyen vñ Weltlichen menschen dar.



¶ Danam der Weyhbischoff ein schär / vñ schar in das haar selbers ab / dan es wolt es kein Scherer thū. Vñ sagt / Wir stofsen dich / als einen vñdäctbarn Sönn auff der Erbschafft des Herren hinaus / zñ welcher du warest bewäffet worden / Vñd nemmen von deinem haupt die Kron / welche ein Königlich zeychen ist des Priesterthumbs / von

von wegen seiner bossheyt. Vnd hette der Weyhbischoff auch wol disenachfolgende wort brauchen mögen/vnd sagen/Was du mit Wunde gesungen/das hastu im hertzen nit glaubt/vñ mit dē Werck nit erfüllet/darumb sonemen wir auch des Sängers ampt von dir in der Kirchē.

Als nun aber solche Degradation vñ Entweyhung auffsezer solte weyß vollendet war/begert der Procurator vñ Fiscal des Hoffes vñ der Statt Metz/vom Notario/ein oder mehr Instrument/wieman pflegt. Nach solchem habē die diener dem frommen Martyrer ein Weltlich Kleyde angezogen. Vnd nach dem solches alles beschehen/hat man ihn/als einen der nun aller Weyhe entsetzet war/nach ordnung Bapst Innocentis des dritten/dem Weltlichen gewalt vbergeben. Der Weyhbischoff wolt in nit mehr anrühren/sonder hat ihn der Weltlichen Oberkeyt vbergeben/vñnd gesagt/Wir befehlen nun dich der Weltlichen Oberkeyt/die solle dich/als den/der du nun mehr Entweyhet/vñnd aller Priessterlichen freyheyt beraubet worden bist/in ihr handt vñnd gewalt nemen.

¶ Jedoch bat der Weyhbischoff den Weltlichen Richter(nach ihrem/aber doch Pharisaischem vñnd gleyßnerischem brauch) das er dz vñtheyl dermassen wider disen armen menschen sellen wolte/das es ihm an seinem leben/oder seinen gliedern kein schaden vñnd nachtheyl brächte/Vnd sagt.

¶ Herz der Richter/wir bitten durch Gott vñnd seine Barmhertzigkeyt/ir wöllten disem armen Menschen kein vñbels oder schaden zufügen/das ihm züm todt/oder züm nachtheyl seiner glieder vñnd seins leybs reychen möchte.



# Von den 5. Gottes Bekennern

Also hat nun die Oberkeyt der Statt Vic/od Wy/ vil gemelten Johān Castellan zū ihren händen genōmen/ vnd das oben gefelle vrtheyl/ vber ihn/ ihr gefallen lassen/ vnd in also Lebendig verbrennet.

Wie S. Ca  
stellan von  
diser Welt  
hingeschey  
den seye.

¶ Darab aber diser vnser Martyrer sich mit nichten hat entsetzet/ dann nach dem er zūm feur verurtheylet worden ist/ ist er auff die Walstatt mit freunden/ gleich zū einer frölichen Walzeyt/ gegangen/ Vñ als er daselbst hin kōmen/ ist er auff seine knye nider gefallen/ vñ ein zeyclang in einem ernstlichen gebett zū Gott verharret. Vnd als er solches gebett vollendet/ ist er widerumb auffgestanden/ vnd sich den Henckern freywillig dargegeben/ das sie ihn an den Psal binden kōndtē/ Nach welchem das feur bald



angangen/ vnd er durch dasselbig (seins alters vmb die fünfzig Jar) ein herlicher martyr vnd Bekennner des Herren Christi wordē ist. Vnd durch disen tode gewaltiglich chen wiß alle seyn de der Wahrheit gesiget. Küget nun im Herrē/ bey welchem ihm auch gewißlich die Kron der

der Gerechtigkeit hinderlegt vnd vorbehalten ist.

¶ Als nun aber das volck zu Metz gehört/das se lieber Prophet vnd treuer prediger dermassen umbkommen/ist es zum höchsten bekümmert vñ betrübt worden. Vñ hat der Herz eliche auß ihnen erweckt/die mit gewalt in die heüser solcher Worderbreñer vñ Pharisee eyngesallen seind/ vñ haben einen andern gefangnen Gottes Mann/mit namen Johan Vedastus/ auß Flandern bürtig/ entlediget / welchen Hernandre Wörder auch/wie man sagt/bald hernach her/wolten verbrennet haben.

Johan Vedastus wäre mit gewalt auß dē händen der Mörder hinweg genommen.

## Johannes Clerick.

¶ Von diesem Johanne/wie er nemlich zu Metz vmb etlicher Bilder willen/die er auß Christliche m eyser hatte zerbrochen/seye gefangen/vnd folgends mit grausamer Tyranny ermödet vnd verbrennet worden/hab ich nachfolgende History/ auß der Vorred des hochgelachten Francisci Lamberti/ so er vber die Auslegung des Propheten Michee/16. gestellet hat/hierher verzeichnen wollen.

**I**n Jar als man zalt nach der geburt Christi M. D. vnd XXV. ward in 8 Statt Metz auß besonderm eyser zu Gottes ehren/bewegt/einer mit namen Johan Clerick/vō Weldē bürtig/ vñ seins häderwercks ein Serber/oder Walcker/oder Wolstreicher/vnd dieweyl er auß

# Wonden G. Gottes Bekennern



er auß den Gebot-  
ten Gottes wußte/  
dzmán die Abgöt-  
tischen Bilder/bey  
verlust der gnadē  
Gottes / mit solce  
verehren vnd an-  
betten/schlug er ei-  
nem Götz den  
kopff ab / desglei-  
chen thet er auch ei-  
nem andern Bild/  
das vor dem jetzt  
gemeldten mit ge-  
bognen Keyen/ ge-  
hanwē war. Bald

aber nach solchem/ward gemelter Johān Clerick gefänck-  
lich angenōmen/vñ auch zum todt verdampft von solchē  
leuten/die den Herren Christum selbers auch verdamē.  
Nachmals auff Sambstag den xxij. tag des Decem-  
brats/in die gassen gefürt/so man neuet Champasselle/da  
dā ein grosser scheyter hauffen/vñ in der mittē ein star-  
cker psal/auffgerichtet stünde/vnd also mit Kärtinen vnd  
stricken daran gebunden vnd geschlagen.

Christlich  
mitleyden  
des gefan-  
genen mit  
dem vmb-  
stehenden  
volck.

¶ Als er nun aber also angeschmiedet war/saget er zu  
dem Antichristlichen hauffen / Ach ich hab groß vñnd  
herzlich mitleyden/mit dem armen vmbstehenden volck/  
dieweyl es dermassen so erbarmtlich durch die lehr der sal-  
schen Propheten versüret ist. Das es vermeynt/ Ich habe  
daran

daran gesündiget/das ich einem Bögen den Kopff abge  
 geschlagen habe/ Wie etlichen andern ganz Christlichen  
 worten/die er dazumal einfürt. ¶ Nach solchem sprach jr  
 einer an/vnd sagt/ Beger doch vom volck das es ein Pa-  
 ter noster vn̄ ein Aue Maria für dich bette. Dar auff ant-  
 wortet er/vnd sagt/ Ich bitte euch alle/das jr für mich ein  
 H. Vatter vnser betten wöllen/damit mir Gott rechten  
 waren glauben schencken wölle. Hier auff sagten des An-  
 richrists diener/Warumb begerstun it auch ein Aue Ma-  
 ria: Johannes antwortet/vnnd sagt/Wers sprechen will/  
 der sprech es/ich begers zwar nit/nit das ich hiemit die Al-  
 lerheyligste Jungfraw wolte verachten/sonder dieweyl  
 ich bleyb beym Herren Jesu Christo/der auch für mich ge-  
 storben ist/vnnd diser ist der eyrige Mitter/vnnd eyrige  
 Fürsprech zwischen Gott vnd den menschen/wie Paulus  
 sagt/i. Tim. ij. vnd Johannes. j. Johan. ij.

Johan Ele  
 rick bitter  
 das volck/  
 es wölle  
 für in bitte  
 Vom Aue  
 Maria.

¶ Bald nach solchem ist der Hencker zü ihm getret-  
 ten/vn̄ jm mit glühenden zangen erstlich die nasen hinweg  
 gerissen (sagen etliche die solches selbers gesehen/das er  
 erstlich das haupt hinter sich vnd zaruck gezogen/bald a-  
 ber widerumb dem Hencker vnd zü der glühenden zangen  
 gang willig geneygt habe/darauff dann der kampff des  
 fleyschs mit dē Geyst/welcher auch in den Auserwölte für  
 vn̄ für bis züm end bleybe/ganz tröstlich abzunehmen ist)  
 nachmals sein ganzes haupt ringsweyß herumb/wie ein  
 Circkel oder Kron zerissen. Welchs aber alles er mit freis-  
 den/wie vorzeyten der H. Laurentius/da er auff dē roost  
 lag/vnd der H. Vincencius/da er an der Folter hieng/er-  
 duldet hat. Demnach hat er jm auch sein rechte handt ab

Gnädig-  
 che marter  
 hat diser  
 frome  
 Man be-  
 ständigli-  
 chen erlittē

S gehawen/

## Von den G. Gottes Beküern

gchauwen/vnd zulasst das feür angezündet/ In welchem  
disev vnsrer herrlicher Martyrer/den herrliche cyij. Psal  
men Davids/der wider alle Abgöttische Bilder gericht et  
ist/als nemlich/Da Israel auß Aegypten zog/zc. bis  
er seinen Geyst dem Herre auffgab/ gesun  
gen hat. Vnd also im Herren  
seligliche verschey  
den.

## Johañ Beck/genandt Pi- storius/von Wör- den.

Die History von disem theuren vnd beständigen  
Martyrer Jesu Christi/wie er nemlich vmb beständiger bekendnis  
uangelischer warheyt willen gefäncklich gegriffen/vnd nachmals in Hol  
landt verbränet worden/ Ist erslich durch Herren Wilhelm Gnaphenm/  
bürtig vom Hag/als dem der in von jugendt auff gekandt/vnd folgende  
mit vnd bey jm/in Bercker gelegen/warhafftig beschryben/  
Im Jar M. D. xxv. vnd jetzundt von mir  
glaubwürdig verrettschet  
worden.

Wer Joañ  
Beck gewe  
sen.

**J**ohañ Beck von Wörden in Hol  
landt/ Ist gleichwol nit von hohem/ aber doch  
Ehrlichem geschlecht/vnd fromen Eltern ge  
boren/vnd von jugendt auff/ mehr dan andere  
seine mitregesellen/ eines erbaren tugentsamen lebens ge  
wesen. Verhalben da er zwölff Jar alt war/vnd neben an  
dern



den / bey den  
Thümbherren im  
hohen Sciffe zu  
Verich zum Kiro  
chen gesang ge  
braucht ward / ha  
ben in die Pfaffen  
von wegen seiner  
hohen vñ scharps  
fen stin lieb vñnd  
werde gehalten.

¶ Als er aber in  
solchẽ standt nach  
dreyen Jaren an  
sieng heyset zuwer  
den / hat er von ge

melden Thümbherren schwärlich das vrlaub erlanget/  
vnd sich widerumb mit höchster begird vnd freuden zum  
Studieren / das er nün ein zeyrlang hatt vnderlassen / Ja  
gar hat faren lassen müssen / begeben. Vñ ist dazumal sein  
Preceptor gewesen Johanes Rhodius / ein gelehrter vñnd  
fromer Man / welcher zur selbigen zeyt Oberster vber dz  
Dyeronymianer Collegiu war. Von disem hat er die für  
nehmsten hauptstück der rechtẽ Gottseeligkēyrt / vñ vnserer  
Christlichen Religio mit grossen fleysß erlernet / vñ sich in  
solchẽ sehr ernstlich geübt / Also dz er mit sampte seinẽ schül  
meyster / von wegẽ der Lutherischẽ lehr / verdacht / vñ ver  
hast ward. Dan es sieng ebẽ zur selbigẽ zeyt an / die Luan  
gelische warheyt widerumb herfür ans liecht zukommen.

Johanes  
Rhodius  
der Schül  
meyster Jo  
hannis Be  
cken.

Johann  
Beck Köp  
der Luth  
rischen leh  
halten in ei  
nen ver  
dacht.

# Von den G. Gottes Bekennern

derhalben dann auch gemeldter Joha<sup>n</sup> Rhodius/damit er die selbige desto statlicher verantworten vnd beschirmen köndte/offtmals in ober Teüttschlandt reysete.

Joha<sup>n</sup>  
Beck würt  
vom Stuz-  
diern zum  
Sigriffen  
ampt von  
seinem Vatter  
ter Geord-  
net.

¶ Darneben aber besorget sich sein Vatter/im möchte solches endlich zum verderben reychen/vñ dieweyl der neyd vnd haß wider die Lutherische lehr ye länger vnd ye mehr zunäme/hat er ihn auß der Schulen widerumb zu im in sein hauß heym genommen/vnd in neben im zum Sigriffen ampt in der Kirchen gebraucht. In solchem aber hat er niches desto weniger allenthalben seinen Mitbürgern die lehr des W. Euangeliums für gehalten/vñnd vil Jünger dem herren Christo gemacht.

Johann  
Beckzeitliche  
gehn Leut  
auff die Ho-  
he schul.

¶ Von dannen ist er folgendes (in seinen angefangenen Studien weyters fürzufaren) auff die Hohe Schül gehn Leut geschickt/vñ dem Hochgelehrten Herzog Leo mo von Koherodam (der dann seinem Vatter/mit dem er in der jugendt zur Schülen gangen war/zum höchsten bekande vñ verwandt was) befolhen worden/Da er dann in kurzer zeyt treflichen fürgefaren ist.

Joha<sup>n</sup>  
Beck würt  
geweyhet.

¶ Mit lang darnach gedachte der Vatter (dem dann mehr an seinem eygnen cruz/dann an der Kunst seines Süns gelegen war) wie er doch seines Süns zum besten köndte genieffen. Schicket ihn derhalben gehn Dreich vñnd lieffe in Weyhen. ¶ Also ward der frome Jüngling gezwungen/seinem Vatter zu folgen/die Weyhe anzunemen/vnd die Lutherrey zuuerschwören.

¶ Aber solcher stand hat im nyemals gefallen/derhalben er sich allenthalben vernemen vnd hören ließ/Er het sich in disen Geystlichen stand/dem Vatter zugefallen/begeben/

begeben/das er doch auch durch solches mittel den Catechismum/das ist/die hauptstuck Christlicher Lehr/offentlichen lehren vnd üben köndte/wie er dan solchs in seinem Vaterlande fleysig vnd ernstlich gethon hatt.

¶ Vnd deshalben (dieweyl solches von ihm außkam/vnd öffentlichen gesage ward) nit lang darnach gehn Verich/daselbst sich zünerantworten/citirt vnd berufft worden. Dieweyl er aber wol wußte/was heymlicher lüster ger practicken sie wider ihn beschlossen hattē/hat er auff solche Citation/vor solchē leütten/die seine abgesagte seyn de waren/nit wöllen erscheynen.

Johan Beck würt gen Verich citirt/will aber nit erscheynen.



¶ Derhalben er folgends von den Psaffen zu Verich / von wegen solcher seiner vnghorsame/ vor dem ganzē Rath in Holland ernstlich ist verklaget worden. Vnd die weyl solchē ellen den leütten glauben gegebē ward/ Ist vilgemeldter Joań/mit sampt seine mitthelffer/

Johan Beck würt gefäncklich angnommen.

durch den Amptmań im Schloß Wörden/ gefäncklich an genommen worden.



# Von den 5. Gottes Bekennern

Johan  
Beck wüire  
widerumb  
entlediget/  
aber ins el  
lend ver  
schickt.

¶ Die weyl aber sie wider sacher/ auß forcht (wie man  
vermeynt) der ganzen Burger schaffe/ nit dorfften wider  
sie/ als wider Kezer klagen/ zü vorab an einem solchẽ ort/  
da sie nit vollẽ gewalt hatten/ hat es sich begebẽ / die weyl  
der and an 8 Noten rür eßdelichẽ kräct lage/ dz auch diser  
Joanes / damit in nit auch solche kräct heyt anstieße/ auß  
der Gefäncknuß ledig gelassen ward/ doch mit gegebenet  
kreuw/ er wolte sich widerüb/ wa er Citiert wurde/ für Ge  
richt stelle. ¶ Dar auff wardẽ dise beyde vō den Officialen  
zū Vrich (die es dan züm höchsten verdros/ dz inẽ solcher  
raub entgangen war) durch greüwliche erduwort/ dahin  
gezwungẽ/ dz sie sich selbs freywillig ins ellend begebẽ sol  
ten. ¶ Der halben zogen sie miteinander in Saven/ die  
Kirch Wittenberg/ auß Gott seligem eyser/ zü besichtigẽ/  
Vnd als sie auff solcher reys drey Monat verzogen hat  
ten/ seind sie widerumb heym in ihr Vatterlandt kōmen.

¶ So bald aber solchs denen zū Vrich künde gethon  
ward/ Seind sie vō stund an für Gericht / sich 8 Kezerey  
halbẽ/ so sie beschuldigt warẽ/ zünet antworten / berüffen  
worden. Da ist inen endtlich auffgelegt worden/ sie sollen  
gehn Rom ziehen/ vnd drey ganzer Jar außserhalb ihres  
Vatterlandts im ellend sich enthaltẽ. ¶ Solchen Sents  
vñ vertheyl (als der ganz vnbillich war) hat vil gemeldet er  
Johan verachtet/ vñ deshalb keinẽ süß auß dẽ Stäetlin  
veruckẽ wöllẽ/ will geschweygẽ dẽ selbigẽ nach zükōmen.  
Dannenher dann auch seine Widersacher heftig wid in er  
grinnet wurde/ vñ beschlossen endtlich/ sie wolte in/ wa sie  
in in ier Herrschafft betrette vñ finden wurde/ erwürgẽ.  
Vnd war der beselch dem Obersten vber die Reüter ge  
geben/ das er einen so Widerspenstigen fräncelen mensche

gesäncklich annehmen/vnd gehn Verich/wa er in ankomen wurde/füren solt. In diser zeyt enthielt sich gleichwol Johān von Wörden/das er in deren von Verich Gebiet vnd Land nicht kame/darneben aber durchzoge er gang Holland/vnd eröflet die Brüder vnd Kirchen/so an allen orten im Herzen beyeinander versamlet waren. Damit er aber auch das ihenig / so er in seiner Lehr fürete/mit der that vnd im werck bezeügete/vnnd war machte/hat Der frome Man / ob er wol ein Geweyhetter Priester war/cin Ehe weib genömen (welches bey den Widerwertigen als Kezerisch gehalten würt) nachmals auch fürtegefahren/vnd also bald von der Wess abgestanden/seinen vorigen Standt verlassen/im nicht mehr wöllen lassen die blatten schären/Tha sich/als ein neuwer Thman/keiner arbeyt/wie gering sie war / beschämert oder gewärgert. Dañ wa man sein bedorffte / lieh er sich gebrauchen/da mit bachen/dort mit graben / vnd andern dergleichen diensten vnd arbeytten. Vnder lieh doch nimmer/das N. Euangelium dabey in heißern zupredigen/damit er yetein zeyt vergebens/vnd im Müßiggang verzeerete.

Wie er nün also/vnnd auff jertzerzölte weyß/sein zeyt vnd leben vertribe/hat es sich begeben/das der Bapst zu Rom sein arbeytseligen Reich / dz nün mehr schwanckte/vñ ja gar verfallē wolte/zuhelffen/neuwo Erdichtē Ablass außgehē ließe. D nün nit/wiel Iherd brauch gewesen/vñ Gelt seyl war/sond vergebēs vñ vmb sonst auffgerungē ward/allē denē/so da Büß thun/vñ die Wess fleißig besüchtē wurde. ¶ Dan nün solcher Ablass im Stettlin Wörden verkündigt ward/hat sich diser vnser lieber martyrer mit ernst/als ein starcke mant/vms haus Israels willē/darwi

Johān Beck hat ein Eheweyb genömen.

Bapst gibe einen vergebnen Ablass auß.  
Johān Beck prediget wider des Bapsts Ablass.

## Von den H. Gottes Bekennern

der eyngelassen. Dañ wie er des leydigen Teuffels gedancken/als ein fromer Man/wol wußte. Also hat er auch leichtlich des Antichrists fürnehmen vñnd betrug mercken können. Hat sich folgendts auch selbers in Beycheßstul gestellet/vñnd zur Beycheß geessen/Aber daselbst mit höchster eysfer vñnd ernst/des Päpstischen Ablass betrug vñnd beschiff angezeygt.

¶ Vñnd damit er ye solche Kauffmāschafft bey mercklichen verhaßt machete/vñnd vom Berrug des Ablass abzöge/hat er keinen Beycheßpfenning (wie sonst die Pfaffen gemeynlich pflegen) gefordert oder genommen/Sonnder sich in alle weg beflissen/Das er die hauptstück warer Gottseeligkeyt vñnd Christlicher lehr allen Menschen wol eynbildete/die schwachē hertze in Christo tröstete/vñnd die vnrußigen gewissen mit dem Euangelio Christi besüßete. Dannenher es auch beschah/dieweyl die Burger hauffen weyß zu im kamē/dz des Pfarrhers gewin sehr schmal vñnd klein ward.

¶ Dem Pfarrher thet solches wehe/hielt derhalbts bey der Oberkeyt ernstlich an/das sie einem solchen Menschen/der die H. Mess/das gemeyn Gebett/vñnd den Papst zu Rom/so öffentlich vñnd schandlich verachtete/die Kirch verbieten solten.

Johann Beck laßet sich widerumb vmb eelicher leüt wille/zur Mess treyben.

¶ Danñ solches beschah/ist diser vnser Martyrer auß ernstlichem vñnd trungenlichem anhalten der Brüder dahin beredt worden (damit er solch herlich vñnd wol angefangen werck nit also stecken/vñnd dargegendes Papsts Jarmarckt vñnd Kauffmāschafft ye länger vñnd weyter einreyßen ließe) das er widerumb Mess gehalten/vñnd die

blat

blattē hatt schärē lassen / dan er lieber wolt der Liebe vñ gegenwertiger not dienen / dan seinen eygnen Affecten folgen vnd statt geben. Vnd ist solches die vierdre Wef gewesen / die er in dreyen Jaren gehalten hat.

¶ Vnder der weylen / als der Wierling oder Pfarzher am selbigen ort mit rodt abgieng / ist ein neuwer Roma / nist an sein Statt komen / vnd gemeldtem vnserm Wartyrer einen neuwen Lermen angerichtet. Dann er für gericht öffentlichen gestellet / vnd ihm befehl gethon ward / sein sachen daselbst zü verantworten.

Johā  
Beck wäre  
für gericht  
gestellet.

¶ Als er nun vil vnd weyleuffig gefrage ward / vom Papstumb / vom Segfeur / vnnnd von den Satzungen der Väter / hat er mit einem eynzigen spruch seiner Widerwertigen mütwilligs begeren verantwortet / vnd öffentlichen bezeüget / Wan diene Gott mit Menschen Lehr vñ Satzungen vmb sonst / vnnnd vergebens. Dieweyl sie aber auch seins Ehestandts halbē rechen schaffe vñ vrsach vnsim begerten zü wissen / entbot er sich solches zuthun / wann mehr vnd auch gelehrtere verständigere leüt zü gegen sein wurden.

Gemeyne  
verantwortung  
auff alle fragen.

¶ Bald wurden etlich Psaffen berüffen / die in solcher Ehe sachen solten schliessen / vnd nemlich drey / vnder welchen aber einer war / dem solcher fräuel vñ vermesne handlung dises neuwen Pfarzhers nicht gefiel / diser / che vnnnd mangur inquisition griffe / frager den Pfarzher / auß was befehl er ein so grosse vnruig in einer freyen Statt het er regen vnd machen dörfen: Dieweyl er aber keinen schriftlichen befehl hierüber von der hohen Oberkeyt zeygen konde / ist er mit schanden abgezogen / vnnnd die Versammlung auffgestanden.

T Am

# Vonden H. Gottes Bekennern

**A**m nachfolgenden anderen tag aber/ hat er vom Rath zu Würden aller diser verlossnen handlungē brieff genömen/vnd alle ding als ein vnuerſchampter Lestere auff das aller bitterst vnd neydigt an Frau Margareten hoffangebracht. Dise gab als bald beſelch / das man gemelte Johanem widerumb gefäncklich annehmen solce/welches auch beschehen/Vnd ist er mit vier Knechten zum Hagen gefangen gefürt worden.

Johan  
Beck wäre  
ins gefänck  
nuß gelegt



Wilhelm  
Snaphens  
auch gefan  
gen worde

säncknuß geleyet worden / Wilhelm Snaphens / den die Mönch verrathen vnd angegeben hatten/als den der ihren Stand vnd Orden schrifftlichen widersprochen vnd verworffen hette. Diser hatt auch nachmals von ihm alles das/so von den Ketzermeystern insonders mit im gehand-

**A**uff welcher reys/ob er wol gute gelegenheyt gehabt hette/widerumb zientstieben / so hat ers doch nyemals versüchen oder thun wollen. Jha auch in Kercker zum Hag/mit freudē/Vn selbs freywillig gegangen.

**I**n ihm ist folgends den drittē tag auch ins Ge-

handt

# vnd Martyrern/der iij. theyl.

lxxxiiij

handlet/fleyssig vnd warhafftig (wie bald folgen würe)  
beschryben.

¶ Wa aber der güctig Leser etwz weyers vñ eygentli-  
chers vñ disem vnserm Martyrer zñ wissen begert/ So ist  
er eins auffrichtigē geradnē leibs gewesen/eins ersamē vñ  
doch frölichen angesichtes/mit einer hohen vnd erhabnen  
Scirnen/einer dapffern freyen gestalt/ Sein haar war  
schwarz/zimlich lang vñ düñ/ Seine gebeyn vnd Glieder  
starck/Seins alters eben im xxxvij. Jar.

Beschrey-  
bung der  
Gestalt  
Johannis  
Becken.

¶ Im disputieren ist er hefftig/ Im Lehren aber eyn-  
faltig vnd auffrecht. Im vermanen ganz frey gewesen.  
Wann er die Widersacher antastet/war er ganz embfig  
vnd hitzig. Sein gang war züchtig vnd dapffer. Sein  
farb war etwas braun.

¶ Vnd souil vom Leben vñ vnd Wandel diseo fromen  
Mañs.

¶ Folget nün was sich mit ihm vñ vnd den Ketzermey-  
stern von Lenti in gemeynen vnd offnen handlungen/bis  
zñ seinem end verlossen hat.

¶ Wiewol nün offemals zñ vor mit im handlung für-  
genommen worden ist/so ist doch die erste vnd statliche In-  
quisition dise nachgehende/so auff den viij. tag Newmo-  
nats vor mittag/ Im Jar M. D. vnd XXV. mit ihm ge-  
halten ist.

**Inquisition/ oder Verhör des glaubens**  
so von den Sophisten zñ Lenti/mit Johān  
von Wöden/ober der Püester

zñ gehalten wor-  
den ist.

T ij Vnd

# Von den H. Gottes Bekennern

Vnderhändler/so zugegen gewesen seind.

¶ Montanus. Magister noster/Nicolaus a Montibus/Regermeyster.

¶ Rosemündus. Magister Noster/Godschalvus Rosemund. Ein beyziger oder Assessor.

¶ Enchusannus. Magister Noster/Auardus Enchusannus ein Assessor/oder Beyzig.

¶ Bucho Bernardus ein Phryß. Dechant vnd Burgermeyster zum Hag.

¶ Duennorthus Brunnthus Procurator vñ Fiscal.

¶ Johan von Wörden/der Gefangne.

¶ Der Regermeyster Nicolaus Montanfieng das Gespräch an/vnd sagt.

**W**Ein Johannes wilt du das wir Lateinisch / oder Teütsch/reden sollen? ¶ Johannes gab antwort/Wie jr wölt/dañ es gilt mir gleich. ¶ Hierauff sagt Montanus zu den Beyzignern/Jhr Herren/Was soll man zum ersten fragen? ¶ Rosemund. Man greiff zum handel an im selber. ¶ Enchusan. Wie nichten/sonder man muß zuvor fragen/ob er eüch auch für den Ordenlichen Richter erkennen vnd annehmen wölle. ¶ Montanus/Jr werdet eüch nit beschwären/auff meine frage antwort zugeben? ¶ Johannes. Warzü mich das Rechte weyset/darauff will ich antwort geben. ¶ Montanus.



So lege nün die handt züm hertze/ vñnd schwöre du wöllest in allem/ dauon du gefrage wirst/ die warheit sagen. ¶ Johān. Zwar ich beschwäre mich vil zu schwören/ Bezeüg aber bey meinen güten treüwen vñ glauben/ das ich eüch antwort geben wölle/ nach dē es die Gerechtigkeit

Da Johan ne wirt d Eydt begeret.

Eyrt diser Vnderhandlung erfordert. ¶ Montanus. Wolan/ Kennestu nün dise hand vnd dise Schrift: Dis ist jha dein Bekantnuß die du neüwlich allhie den Raths herren des Keyserlichen Hoffs (Herren Johann Dünens/ north/ vnd Abel Colcten) ybergeben hast. ¶ Johān. Sie magt wol sein/ Ich hab mir aber endelich men/ ob jr mich schon vil fragen wurden/ auff rickel antwort zugeben/ Ich habe dann züuo. in gemeyn auch eüch meins glaubens rechen schafft gethon. Bitt der halben/ wöllen dieselbigen gütwillig jezunder von mir anhören. ¶ Montanus. Was fragen wir nach deiner Protestation: Gib antwort auff das/ das wir fragē. Ist dis dein Bekantnuß/ vñ bistu derselbigen auch zufriden/

Johān bezeugt seines Glaubens bekantnuß verhört zue werden.



# Von den H. Gottes Bekennern

oder nit? ¶ Johannes. Nicht ein wort will ich antwo-  
ten/Ihr haben daß zū vor mein Protestation angehört.

¶ Montanus. Wir wollen dir aber solches nicht ge-  
statten/Sonder Gib antwort auff das/das wir fragen.

¶ Johannes. Wie: Wöle jr mich daß zwingen/das ich  
mit meiner antwort eürerem fräuelen müerwillen dienen  
müesse: Was ist das für ein vnbillich Keyr?

¶ Duennorth. Er begeret das billich ist/darumb ver-  
gönnetes jm/Er protestier recht was er wölle. ¶ Joha-  
nes. Mich dunckt ihr seyen allein hieher kōmen/mich zu-

greiffen. Was ist aber das für ein schandlicher brauch?

¶ Enchusan sahe in saur an/vnnd sagt. Wir begeren  
dich zū einem andern vnd bessern verstande od meynung  
zubringē/Was sperrestu dich daß vns antwort zugeberst.

¶ Bucho. Mein Johānes/damit du die sach verstan-  
dest/So ist vnd stzget hie vnder vns zugegen der Keyserliche  
Comissarius/damit er in deiner sachen Richter seye.

¶ Montanus. Vnd hie sihestu die Credenz brieff mei-  
nes habenden befelchs. ¶ Enchusanus. Man verlese  
den Artickel/darinnen die sum des Mandats begriffen ist.

¶ Johānes. Ich glaubs gern/das er vom Keyser hie-  
her geschickt seye. ¶ Enchusan. Das ist nūn genūg/dañ  
er hat schon bewilliget vnd erkennet/Ihn/als den Rich-

ter. ¶ Montanus. Was sagstu nūn zū diser deiner Be-  
kantnuß? ¶ Johannes. Wan ich meines Glaubens re-

chenschafft zū vor gegeben hab/als dann werdet jr mein  
antwort auch hören werden. ¶ Duennorth. Wolan

so sag an/was ist dein Protestation? ¶ Johannes. Ich  
Johannes von Wörden protestier vnd bezeüge vor eüch

allen!

Protestatio  
Johannis  
Becken.

allen. 20. Vnd dieweyl die Kegermeyster sein hierüber lachen/reder er sie an/vnd sagt. Lieber warumb zersperret jr die meüler also/ Jhr seydt zwar feyne Gesellen. Warumb verlachtet jr mich? Soll man auch eines armen Gesangnen Manns/der sein sach verantworten will/dermassen spotten? O jr stolzen Phariseer?

¶ Buchs. Herr Johann/die Herren hie zugegen/spotten zwar dein nit/Sonder das verwundert sie/das du vermeynst/du habest dise deine Protestation nur gar feyn vnd artlich fürgenömen: Aber red weiters/vnd sarfürt: ¶ Johannes. Ich Johan von Wörden/protestier vnd bezeüge mich hie vor euch allen/das ich nichts nit schliessen will.

¶ Die siel im Enchusan in die red/vnd sage spöttlicher weyß/ Ja/ Jha/ Jha/du schöner Schliesser/wer will dich in Gottes sachen für einen Schliesser halten: Du magst mir wol ein fräueler mensch sein. ¶ Johannes. Wann jr mich dermassen für vnd für schmählichen verspotten wölt/so will ich kein wort mehr reden. ¶ Duennorth. Sar für wie du angefangen hast.

¶ Da sieng Johannes an zum dritten mal/vnd sagt/ Ich Johan von Wörden/protestier vnd bezeüge mich hie vor euch allen/das ich nichts beger zuschliessen/oder mit ernst bestättigen vnd behaupten will/das in D. Göttlicher Schriefften nit außdrucklichen verleybet ist.

¶ Enchusanus. Lieber halt still ein weyl/vñ gib mir dein Bibel her: Da frag ich nün/Ob man allein der Geschriffte/vñ nit auch den Väteren glauben geben soll: So doch in der Apostel Geschicht im 9v. Capitel klärlich vermeldet.

Johani sal  
let man in  
sein red.

Ob man al  
lein der  
Schriffte vñ  
nit auch de  
Väteren  
glaube soll

# Von den H. Gottes Bekenern

meldet/ Das Paulus dem Volck gebotten hab/ zuhalten/  
was von den Aposteln vnd Eristen der selbigen zeyt er-  
kandt vnd beschlossen war. ¶ Johannes. Daran hat im  
der Apostel recht gethon. Dañ solchs alles/ so von den E-  
risten beschlossen/ war H. Göttlicher Schrifft gemäß.

Act. xv.

¶ Rosemund. Die Apostel aber sagen im selbigen Cap-  
itel vnder andern Worten also/ Es gefalt dem H. Geyst  
vnd vns/ das jr eüch enthaltet vom Blüt/ vñ vom erstick-  
ten/ &c. Hier auß ist/ ha klar vnd hält/ das die Apostel mit  
samt ihren nachkömmlingen etwas gebotten haben/ das  
in der Schrifft nit verfaßt gewesen ist/ Dañ sie sagen/ Es  
gefalt dem H. Geyst/ vnd Vns. Lieber was sagstu zu dem  
wort/ VND VNS, &c.

Christliche  
auflegung  
vñ verstädt  
vom gehal-  
tenen Con-  
cilio zu He-  
rusalem.

¶ Johannes. Die H. Apostel haben im selbigen Con-  
cilio nichts/ dz nit zeügnuß hette/ in H. Göttlicher Schriff-  
ten/ fürgenomen. Das Gesaz hatte den Juden verbot-  
ten/ das sie nichts von solchen thieren/ die selbs gestorben  
waren/ anrüren solten/ auch kein Blüt nit essen/ dann es  
sey die Seel des Geschlachtenen Opffers. So kondte das  
Concilium der Aposteln auß den Schrifften der Prophe-  
ten/ leichtlich vnd wol abneimen/ das nün auch die Heyde  
zum Christenthumb solten gebracht werden. Diweyl a-  
ber solchs die Juden/ als die von wegen des Gesazes sich  
hoch vbernamen/ vngern züliesen/ hat es die lieben Apo-  
stel/ auß eynggebung des H. Geystes/ für güc vnd gerabe  
angesehen/ ein solche mittele weyß zufinden/ dardurch die  
zwey widerwertige Völcker/ nemlich Juden vñ Heyden/  
zur eynigkelt eines Glaubens versamlet wurden. Das  
hat nün anderst nicht künden beschehen/ es gebe dañ ein  
cheyl

theyl dem andern etwas nach / vnd das auß schuldiger  
 pflichtē der Brüderliche Liebe/die etwan von der Stren-  
 ged des Gefages etwas miltteret/ vnd nachlaße. Dañenher  
 es auch kōmen ist/das erstlich die Juden die Strenge der  
 Beschneydung ihnen vnd den Heyden nachliessen/ Dem  
 nach auch die Heyden ein zeytlang sich vom Blüt vnd er-  
 stickten enthielten / Vnd also beyde Völcker Euangeliz-  
 scher lehz sich fertigen ließen. Das aber solche Erkantnis  
 der Apostel den Heyden nit für vn̄ für zūhalten/ auch den  
 andern Gottes gebotten / nit gleich gewesen sey/befindet  
 sich an dem/das solche auff den heütigen tag gar abge-  
 thon vnd auffgehoben ist. Derhalbē so ist in solchem von  
 den Aposteln nichts fräueler weyß gehandelt wordē/ So  
 haben sie auch hierinnen nichts wider den Befelch/ so sie  
 in Mattheo empfangen haben/ gethon.

Liebe ist  
 des Gefa-  
 ges rechte  
 außlegerin

¶ Montanus. Du würst es vil anderst finden Mat-  
 thei im xviij. Capitel/dann du jezundt sagst. ¶ Johan-  
 nes. Was kan hällers sein dann eben die wort / damit der  
 Herr seine Apostel in alle welt abfertiget: Gehet hin/ sa-  
 get er/ in alle Welt/ vnd predigen das Euangelium allen  
 Creaturen/vnd lehren sie halten alles was ich eüch besol-  
 hen hab. ¶ Montanus. Ich wolt nicht dises / Aber bes-  
 denck das xvij. Capitel / Da liessst du also. Auß Mosi  
 Stül sitzen die Schriftegelehrten vnd Phariseer/ Alles  
 nün was sie eüch sagen/das jr halten solt/das haltet vnd  
 thüt. Aber nach ihren wercken solt ihr nit thün. Hörst du  
 das: Hast du es auch verstanden: Christus sagt/ Was sie  
 eüch heysen/das solt jr thün. ¶ Johānes. Seydt dann  
 jr Herren/die Schriftegelehrten vnd Phariseer zū diser

Matth. 23  
 1-23

Vom stül  
 Mosi  
 Matt. xxij

# Von den H. Gottes Bekennern

zeyt/deren lehr wir hören vnd folgen/das leben aber straffen vnd schelten sollen: Sehet eüch wol für das jr nit mit ihnen in gleiches vrtheyl Gottes fallen / die jr mit bösem Exempel eüwers lebens/ die warheyt der reynen Euangelischen lehr schenden vñ schmähben. Wiewol ich eüch nit dafür erkenne vnd halte/das ihr auff dem Stül Moyses sitzen/Dañ ihr lehren das Gesetz/so Gott dem Mose gegeben hat/nit. Derhalben solle man eüch auch nicht hören. Dann Gottes wort soll pur vñnd lautter / hindangesehet allen menschen satzungen/ geprediget werden / wie geschryben stehet/ Was ich dir heüt gebiete / das allein soltu dem Herren thün/ auch weder darzü noch etwas darvon thün.

¶ Enchusan. Soll das war sein/wie du segundt saggest/so haben die H. Apostel der warheyt weyt verfühlet.

¶ Johannes. Lieber wie das? Enchusan. Da haben sie die form vnd weyszüteüffen/wie die vom Herren Christo selber mit außgedruckten worten für geschryben worden/ verändert/vñd nemlich allein im nammen Jesu gereüfft/wie man liest im büch der Apostel Geschicht. ¶ Rose-

mund. Also ist im auch lieber Herr. ¶ Montanus. Was antwordestu nün hiezü? Schweygestu gar still: ¶ Johannes. Wie das ihr doch so hefftig wider mich schreyet:

¶ Ist das der weg/die vnuerständigen zü vnderweyssen / vñ die Irrenden wider zubringen? Ir schreyen doch alle wider mich eynhellig/wie die Wölff/wider ein Schäflein. Soll man also handeln? ¶ Rosemund. Thü gemacht mein

Johannes/das was wir thün / das thün wir dir zü güt/ damit wir dich/der du vom rechten weg Irz gangen bist/

wie

Dapisten si  
ge nit auff  
Moyses  
Stül.

Vom Tactiff  
der H. Apo  
steln.

Johannes  
beklagt sich  
dem vn-  
gercympt  
schreyen sei  
ner Wider  
wertigen.

widerumb vom Irthumb bringen köndten. ¶ Johanne-  
nes. Das würt man am end wol sehen. ¶ Montanus.  
Gib da anwort auff das / das dir fürgeworffen ist / War-  
rumb doch die form vnd weyß zuteuffen / von den Apo-  
steln seye geändert worden?

¶ Johannes. Die Apostel haben fürnemlich im nam-  
men Jesu getaufft / damit er als der Erlöser der ganzen  
Welt / den aber noch wenig leüch kenneten vnd ange-  
nommen hatten / desto mehr geprysen wurde.

¶ Zu dem / was ist es anderst im namen Jesu / der doch  
warer Gott vñ Mensch ist / teuffen / dan teuffen im Nam-  
men / das ist / in der krafft des Vatters / Süns vnd Heyli-  
gen Geysts. Es sey dan das Christus vnrecht geredt hat /  
da er spricht / Ich vnd der Vatter seind eins / Item / Phi-  
lippe / wer mich sihet / der sihet auch den Vatter. Der / soll  
der die person des Süns vnd des H. Geysts verleügnen  
haben / der allein den Allmechtigen Ewigen Gott Vat-  
ter nennet / So hat vns doch Christus selbers nicht recht  
lernen betten / da er seines eygnen nqmens geschweyget /  
vnd vom Vatter das Gebett ansahet.

¶ Souil dan die form vnd weyß zuteuffen / wie die vom  
Herren Christo selbers eingesetzt worden ist / belangt / die  
hat er vns nit eben so hoch gebotten / als wann es Sünd  
sein solte / von den fürgeschribnen Worten etwas züwey-  
chen / so man doch der sachen an sich selbers vergleicht vnd  
eynig ist. Dann das Reyck Gottes stehet nit in Worten /  
sonder in der Krafft. So würt auch nyemandes im nam-  
men des Vatters / vnd des Süns / vnd des H. Geysts war-  
bassig getaufft / es seye dan das er durch die Krafft Got-

Warumb  
die Apostel  
allein im  
namen Je-  
su geteufft  
haben.

Johann. xiiij

# Von den G. Gottes Bek. ñern

tes/vnd salbung des H. Geysts begossen vñnd gereynigt/  
warlich nach dem inwendigen Menschen wider vñ neuw  
geboren werde. Derhalben wie auch dise vnser Einywey  
hung / die da beschicht in disem Bad d Widergeburte/nit  
allein den eüsserlichen büchstaben/puncten/titteln / vñd  
fürgeschrybnen wortē/sonder vil mehr der Gottes krafft/  
die vns neuw gepüret / vñ vnser hertzen mit einem vil bes  
sern Geyst/begnadet/zügeben sollen. Wiewol wir auch  
nyemandts leügnē kan/das die Apostel nit auch im nam  
men des Vatters vñd des H. Geysts die Christen gereüf  
fet haben/dieweyl Lucas meldet/sie haben gleichwol im  
namen Jesu/aber doch nit im selbigen namen allein ge  
reüffter.

Johannes  
will nichts  
glauben dz  
nit in Got  
tes wort  
versetzt ist.

¶ Bucho. Ach es bedarff nit einer so langen vñ weyter  
leüffigen Disputation vñd verantwortung/ Die Herren  
Ketzermeyster begeren allein das zü wissen / damit du sie  
recht verstandest / Ob du auch etwas glaubest / das in H.  
Göttlicher Schrifften nit außgetruckt seye: ¶ Johanes.  
Zwar nichts nit / wie klein vñd gering es immer sein  
mag. ¶ Montanus. So höre ich wol / du achtest es für  
sünd/wañ man etwas außserhalb der Schrifften glaub  
ben solt: ¶ Johannes. Ich glaub keiner andern / dan  
allein der Heyligen Schrifften / als auß welcher man alle  
lein notwendige Lehr/züm Heyl vñd Ewigen leben/nem  
men kan. ¶ Bucho. Warumb sage dan Christus / Mat  
th. 23. Wer eüch höret / der höret mich: ¶ Johannes.  
Dis ist ja recht vñd wol gesagt / von denen / die zü der E  
uangelischen Fründten außgeschickt worden. Zwar man  
soll die Prediger des Euan geliums (wie Christum den  
Herren

Matth. 23.

Herzen selbers hören. Dañ von ihnen würt gesagt / Ihr seydt mit die jr reden / sonder der Geyst meines Vatters / der in eüch redet. Wañ nün jr auch nach solchem Exempel vom Herzen / züm Dienst sein Euangelium zupredigen / wie die Schaff mitten vnder die Wölff / gesandt weren / so wolten wir vns Keins wegs beschwären / eüch zuhören / iha wir wolten eüch für lebendige Gottes Engel erkennen vnd halten. Dieweyl jr aber hieher mit Keyserlichen vnd Bapstlichen briefen vnd Bullen Komē seind / nicht zuerhalten / sonder vns zünerderben / so halten wir eüch auch nicht für Gesandte oder Diener Jesu Christi / sonder der Menschen / vnd deßhalb wollen wir eüch auch nit hören. Dann das zü den Aposteln gesagt worden ist / Wer eüch höret / der höret mich / das geht eüch gar nichts an.

¶ Montanns. Du hast ein böse fräche oder fränele zungen. ¶ Rosemund. Glaubstu nün allen büchern der H. Bötlichen Schrifften: ¶ Johannes. Ja ich glaub allen denen / die auß eynggebung des H. Geysts als Canonisch angenommen seind. ¶ Montanus. Waber weystu nün welche bücher angenommen / vnd welche verworffen seind / wañ du hierin nit der Kirchen gemeynen erkandtnuß glauben geben wilt: ¶ Johan. Die Kirch ist nit vber die H. Schrifte. So nimpt die Schrifte auch nit ihre Autorithet von der Kirchen / Dieweyl aber sie an allen orten seyn zusammen stimet / vñ der Geyst des glaubens / von vns erfordert / das wir vns derselbigen vernügen lassen / so ist iha billich / das wir von derselbigen auch warhafftig zeüigen / vnd hierüber nit allererst der Kirchen erkandtnuß vnd vrtheyl erwarten. Darumb sagt auch der H. A-

Doncano  
nisch en bü  
chern der  
H. Schuff  
ten.

Von der  
Kirchen  
vnd 45.  
Schrifte.



# Von dem H. Gottes Bekennen

postel Paulus. ij. Cor. iij. Diweyl wir desselbigē Geyst/ des glaubens halben/nach dem geschrybensteht/Psal. cyv. Ich glaub/darumb rede ich. So glauben wir auch/darumb so reden wir vnd wissen/2c. Auf diesem Glauben nūn/vnd dem Geyst der in vns zeüget/sollen wir die war heyt der H. Göttlichen Schrifftē mehr/dan̄ auß dem vt theyl der Kirchen/schliessen vnd erkennen. Dann die Kirch hat nit gewalt/etwas als einen Artickel des Glaubens/auffzutringē/das nit in H. Göttlicher Schrifftē/so vom H. Geyst verzeychnet worden ist/gegründet sey.

Warumb  
den alten  
Lehrern  
nicht also  
bloß zu-  
glaubē sey.

¶ Enchusanus. Was hastu aber für vsachen/vmb welcher willen du den H. Alten Lehrern der Kirchen nit glauben wilt? ¶ Johānes. In den Schrifftē oder Büchern der Väter kan ich betrogen werden/ Aber in H. Schrifftē ist solchs vnmüglich. So hat auch die Kirch Christi einē einzigē Lehrer der Warheyt/ als nēlich dē  
” H. Geyst/der vom Vatter außgehet/ Welcher H. Geyst/  
” diweyl er der erste anfänger ist der Schrifftē/die nach  
” dem zeügnuß Petri/ ij. Petri. s. nit geschicht auß eygner  
” außlegung/2c. So hat sich auch nyemandes dessen zū ver-  
wundern/das der Herr Christus vns zū solcher Schrifftē weyset/da er sagt. Johā. v. Sūchet in der Schrifftē/dan̄ sie ist/sie die von mir zeüget.

¶ In dem/so würt der Sūn Gottes Jesus Christus vns selbs fürgestelt/das wir in hören sollen/dann also lauter die Stimme vom Himmel herunder/an alle menschen. Matth. ij. diß ist mein lieber Sūn/in dem ich wolgefalen hab/ Jhu solt jr hören.

¶ Enchusan. Noch hastu kein vsach vmb welcher willen

len

len du die Bücher vnnnd Schrifften Gelehrter Männer so schandelich verachten soltest. Dañ was die Euangelisten verschwygen haben/als die die Werck Christi nit also vollkommenlich haben beschreyben könden / das ist nachmals den H. Lehrern vnd Vätern befolhen worden/das sie es auff die nachkömenden gelangen lieffen. Darumb sagt auch Johannes der Euangelist im xvj. Capitel. Es seind auch vil andere ding/die Jesus gethon hat/welche so sie solten eins nach dem andern geschryben werden/ach reich die Welt wurde die Bücher nicht begreifen / die zůschreyben weren. ¶ Rosemund. Daran ist ja kein zwey/el was die Euangelisten nit beschryben haben / das ist dem nachgehenden H. Vätern vbergeben vnd befolhen worden. ¶ Johanes. Dis ist nün gar ein feyne vrsach/rc. aber wie stuck weyß vñ halbieret jr die Schrifte anziehen/last sich wol hierin sehen/ das jr das ihenig so Johannis hinzü setzet / gar seyn verschweygen/dañ er sagt/ Johañ. am xv. Dise aber seind geschryben/das ihr glaubet/ Jesus sey Christ/der Sün Gottes/vnnnd das jr durch den Glauben das leben habt in seinem Namen. Ist nün nit auß solchen Worten håll vnd klar genug/das alle ding/welche vns zů wissen zur seligkeyt von nöten seind/ auch beschryben worden seind/das man sha weyters anderer leüt schrifften vñ Decreten nicht bedarff. Der Herr Christus weyset vns zů dem eynigen Tröster dem Weister der Wahrheit / das wir von dem selbigen in alle warheyt geführt werden.

¶ Enchusan. Du bist für war ein verwegner Mensch / dieweyl du dich rhümest/du wissest für gewiß/was für bücher der H. Geyst geschriben hab. ¶ Montanus. Wey

stu

Ob nit ables zur seligkeyt von nöten/in Biblischen Schrifften verfaßt sey

## Von den H. Gottes Bekennern

stu wes fürnemens der H. Geyst ist: ¶ Rosemund. Ach Gott/wie seind das so fräuele leüt/die da vermeynen/sie haben den H. Geyst: ¶ Johannes. Lieber wie grisset graemet jr wider mich/vnd wie neidisch lacher jr mein:

¶ Enchusan. Hast dan du den H. Geyst/du doller vñ geschickter mensch: ¶ Johannes. Rom. viij. Wer den Geyst Christi nit hat/der ist auch nit sein.

Vnder= ¶ Duennorth. Mit erlaubnuß eüwer meiger Hero  
scheidt zwi ren/ Ich will in auch etwas fragen. Herr Johan/Lieber  
schen dem wannenher weystu das du ein Priester bist: Vnd waber  
Glauben glaubstu das der dein Vatter ist/den du einen Vatter  
so Götli= glaubest: wer hat dich in solchen dingen vergwissert:  
der schriff nennest: wer hat dich in solchen dingen vergwissert:

ten/vnd de ¶ Johannes. Lieber schemest du dich nit einer so tho/  
so andern rechten vnd vngereümpren frage/Wan es kind theten/so  
dingen ge werē sig warlich wol der rüctēwerdt. Es ist ein grosser vñ  
gebē würt. der scheydt/lieber Herr/Ob du wz glaubest/dz in H. Göt/  
licher Schrifften verfaßt ist/welcher alle frommen/vnge/  
zweyfelt/glauben geben/vñ das auß dem geyst des Glau/  
bens/den sie entpfangen haben/ Oder aber ob du etwas  
glaubest in andern dingen/die außserhalb der Schrifte  
seind. Der Glaub in Gott vñnd sein Wort/ist in alle weg  
notwendig vñnd heylsam. Aber der Glaub oder gefasste  
Opinion vñ wohn von andern dingen/ist weder notwert  
dig noch heylsam/Sonder würt einem jeden menschen sel/  
nes gefallens frey gelassen/on eynige verletzüg der Gott/  
seligkeit.

¶ Montanus. Wie: Glaubstu dan auch das du ein  
Priester bist: ¶ Johannes. Warumb solt ichs nicht  
glauben: ¶ Montanus. Wer hat dich dessen versichert:  
Wer

Wer hat dich zu einem Priester gemacht? ¶ Johannes.  
 Der Weyhbischoff. ¶ Montanus. Glaubstu auch das  
 er zu solchem gewalt vnd macht habe? ¶ Johannes.  
 Iha. ¶ Montanus. Nun stehet ye das nyergendt in N.  
 Götlicher Schrifften. So glaubstu nun etwas / das ori  
 grunde der Schrifft gehalten würt / als nemlich / das der  
 Bischoff macht habe / Pfaffen zu weyhen? ¶ Johannes.  
 Was gehet diser mein gefasste Opinion vnd Wahn / den  
 Glauben der da selig macht / an? Zu dem / so sehe ich nichts  
 was ich guts von einem solchen Bischoff empfangen ha  
 be / dann eben das man mich einen Priester oder Pfaffen  
 nennet / dieweyl ich von einem Symoniaschen Bischoff / Vom Bis  
schöffen od  
Priester  
 Symoniascher weyl in disen Priesterlichen Stand auff  
 genommen worden bin. ¶ Enchusan. Wolan wie soll Priester  
Weyhen  
vñ Wöhlē.  
 man dann nach eüwerem Euangelio einen Bischoff wöhl  
 len / oder Priester weyhen? ¶ Johannes. Wir werden nit  
 Priester durch die wahl / sonder durchs Wasser vnd den  
 Geyst geboren / vnd würt vns befolhen / das wir Geystli  
 che opffer dem Herren opfferen sollen. Sonst weylt die  
 Kirch / welche ist ein Gespons vnd Braut Christi / von  
 Keinen andern Priestern. Darneben aber so werden die  
 Diener des Wortes / oder die Seelsorger / entweder aus  
 gemeyner Wahl der Kirchen erwölet / oder vom Herren  
 selbers beruffen.

¶ Enchusan. Ach Gott / w3 kan doch vngereümpfers Ob alle  
Christen  
 gesagt werden / dann das alle Christen Priester sein sol  
 len? ¶ Rosem. Wie: Döessen dan die weyber auch Priester  
seyen.  
 lesen: Dem volck Gottes wort verkünden vnd teüffen?  
 ¶ Montanus: Das Gesaz Mosis hat keine andere Prie  
 ster/  
 £

# Von den G. Gottes Bekennern

ster/dann die vom Stamm Leui geboren waren. ¶ **Enchusan.** Seind dann alle Menschen Priester/ so würt die ganz Christenheyt vnruwig/ auch kein ordnung in der Kirchen erhalten werden/welches ist wider den Apostel Paulum/der da sagt/Es sollen alle ding zierlich vnd mit ordnung beschehen. ¶ **Johanes.** Lieber warumb schreyet ihr all zumal vnd miteinander wider mich? Es rede einer in eüwer aller namen/damit ich wissen mög/wem ich antworten solle.

Ob alle  
Christen  
Priester  
seyen.

¶ **Montan.** Du wilt das mit gewalt erhalten/das alle Christen Priester seyen ¶ **Johanes.** Ja sie seinds auch/ dan der Herr sagt/Exod. xix. Die ganze Erd ist mein/ vnd jr solt mir ein Priesterlich Königreich vnd ein heyliges volck sein. Mit diesen Worten redet Jha der Herr mit allein die Leuiten/sonder alles volck Israel an. Will man dann Christum ansehen/ so seind auch die Geliebten auf denen/die nit Lieb waren. Das sagt auch Petrus zu den Juden/so in der Zerströbung waren/da er sagt./i. Pet. ij. Ir aber seyde das ausservölte Geschlecht/ das Königliche Priesterthumb/has Heilige volck/das volck des eygenthumbs/2c. Wiewol nun dem also ist/ so wolt ich doch nit das sich ein jeder des Predigampts vnderzöge. Dann hiezü ist niemands geschickt oder würdig/ er werde dan/ wie Aaron/vom Herren beruffen. So seind wir nun alle Priester/ die wir des Priesterthumbs Christi theylhafftig worden seind/so ferz wir auch mit Christo ein wolgefellig opffer vnserem Gott/ vnseren vernünfftigen Gottes dienst auffopffern/vnd auß schuldiger pflicht der Liebe/ auch für die not vnserer Mitbrüd hertzlich bitten. ¶ **Enchusan.**

Wer zum  
Prediga  
ampt ge  
schickt sey

Cusan. Ach wie irret doch diser mensch so hefftig? ¶ Ros-  
 semund. Mich nimt wunder das du dich doch solcher ren-  
 den nit schemest? ¶ Montanus. Du bist fürwar nit bey  
 dir selbers / dieweyl du sagest / das alle Christen Priester  
 seyen. ¶ Johan. Ich will eüch ein grob Exempel geben.  
 Souil da belange die Erschöpfung des Menschē / so bin  
 ich zwar eben so wol ein Mensch als Keyser Carle. Dar-  
 neben aber würt er ein Keyser genant / nit von wegen sei-  
 ner geburt / die mir vnd jm gleich ist / sonder von wegē der  
 Chur / oder wahl. Ich aber / der ich von nidern geschlecht  
 geboren / leb also auch in geringem stand / vnd als ein pri-  
 nat person. ¶ Mon. Dz gleichnuß gilt nichts. ¶ Enchu-  
 san. Es hat vil ein andere rechnung mit der Priester Wey-  
 he / dann in der selbigen würt ein vnauslöschlicher Char-  
 cter oder Malzeychen eyngetruckt vnd gegeben. ¶ Rose-  
 Er bringe vil gleichnussen hereyn. ¶ Enchu. Nün sihet  
 man / das du nit recht haltest vom Sacrament der Wey-  
 he / welchs du mit deinem Meyster dem Luther so schande-  
 lich verachtest. ¶ Rosemund. Also ist jm auch. ¶ Monta-  
 nus. Was sollen wir nün weyters fürnehmen? ¶ Enchu-  
 san. ¶ Befelcht jr jm / das er in seiner angefangenē Pro-  
 testation fürfar. ¶ Johannes. Ich weyß nit was ich sa-  
 gen soll / dieweyl jr mich alle dermassen ohn auffhören be-  
 reüben. ¶ Montanus. Sag doch an / wir wollen alle  
 stillschweygen / bis du aufgeredt hast.

¶ Johan. Wolan / so will ichs thün. Ich Johanes von  
 Wörden protestier vñ bezeüge mich hiemit öffentlich vor  
 eüch alle / dz ich gänglich des fürhabens bin / nichts nit zu  
 schliessen / oder beharlicher weyß zuuerchädigen / das nit

Protestatio  
 Johan Be-  
 cken.

## Von den H. Gottes Beküern

NOTA in H. Göttlicher Schrifften gegründet ist / welche aber  
,, dermassen soll verstanden werden / wie sie der H. Geyst/  
,, der sie dan angegeben hat, selbers will verstanden haben.  
,, Zur auflegung aber derselbigen ist nit von nôte das wir  
,, anderer vnd frembder wortē / dan deren damit sie beschry  
,, ben worden ist / gebrauchen. In andern dingen glaub ich  
,, wz die H. Allgemeyn Christlich Kirch glaubt. Derhalbē  
,, verfluch vnd verdämē ich auch aller Menschen Lehr vnd  
,, Kegerey / so dem geoffenbarten Gottes wort züwider  
,, seind. Also habe jr nün mein Protestation.

¶ Montanus. Nün siber man / das du den Lehrern  
der Kirchen / desgleichen den H. Väteren keinen glau  
bē gibst: ¶ Johān. Ich hab vormals g. sagt / wan jr euch  
recht wolt erinnern, das ich allen denen Schrifften glau  
ben geb vnd züfalle / die mit H. Göttlicher Schrifften zü  
stimen. ¶ Montanus. Es ist doch güte / das du der H.  
Väterer Schrifften auch erwar für haltest. ¶ Enchus  
san. So haltestu nün / das man den H. Väteren auch folgen  
solle: ¶ Johānes. Ich merck wol das jr mich betrie  
gen wolt / Man sage mir das mit güten Teütschen ver  
ständelichen wortē. ¶ Bucho. Herr Johān / die Herrē  
allhie fragen allein dises / ob du auch vermeynst das man  
die Kirchen sayungen / als da seind die Feyrtag / Fastag /  
Kloster gelübd / vnd andere dergleichen Decreta der H.  
Väterer / halten solle: ¶ Johānes. Was außserhalb der  
H. Göttlichē Schrifften gebotten würt / dz kan mir mein  
gewissen nit binden. ¶ Enchusan. Nün lobt doch die  
H. Schrifte die Fastag / die Beycht / dē Sabbath / dz Nacht  
mal / vnd die Gelübdē / welche alle aber wir / von wegen  
das

Von Fast  
vnd Feyrt  
gen / Blo=  
ster gelüb=  
den.

das es der Kirchen vnnnd den Väteren also gefallen/sür Gebott halte. ¶ Johannes. Es ist ein grosser vnder scheyde vnder denen jetzerzölten stucken/die jr auff einem hauffen zusammen gefast haben.

¶ Enchusan. Wie? Ist nit die Fasten gebotten/damit wir desto geschickter seyen die Götlichen ämpter züuerichten/nach dem Exempel Mosi/ Exod. xxxiij. welcher pl. ganzer tag an einander fastet/da er vom Herren die wort des Bundes empfahen wolt. ¶ Johannes. Ob schon dem also ist/was gehet aber solche eüwere fasten an/die jr vns/vnder der Straffeiner Todt sünden auff gewis se tag vñ speyß gebieten? Fasten in der Schrifft/ist nichts ands dan ein Mässigkeit vnd Nüchternkeit/deren sich der Mensch zü aller zeyt beflissen soll/nach der red Christi/da er sagt. Luce am xxi. Hüter eüch das eüwere hertzen nit beschwäret werden mit fressen vnnnd sauffen/vnd mit sorgen diser Welr. ¶ Montan. So hör ich wol/du wilt man solle gar nit Fasten. ¶ Johannes. Das sag ich nit. Sonder ich beger dargegen/das jr mir eüwere Fasten auß d. Götlicher Schrifften probieren vnd darthuen/Dieweyl doch sonst Paulus die Galater strafft/dz sie die tag/ Monaten vnnnd Jarzeyt hielten. Gal. iij. vnnnd sagt zün Römern. viij. das das Reych Gottes nicht stehe in essen vnd trincken. ¶ Enchusan. Du solt aber auch wissen/das den Fürgesetzten vñ Fürnembsste Heüptern der Kirchen zügelassen ist/in solchen dingen änderung fürzunemen/was nun sie dermassen erkennen/das soll vnnnd müß man ja für ein Gesag vnd Gebott erkennen.

Vom Faste

Man soll für vnd für Fasten.

110

¶ Rosemund. Herz. Docto: /dise Disputation wurde



# Von den H. Gottes Bekennern

Von der  
Römischen  
Kirchen vñ  
ihren Ge-  
bottē/ oder  
Satzunge.

sch zuvil lang verziehen/laßt vns widerumb Kommen auff die Satzungen der Kirchen: ¶ Montanus. Wie: Glaubstu auch alles was die Allgemeyn Christlich Kirch glaubet: ¶ Johannes/ Ja/ ich glaubts. ¶ Montanus. Dz ist recht. Wann du also reden würst/so wöllen wir nit hoch wider dich streitten. ¶ Enchusan. Was haltestu aber von der Römischen Kirchen: ¶ Johannes. Eben auch dasselbig. ¶ Montanus. Das man halten soll/was sie gebietet: ¶ Johannes. Die Römisch Kirch ist kein Tyrann/beschwärt vns auch mit keinen Gesagen/Sondern ist dem Euangelio vnderworffen/vnd lehret vns/das wir dem selbigen allein auch gehorsam sein sollen.

¶ Enchusan. Das kanstu jha nit leügnen/Die Kirchen Ceremonien seind sehr weyßlich eyngesetzt worden/damit die leüt im Gottesdienst nit kalt vnd schlüssig wurden. Dan durch das Fasten/Feyrtag/Gebett/Beycht vñ anders dergleichen/werden die trägen hertzen der Menschen ermundert/vnnd sonderlich zu disen letzten zeyten/darinnen die Liebe erkaltet/die vngerechtigeyt aber vberhandt genomen hat. Das wir jha alle/solcher Gebott vñ Gesagz/die vns treyben vnd manen/von nöten seind. Wann nun solche solten vndergehen vnd veralten/was würd zu letzt auß der Allgemeynen Christlichen Kirchen werden:

q. Cor. ix.

¶ Johannes. Ach Gott wie reden jr doch so dolle ding. Habt jr nicht gelesen/das Gott ein frölichen Geber lieb hat. ij. Cor. ix. Warum wölt jhr dann solche faule schlüssige leüt/durch Gebott vnd Straff/zü einer solchen arbeit/die doch nichts nützet/zwingen vnnd tringen: Der Knecht bleybt doch nicht ewig im Haus. Zu dem/so seind die

die Werck/die wir auß vns selber erdichten/vñ sie andern  
 leüten auffbringen/mit nichten vnd keins wegs züverglei- Mit wer-  
ckē kan mā  
die seeligē  
kēyt nit cr-  
langen.  
 chen/mit denen die vns im Gesag Gottes fürgeschryben  
 werden. Vnd dieweyl Abraham/der doch sonst ein Vat-  
 ter aller Gleübigen geneñet würt/vor Gott keinen rhüm  
 hetre/wa er solte oder müste durch die Werck des Gesags  
 gerecht fertiger werden./Zwar so werden vil weniger einwe-  
 re Werckheyligen sich zurhümen haben für Gott/von we-  
 gen ihres gemurmleten Geberts / ihres Fasten/ vnd ande-  
 rer kalten Ceremonien.

¶ Montanus. Wann nit Gesag vñ gewisse Ordnun-  
 gen sein solten/darzü die leüt angehalten wurden/ Was  
 wurd doch zületst auß der welt: ¶ Bucho. Wann kein Burgerli-  
che Satzun-  
gen seind in  
diser welt  
von nöten.  
 Galg oder Schwerdt were/ so dörfte ich doch nicht sicher  
 auff der gassen gehen/dann jederman wurd mördern/rau-  
 ben vnd stelen. ¶ Johānes. Ich beken das alles/wie ihr  
 hie sagen/Aber es ist des Keyfers ampt/dem der Gewalt  
 des Schwerdts von Gott gegeben worden ist/das er die  
 vnschuldigen für gewalt beschützen/die Schuldigen aber  
 vnd Ubelthäter der gepür nach am Leyb straffen solle.  
 Jederman weyßt es/das die Burgerliche Satzungen zü  
 erhaltung Scätt/Land vñ Leüt/in alle weg von nöten  
 seind. Aber wir handeln hie von den Kirchē Ceremonien  
 vñnd Satzungen/da sage ich/das der/der sie halter/dan-  
 noch keinen rhüm für Gott habe. ¶ Montanus. Wir  
 gestehen das gern/das die Frommen von heizen allweg be-  
 geren recht zuthün/ desgleichen das die Bösen sich vom  
 argen auß forcht der straff enthalten. ¶ Johānes. Was  
 ist dan diß für ein vnbillich ding/das jr beyde die Güten  
 vnd

# Von den H. Gottes Bekennern

Papisten  
tyrannische  
ren mit ire  
Satzungen  
gantz grau  
sam wider  
die armen  
gewissen.

vnd Bösen zugleich mit eynerley Gebotten zwingen/So doch geschriben stehet. j. Tim. j. den Gerechten sey das gesatz nit geben/sonder den vngerechten vnd vngleübigen:  
¶ Enchusan. Wie das? ¶ Johannes. Dann/wer nit Fasset/nit Feyret/die Speys so von der Kirchen verbotten seind/nit vnderlasset/den verdampft jr/als einē Vbelthäter/vnd muß endlich getödtet werden/Jha ihr saren noch weyers/auch wider vnserē Seelen/eurwer Tyraney znüben. Dan jr wöllen/das wir Priester alle/wir leyden brunst/oder nit/ohn Ehweyber/leben sollen/so wir doch in krafft des glaubens vnnnd vnseres gewissens/zum Ehestand berüffen werden. Ist nit in disem fall/das höchste vnd strengste Recht/die höchste vnd Gröste vngerechtig Feyt?

¶ Enchusan. Nün/eins gib mir antwort / Ist nit enner dem andern nach dem Gesatz der Liebe zudienē schuldig? ¶ Johannes. Jha. ¶ Enchu. Warumb solten sich dan die fromen in krafft solcher Liebe denen Satzungen nicht vnderwürfflich machen/ergernuß zünerhüten/welchen die Bösen vom vnrechten abgehalten werden?

¶ Johannes. Jha/wan das Gewissen frey bleybt / vnd dem Glauben kein gewalt beschicht. Wie es dan beschicht im Verbott der Priester Ehe. Sonst ist es ja allein Christi leüt/das sie aller Menschen knecht werden/damit sie alle dem Herren Christo gewinnen.

Ob ein  
Priester  
künde Ehe-  
lich werde.

¶ Montanus. Wie? So höre ich wol/du dörfstest/ob du wol ein Priester bist/das Gelübd deiner Keüschheyt hindan setzen/vnnd ein Weyb nehmen? ¶ Rosemund. Jetzt kömen wir gar seyn auff die hauptsach an je selber.  
Johannes.

¶ Johannes. Was die H. Schrifft ohn vnderfcheyde allen Menschen frey erlaube vnd zügelassen hat/ das sollen wir nicht allein auffertliche vnd wenig leüth zihen vnd deüren. Es kan nicht ein jeder das wort fassen/ da man die Eheweyber verbeüret. Derhalben dieweyl Paulus besilhet/ es solle ein jeder Man sein eygen Eheweyb haben/warumb solt nicht auch ein Priester dörfen ein Eheman werden? ¶ Montanus. Hastu ein Weyb genommen/oder nit? ¶ Johannes. Sagstu das ich eine genommen hab? ¶ Montanus. Alle welt sagt solches von dir. ¶ Johannes. Was frage ich aber nach solchem? ¶ Montanus. Lieber was darffstus vil leügnen/der gemeyn Man weyßts doch wol/yederman sagt solches/vnd wann es von nöten were/so wolt ichs wol mit tausent zeügen beybringen vnd war machen. ¶ Johannes. Habt ihr erliche Zeügen/die vmb meine Ehe wissens haben/so nennen mir sie mit namen. ¶ Montanus. Unser Recht vermag/das man dich/wan schon kein Zeüg vorhande were/allein vmb gemeynen geschreys willé/verdammten kan. Wiewol wir souil Zeügen gnüg haben/das wir vmb irer zeügnuß willé/du gestandests gleich oder nit/dich verbrennen wöllen. ¶ Johannes. Wann ihr dann diß bey eüch beschlossen habt / was darff es diser Inquisition. Nempt mich hin / last mich also bald an den Psal schlagen/damit eüwer mürtwillen an mir erfüllet werde. Ihr seyde Blutdürstige leüt/die jr nichts dann feür eröuwen könden.

Frag an  
Johannem  
ob er ein  
Eheweib  
genommen  
hab.

Bäpstische  
Recht.

¶ Montanus. Das sag ich dir/Wann du also/wie du angefangē hast/woltest außflucht süchē/so wöllē wir dir

## Von den G. Gottes Bekennern

ein andere vnd heytere frag auffgeben/damit wann du es  
nie gern thün/darzu mit gewalt gerrungē werdest/vñ be  
kennē/dz du ein Ehemān bist. ¶ Johān. Wolt jr dan als  
Richter/einen solchen Menschen/der durch keine zeügen  
vberwysen ist/also gerad an die Folter lifern? Oder ist ein  
mensch schuldig/sich selbers zūuerathē? Es ist vnbillich/  
das jr/die jr zū mir/Rechen schafft meines glaubens zūfor  
dern/verordnet seind/erst darzū meine Folterer vnd Hen  
cker sein wöllen. ¶ Montanus. Erstlich/so bezeügte eū  
wer Pfarzher/das du ein Ehweyb genomēn habest/vnd  
hat dich auch deshalb am Hoff zū Wechel verklagt. Zūm  
andern so bezeügte solches das gemeyn geschrey. Darumb  
haben wir auch vrsach gnüg mit der Folter zū dir zugreif  
fen. ¶ Johannes. Wann es mit armen gefangnen leu  
ten alsz sollzügehen/so ist es ihazweyen oder dreyen Lestere  
ren vnd Lugenneülern erlaubt/das sie falsche redē von  
den Vnschuldigen außstossen. Wa man inē dan glauben  
geben würt/so ist es bald vmb vnser leben beschehen. Aber  
man beruffe vnsern Pfarzher/damit er hie öffentlich zeü  
gē außgeben/ob ich ein Weyb genomēn habe? ¶ Montanus.  
Wir wissen dz du ein Weyb genomēn hast. ¶ Johannes.  
In welcher Kirchen/für was leütten/vnd zū welcher  
zeyt ist solches beschehen? ¶ Montanus. Lieber es ist  
mit gar erlogen/was man so gemeynglich sagt. ¶ Joh  
hannes. So seind ihr fürwar schandliche Richter/die  
ihr mich nūn zweyen ganzer Monat allein vmb hōrsä  
gens willen im Kercker gefäncklich gehalten habt. Ist es  
euch nūn gnüg/das jr etlich zeügē haben/die da allein sa  
gen sie habens gehört/vnd habt aber keinen ders gesehen  
hette

hettee/wolan so gehet hin/verurtheylet mich gar/das ich doch auß diesem Kercker entledigt werde/vnd jr mich hinzufürt nicht mehr also plagen. ¶ Montanus. Dein auffzug würet dich fürwar nichts nützen/dann wir wollen in vnserm Rechten bis zum end mit dir fürsaren. Darumb so were es dir vil weger vnnnd besser/du thetest vns aller dings ein freye öffentliche bekantnuß/damit wann du dich gegen vns demütig erzeygest/vnd dise deine verwürckte schuld vnd sünd abbettest/wir vns auch barmhertzig gegen dir finden ließen. ¶ Johannes. Ich kenne eüwere lustige weyß wol/damit jr mich zusahen kömen seydt. Lün wer zeyt ist nün vorhanden. Lün könde jr mir gleichwol disen meinen Leyb verbrennen/aber mein Seel würt der Himelisch Vatter in seiner handt/in ewigkete erhalten. ,,  
 Auff solche hoffnung verlaß ich mich ganz vnd ger/vnd ,,  
 forchte mich derhalben nichts/vor allen denen/die mir vobels wollen. ,,

Christliche  
antwort  
Johannis  
Becken.

¶ Bucho. Mein Johannes/ich bitte dich/du wöllest dich nit also halßstarrig wider die Herren Doctores allhie erzeygen/bekenn aber vnd sage die warheyt/so würt gewislich dein sach wol stehen/Glaub mir darumb. ¶ Rosmund. Was beschwärstu dich vil gegen dem Herrc Commissario. Lieber hilff dir selbers von diser handlung.

¶ Johannes. Wie ich segunde gesinnet bin/so will ich nichts nit antworten/ich sehe dann meine Lesterer vnnnd Ankläger allhie vor augen. Damit wann der Ankläger nichts beybringen kan/der Angeklage vnd beschuldiget als ledig erkant werd. ¶ Montanus. Diuweyl vns solche handlung nicht will von statt gehen/so müssen wirs

## Von den 5. Gottes Bekennern

auff ein andern weg versüchē. ¶ Duennorth. Es ist zeyt  
das wir von einander gehen/dann es ist schier vamb Mit-  
tagszeyt. ¶ Montan. Was soll aber hiezwischen der Ge-  
fangen thun? ¶ Duennorth. Man süre in widerumb ins  
Gefäncknuß. ¶ Enchusan. Mich bedunckt nit gerathen  
zusein/dz man in dort hin süre/dañ daselbst ist auch Gna-  
phens/die möchtē villicht der sachen eins werdē. ¶ Mon-  
tanus. Man lege in dieweyl in disem Gemach an ein Kär-  
tin/biß das wir nach essens wider Komē. ¶ Johānes.  
Wañ jr mich schon nit anlegtē/ wölt ich doch nit entritt-  
nen. ¶ Montan. Bedenck du dich bey dir selbers/ biß wir  
wider Komē/wie du vnserm rath folgest/vnd dich selbers  
auß diser Gefäncknuß ledig machest. ¶ Duennorth.

¶ Wöllen wir nit gehen? ¶ Enchusan. Wöle jhr  
dem gefangnen nicht etliche Knechte züordnē  
die ihn verhüten. ¶ Duennorth.

Iha freylich. Dabt jr nün

güte sorg auff

ihn.

## Die ander handlung so von oben ge-

melten Inquisitorn vnd Beysitzen mit Jo-

han von Wörden/auff den xiiij. tag des Heitwo-

monats nach Mittag gehalten

worden ist.

**M**ontanus. Welcher meynung bistu nün? vnd wof bi  
stu gesinnet? ¶ Johānes. Zwar ich biñ in meinem  
herzen wol zusriden. ¶ Montanus. Hastu auch  
alle



alle ding recht bey dir selbers erwegen: ¶ Johannes. Iha. ¶ Montanus. Wie nimmst du? Wilt du doch zuletzt auff die angefangene Frag von deinem Ehestand antwort geben?

¶ Johannes. Ja/ doch mit dem geding / wie ich gesage habe / wann nemlich zuvor meine Ankläger fürge

steller werden. ¶ Montanus. Wiltu mit einem wort hören/was der handel miteinander ist: ¶ Johannes. Iha gern. ¶ Montanus. Würstu vns nit ein satte antwort geben/so wöllē wir dich der Keyserlichen Oberkeyt vberschicken/die würt dich dann enweders Soltern vnd peynlich fragen/oder gar tödten. Nun/sitz ein wenig näher zu mir. Was gibstu da für ein antwort?

¶ Johannes setzt sich ein wenig näher an der lincken seyten zum Montano/antwortet/vnndisage / Die weyl ihr Richter seydt/so nimpt es mich zwar hefftig wunder/das ir wider mich armen Gefangnen so Tyranisch wüten vñ toben. ¶ Montanus. Die weyl du dich so halbsittzig erzeygest / so darff ich dich mit gleicher freudigkeit zum

Papisten  
seind tra-  
zige vnd  
blütdürst-  
ge leit.



# Von den H. Gottes Bekennern

Ob man  
zum glantz  
beyemädts  
nötigen vñ  
zwingen  
solle.

feire verurtheilen/ als ich darff Weß lesen/ will geschweygen/ das ich erst Gottes zorn hierüber herte zubeforgen.  
¶ Johannes. Ich glaubs gern. Dañ also seind die Pharisäer vñnd alle Verfolger der Christen allweg gesinnet/ das sie vermeynen sie thuen Gott ein besondern dienst/ wann sie vns erwürgen. Aber sehet wol zu/ ob jr auch in solchem fall des Herren Christi nachfolger seyen/ der ja nye yemandes zum Glauben gezwungen hat. ¶ Rosemund. Stehet doch geschryben. Matth. am xxij. das der Herr sagt/ Nöttige sie hereyn zukömen: ¶ Johannes. Ich weyß wol dz diß wort seind meins Herren Jesu Christi/ Aber sie werden allhie wider siñs vñnd nit recht angezogen. Es zwingt ih̄a Gott/ vñnd befiehlt das man die leüt zwingen vñnd nöttigen soll/ aber nit mit Kercker/ nit mit Feür/ oder Geyslen/ sonder mit seinen vberreychen vilfältigen güttchen/ desgleichen mit der krafft seines gepredigten W. Euangelij. Also sollē wir auch vnserē feynd beizwingen/ das sie sich wider mit vns versünen/ wie Paulus sagt/ Rom. xij. Vñnd ihnen glüende kolen auff ihr haupt werffen/ welcher zwang nicht allein lieblich vñnd angenām/ sonder auch ganz krefftig ist. Ach das es Gott gebe/ das ihr nach dem Exempel der W. Aposteln vil tausent menschen zu der Hochzeyt Christi/ mit rechter Lehr/ vñnd Gott seeligem fromen leben/ nöttigen vñnd zwingen köndren.

¶ Enchusan. Dise sucht aber ist so schädlich/ wa man sie nit hinweg schneydet mit gewalt/ so hat sie gar bald/ wie der Krebs/ vmb sich gefressen/ vñnd alles ander vergiftet. Derhalben ist's weger das wir ein reüdig Schaff beyzeyten erwürgen/ danñ das wir im gestatten/ sein Giffte in den

den gangen Schaffstall außzugießen. ¶ **Johannes.** So hör ich wol/Christus ist nit so verständig gewesen wie ihr/ Dañ er befiehlt Matth. im viij. Man soll dz vnkraut lassen mit auffwachsen bis zur zeyt der Erndtē/damit man nit mit sampt dem vnkraut auch den guten weyzen außrauffe. Vnnd Paulus der Apostel spricht zum Tito im iij. Capitel. Ein Kezerischen Menschen meyde (steher im Latejn De uita) wann er ein mal vnnd abermal ermahnet ist.

¶ **Mon.** Ja es steher recht in Paulo De uita sc. tolle, dz ist/ Man solle in erwürgen vnd nit leben lassen. ¶ **Johannes.** Wiewol du solche auslegung der worten Pauli spölicher vnnd schimpfflicher weyß wilt eyngesürt haben/so hat man doch solche leüt vnder eüch gefunden/denen solche auslegung nur trefflich wol gefallē hat. Bin ich nun ein Kezer/darfür ich mich doch nit halte/Warumb straffet jr mich nit mit bescheydenheyt/ob ich mich widerumb von des Satans stricken vñ banden kerete. Aber ich kan vil baß von eüch sagen/das jr Kezer vñ abgesagte seynd Christi seydt/dieweyl jr alle/so eüwerer faction vnnd lehr nit sein wöllen/von stund an gefäncklich angreyffen/vnd an Eysin Kätin schmyden laßt. Wa habt irs ye vom Herren Christo gelernet/das ihr also gegen mir handlen sollen?

¶ **Montanus.** Es ist kein wunder/ob schon Christus solches nicht gethon hat/ Er war des vermögens nit/dz er ein öffentliche Jurisdiction vñ Gerichtszwang anrichtete.

Johann

## Von den 5. Gottes Bekennern

¶ Johannes. Ach/gleich als wann nit alles Gericht dem  
Sün were vbergeben worden/vñ er mit allen Gewalt her  
te in Himm̄l vnd auff Erden: Aber was sagt jr vom H. A/  
postel Petro/des nachtömling vñnd Schülerben jr sagt/  
das der Papsst zñ Rom sey: ¶ Montanus. Hat nit Pe  
trus mit gewalt gefaren/da er Acto. am v. Ananiam vñd  
Saphyram verflüchet vñd vermaledeyet hat.

Merck  
Christlicher  
Leser.

¶ Johannes. Dieweyl jr mit dem Exempel Petri eü/  
weren beselch verantwortē wölt/Wolan so verderbt auch  
jr mich in S. Peters krafft vñd namen/vñnd geben mich  
als einen verflüchten Menschen/dem Teüffel.

¶ Ab solcher red habē sie sich entsetzt / stillgeschwygē/  
vñnd einander angesehen / endelich aber antwortet Du  
uennorth/vñd sagt/ Wie: Dörfftestu auch der gefahr sol  
ches flüchs gewertig sein: vñnd solchen flüch mit der that  
erfaren: ¶ Johannes. Warumb nit: Dañ also wüer of  
fenbar/ob ihm auch der H. Geyst solchen flüch/ den dise  
leüt/die sich als Apostel Christi rhümen/thün wurden/ge  
fallen ließ. Aber sie werden solches nit versüchen/oder sich  
solcher waaffen gebiachen/dañ sie haben nün mehr an  
dere waaffen vom Keyser vñd den Fürsten diser welt ent  
lehenet/dardurch sie die Gerechten vberweltigen vñd er  
würgē wöllen. Der Herz Christus sagt/Matth. xix. Wil  
tu (zwingt nyemandes) zñm leben eingehē/ so halt die Ge  
bott. Aber eüwer liedlin ist disem hefftig zñwider/ dañ es  
tröuwet vns den todt/wa wir eüch vñ eüwer lehr nit wöl  
len annemmen. So hat auch Christus den seinen verbo  
ten/das sie nit wie die Wellichen König herrschen vñnd  
regieren/auch nit mit andern/dann allein mit Geystlichē  
waaffen

waaffen Kempffen/oder streyten sollē/ So erzeyge sich hie  
 gegen der Bapst auff alle weg/ dz er der rechte Antichrist  
 sey/in dem nit ein tugent steck/die die H. Schrifft/dem H.  
 Apostel Petro mit ehren zülegt. ¶ Enchusan/Was darff  
 stu vns vil predigen? Ist jm nit also/ Aller gewalt ist von  
 Gott vnserm Herren: ¶ Johannes. Jha/ das gestand  
 ich. ¶ Montanus. Hieraus folget/das auch diser vnser  
 Gewalt/ mit welchem wir dich als einen Kezerischen  
 Menschen verdampft/in die hande der Welclichen Ober-  
 keyt vbergeben mögen/von Gott sey. ¶ Johannes. Es  
 ben also kan Judas Iscarioth/ der den Herren Christum  
 den Hohen Priestern verrathen hat/ entschuldiget wer-  
 den. Also mögen sich auch die Obersten der Jude entschul-  
 digen/die da nit wolten selbers den Herren Christum er-  
 würgē/gaben in aber in die hand des Richters Pontij Pi-  
 lati/das er ihn verurtheylen solt. Dann jr gewalt ist eben  
 so wol von Gott gewesen/als jr wöllen das diser eüwer ge-  
 walt von Gott seye. Sehet eüch aber wol für/das eüch di-  
 se feyne vrsachen nit versüren. Dann züglicher weyß/wie  
 die Gedächtnuß des Herren Christi dñ seiner Apostel für  
 vnd für bleybt/vnd alle welt ihren todt herzlich halten  
 würt/also zweyffelt mir gar nit/wan ihr mich schon vmb  
 der Bekantnuß der Warheyt willen erwürgen/dannocht  
 ich herzlich/Ihr aber in schand vnd schmach/ewiglichen  
 sein vnd bleyben müssen. ¶ Enchu. Vergleichstu vns dan  
 den Juden/Schriftegelehrten vnd Pharisern/ du vnuer-  
 schampter Mensch: ¶ Rosem. Seind wir dan die Versol-  
 ger: ¶ Johanes roffelte an den Kettinen/daran er gefan-  
 gen lag/antwortet/vnd sagt/Was ihr für leute seyde/das

Papisten  
 rhümen ihr  
 gewalt sey  
 von Gott.

Wol getrü-  
 ster ist der  
 from Joān  
 für vnd für  
 blyben.

## Von den 5. Gottes Bekennern

Johann be-  
schuldiger  
seine Wi-  
derwertig-  
ge / als die  
die red ten  
Phariseer  
seyen.

hört man jezundt an den Kätzinnen wol/ob ich schon still  
schweyge. Darneben bezeüge ich mich/ auß eüwer eygent  
Gewissen/Dabt ihr auch etwas wenigens an mir gethon/  
dann die Juden selbers/die den Herzen Christum erwüer  
get haben/Auß eüwerem beselch bin ich erstlich gefangē/  
vnd nün lange zeyt im Kercker gehalten wordē/ Jezundt  
aber so tröuwet ihr mir allererst darzü/ihr wölt mich als  
ein Keger verdamen/vnd dem Wellichen Gewalt vber  
antworten. Was hab ich gethon: vñ wamit hab ichs ver  
schuldet? ¶ Montanus. Der Keyser hat dich fahen las  
sen/Wir haben kein schuld daran. Ist dir hierin vnrecht  
beschehen/so magstu dich dessen gegen Keyserlicher Ma  
iestat beklagen. ¶ Johannes. Ihr thüt ihm nün recht/  
das jr eüwer Gottlose handlung mir Keyserlicher Maie  
stat näggen wöllen verdecken/Es hat doch der Keyser sel  
bers solche sach eüch auff den halß gelegt/wie er auch sonst  
alle Glaubens handlungen eüch züerkennen vñd züuer  
theylen beselch geben hat. Da ligen doch die Commiß  
brieff/wie mans nenet/die allererst jezundt seind gezeygt  
worden. Derhalbent dieweyl eüch vnser vnschuld wol be  
kant ist/so solt jr vns ledig lassen/ Dieweyl es doch alles  
bey eüch stehet. ¶ Montanus. Bey vns? Neyn zwar/  
dann du bist des Keyfers gefangner. ¶ Johannes. Ir  
ret eüch nit/ihr frommen leüt/Gott laßt sein nit spotten/  
oder ihm von eüch ein Nasen machen. ¶ Eubusan. Sie  
he doch der schandelichen reden die diser Mensch treybet/  
Wie darffstu dich doch so fräuel/vnd mit vilen wozzen wi  
der so herliche gewaltige leüt eynlassen/ Ey du bist nicht  
werdt/das dir solche leüt ein eynigs wort antwort geben.  
Johannes.

¶ Johannes. Ich rühme mich nit/ das ich ein grosser Doctor/wie jr/oder auch sonst grosser vnd hoher Kunst sey. ¶ Rosemund. Dieweyl du dann nit so gar gelehrt bist/so soltestu auch solchen hochgelehrten leuten nit also widersprechen. ¶ Montanus. Du bist ein halbstarriger verstockter Keger/darumb wurd ich mir kein gewissen machen/ob ich dich schon züm feür verdammen solte.

¶ Johannes. Ach wie gern wolt ichs/das ich solte vmb des namens Christi willen/den todt leyden. ¶ Enochus. Ey mein brüder/bedenck dich eines bessern/stand ab/dan du irrest weyt. Ich zwar beger nit mit dir/wie du jezund gesinnet bist / zusterben/ vn̄ wañ ich gleich die ganz Welt dardurch köndte bekömen.

¶ Johannes. So wolt ich zwar mit eüch/so lang jr also gesinnet seind/weder Leben/noch sterben. Ihr plage vund vberweltigen mich. Wann ich schon solches thün köndte/so wolt ich eüch doch im wenigsten nit schaden züsügen. ¶ Montanus. Es ist hie von nün mehr gnüg geredt/Last vns widerumb kömen auff die Hauptsach vnserer Inquisition / von deren wir ein wenig abgewichē seind. Sag vns frey herauf mit ein wort/ob es recht sey/das Priester in die Ehe kömen/oder nit: Warumb schweygstu jezundt still: ¶ Bucho. Lie-

ber was sperst du dich vil/den Herren dein meynung anzuzeigen. ¶ Johannes. Da sihe ich noch keine andere Ankläger/dann eben dise meine Richter hie zugegen. ¶ Montanus. Du bist doch nün mehr gnügsam beklagt worden/du habest züm Ehestand griffen. ¶ Johannes. Von wem aber/Zü welcher zeyt / vnd wie ist solche anklag beschehē: Bistu nün der Richter/so ist vnbillich/das du auch der

Johannes ist willig vmb des Herren Christi willen zu leyden.

Von der Priester Ehe.

# Von den H. Gottes Bekennern

Kläger sein wilt. ¶ Montanus. Du hast doch dein Ehe/  
wie du solches vilen selbers bekant hast/nit heymlich/son  
der öffentlich gehalten. ¶ Johannes. Dieweyl jr dann  
mein Bekantnuß/vnnd sonst viler anderer leüt zeügnuß  
vnd kundschafft habt/warumb sellet jr das vrtheyl nit  
vber mich? ¶ Montanus. Das köndten wir bald thun.  
Dan ich hab mit disen meinen ohren selbers gehört/dz du  
gesagt vnd gestritte hast/die Ehe sey den Priestern nicht  
im Göttlichen Rechten verboten. ¶ Johannes. Wo-  
lan/dieweyl ihr dann so hefftig auff mich tringen/so laßt  
mich mein sach von offner Cantzlen/öffentlich verant-  
worten. Wa ich mich dann nit verantworten/oder auch  
der Priester Keuschheyt vñ Ehelos leben glaubwürdig-  
lich widerlegen würd/so will ich doch gern den todt ley-  
den. ¶ Montan. Lieber schweyg mit disem rath. Dan  
die H. Römisch Kirch laßt auch gar vngern zü/das wir  
mit den Kezern disputieren sollē. Dan sie seind verstock-  
ter/dann das sie bekennen solten/sie weren vberwunden.  
Derhalbē so soll mā sie mehr mit feür/dan mit wortē vber-  
winden/damit sie nie weytern vnd größern schaden thun  
mögen. ¶ Johannes. Wie gehet nit solches alle Mens-  
schen an/das jha mentiglich wisse/was in den Artickeln  
vnseres Glaubens beschlossen werde:vnd deshalb dz gātz  
volck zusammen beruffte werde. ¶ Enchu. Wer wolt in sol-  
cher vile/der Richter sein/vñ die Streitigē parthen wide-  
rumb vereynigen? Soltens die Handwercksleüt oder  
Kärcher (Kärchlin zieher) thun. ¶ Johannes. Die gantz  
Kirch so zugegen were/solt solches thun. Dan bey ihr al-  
lein/stehet das vrtheyl der Schrifftē vnd Propheceyen/  
vnd

Johā be-  
gert sein sa-  
chen öffent-  
lich zūer-  
antworten.

Papisten  
wöllen nit  
das mā vor  
den Leyen  
vom glau-  
ben vil dis-  
putieren  
solle.

vnd nit bey ein oder zweyen/ob sie gleich wol hohe Tittel/  
 das sie Meyster seyen/haben vnnnd tragen. ¶ Enchu/  
 san. Ich meyn du seyest vnfinnig. Dieweyl der vngelehrte  
 pöfel sonst nichts verstehet/wie wolt er dan in Glaubens  
 sachen recht vrtheilen könden? ¶ Johanes. Lieber was  
 ist diß für ein außflucht? Gleich als wañ nit die Schrifft  
 selbers/der Warheyt zeügnuß gebe: das sich hierinnen die  
 ganz Kirch von Vngelehrten leiten nichts zübesorgens  
 hette. Würt es sich befinden/dz ich fälschlich od vntreüw/  
 lich mit der Schrifft vmbgang/so nemen sie mich alle hin/  
 vñ verbreüen/oder versteynigen mich/wie ich werdt bin/  
 Würd ich aber obligen/vnd mein sach durch gemeyne er/  
 kantnuß behaupten vñ behalten/so will ich selbs der Wit  
 ler für eüch/vnd mich ehe selbers mitten in die höchste gef/  
 fahr begeben/ehe vnd ich wolt zülaffen/das ihr am wenig  
 ste finger solten beleydigt werdē. Dan es soll damit gnüg  
 sein/wañ die warheyt de preys vñ züfall vbertömet. Wie  
 wol jr eüch nichts für d vnrüg des volcks zübesorgē habt/  
 dieweyl jr mit Keyserlichē Bullē vñ Gwardy wol gester  
 cket seydt. ¶ Montanus. Wir wöllgen nit ein haar breyt  
 von gemeynem brauch der Römischē Kirchen abweychē. Papisten  
endlich für  
nemmen in  
erkantnuß  
der streyti  
gen Reli  
gion.  
 Dan es ist billicher/das das eynfaleig/grob vnnnd vnuer/  
 ständig volck sich der Kirchen erkantnuß vnnnd vrtheil  
 vnderwerffe/dann das die Gelehrten vnnnd Fürnembssten  
 der Kirchen jres willens oder vnwillens müßten geleben.  
 ¶ Johannes. Zwar mit der weysß werdet jr eüwer Inqui  
 sition nymermehr groß vñ herzlich machen/auch kein Ke  
 herrey oder falsche lehr außreüten. Dann mit disen heymli  
 chen Disputationen vnd Gesprächen/dardurch jr die Tu  
 gent



# Von den H. Gottes Bekennern

gent selber vndertrucken/vnd den Armen im verborgnen  
verschluckt/werdet jr dem Volck nymermehr gnüg thün/  
welches dan ymerzū auch begert / etwas gewisses zuerfa-  
ren/in der sache/die sie auch/eben so wol als eüch/betrifft.  
Es sey dan das jrs für gering halten/das jr täglichs vnd  
mit warheyt hören müssen/das von eüch öffentlichen ge-  
sagt würt. Wer böß thüt / der hasset das Liecht. ¶ Mon-  
tanus. Die Leyen werden darumb nit zügelassen / wann  
man von Glaubens sachen handelt/dann sie glauben zü-  
uil gern/vnnd haben ein sonder gefallen/wann sie neüwe  
ding hören. Wann sie dann hören/das ihr Christum im-  
mundt auch haben/vnd die H. Schrift fürē / die doch die  
Ketzere auff jren verstandt zwingē / so würdē sie eüch bald  
glauben geben/ dardurch dann zübesorgen were/es möch-  
te etwan ein neüwer samer vnd auffhür im Volck entste-  
hen. Das Exempel haben wir an dem schandlichen Er-  
ketzere Arrio/der doch sonil menschen mit dem süßen Giffe  
seiner falschen lehr vergifft vnnd verderbt hat/dieweyl er  
die Schrift/ auch für sich / aber doch fälschlich / anzoge.  
Netten ihn nün vnser Vorfaren gerad im anfang ver-  
brant/so were nit nachmals ein so grosser samer in d gan-  
zen Kirchē gefolgt. ¶ Johan. Daran thüstu vnrecht/dz  
du die Arrianisch Ketzerey mit vnserer sachen vergleichst.  
Wir lassen vns damit vernügē/wan wir vnser meynung  
dargethon/vnnd dieselbig mit zeügnuß der Schrift war-  
gemacht haben/Befelhen sie demnach vnd vbergeben sie  
dem Urtheyl der Allgemeynē Christlichen Kirchen/vñ  
zwingen nyemandts / das ers eben mit vns halten solle.  
Arrius aber/welches Exempel ihr treüwlich folgen/der  
hat

Warumb  
die Leyen  
nicht sollen  
zur Dispu-  
tation vnd  
Verhör zü-  
gelassen  
werden ein  
Bäpftische  
vsach.

Vnser lehr-  
ist weyt vñ  
des Ke-  
zers Arrii  
lehr abge-  
sündert.

hat den Weltlichen Arm (wie ihrs nennen) das ist/ Weltlichen gewalt angerüffen/ vnnnd greüwlicher wunderbarer weyß wiß die gewüct/ die seiner meynung nit habē sein wöllen. Welche handeln nün dem Euangelio gemäßer: Ihr / die ihr mit dem Ketzer Arzio / als reyßende grimmige Wölff die armē Schäßlin schlachten vñ mezzgen: oder Wir/ die wir die Verfolgung mit den Aposteln vnnnd allen Aufferwöhlten gedulzig tragen vnnnd leyden:

¶ Enchusanus. Das jr nyemandes zwingen/ ist warlich allein die vrsach/ dieweyl ihr nicht souil Macht vnnnd Gewalt haben solches zuthun.

¶ Johannes. Was habt dan ihr für ein Gewalt von Gott empfangen/ dardurch jr vns als züm todt hinweg reyßen/ Enthaupten/ Verbrennen/ Schlachten vnnnd Verderben? ¶ Enchusanus. Stehet nicht geschryben Romanorum am viij. Aller Gewalt ist vom Herzn: Item/ Vedermañ sey Vnderthon der Oberkeyt. So sagt auch Paulus/ Seydt vnderthō eüwern Oberherzen/ auch den Wunderlichen: ¶ Johannes. Dise letzte wort/ dan mit ihr eüch nicht irren/ stehen nicht in Paulo/ sonder in Petro. Also fleysig vnnnd wol seydt ihr in sarnembsten vnnnd hauptsprüchen der Schrifft erübt/ das ihr ein Apostel für den andern anziehet: Wa ihr aber auch Paulum recht wolten ansehen/ so wurden ihr iha nicht sagen/ das er von disem eüwerem gewalt/ des ihr eüch aber hier hūmen/ redete. ¶ Enchusanus. Wiltu vns erst lehren wie wir Paulum verstehen sollē/ du vnuerschampter mensch: Ich gedencke iha wir haben Paulum offer gelezen/ dan eben du:

Vom Gewalt/ der der Oberkeyt von Gott gegeben ist.

1. Petri. ij.

Johannes.

## Von den H. Gottes Bekenern

**¶** Johannes. Was sage aber die Kinder in der Schand  
len: Lesen vnd nit verstehen/ist verlorne arbeyt. **¶** Ro  
semund. Laß solche schelt vnd schmachwort vnderwegē/  
da Paulus sagt/ Aller gewalt ist von Gott. **¶** Johan  
Was sagstu zu dem/ Aller gewalt ist von Gott. **¶** Johan  
nes. Ich sag das der spruch eüch gar nichts angehet. **¶** Das  
er gibe allein dz Schwerdt der Weltlichen Oberkeyt/ oder  
von Gott. Weltlichem gewalt/ wie jr nennen/ vnd nit eüch/ den Bis  
schöffen oder Priestern/ deren ampt allein ist mit dem  
Den Pfaf  
sen gehö  
das Welt  
lich  
schwerdt  
nit zu.  
schwerdt  
nit zu.  
Welcher  
Oberkeyt  
man schul  
dig sey zu  
gehorsamē  
schwerdt  
nit zu.  
schwerdt  
nit zu.  
Welcher  
Oberkeyt  
man schul  
dig sey zu  
gehorsamē  
schwerdt  
nit zu.  
schwerdt  
nit zu.

**¶** Schwerdt des H. Geysts/welchs ist Gottes wort/ kempff  
sen vñ streyten. **¶** Dañ Paulus sagt/ Vnsere waaffen seind  
nit fleyschlich/ sonder Geyslich. So hat auch Christus sel  
bers eüch alle neygunz zur hochheyt/ desgleichen alle ehr  
geyzigkeyt verbotten/ da er sagt/ Matth. am xx. Vnder  
eüch soll es nit also sein? **¶** Enchusan. Nün sehen wir  
wol/ das du Paulum nit verstehest/ vñ die H. Schriffe als  
so obenhin/ für den müßiggang/ wie man sagt/ lifest. Pau  
lus sagt/ Vedermañ sey Vnderthon aller Oberkeyt/ er sa  
get nit von einer Oberkeyt allein. Dardurch werden wir  
sha vermanet/ der Geyslichen Oberkeyt eben so wol als  
der Weltlichen gehorsam zuleysten / Wie dann auch der  
Herz Christus solchen gehorsam beyde der Kirchen/ vnd  
der Weltlichen Oberkeyt/ zuleysten besolhen hat/ Dann  
also stehet geschryben. Nie seind zwey schwerdt. Luce am  
xxij. **¶** Johannes. Hier auß köndt ihr sha wol sehen/  
wan jr nit gar blindt seydt/ wie vnbillich vnd schläfferig  
jr mit der Schriffe vmbgehen. Dann dieselbig soll billich  
mit anderer Schriffe/ vnd nit mit erdumen/ die jr auß eü/  
weren köpfen selbers erdichten/ außgelegt werden. Es  
würt vns zwar gebotten/ das wir Vnderthon sein sollen  
aller

aller Menschlichen ordnung / wie Petrus sagt / oder wie Paulus schreybt / aller Oberkeyt / die Gewalt vber vns hat / vnd dasselbig vmb Herren willen. Aber welcher Oberkeyt man vndertho sein soll / wann du es wissen wilt / so zeiget dir Petrus seyn an / dann er saget / Es sey dem König / als dem Obersten / od den Hauptleuten als den gesandten von ihm / zur raache vber die vbelthäter / vnd zu lobeden frommen. Da hat jr nun eüwere vil Oberkeyten nach ordnung erzölet / welchen allen die Gerechtigkeit des Schwerdts befolhen ist / Aber / wie ich sihe / so hat es sich alles vmbgekeret. Dann was straffe man jezundt die Ehebrecher / die Hirer / die Trunckenböls / die Spieler / die Gottlesterer vnd Wücherer. So achten auch jr für ein gering ding / ob jr schon Gottes wort mit eüweren Glosen vnd erdämen / verfelschen. Wann aber etwan ein Esdras Kompt / der das Gesetz Gottes / das gar veraltet vnd verblieben ist / widerumb erneüwern / der die genannten Geystliche / die in allem müerwillen vnd vberfluß gantz fräch vnfräuel leben / reformieren will / wider den schreye jr eynbelig / er sey ein Keger. Wider einen solchen braucht man gar bald das Schwerdt / dz doch nit eüch / sonder der weltlichen Oberkeyt gegeben ist. Heyst nun das die frommen loben / schützen vnd schirmen / dargegen aber die bösen schelten vnd straffen. ¶ Montanus. Weystu auch warumb? ¶ Johannes. Wie? ¶ Montanus. Alle die so du jezundt als sündler vnd böse leüt erzölet hast / wann sie solcher sünden ermanet vnd erinnert werden / so erkennen sie doch jr straff vnd vnrecht / Derhalben ist auch billich / wann sie es begeren / das man inen gnad erzeyge / vnd nit

Rom. xij.  
j. Petri. ij.

Oberkeyt  
thut jr  
ampt nicht.

Warumb  
offentliche  
Bübe mehr  
platz bey  
den Papi-  
sten haben/  
dan die ge-  
nanten Lu-  
therischen.

## Von den 5. Gottes Bekennern

stracks dz Schwerde wiß sie brauchē. Du aber/ob du wol ein Weyb genommen hast/so wiltu es doch nit für ein sünd erkennen/das du dich in die verbotene Ehe begeben habest. Wer wolt nun einem so halstarrigen Menschen geschad beweysen. ¶ Johannes. Lieber sagt mir doch welches achten jr für billicher vnd leydenlicher/ Das ein Priester/der die Brunst leydet/setzt diser/dañ einer andern an hange/oder aber ein Eheweyb/zü beständiger Ehelicher beywohnung/nemē? Ich bezeüge mich hie auff eüwer Gewissen/ gebt mir ein freye vnd in Gottes wort gegründete antwort. ¶ Montan. Wir lassen vns deren keins gefal len. ¶ Johannes. Dieweyl danñ diese beyde nach eüwerm v theyl zügleich sündigen/wie kompt es dann / das jr sie nit auch beyde/vmb solcher begangner sünden willē / gefändlich anpemen? Solte aber diß beschehen/so besorg ich für war/es wurde nit platz genug im Kercker sein/dahin man alle Ehebrecherische Türenpfaffen hin legen köndte.

¶ Enchusan. Diß will ich dir gar seyn verantworten. Den andern/dieweyl sie sich in jrer Sünden nit ehümen/sonder als sündler demütiglich erkennen/verzeycht man iharecht vnd billich jr begangne Sünden. ¶ Johannes. Ihr verzeycht es ihnen wol/oder sehen durch die finger zü jrem schandlichen ergerlichen leben/ aber doch alles vergebens/vnd wider Gott/dañ es reüwet sie doch nicht von herten jhrer begangnen sünden/sonder fallē als bald widerumb in den alten vnflut vnnnd wüßst hinein/welchen sie mit der erlognen vnd gleyßnerischen Beycht abgelehnet haben. ¶ Rosemund. Lieber vertheyl nit so fräuenlich. Dann ob sie wol täglich sündigen vnnnd fallen/so reüwet es sie

Obs besser sey mit vilen Sünden oder mit einem Eheweyb zulegen.

vnd Martyrern/der iij. cheyl. xciiij

es sie doch auch/vnd Beychten täglichs. ¶ Johannes.

Es were vil besser nimmermehr Beychtē/ dan vnder dem  
scheyn einer gerhonen Beycht/in Sünden desto mütwilli

ger fürfaren. Dann recht Beychten/ist/ der Sünden von

herzen seynd sein. ¶ Rosemund. Sie Beychten aber

nit allein/ lieber gesell/ sonder sie bitten auch Gott on vn/

derlass/ er wölle inē solche ire Sünd vñ schuld verzeyhen.

¶ Johannes. Warumb besleissen sie sich dan nit vil mehr/

das sie jr Büß mit der that vñnd im Werck vollbringen/

Ihr leben bessern/vnd offentlichen bezeüigen das sie nicht

Gleyßner seyen: ¶ Montanns. Es stehet doch geschry

ben/ Der Gerechte fallt des tags syben mal: ¶ Johan

nes. Es ist war/ aber solche leüt seind weder Gerecht/ vnd

stehen auch nimmermehr widerumb auff. Dan man sihet

wol dz diß Ehebrecherisch volck/ wie die vnflätigē Seüw

nymermehr von den kaatigen mürlachen/darinen sie sich

für vñ für umbwalzen/auffstehet vñ hinweg gehet/ Dan

sie entweder stättigs sauffen/ oder schandliche hürerey

treyben/ oder aber müßig gehen. Vnd solche hüpsche fey

ne früchtlin eines neüwē lebens/ soll man allererst für Ge

rechtigkēyt erkennen: ¶ Montanus. Wir bekennen dz

sie alle straffwürdig seind/ Wann allein solchem vbel zu

helffen vñnd zurathen were. Jezundt aber dieweyl es so

gar vberhandt genömen/vñ vnder allen so gang gemeyn

worden ist/ so müß man/nach außweysung vnserer Rech

tē/solcher menge vñ vile/ob sie gleichwol sündigt/verschö

nen. ¶ Johannes. Ihr dörfst nicht mit der Vile vñnd

Menge des Volcks/ eüwer mütwillig vnd vngestrafte

schandlich leben/verthädigen. Dan das die Ehebrecher

Was recht  
Beychten  
sey.

„ „

Feine bes  
schreibung  
Bäpsti-  
scher Pfaf  
fen leben.

# Von den H. Gottes Bekennern

Wartumb die Ehebrecher nit am leyb gestrafft werden.

nit mit dē Schwerdt gestrafft werde/acht ich diß die fürnembeste vrsach sein/das gemeyngtlich die ihenigen/so dß schwerdt führen solten/selbs in diesem Spital tranck ligen/vnd mit solchen schanden vnd Sünden behafftet seind. Derhalben sehet eüch wol für/damit jr nit/in dem jr vber meinem spreissen alle vnriß anrichten/cüwers baldens vergessen/vñ der malē eins ein greüwlicher vrtheyl trage müssen. Ich zwar wurd als ein Kerzer öffentliche außgerüffen/vñ aller welt zu einem Spectakel vñ Schawspiel fürgestellt/allein vmb des Ehestands wille/dē mir doch Gott zügelassen/aber der Mensch im scheyn verbotten hat. Dargegen aber verkert eüch nyemandes/ob ihr wol vil greüwlicher schand vnd laster in eüwerem Ehelosen leben begehen. Aber ob ihr wol die augen der Menschen blinden/so ist doch ein Gott im Himmel/der solchs alles sieht/vnd vrtheylen würt. ¶ Rosemund. So hör ich wol es kan ein Priester mit gutem gewissen wol Ehelich werden:dann mich bedncket deine reden seyen alle dahin gegangen: ¶ Johannes. Wann ichs eüch schon sage/so glaubt jr mir doch nit. ¶ Montan. Wir wöllē hörē/was du für ein antwort hierüber gibst. ¶ Johān. Ich besorg aber jr seyen solche Hund/die da mehr geneygt seind mich zuzerzerren/dann zulehren. ¶ Montanus. Lythü get mach. ¶ Johannes. Wölt ihr meins vrtheyls auß der Schrifft vernüget sein/so will ich eüch bald antwort geben haben. ¶ Montanus. Wolan/was verzeüchst du lang damit. ¶ Johann. Wie? Wiltu es bey meinem vrtheyl bleyben lassen: ¶ Montan. Da behüt vns Gott für. ¶ Duennorth. Lieber laßt jn doch sagen. Sibel/wir

wir wollen dir das vrtheyl heymgestellt haben. ¶ Montanus. Darvnt wollen wir nicht bewilligen / wir heysßen dich aber antwort geben/damit du von vns/wann du der warheyt verfählest/recht vnderwysen werdest. ¶ Johannes. Ihr seydt/wie Pilatus / nit werde/für welchen man & Warheyt zeügnuß gebe. Dañ wie Christus sagt/Matt. am vij. So soll man das heylig den Hunden nicht geben/noch die Berltz für die Schweurwerffen. ¶ Montan. Wiltu vns nit zuletzt darauff antworten/vnnd sagen/ob du ein Weyb genomien habest/od nit? ¶ Johan. Ich will es nit thun/ Ihr stellen mir dann die Zeügen dar. ¶ Montanus. Was berüffstu dich vil hinderlistiger weys auff die Zeügen/es soll dir billich genug sein/das wir dich solches beschuldigen vnd anklagen. ¶ Johannes. So wolt ihr (hör ich wol) dem Fiscal in sein ampt greysen? ¶ Montanus. Warumb nit? Ich selbs erfordere vnnd klage dich an / von wegen deines Ehestands. Hastus verstanden? ¶ Johannes. Phy. Was gebt ihr mir da für ein selzam wunderbarlich thier/nemlich einen solchen Richter/ der zugleich auch Fiscal sein will? ¶ Montanus. Wie wann mein Knecht Fiscal were/vnd ich der Richter? ¶ Johannes. Das will ich nicht hindern. Es trett der Fiscal/dein Knecht/herfür/vnd klag mich an. Hastus/dieweyl du Fiscal bist/wz klagstu wider mich? Sibe / der Fiscal hat kein zung nit/er kan nicht reden/er ist stummer dann ein Fisch. ¶ Montanus. Walt/ich will für in reden. ¶ Johannes. Das will ich nit thun/Er ist alt genug darzu/Er rede selbers. ¶ Montanus. Du hast doch züvor selbs dein Ehe betande/Wiltu dann nun widerumb das leügnen/dz du



## Von den H. Gottes Bekennern

bekant hast: ¶ Johannes. Ihr kōmen widerumb auff eüwer alte geigen. Wie wañ ich auß forcht der pein/vnd auß mähseligkēyt des Kerckers/bekennete/ich hetzte ein morde gethon/wolten jr̄s darumb auch glauben:

¶ Montanus. Ey das ist nichts/Wañ der sachen nit also were/so wurde das geschrey von deiner Ehe nicht biß gehn Leni kōmen sein. ¶ Johannes. Phy/als wann nit ein Felogen ding eben so wol in alle Welt außgesage kōndte werden? Ich wolt lieber das man mir für ein jede Lugin/die gesage würt/allein einen heller/dañ für ein je de Warheyt zehen bagen bezalen solte/Ich wolte fürwar mehr gewinns dardurch bekōmen. ¶ Duennorth. Das stu dañ vergessen mein Johannes/was du vns nicht also vorlangem/da wir dich Amptes halben verhört haben/geantwortet hast: ¶ Johañ. Jr Richter/habt jr mich dañ Examiniert/vñ an mir ein böß stuck/des todes würdig/ befunden/so mögt jr doch wol das Endurtheyl fellen:

¶ Duennorth. Wir seind weder deine Richter/noch deine Ankläger. ¶ Enchu. Lieber warumb verzeüchtstus so lang? ¶ Johannes. Wañ jr mir versprechen vnd zusagen wölt/dz jr in meiner sachen/nit nach eüweren od andern mensche Sagungē/sonder nach Warheyt der H. Gōtliche Schriftē/die dañ vil höher/dañ aller mensche gebort/soll gehalten werdē/auch billicher mehr ansehen haben soll/richten vnd vrtheylen wölt/so will ich eüch lan ger nit auffziehen. ¶ Montanus. Wir sagen dir nichts gewisses zu/Aber doch/wann du den handel frey her auß sagen würest/so sagen wir du sollest gute hoffnung haben. ¶ Johannes. Dise hoffnung will ich mir zwar nit kauf fen/

fen/mit gefahr meins lebē / vñ verdammnuß eüwerer See-  
 len. ¶ Montan. Lieber Herz Johān/ Ich sage dir/das  
 ich dir Güts gönne/so war mich Gott lieb hab/aber wür-  
 stu also mit verstocktem hertzē deine Ehe verleügnen/ so  
 will ich dermassen mich gegen dir erzeygen / das sich deins  
 hertz darüber entsetzen muß. ¶ Johān. Wan jr dan am  
 hefftigsten toben vñnd zürnen werden/so will ich meinen  
 Gott heutzlich anruffen / dz er mir in diser meiner trübsal  
 Gedult gnädiglichen verleyhe. ¶ Montan. So schwör  
 ich dir beym Ampt der h. Wef / das ich mir kein gewis-  
 sen machen wölle/ob ich schon tyrannisch mit dir vmbge-  
 hen würd. ¶ Johān. Dis ist eben / das der h. Apostel  
 ij. Timor. iij. gesagt hat / Es werden zū den letzten zeyten  
 kömen solche Menschen/die von sich selbers halten/rhüm-  
 rhätig/lesterer/schender/vngütig/ Störriq/vñ ein schein  
 haben werden/eins Gottseligen lebens / aber sein krafft  
 verleügnen/2c.

ij. Tim. iij.

¶ Montanus. Das du vns für störriq vnbarmer-  
 zige vñ vnfreundliche leit achtest / thüstu vns vnrecht.  
 Dann wir sehen darumb so saur vñnd vbel/damit wir ye  
 nichts vnderlassen/sonder alles das versuchen/dardurch  
 wir ein sollich störriq fräuel hertz/wie du hast/möchten er-  
 weychen vñ gewinnen/dir zūm heyl/vñnd nit zūm verder-  
 ben. Darumb rahte ich dir / du wöllest doch frey antwort  
 geben/vñ mit einem wort sagen / was du gethon oder nit  
 gethon habest. ¶ Johannes. Ihr werdet das von mir  
 nit heraus zwingen/dz ich ein Weib genomen hab / Wer  
 ich aber vor Gott sey/das gehet eüch nichts an. ¶ Du  
 uennoth. Lüg das du dich nicht selbers verhatest/oder  
 deiner

## Von den H. Gottes Bekennen

deiner eygnen Handtschriefft widersprechest / Sonst wüßstu gewislich dahin getrunnen werden / dz du dein eygne Handtschriefft gestehen müßst. Derhalben ist vil weger / du bekennest deine Ehe / darein du kommen bist / darnach so verantworthe solches mit H. Göttlicher Schriefften / wie du es dan leichtlich thun magst. Vnnd diß ist mein rath.

¶ Johannes. Ich glaub wol mein Herr / Ihr handlen mit allem fleiß dahin / das es mir in meiner sachen wol ergänge / Derhalben were ich eüwers raths wol zufrieden. Wa ihr nun wölt / wie fromen Richtern züstehen / der Be- rechtigteye beystehen / vnd mich vnschuldigen für gewalt erhalten vnd schützen / Wan ich mein sach / als die an je selbers recht / leicht / vñ wol zuerweyßen / mit H. Schriefften / vñnd andern vernünfftigen redlichen vsachen darthun würde / So will ich euch auff alles / was ich gefragt wurd / antwort geben / vñnd sha nichts verschweygen. ¶ Du uennorth. Wir wöllen dich verantworthen in allen denen dingen / darzü du recht hast.

¶ Johannes. Wolan / dieweyl dann Gott in meinem bergen inwendig / mich zü solchem ermanet / desgleichen eüwer gegebne treüw vñnd Glaub / so will ich kein außflucht mehr süchen. So hören nun mein offentliche freye Bekantnuß. Ich bekenn ich hab ein Ehefrau genomen / aber heymlich / niemands ist darbey gewesen / ich hab aber das auch billich gethon / hab darzü süß vñ recht gehapt. ¶ Montanus. Lieber was für recht: das Göttlich oder das Wellich? ¶ Johannes. Ob ich schon das Wellich nit gehapt / so hab ich doch dz Göttlich gehapt / damit ich sha durch sollich Mittel meines fleyschs grosse brunnst

Johannes  
bekent das  
er ein Ehe  
weyb genö  
men habe.

brunst möchte hinlegen/vnd andere schand vnd Hürerey  
vermeyden. ¶ Montanus. So höre ich wol/du hal-  
test es für recht/billich/vnnd erlaubte/das die Priester/so  
ewige Keüschheyt verlobet haben/wol mögen Ehelich  
werden. ¶ Johanes. Warumb des nie/wan sie brunst  
leyden: Dañ es ist ye/nach dem zeügnuß des H. Apostels  
Paulij. Cor. vij. besser/in die Ehe kómen/dañ brunst ley-  
den. ¶ Montanus. Diser spruch des Apostels Pauli  
soll mit nichten von den Priestern vnnd denen/so da Ge-  
lúbbt gehon haben/ verstanden werden.

Priester  
möge wol  
Ehlich wer-  
den.

¶ Johannes. Mich nimpt wunder/das jr doch solche  
ausflucht kóndt erdencken/so doch der H. Geyst/von dem  
alle Schrifft herkompt/von solchem spruch nyemandts  
ausnimpt/er sey gleich ein Mönch oder ein Nonn/Dann  
der Apostel sagt mit klaren außgetruckten wortē. Sünner/  
meyden Hürerey/soll ein jeder sein eygen Weyb habē/ Es  
sey dann das vnser Priester/die sich dermassen verloben/  
keine Menschen seyen/darumb sie dann auch der spruch  
Pauli nit angange. ¶ Enchu. Es ist vil ein ander ding  
mit denen so die Keüschheyt gelobt haben/dann mit den  
Leyen. ¶ Johanes. Hat dann Paulus die Epistel zún  
Corinthern/allein an die Leyen geschryben? ¶ Montanus.  
Das ist der gemeyn brauch/oder verstande in aller  
Schrifft/ds/wa sie vom Ehestand redt/sie die Priester vn  
Geystlichen allwegen ausnimpt. ¶ Johannes. Wer  
hat dir solchen brauch oder verstande der Schrifften geof-  
fenbaret/so doch solches nyergendts in H. Schrifften ver-  
meldet ist: Man soll zú Gottes wort vnnd Gebott nichts  
thün/auch darvon nichts nemen. Wer gebe eüch dan den

Vom Ehe-  
stand würt  
niemandts  
weß stüds  
der ist/auß  
geschlossen

## Von den 5. Gottes Bekennen

gewalt/sa wie dörfst ihr so fräuel sein/das jr die Schrifft  
an diesem ort so schandlich nach euerm gefasste müe wil  
len/dörffen biegen/zwingen vnd deüten. Zwar meint Herr  
Christus hat mir selbers zum Ehestand gerathen/dan er  
sagt/Wer es fassen kan(verstand außserhalb der Ehe zu  
leben)der fasse es. Darauß dann folget/wers nicht fassen  
kan/das ers vnderlasse. Solcher freyheyt hab ich mich  
vertröset/vnd hierüber(wie ichs dan frey bekenn) kein weyb  
genomen. Dan ich bedacht(wie es dan an jm selber war/  
vnd es mit grosser mühe vnd sorgen erfahren hab) es were  
nit gut/das der Mensch allein/dz ist/außerhalb der Ehe  
seye/sond jm sey von nöten ein solcher gehilff/der jm gleich  
sey/nemlich ein Weyb. Was kan nun hällers vnd klarers  
beygebracht werden? ¶ Montanus. Wann du allein  
gewölt hettest/so hettestu wol mögen Keüsch leben. ¶ Jo  
hannes. Ich hette fürwar den gemeynen lauff vnd gang  
der Naturen nit bas mögen stellen/dann eben durch die  
beywohnung eins ehelichen weybs/die hab ich nun genom  
men/andere Dürerey vnd schand zünerhüten. Darneben  
glaub ich gänzlich/das kaum einer in Wöndchs Klöstern  
möchte gefunden werden/der so ein grossen abschuehen/  
auch von jugent auff/ab allen Weybsbildern gehabt ha  
be/dann eben ich. Will geschweygen was mühe vñ arbeyt  
es mich kostet hat/damit ich doch möchte Keüsch leben.  
Gleich wol hat es sich zütragen/ye mehr ich solches thät/  
ye mehr bey mir solche bösen begird vñ gelüß vberhandt  
namen. ¶ Rosemund. Wie was für mitteln hastu sol  
cher sünden wöllen widerstande thün? ¶ Johān/Eben  
mit denen/mit welchen dann solche art der Teüffeln auß  
gerriben

Johannes  
hat sich  
schlich be  
mühet/ob  
er möchte  
Keüsch lez  
ben.

getriben würt/als mit strengem vñ ernstlichem wachen/  
Fasten/Hungern/Gebett vñnd Arbeyt. Hab auch in sol-  
chem zwey ganzer Jar keinen wein mehr getruncken.

¶ Montanus. Das soltestu alles vorhin gewist vñd  
bedacht haben/ehe vñnd du dich hast Weyhen lassen/ Ver-  
sündt aber ist es zuspat.

¶ Johannes. Hette ich mich selbers gekandt/vñd die  
ding vorhin gewist/so wer ich mein lebenlang kein Pries-  
ster worden/wiewol es mir nit vast gefallen oder geliebet  
hat.

¶ Enchu. Was hat dich dan darzü bewegt/ das du  
Priester worden bist? ¶ Johannes. Zwar nyemandes

dann eben mein Vatter selbers/der ist mir für vñd für on  
vnderlaß angelegen/vñ hat gänzlich mich zu einem Prie-  
ster haben wollen/damit man nit gedenccken solte/ er hett

allen vnt often vergebens an mir angelegt/vñ das er den  
größten theyl seines ampts mir auff den hals legete/dann  
er was ein Sigrift/oder Mesner.

¶ Montanus. Wir  
wöllen die ding faren lassen/vñd widerumb auff die für-  
genommene frag kommen. Was sagstu nün? Kan auch ein  
Priester on sünd Ehelich werden? ¶ Johannes. Die Ge-  
schrifft bezeüget solches offenbar/vñd gibte an meiner statt

antwort. Deren will/oder kan ich kein zil setzen. ¶ Mon-  
tanus. Du verstehest die Schrifft nit. ¶ Johannes. So  
vnderweyset jr mich/so will ich eürwer Schüler vñd Jün-  
ger sein/vñnd mich vnderweyssen lassen.

¶ Montanus.  
Das Geystlich Recht/dem du gelobt vñ geschworen bist/  
das gebeütter/das die Priester ausserhalb der Ehe leben  
sollen. ¶ Johannes. Jezundt bringstu gar höflich her  
für das grosse vñnd hohe Recht/dardurch ich ernstlich be-

Warumb  
Johanes  
Priester  
wordē sey.

Ob ein  
Priester  
Ehelich  
sein/oder  
werden  
möge.

## Von den H. Gottes Bekenern

drenge würd. Erstlich/ so beken ich ja dz der Ehlich stand den Priestern im Geystlichen Rechte verbotte würt/ vñ ist der streyt nit hierumb/sond ob auch solchs mit grunde H. Göttlicher Schrifften beschehe/das solt ihr noch beybringen/vnd war machen. Dan da ligt solche frag miteinander. Zum andern/So hab ich auch gehalten was ich geschworen hab. Dann ich habe geschworen ich wölle nach dem Geystlichen rechten lebē/sonil mir zuwissen vñ auch müglich sein werde (Dann also lautet der Lydt) Wa ich mich nün hette länger künden enthalten/so hette ich für war mich in Ehestand nit begeben. ¶ Enchusan. Die Catholisch Kirck/die vom H. Geyst regiert würt/hat gewalt vil dings nach irem gefallen zuordne / auch in denen stucken die ausserehalb der H. Göttlichen Schrifte seind. wie dagn auch der H. Apostel Paulus/welcher ja ein treu wer diener der Kirchen gewesen ist/selbers sagt in der ersten zu den Corinthern im vj. Capitel. Das ander will ich ordnen/wan ich kome/xc. ¶ Johanes. Souil da die eusserlichen gebreuch / Ceremonien/ vnd dergleichen sagen gen/so zu erhaltung gemeyner ordnung vnd guter sitten dienstlich/belange/so gib ichs gern zu / das die Kirck fre freye macht habe / etwas zuordnen / vñnd zu ändern/ doch mit dem geding/das man vns in solchem nichts nit auffringe / als einen Artickel des glaubens/der zur selig keyt vonnöten sey. Diweyl aber der Pfaffen Ehe los leben in keiner H. Schrifften gegründet / so folget jha das es frey sey/ausserehalb oder in der Ehe zuleben. Das auch die Engel vom Himel kein macht haben / auß solchem einen Artickel des glaubens zumachē/ will geschweygen die Kirck/

Wie fer:  
sich strecke  
der Kirck  
gewalt.

Kirch / die doch mit Gottes wort regiert würt/vñ nit sie  
 vber Gottes wort herrschet. ¶ Enchu. So höre ich wol/  
 du glaubst nit das die Kirch macht hab etwas vnder vñ  
 bey der straffe einer Todesünd zü gebieten: ¶ Johānes.  
 Ich glaubs ja nit. Dan zü gleicher weys/wie kein Mensch  
 liche krafft oder macht / auß den Kindern des Liechts/ 7 59  
 vnd Erben des Ewigen lebens / kan oder vermag Kinder  
 der Finsternuß vnd des ewigen Höllischen feürs machen  
 (dann das kan allein Gott thün / der den Teüffel vber  
 wunden / vnd vollmechtigen gewalt hat vber Todt vnd  
 Leben) Also kan auch die Kirch / keinen Menschen bey  
 der peyn einer Todesünd / durch ihre eygne sagungen / wa  
 sie sich nit in Gottes wort gründē / verbinden oder verstri  
 cken. ¶ Montan. Wie: So hör ich wol / dein meynung  
 ist / das ein jeder Mensch freye macht hab / die ordnungen  
 vnd Befehl der Kirchen zü überretten vnd zü erachten:

¶ Johannes. Das sag ich nit / vñnd sonderlichen / wa  
 solche ordnungen d. Göttlicher Schrifftten gemäß seind /  
 Wie jr mich dann offtmals gehört habt. ¶ Enchusan.  
 Was haltestu mün von denen statuten / welche / ob sie wol  
 außserhalb Gottes wort sürgenömen werden / so seind sie  
 doch dem selbigen nicht züwider / oder entgegen / Wie dan  
 der selbigen vil vñnd mancherley in der Kirchen seind:

¶ Johannes. In disen allen / ob man wol vmb der Lie  
 be willen vil thün / vnd zü lassen soll / so soll man doch den  
 armen Conscienczen vnd gewissen kein strick legen. Also lo  
 bet der h. Apostel Paulus in der ersten Epistel an die Co  
 riner im vij. Capitel den Coelibat / oder das Leben / so  
 außserhalb der Ehe ist / yedoch der gestalt / das er hiemit  
 b iij keinem

Don denen  
 satzungen/  
 die Gottes  
 wort nicht  
 stracks zü  
 wid seind.



## Von den 5. Gottes Bekennen

Keinem Menschen einen streck legē wölle. Welches er abet-  
thäte/wan er yemandes von wegen seines tachs zu solchē  
leben zwingen vnd tringen wolte/wie dann jhr ganz frä-  
uel vnnnd verwegen thün. ¶ Montan. Nün wart/wir  
müssen ein vil andern weg mit dir gehen/dieweyl wir auff  
jetzterzölte weyß bey dir nichts kōnden aufrichten.

¶ Rosemund. Ach mein lieber Johannes/laß dich  
doch/vmb Gottes willen/von disen vnsern gelehrten/vn-  
derweisen. ¶ Johannes. Das will ich fürwar ganz wil-  
lig vnd von hertzen gern thün/allein sie lehrē mich etwas  
rechts vnnnd gūts. ¶ Rosemund. Ich will den All-

mächtigen Ewigen Gott ernstlich vber dich bitten vnnnd  
anruffen/ob du doch widerumb möchttest auffrechtē weg  
gebracht werden. ¶ Johān. Wan ich jrz/als dan so bitte  
für mich. ¶ Rosemund. Morgen im Ampt der N. Woch  
will ich für dich bitten. Würstu es aber auch gern haben/  
vnd zu danck annemen? ¶ Johannes. Bette nün redt-  
lich vnd dapffer/ich bin nicht darwider. Dan es kan doch  
der Allmechtig Gott das gebett meiner Seynden/zum  
lob vnd preys seines N. namens/wol verwenden.

¶ Duennorth. Jhr meine Herren/es ist zeyt das wir  
heym gehen/dan es will abend werden. ¶ Montanus.  
Morgen wöllen wir wider kōmen. Derhalben so bedenkē  
du vnder derweylē alle ding auffs fleysigst/vn stand von  
diser deiner gefastē meynung ab/wa du anderst nie wilt  
als ein Kexer offentlichen außgeruffen vnd erkläret wer-  
den. Nün sihe wol zu/dann ich hab dir alles vor gesagt.  
Enchusan. Ich glaub warlich es hab schon sybne geschla-  
gen. ¶ Rosemund. Jha es ist vber die sybne.

Enchusan.

# Vnd Martyrern/der iij. theyl. c

¶ Enchan. Wolan/ so lüg/ ob du dich dise nacht ei-  
nes bessern bedächtest/ vnd dise dein meynung widerruff-  
test/ dan sonst würstu dich fürwar selbers in grosse gefahr  
lichteyt stecken. ¶ Johannes. Was Gott will/ das ge-  
schehe.

¶ Also hat nun dise ander handlung ein  
Ende genommen.

**S**Es andern nachfolgenden tags/ seind die obernan-  
ten Ketzermeyster widerumb erschienen/ aber nit al-  
so bald mit vilgemeldtem vnserm lieben Martyrer  
Johann handlung fürgenomen/ sonder züvor für sich las-  
sen forderen einen andern Gefangenen/ vnd nemlich Wil-  
helmum Gnapheum/ welcher auch nachmals (wie oben  
vermeldet) dise ganze History fleissig auffgezeychet vñ  
beschryben hat. Disen klagten sie nun an / als were er der  
Lutherischen Ketzerey züm höchsten verdacht vñnd be-  
schuldigt / dieweyl er der Mönch leben vñnd Orden ver-  
worffen/ vnd einen solchen Mönch / der auß dem Kloster  
gegangen/ vñ seinen Orden verlassen/ gelobt hette. Aber  
dieweyl er sich wider solchen verdacht entschuldigt/ vñnd  
nach allerley vmbständen die sach an jr selbers / züm theyl  
widerlegt / züm theyl aber begütiget hatt / haben sie ihn  
weyters nit mehr gefragt/ sonder in widerumb lassen ins-  
gefäncknuß fürē. Vñ also bald mit grossem ernst an dē lie-  
bē Johānem gesetzt/ der hoffnung/ sie wolte in dahin endt-  
lich dringen/ das er seinen Thestand offentlichen/ als vñ-  
recht/ widerruffen müste. Dieweyl sie aber vermerckten/  
das es jnen nit wolt / wie sie es begerten/ von statt gehen/  
habent

Wilhelm  
Gnapheus  
wäre von  
den Ketzer  
meystern  
fürgefördt.

## Vonden H. Gottes Bekennern

haben sich die Ketzermeyster in alle weg beflissen / ob sie noch vber die oben gethone Bekantnuß / etliche andere Artickel / von vnnnd auß im / köndten erforschen / damit er nit allein vmb seines Ehestandts willen (dieweyl er sonst eines vnsträfflichen lebens vnd wandels war) als ein Ketzter erkant vnd verdampft wurde.

¶ Hiebey aber soll der Günstig Leser des erinnert vñ vermanet sein / das das ihenig / so jezundt in diser Discor-ry folgen würt / nicht eben auff einen tag beschreiben / sondern auß allen vnd vilen mit im gehaltenen Gesprächen / zusammen auff das kürzest aber warhafftigst gezogen sey.

Dan wa man alle ding solte nach ordnung beschreiben / wurden sie dem Leser vil mehr vnlusts vnd verdruß machen / dieweyl die Ketzermeyster vil vngereümpres vñ vñ rechte Kinderthädig eyngesüert haben.

¶ Folget also die dritte Handlung / so von den Ketzermeystern / mit dem herrlichen vnd H. Man Gottes / Johanne / gehalten worden. rc.

Die dritte Handlung / so von den ge-  
ordneten Inquisitorn vnd Ketzermeystern / mit  
vilgedachtem vnserm theuren Bekenner der War-  
heyt / Johaß von Wriden / gehalten  
worden ist.

Montanus. Wie: Herz Johaß / hastu auch allen der-  
nen dingen / von welchen ich dir gestern / als ich vor  
dir hinweg schide / befelch gethon / dise nacht fleißig  
nachgedacht: ¶ Johannes. Ja / ganz fleißig.

Montanus



¶ Montanus.  
Wie stehet es dan  
nün in deinem her-  
zen? ¶ Johannes.  
Ich bin zwar in  
meinē hertzē noch  
nye so rühwig ge-  
wesen/als ebe auff  
dise stund. ¶ Rose  
mund. Hastu dan  
nit auch in deinem  
herzen befunden/  
die krafft meines  
gebetts/Dan als  
ich heüt das ampt  
der D. Wess hielt

te/hab ich mit höchstem ernst den Allmechtigen Ewigen  
Gott/sür dich gebetten. Hastus dann auch befunden?

¶ Johannes antwortet spöttlicher weys/vnnd sagt/  
Solt ich eins solchen fromen Mans gebett nit befinden?  
Aber mir ist gang wolzumüt. ¶ Montanus. Wolan/  
die sach stehet recht. So wiltu nün (wie ich hör) alle ding  
widerrüffen/Wiltu nit? ¶ Johannes. Welche ding soll  
ich widerrüffen? ¶ Montanus. Sibe wunder zü/jetzt felt  
er vö stund an widerumb auff sein alte meynung. Du ver-  
flüchter Mensch/ich rede von deinen irthumben/das du  
die selbigen widerrüffen soltest. ¶ Johannes. Ich kan  
mich keins irthumbes erinnern/in allen denen stucken/da-  
rinnen ich eüch meines glaubens rechenschafft gegeben  
hab.

Johanns  
will keins  
irthumbes  
geständig  
sein.

## Von den 5. Gottes Bekennern

¶ Enchusan. Wie darffstu diß sagē: Du haltest doch nit von den Sazungen der Kirchen / wie einem Christen Menschen züstehe / dann du hast die selbigen mit deinem Weybnemen / als ein vngehorsam Kindt offentlich vñ fräueler weys verachtet. Welches doch noch alles etlicher massen zgedulden / vñnd dir / wa du dein sünd bekennen woltest / züuerzeyhē were / Wan du nit also halstarrig dz bestreytten woltest / als were dir solches im Göttlichen Rechten / erlauber vñnd zügelassen / Ist nün diß kein strumb: ¶ Johan. Ich hab zwar meinē Bestandt erstlich mit gewaltigē vsachē / demnach aber auch mit offentlichen vnwidersprächliche schrifftten vñ Exempeln / erhalten vñnd dargethon. Kan ich nün mit solchem bey eüch nichts erlangen / So hab ich noch disen Leyb vñnd das natürliche leben vberigs / dz will ich nün auch / vermittels der gnaden Gottes / zuletzt mit willen / vñ on eynige beschwærnuß in die schantz schlagē / das ich auch mit meinem Blüt bezeugē vñnd war mache / was ich auß H. Göttlicher Schrifftten züvor eyngesürt vñnd bestätigt hab. Ich habe ye sonst nichts mehr / dann disen meinen Leyb vñnd leben / das ich zü ehren dem H. Euangelio / vñnd zü rettung der warheyt / verlieren köndte. Wa nün das beschehen würt / so hoff ich am Jüngsten tag könde mir nit verwissen werden / als ob ich mein Leben lieber / dan meinen Herren Jesum Christum / gehabe hette. ¶ Montanus. Lüg abet vñnd sihe dich wol für / das nit erwan diser dein rachsschlag vñnd fürnemen / züwil gäch vñnd hüzig sey. So soltu auch nit gedencken / das wir deins todts oder Blüts so begirig seyen / Sondern wir begeren von gangem hertzen / das du wider

Merck die  
Gottselige  
beständig-  
feyt Johan  
nis.

Merck mit  
fleiß Christ-  
licher Le-  
ser.

widerumb der rechten Mütter/nemlich der Kirché/versü-  
 net vñ zügethon werdest. ¶ Joha. Man würt es mit der  
 zeyt wol sché/wie güt jrs gegen vñ mit mir gemeynt habē.  
 Pergunde aber bleyb ich beständig auff dem / wie ich jet-  
 zunde gehört bin. ¶ Rosemund. Ach mein Sün / schon-  
 dein selbers / Ich wünsche/vnnd bitte / das dir doch Gott  
 der Herr ein ander hertz / vnnd einen anderen sün geben  
 wölle. ¶ Johannes. So bitt ich hiegegen/dz eüch Gott  
 andere hertzen vnd sün geben wölle/das jr doch dermalen  
 eins auffhöreten/das Euangelium Christi züerfolgen/  
 vnd vns die Prediger Götlichs worts dermassen in code  
 züüberantworten. ¶ Montanus. Du wilt zünil witzig  
 sein/Lüg vnd verlasse dich nit zünil auff dein weyßheyt.

¶ Johannes. Fürwar ich verlasse mich gar nit / beson-  
 ders in diser sachen/auff mein weyßheyt/sondern auff den  
 starcken Felsen / welcher der Herr Jesus Christus selbers  
 ist/disem hang ich an. Will auch / ob Gott mill/im Tode  
 vnd meinem letsten end von seiner Lehr nit abweychen.

Johannes  
verläßt sich  
auff Christū

¶ Montanus. Wie? Gelten dan sonil gewaltiger hey-  
 liger Väter/sonil Concilia / so grosse Lynhelligkeyt vi-  
 ler Völcker/vnnd so ein lange zeyt her gebrachte löbliche  
 gewonheyt/bey dir gar nichts? Bistu dann allein der Wi-  
 zigkeit vnder allen anderen Menschen? Heyst das nicht/  
 sich auff seine eygne weyßheyt verlassen/dieweyl du ober-  
 zölten stücken allen/dich entgegen vnd züwider setzest?

¶ Enchusan. Ey sha/jederman würt jren/vnnd allein  
 du war haben.

¶ Joha. Wan ein engel vom Himmel käme/vñ ein an-  
 der Euangelium/dann wir vom H. Apostel Paulo ent-

NOTA

## Von den H. Gottes Beteüern

„ pfangen haben/predigen wurde/so soll er verbannet sein.  
„ Nun laßt die H. Göttlich Schrifft frey zu/ Ehlich zuwer  
„ de. Dise freyheyt will ich mir/so lang ich leb/nit nemen las  
„ sen. Vnd frag jha nichts darnach/Gott geb was die Con  
cilia/die Väter/die Kirchen vnd die lang hergebrachte  
gewonheyt hiewider erkennen vnd schliessen. Dann sol  
ches alles kan dem H. Gottes wort / welches wir auff vn  
ser seyten vnd für vns haben/ mit nichten etwas, abbre  
chen. ¶ Enchusan. Wolan / so will ich disen deinen jrr  
thumb/mit einem hellen klaren spruch der H. Göttlichen  
Schrift/widerlegen vñ umbstossen / dieweyl du ye nichts  
anders hören oder annehmen wilt/dann was in der Bibel  
geschryben stehet. Der Herr Christus sagt also/ Luce im  
xxij. Capitel. Petre/ich hab für dich gebitten/das dein  
glaub nit auffhöre. Vñ wañ du dermal eins dich bekerest/  
so stercke deine Brüder. Hörestu nun hie die wort vnser  
Erlösers Jesu Christi selbers? ¶ Johanes. Jha ich hö  
re/erkenne vnd verehere dise wort/Aber was meynstu/das  
auß solchen worten folge? ¶ Enchusan. Dieweyl der  
rechte Glaub im H. Apostel Petro nyemals auffgehört  
hat/So folget jha/das er auch im Römischē Bapstum/  
in welchem dann der H. Apostel Petrus durch seine nach  
Eömling sitzet vnd regieret/ nicht auffhöre könde. Was  
dañ nun der Apostolisch stül zu Rom erkennet vnd ord  
net/das würt kein rechter Christ leügnen/das man es al  
les steyff vñ vest halten solle. Wie hastu geschriff/ darauff  
du dich für vnd für zeüchst. ¶ Johannes. Ey wie seyde  
jr doch so grobe vnd vngeschickte Aufleger der H. Schriff  
ten/wa jr nit anderst lehren/so verdreüßte es mich/das jhr  
diesen

Der Papi  
sten hüpf=  
sche Argu=  
ment.

vnd Martyrern/der iij. cheyl. ciiij

difen namen tragen sollet/dz jr Theologi/das ist/Lehrer  
 der h. Schrifftē seyē. Der Glaub des h. Apostels Petri/  
 damit er on eyngeden fleyschs vnd bluts/den Herrē Chri-  
 stum einen Sūn sein des lebendigen Gottes bekant hat/  
 hat jha nyemals auffgehört/vnd würt in ewige zeyt nym-  
 mer mehr auffhören/so lang hie auff erden die Aufferwöl-  
 ten Gottes sein/vnnd den namen des Herren Christi mit  
 sampt dem h. Apostel Petro in gleicher beständigkeyt  
 des glaubens bekennen/loben vnnd preysen werden. Was  
 gehet aber solche des rechten Glaubens beständigkeyt/  
 des Bapsts Keych/oder die Römische Kirchē/oder auch  
 andere Menschen gebott vnd sayungen an? Es würt der  
 Herr Christus seinen Aufferwölten allwegen vñ bis zum  
 end diser Welt zugegē sein/Aber mit disem/würt darumb  
 nit eben das Römisch Bapstumb bestätiget oder gebil-  
 licher. Dañ das Keych Gottes kompt nit mit eüsserlichen  
 geberden oder Ceremonien/besonderer personen/stett/  
 ort/zeyt/speys/Keyder/damit das ganz Bapstumb für-  
 nemlich vmbgehet/sonder es ist inwendig in vns. Das ar-  
 ber der Herr zu Petro sagt. Luce im xvij. Wañ du derma-  
 len eins dich bekerest/so stercke deine Brüder/das sagt der  
 Herr von allen denen/die mit dem h. Petro/des rechten  
 Petri/das ist/des rechten eynigen vnd standhafften Sel-  
 sens/durch den Geyst des glaubens/rechtgeschaffne Be-  
 kenneer seind/ Dann sonst ist einem jeden Christen Mens-  
 schen befolhen/das er seine Mitbrüder auß schuldiger brü-  
 derlicher liebe/tröste/lehre/vermane/Vnd im glaubē ster-  
 cke. ¶ Montan. Ach Gott/wie redet doch diser Mensch  
 so schandlich vom Bapst zu Rom/vom obersten gewalt

Der glaub  
 Petri/ ges-  
 het den  
 Bapst zu  
 Rom  
 nichts an.

Luce xvij.



# Von den 5. Gottes Bekennern

Das seit  
erduwē die  
Papisten/  
wañ sie nit  
weyter kön  
dz können.

Petri/vnnd von der Kirchen authortet. Ich sage dir  
fürwar/würstu dise ding nit alle widerrüffen/so soltu ger  
wislich in kurzer zeyt vñ wenig tagen/als ein Ketzler ver  
brant werden. ¶ Johannes. Ey so trage wol bald die  
scheyter zu hauff/vnd zündens an/dann jr habe mir lang  
gnüg getrudwet. ¶ Montan. Du vermeynst villicheit  
vns sey nit ernst/vnd du werdest nit/eines so greüwlichen  
todtes sterben/vnd bist deshalben so verwegen vñ fräuel/  
aber du solt (wa du dich nit bekerest) bald erfare/das vns  
rechter vnnd gütter ernst gewesen ist. ¶ Johannes. Ey  
warumb erwürget jr mich dann nit also bald/vñ wescher  
eiwere hand in meinem blut?

¶ Rosemund. Ach wie bistu doch so schandlich/durch  
die verfluchte Lutherische Ketzerey/verfürt worden.

¶ Montanns. Was soll man dan nün mit dir anfa  
hen? Was solle man mit dir fürnehmen? ¶ Enchusan.  
Mein Herr Johan/kanstu nit etwas von deiner vngeßte  
me nachlassen? Lieber gib doch dem Herren Cantzler et  
was nach/der doch dein wolfart/vnd nit dein verderben  
sücht. ¶ Johannes. Was soll ich aber thun? Soll ich  
den namen meines Gottes verschwören/vnd meinen glau  
ben verleügnen? vnnd als ein Verhäter mich widerumb  
vnder des Teüfels Reich begeben? Wölt jr mich auch das  
heysen? ¶ Enchusan. Wir wöllē dichs nit heysen/Son  
der begeren allein das du von deiner strengen meynung/  
belangend die Kirchensatzungen/doch ein wenig nachlas  
sest. Würstu nün dz thun/so wöllē wir alle vnsern möglic  
chē fleiß ankerē/dz du diser gñadnuss eneledigt werdest.  
¶ Johan. Wolā/so will ichs thun/vñ mein meynung/so  
vil

wil dz gewissen/vñ mein glaub erleyden kan/etwas freliche  
licher darchün. **¶** Man gebe mir Tindren/Seder vñnd Pa-  
peyr. **¶** Montanus. Die sach stehet wol/Ach lieber Jo-  
hannes/biß doch etwas geschlachtet. **¶** Johannes. Ich  
sörchte aber vñd besorge mich für vñd für/siz werden auß  
solchem vrsach nemen/mich zufahen vñd zugreifen.

**¶** Montanus. Du darffst dich solches nit besorgē/wir  
wöllen freündlich gegen dir handeln/wañ du dich allein  
auch freündlich gegen vns erzeygest.

**¶** Da haben sie nün alle ein kleine weyl still geschwygē/  
biß das der Gefangene sein Confession vñnd Bekantnuß  
geschryben hat/Vñd als solches beschehen/sagte der ge-  
fangne Johannes/Nün habe ihr mein Bekantnuß/was  
ich in gemeyn von allen Menschen sayungen halte vñnd  
glaub. Ich vbergibe eüch aber solche/der gestalt vñd mit  
dem geding/das jr mich nit weyters vñ auffeclliche beson-  
dere fragen dringen vñd treyben wölt. **¶** Montanus.  
Herr Ruard/leset doch solche Bekantnuß. **¶** Ruard/  
oder Enchusan. Von den Kirchen sayungen glaub ich/  
das man sie nit soll ohn vrsach vñd fräueler weyß verbre-  
chen/sonder entweder notwendig/oder aber löblich sein/  
so ferr sie Gottes wort nit züwider seind. **¶** Montan.  
Das ist recht. **¶** Enchusan. Was haltestu nün von dem  
das die Kirch in der Fasten das fleisch essen verbottē hat.

**¶** Johannes. Sehet doch vmb Gottes willē/wie bald  
habt jr eüwer gegeben treüw/vñd züsay vergessen/vñnd  
wölt mich sergunde von besondri Artickeln vñ puncten fra-  
gen. **¶** Enchu. Du kanst doch wol nach diser deiner schriff-  
ten vns hierüber antwort geben/was dir gefalt. **¶** Jo-  
han.

Johannes  
ihüt sein  
Bekantnuß  
von Men-  
sche sayun-  
gen setziffe  
lich.

Das fleisch  
essen.

## Von den H. Gottes Bekennern

han. Wasr eüch nit wöllen lassen vernügen/ an diser mehr  
ner gethonen schriftlichen Bekantnuß/ so soll dz alles/ so  
ich eüch zügelassen hab/ widerüffe sein. ¶ Enchu. Dieweyl  
wir vns auß deinem hertzen nit gnügsam tönden verri-  
ten/ soll es auch vnrecht sein/ oder was beschicht hierin  
vnbillichs/ wañ wir etwas fleysiger darnach fragen?

¶ Johannes. Fürwar/ ich hab mich allweg/ vnd billi-  
chen vor eüch entsetzet/ dann jr sücht doch nichts anders/  
weder ein vrsach mich zugreifen. ¶ Euchusan. Wann  
wir vns schon deiner Bekantnuß benügen ließen/ so müs-  
sen wir doch auch hierin antwort geben vñ gnüghen  
den ihenigen/ die vns zü solcher Inquisition/ als Keger-  
meyster verordnet haben. Dann dise handlung belanger  
nit allein vns/ sonder auch sie/ vnd in gemeyn alle Chri-  
sten. ¶ Johannes. Ey so bleyben recht/ wie jr seydt. Der

» thüt ein vergebene arbeyt/ der eüch vnderstehet auff den  
» rechten weg zubringen. ¶ Montanus. Dieweyl du dir  
auch gefallen lassest/ was die Kirch geordnet/ vnd jrer au-  
thoritet nit züwid sein wilt/ so zweyffelt mir nit/ du söch-  
test dich auch der sünden/ wann du soltest auff einen sol-  
chen tag fleisch essen/ den aber die Kirch verbotten hat.

¶ Johannes. Wa ich solt mit meiner speys/ meiner  
brüß verergern/ so wolt ich ehe mein lebenlang kein fleisch  
mehr essen/ wie Paulus sagt/ 1. Cori. viij. ¶ Euchusan.  
Wañ du dich aber in solchem fall keiner ergernuß hertest  
zubeforgen/ vnd du güte gelegenheyt hertest/ fleisch zues-  
sen/ woltestu es auch/ dieweyls die Kirch verbottē hertest/  
vnderlassen? ¶ Johannes. Ey wie lüffig gehet ihr mit  
mir vmb? ¶ Euchusan/ Lieber laß vns doch hierüber  
ein

Mit der  
speys soll  
nyemandes  
sein nechste  
ergern.

vnd Martyrern/der iij. cheyl. cv

ein klein wenig miteinander ersprachen. ¶ **Johannes.**  
Es gibt der Herr Christus vber solche frage selbers ant-  
wort/da er sagt. **Matth. im xv. Capitel.** Was durch den  
mundt eyngehet/das verunreyniget die Seel nicht. Des-  
gleichẽ thut auch der H. Apostel Paulus/da er sagt zün  
Römern im viiiij. Capitel. Das Reich Gottes stehet nit  
in essen vñnd trincken. Item/ in der ersten Epistel an die  
Corinther im viij. Capitel/sagt er/Die speyß sündert vns  
nit vor Gott. Vñnd zün Collossern im andern verbeütet  
er auch/das vns nyemandes vmb speyß vñnd tranck wil-  
len verhehlen solle. ¶ **Enchusian.** Souil ich auß diser dei-  
ner seztgegebner antwort verstande/so fragstu nicht vil  
nach den Kirchen sayungen. Warumb hastu aber in dei-  
ner schrift bekennet/das man dieselbigen Kirchen sayun-  
gen nit vbertretten/oder verbrechen solle? ¶ **Johannes.**  
Damit jr eüch nit irren/so wist jr das ich hinzü gesetzt ha-  
be/man solle sie nit fräueler weyß verbrechen. ¶ **Rose-**  
**mund.** Was haltestu dan vom H. Karfreytag? haltestu  
in auch für heylig? ¶ **Johannes.** Jr wisset doch selbers  
wol vñnd habe es gehört/das der H. Apostel Paulus die  
Galater **(Ga. iij.)** ernstlich strafft/dz sie auff die tag/ Jar  
vñnd zeyt achtung hatten. ¶ **Enchu.** Das hab ich doch  
allwegen gesage/Die Lutherischen süchen vñnd begeren  
anders nichts/dann wie sie ihrem Fleysch wol außwarten  
vñnd hofieren könden. ¶ **Johannes.** Man handlet hie nit/  
lieber gesell/von des Fleyschs mitwill/sond von der frey-  
heyt des Gewissen/vñ warheyt der H. Göttlichẽ Schriff-  
ten. Dann wann ich meinem mundt hofieren wolte/vñnd  
essen was mir wol schmackt/so wolt ich ja vil lieber Fisch/  
d dann

Matth. xv.

Rom. viij.

# Von den H. Gottes Bekennern

Vn̄s Fleyſch  
eſſen.

dann Fleyſch eſſen. Derhalben ſonil die ſpeyß belanget/ ſo ſolt jr eüch des vernügen laſſen/ das ich geſagt habe/ man ſolle in ſolchen fällen der liebe dienen. ¶ Enchusan. Es hat aber die Kirch noch ein andere vrsach/ vmb welcher willen ſie das Fleyſch eſſen verbotten hat/ Als nemlich/ da mit vnſer Fleyſch nicht züuil geyl/ vnd müerwillig werde.

¶ Johannes. Man ſolle dem Fleyſch zü aller zeyt widerſtandt thün/ dann alle ſo yemals Gott gefallen habe/ die haben jr Fleyſch mit ſampt den andern ſünden vnd begirden gecreüniget. Was gehet aber ſolches/ diſe Teüffels lehrer (wie ſie d. H. Apoſtel Paulus j. Tim. iij. nenet) an/ dardurch Speyß vnd Ehe verbotten würt. ¶ Enchusan. Ich beſorg warlich/ er ſey gar mit der Lutheriſchen ſect verſüret. Was halteſtu aber von den H. Sacramenten? ¶ Johannes. Recht vnd wol/ das ſie nemlich Sacramenta ſeind. ¶ Montanus. Glaubſtu auch das ſieben Sacrament ſeind? ¶ Johannes. Hienon wöllten wir zü anderer zeyt handeln/ ſetzt müſſen wir in vnſerer ſachen vom Eheſtand fürtfaren. ¶ Montanus. Wer in einem Artickel jrret/ den haltet man für vñnd für im argwon/ das er auch in andern jrret. ¶ Johannes. Der Artickel von den Sacramenten iſt nit mein/ darumb will ich in ſegunde auch nit verantworten. ¶ Mon. Wan du doch allein dz thäreſt/ vñ deinen verſtandt/ ſonil da belangt die Kirchen ſagungen/ auch vnder das gehorſam Chriſti geſangen nemest. ¶ Johannes. Thü ich dan das nicht/ ſo ich mich doch für vnd für an Gottes wort halte? ¶ Enchusan. Du ſolteſt aber auch gedenden/ dz die Gehorſam vil beſſer iſt/ dan alles opffer. ¶ Johā. Dz beken ich gern/ aber

Von den  
Sacramen  
ten.

aber doch nit von aller/sonder allein von der Gehorsam  
 Götlicher Gebotten/wer denen nit gehorsam ist vnd sol  
 get/der begehet ein greüwliche schandliche Abgötterey/  
 wie auch die gang Schrifft bezeüget. ¶ Montanus. Ich  
 glaub wann wir schon lang mit dir disputierē/so würstu  
 zuletzt gar leügnen/das ein Kirch sey/dieweyl du sie so  
 schandlich verachtest. ¶ Johannes. Du darffst diß nit  
 besorgen/dañ es müste ein vnfinniger mensch sein/der da  
 auß dem H. Apostolischen glauben/nicht glauben oder  
 bekennen wolte/das die Allgemeyn Christlich Kirch/ein  
 gemeynschafft sey der Heyligen. Wie nün aber dise Kirch  
 vom H. Geyst regiert würt/also nimpt sie auch vnnnd ge/  
 beüret nichts/dann das dem H. Gottes wort gemäß vnd  
 ähnlich ist/wie ich vormals auch gesagt hab. ¶ Enchu.  
 Glaubstu dan auch das die Allgemeyn Christlich Kirch/  
 Heylig sey? ¶ Johannes. Warumb solt ich das nit glau  
 bē/so ich doch warhafftig weyß/dz ich der selbigē Kirchē  
 ein Glied bin. ¶ Enchusan. Du magst wol ein Glied der  
 Kirchen sein/aber kein lebendigs oder gesundes/sondern  
 wie ich halt/ein faules vnnnd stinckends Glied/dieweyl du  
 der Kirchen sazungen so gar verachtest. ¶ Rosemund.  
 Wabey kanstu wissen/das du ein Glied der Kirchē seyst/  
 oder nit? ¶ Johannes. Auß der zeügnuß des H. Geysts/  
 der in mir redet. ¶ Enchusan. Phy/was hör ich? Redet  
 dan der H. Geyst in dir? ¶ Johannes. Paulus sagt zün  
 Römern/im viij. Capitel. Der Geyst Gottes/gibt zeüg/  
 nuß vnserm Geyst/das wir Gottes Kinder seind. ¶ Ro  
 semund. Ach Gott/wie fräch vnd verwegen seind doch die  
 Lutherischen. Ich dörfte für mein person nit sagen/das

Welches  
 rechte vnd  
 ware ge-  
 horsam sey.

Von der  
 Christliche  
 Kirchen.

Merck.

## Von den H. Gottes Bekenern

ich den H. Geyst hette. ¶ Johannes. Du glaubest auch nit/das die Liebe Gottes in vnsern hertzen aufgossen ist/durch den H. Geyst/der in vns wohnet. Diser eüwer vnglaub der macht das ihr zweyffelhaftige/Gottlose leüt seind/in welchen der H. Geyst nit wonet. ¶ Enchusan. Dieweyl du dan die Kirch Gottes/sür heylig halcest/warumb haltestu nit dan auch sür heylig das ihenig/so von diser Kirchen gesetzt vnd geordnet würt: ¶ Johannes. Die Kirch Gottes/welcher Haupt der Herr Christus ist/die gibt nicht vil gesatz/wie der Papszt zu Rom/der eüwer Gesatzgeber ist/sie beschwärt die Gewissen nit/verdampft auch vnd verbannet die leüt nit/wie jr thüt. ¶ Enchusan. Wie Meynstu auch das der Priester/der auff einem blossen Tisch/vnd on die Priesterliche Kleydung/on angezündte Kerzen/vñ wid der Kirchen sätzung vñ gebrauch/Wess halber/auch warlich consecrieren vnd Wess halben Könder: ¶ Johan. Wz solte es schaden/wañ man schon dz Nachtmal vnsern Herren Jesu Christi/auffs aller eynsältigst/on alle Ceremonien/Kerzen vnd Pfaffenkleydung nach dem Exempel des Herren Christi anrichtete vñnd hielte: ¶ Montanus. Du bist vil erger vnd böser/dann der Erzketzer der Luther selbers. ¶ Rosemund. Wir dörfen nur nit in sün nemen/das wir grosse Ehr an disem herren Kopfferlangen werden. ¶ Enchusan. Was haltestu dan vom Sacrament der letzten Selung. ¶ Johannes. Es weyßt jederman wol das es allein ein Kirchenbrauch vnd gewonheyt ist. ¶ Montanus. Wir habē vns nün mehr gnügsam vber disem Ketzerischen menschen be arbetet/ob wir in doch widerumb beteren Köndten/aber alles

Von Priesterlicher Kleydung / Kerzen ic.

Von der letzten Selung.

alles vmb sonst vnd vergebens. Derhalben ist mein rath/  
diweyl wir nichts bey im erlangen mögen/das wir auch  
hinfürt nichts weyers mit im reden. ¶ Enchusan. Ich  
sihe auch wol das es vnmüglich sein würt ihn zubekehren.

¶ Montanus. Wir wollen hinfürt mit feür vnd Holz  
mit dir disputieren/Hörstu es auch? ¶ Johannes. Er  
füllen recht auch an mir die maß eürerer Väter. Ich  
sörchte mich für dem tode nit/will ihn auch nit abbitten/  
dann ich weyß das er mir ein gewin/ eüch aber ein ewige  
schand vnd schmach sein würt. ¶ Enchusan. Wiewol

wir jezund von dir hinweg scheydē/ Herz Johān/so würt  
dir doch noch zeyt vnd weyl vergönnet/darün du dich wey  
ters bedenden vnd wol widerrüffen kanst. Wir wollen  
auch das verheyl nit wider dich gehen lassen/ich hab dich

dan zünor selbers im Kercker heymgesücht/vñ angespro  
chen. ¶ Johannes. Der will des Herren beschehe. ¶ Monta  
nus. Laßt vns hinweg gehen. ¶ Rosemund. Herz Jo  
hān/ist vnd trinck du/vnd biß güter ding. ¶ Johannes.

Wir ist wol in meinem hertzen/ Ich ist vnd trinck/vnd hab  
zwar/ sovil meins leibs gesundeheyt belägt/nye so wol ge  
essen vnd truncken. ¶ Rosemund. Ach das du doch einen  
andern sün hertest. ¶ Duennorth. Man füre in wider  
rumb in sein gefäncknuß.

¶ Hiemit hat also dise dritte handlung (wiewol sie  
nit/wie oben gemeldet/auff einen tag beschehen  
ist) ein end genomen

**N**ach dem sich nün aber solches alles (wie hie obē nach  
ordnung vnd weyteleüffig erzölt worden) mit dem ge  
fangnen Johanne von den geordneten Inquisitorn  
d iij vnd



# Von den H. Gottes Bekennern

Kuardus  
Enchusan  
besicht den  
gefangnen  
Johannem  
im Kercker

vnd Kegermeystern verlossen hat/ist folgendes Kuardus  
Enchusan (wie er dan solches züvor versprochen vnd zü  
gesagt hatte) zü dem gefangnen Johanne/selbers ins Ge  
säncknuß/welches dann gar finster war/ Kommen/der mey  
nung/er wolte in züm Widerriß treyben vnnnd bewegen.  
Als er nün den schneck en hinauff gieng/ schwinzet er vnnnd  
schnauffet hefftig/dann er war ein weicher zarter Mann/  
wie dan gemeynglich dieselbigē leüt/ so man Theologos  
im Bapstumb / oder Magistros nostros nennet / zusein  
pflegen. So bald er aber den ersten tritt ins gefäncknuß  
gethon/vnd des grausamen wüste gestancks vnd vnflats  
gewart ward/ward er sehr zornig/ speüwet auß vñ schwür  
auch vber solchen gestanck. Der gefangne Johannes ward

Johannes  
beklagt sich  
seiner stin  
ckenden ge  
fäncknuß  
halben.

berüßte/vnd gieng herfür an das Gertter/verwisse im aber  
züm ersten/was doch diß für ein vnmenshlich ding were/  
das er/der doch kein böß stuck/so des todts werdt were/ge  
thon hette/dannocht in so einem schändlichen vnd stin  
ckenden Keffig gehalten wurde. ¶ Enchusan der ent  
schuldiget sich/vnnnd redet dem gefangnen auff das aller  
freündlichst zü/vermant in/er wolte im doch selbers auß  
diser gefäncknuß verhelffen/damit er nicht länger solchen  
greüwlichen geschmack vnnnd gestanck müste leyden. A  
ber wie sich züvor der gefangne Johannes nicht hatt fre  
tröuwort schröcken lassen/also ließ ers ihm auch sezone  
nit hoch angelegen sein/ob ihm wol fürgehalten ward/er  
möchte auß diser gefäncknuß wol ledig werden.

¶ Darnach sieng Kuardus ein Klein wenig an mit im zü  
disputieren/von den gebotten der Kirchen/vom gewalt  
vnd ansehen der H. Väter vnd der H. Concilien. Zulest  
tröstet

eröffnet er den Gefangnen/vñ behielt es züm höchsten / das ihm dieses sein vnglück treflich leydt sey. Also gesegneten sie einander zü beyden theylen / vñnd lieff Ruardus ey- lents den schnecken widerumb hinab / speüwet auß / vñd gehüb sich vbel / von wegen des geschmacks / den er da ein- genommen hatt. Der gefangne aber gieng widerumb an sein ort / das voller leuß vñd Wentlen war (dañ es waren bey im noch andere zehen schandliche böse Lecker vñnd Büben gefangen / vñd müßte diser vnser Martyrer mit- ten vnder jnen / als wañ er der aller ergst gewesen / sein vñ- ligen) vñnd verzecet die zeyt seiner Gefäncknuß / in gros- ser gedult vñd Gottesfurcht. Dañ er hielt alle tag vñ- der gemeldten Ellenden leütten seine Predig / damit er ihre rohe wilde hertzen ettlicher massen mit der Erkant- nuß Gottes / vñd seines D. Euangeliums / treffen vñd be- wegen / vñd sie auch züm todt / den vil vnder jnen wol ver- dient / vñd auch gelitten haben / etwas hertzhafter vñnd mañlicher machen köndte. Es hat auch solch sein predi- gen / lehren vñnd vermanen / so vil nutz geschaffet / das vil vnder jnen öffentlich sagten / sie wolten von hertzen gern / vñd mit willen / mit diesem fromen Menschen sterben.

¶ Es war auch vnder den selbigen bösen büben einer ganz nackter / vñnd vbel getleydet / dem schencket er seinen Ober rock. Bezeügte auch vilmals in der selbigen zeyt / dz er solches der reynen Lehr hertzlich gönnete / das er einen solchen Artickel auß D. Göttlichen Schrifftten (der nicht allein verständlich an ihm selbers / sonder auch für allen menschen löblich were) bekommen hette / den er mit seinem eygnen Blut / bestättigen vñd erhalten müßte. Vñd mit welchem

Johannes  
lag mit  
sampt an-  
dern zehen  
in einer ge-  
fäncknuß.

Johann er-  
stet sich sei-  
ner so ge-  
rechten sa-  
chen.

## Von den H. Gottes Bekennern

welchem er auch den Bapstfischen Theologen so bang vnd angst gemacht hette/das sie nit wüßten/was sie mit ihm weyters fürnehmen/ihn behalten/oder faren lassen solten. Dann wann sie ihn also solten ledig lassen/so wurden sich nach seinem Exempel vil Priester in den D. Ehestand begeben. Wann sie in aber im gefäncknuß länger behalten/oder gar erwürgen wurden/so solten sie doch für vnd für ein nagenden wurm in irem vnürwigen gewissen behaltē.

Alle gefan-  
gene Chri-  
sten werde  
zum Bage  
geführt.

¶ Als nun aber vilgemelter Johanes garnabe einen ganzen Monat lang in diser gefäncknuß gehalten/der hoffnung/ob er wol bißher nit hette wollen widerrüffen/so solt ihn doch dise langwerende gefäncknuß dahin treyben/ Ist Frau Margareta/die Tochter Keyser Maximiliani/mit sampt Herrē Montigono/dem Grafen von Hogstrat/welcher des ganzen Landts Oberster war/vn mit andern der Keyserlichen Maiestat Rätchē/gehn Wagen eyngeritten. Allda hat sich ein neüwe vnüß erhebt/vnd ist die Inquisition von neüwem fürgenomen worden. Vnd seind auß allen Stetten in ganzem Holland alle gefangene/die man als Keyser gegriffen hatt/gehn Wagen geführt worden. Vnd ward zu einem Obersten Keysermeyster verordnet/M. Jodocus Louering/welcher 8 Stett halter war zu Mechel/ein anherziger ernstlicher Disputierer/vnd ein geschwezigter Jurist.

¶ Als nun vnser Johannes für dise Versammlung gestellet/versucht sich Louering auß alle weyß vnnd weghielt ernstlich an/setzt mit güten freündelichen vnd glatten/dan bald mit vnstüngen zornigē tröuwortē. Verhieß im grosse ding/vnd vnderließ ih nichts/dardurch er verhoffte!

hoffte/er wolte das hertz Johannis (welches dann steiff vnd vest stünd/wie ein Maur) zum Widerriß treyben. Wollen also hienach die letzte Inquisition vñ handlung für vns nemen/dar auß der Bücherzig Leser wol abnemmen kan/wie grausam der Teuffel seine diener treybe/wider den Herren Christum vnd zu vndertruckung Euangeliſcher warheyt / die doch von den Porten der Hellen nymermehr kan oder würt vberwelctiget werden.

### Letzte handlung / so mit diesem vnserm

theuren vnd standchafften Martyrer  
vnd Bekenner Christi / Johā von Würden  
für genommen vnd gehalten worden  
ist.

**S**ie letzte Inquisition vñ handlung ist gehalten worden im innersten ort des größern Sal zum Hagen. Vñnd warden die verordneten Kerzermeyster nach ordnung gesetzt wie folget.

¶ Erstlich saß M. Jodocus Louering der Statthalter von Wechel / An dem selbigen saßen / der Herr von Angen / Assendelfus vnd Saffbodius. Gegen vber vnd gegen Auffgang der Sonnen saßen die Kerzermeyster / Montanus. Enchusan. Rosemund. Gegē Wittag saßen auch am Tisch Brunchus der Procurator vnd Fiscal / desgleichen Sandelius der Stattschreyber. Es stünd auch zugegen Nicolaus Dammius der Oberst vnder den Scherger / der wartet auff die Herren / was sie in heysſen wurden. egen

# Von den H. Gottes Bekenern

gen Witternachte saß darniden der Gefangne Johannes  
allein.

¶ Rezermeyster die den handel fürnemlich  
füreten/ waren dise nachge-  
schrybne.

**M** Jodocus Loueringus/ Statthalter zu Mecheln/  
ein Jurist.

Magister Noster. Nicolaus Copinns vō Berg/  
ein Rezermeyster.

Magister Noster. Godscalcus Rosemund/ ein Lönischer  
Theologus.

Magister Noster. Ruardus Enchusan/ ein Lönischer  
Theologus.

Johaū Beck von Wörden/ der arme vñnd gefangene.

¶ Assessorn vñd Beyfizer/ waren dise  
nachgeschrybne.

**S** Er Herz von Angen/ Keyserlicher Maiestat Ju-  
nerster vñd geheymischer Rath.

Herz Gerard von Assendelff/ Ritter.

M. Jacob Sasfbodius/ ein Jurist vñd Rath.

M. Reijnerus Brunnhus/ Procurator/ Fiscal/ vñ ein Ju-  
rist.

M. Arnold Sandelinus. Diser war der Schreyber.

**A**ls sie nün nach ordnung (wie jezunde gemeldet) ge-  
Assessen/ sieng Louering der Statthalter zu Mecheln  
an



an/vñ sagt zu dem  
gefangnen/ Wesh  
hastu dich dan bey  
dir selbers ent-  
schlossen? ¶ Jo-  
hannes. Eben des/  
dauon ich allwegē  
gesagt hab. ¶ Lo-  
uering. Wiltu dan  
noch nie widerrüf-  
fen? ¶ Johannes.  
Nyn/ ich will nie  
widerüffen. ¶ Lo-  
uering. Du müst  
warlich entwed wi-  
derüffen/ od aber

Johannes  
will nie wi-  
derüffen.

als ein halbstarriger Keyser verbrant werden. ¶ Johān.  
Ich hab deren tröuwort nün vil gehört/darumb frag ich  
men nie nach/lass sie mich auch nie bekümmern. ¶ Loue-  
ring. Das du aber sehest das es mein rechter ernst ist/ so  
schwör ich dir bey meiner Ritterlichen würde/das du den  
mornigen tag/sterben müst/dann du solt vns mit deiner  
halbstarrigkeyt länger nie mehr auffhalten. ¶ Johan-  
nes. Ich sehe doch noch niemandes der holtz zu tregt/Wa-  
rumb machen ihr nie frisch den scheyterhauffen/wann ich  
ihn höreneñen/so freüwet sich mein hertz. ¶ Louering.  
Du bößwicht/sporrest erst vnser darzu. ¶ Johannes.  
Ich spotte eüwer nie/sondern ich verlache eüwer nichtige  
tröuwort. ¶ Louering. Meynstu dan das der Keyser

Johannes  
verachtet  
seiner feyn-  
de tröu-  
wort.

## Von den 5. Gottes Bek. nern

so arm sey/dz er nyemandes habe/der ein scheyterhauffen  
zusammen tragen vnd auffrichten künde. ¶ **Johannes.**  
Dasselb weyß ich wol/lieber grosser Hans/dan auch di/  
ser Eychwald der am aller nächsten hie ligt/der kan eüch  
gnüg holz geben/wan jr gleich zwey tausent menschen/  
die meines Glaubens vnd meiner Bekantnuß seind/  
verbrenen wolte. Ich hab nichts wiß die Keyserlich Ma/  
testat geredt. Dieweyl aber jr meine rechte Teüffel seydt/  
diemir für vnd für anders nichts/dan feür/holz/2c. eröu  
wē/so hab ich gedacht das beste zusein/dz ich eüch mit mei  
ner verachtung vberwinde. Dan dz jr verhoffen/ich wer  
de die ein mal erkante vñ bekante Warheyt/widumb ver  
leügnen vnd verschwören/da würt fürwar nichts auß/es  
wolte mich dan der Allmechtig Gott (das er doch/wie ich  
hoffe/nit thun würt) mit seinen Gnaden verlassen.

Die stund  
des todes  
würte Jo=  
hannes ver=  
fündiget.

¶ **Louering.** Dieweyl du dich dan dermassen gesetzer  
hast/so sag ich dir fürwar/morgen des tags müstu gewiß  
lich sterben. ¶ **Johannes.** Wan thue mir doch den tode  
ein mal an/den man mir so oftmals getrubet hat/vnd  
brauchet eüch des Gewalts/der eüch vom Himmel zügelas/  
sen vnd gegeben worden ist. So will ich hieneben dem All  
mechtigen Ewigen Gott von herten lob vnd danck sa/  
gen/das er mich so gnädiglich bis auff den selbigen tag/  
erhalten hat. ¶ **Louering.** Ja morgen müstu sterben/  
wir wollen dich länger nit mehr leben lassen. Derhalben/  
so rüste vnd schicke dich zü diser deiner letste stund/wie du  
vermeynst dir am nüzesten vnd besten zusein. ¶ **Johan  
nes.** Sehet/hie habe jr mich/ich bin bereyt zü allem wie es  
Gott gefalt/vnd mit mir haben will/das weyß ich/¶ Ein  
böse

böse stund/würet mir lange vñ ewiger üngschaffen. ¶ Louering. Du darffst nit gedencke/das es so bald werde zugehē/dein marter soll sich nit so bald endē. ¶ Joāñ. Ich hoff doch eüwer Tyrānisch blütdürstig hertz/soll in einem halben tag sich an mir armen gnügsam erkülen vnd erfertigen. ¶ Louering. Es ist alles was man mit jm ansahet verloren/Er würet doch nymer mehr besser. ¶ Mon. Er ist ganz halbsstarig. ¶ Rosemund. Wir haben fürwar auff das aller freündlichst gegen ihm gehandelt/ist aber auch alles vmb sonst gewesen. ¶ Louering. Ey so verfühnde ich dir/du Erzkezer/das nün mehr der letzte tag/an dem du der gepür nach / vnd wie du wol verdient hast/solt gestrafft werden/vorhanden ist. So erwöhle nün dir sargent einen/dem du deine sünd Beycheest. ¶ Johannes. Wan darff mir hierinnen die Wahl nit gebē. ¶ Louering. So hör ich wol du wilt auch nit Beychten? ¶ Johannes. Das sag ich nicht/darumb verstand mich recht. Wan wir vnser Sünd bekennen/so ist Gott ein treüwer Gott/der vns verzeyhung der Sünden zugesagt hat.

¶ Louering. Wen begerestu dan zu einem Beichtuater? ¶ Johannes. Wen jr wölt. ¶ Louering. Wiltu einen Mönch oder sonst einen Weltlichē Priester haben? ¶ Johannes. Es gilt mir gleich. ¶ Louering. Wie/wan ich dir ließ einen Mönch holen? ¶ Johannes. Das magstu vol thun. ¶ Louering. Wiltu aber lieber einen Weltlichen Priester? ¶ Johannes. Ich frag gar nichts darnach/gebt mir welchen jr wölt. ¶ Louering. Wie/wan du Ruardo Enchusan beichtetest? ¶ Johannes. Iha/ Ich wills gern thun. ¶ Louering. Herr Magi-

Merck  
wie grausam der An  
christlich  
hauffen ist.



## Von den 5. Gottes Bekennern

ster Nofter/ Ich bitte/wölt vnbeschwert sein/disen menschen Beicht zuhören.

¶ Enchusan sprach den Gefangenen an / vnd sagt/ Mein Sün/wiltu mir dan Beichten: ¶ Johanes. Ja ich will. ¶ Louering. Wolan so gehet miteinander in dis nechste gemach hinein. ¶ Enchusan. Jha/ las vns ein wenig entweichen. Vnd nun Herr Johā/Bekenne deine Sünd/wa es dir also gefalt. ¶ Johannes.

Beicht vñ  
Bekantnuß  
Johannis.

¶ Ich armer Sünder/vnd der ich Gottes zorn vilfaltiger weiß wol verdienet hab/Bekenne/das mein eygner Vnglaub (dardurch wir allein von Gott abgesondert werden) sey die eynig vsach/vmb welcher willen ich mich nit dermassen/vnd also ganz mit verachtung des zeylichen todts/auff Gott meinen Herren verlassen kan/wie wol von nöthen. Beken auch/das ich mit händen vnd füßen/das ist/mit allen meinen inwendigen begirden/wider Gott mich gesetzt hab/vnd sm auch nye in rechtem Glauben/desgleichen auch meinem nechsten in warer liebe mit lust gedienet hab. Dan mir ist also die neygung zur Sünden angeboren/das ich warlich (wan ich mich eygentliche Keyt selber bin. In welchen ich auch von oben an bis vnd den hinauß so gar ersoffen vnd besudlet lige/das ich warlich/wa der/der zu einem Richter vber die Lebendigen vnd die Todten verordnet ist/mit mir ins Gericht gehen wolte/mit ewigem Höllischem feür müste zu einer woluerdienten straff/verdampft werden. Aber ich hoff vnd glaub/das solchen Jamer gnädiglichen hinnehmen/vnd von mir wenden werde/die vnaußsprechliche vnd grosse gütte

Gütte Gottes / der seinen Vngeborenen Sün für vns in  
 tode geben hat / das mir in seinem Blüt / damit ich auch  
 besprenget bin / durch die salbung des H. Geystes / vnn  
 Bad der Wißgeburtt / alle meine Sünd gewaschen seind /  
 ob sie wol grösser seind dann der Sand am Meer. Diser  
 mein glaub tröster vnd versichert mich dermassen / das es  
 bey mir ein gering ding ist / disen zeytlichen Tode leyden /  
 dan ich hoff ein vil bessers leben / welches auch nach disem  
 auff vns wartet. Vnd bitte von hertzen / das der Allmech  
 eig Ewig Gott / der in ewigkheyte gelobe vnd gebenedeyet  
 ist / solchen Glauben in mir stercke / mehre / betreffe / vñ  
 erhalte. Amen.

¶ Enchusan. Wolan far für. ¶ Johannes. Souil  
 hab ich allein gehapt / das ich hab Beichten wöllen.

¶ Enchusan. Heyst dan das gebeichtet / wan du kei  
 ne Sünden insonders / vnd mit namen erzölest vnd nen  
 nest: ¶ Johannes. Glaub mir / der Vnglaub ist nit ein  
 kleine schlechte Sünd. Dann vmb diser Sünden willen  
 straffer der H. Geyst die ganze Welt. ¶ Enchusan. Bi  
 stu dir dan selbers keiner besondern Sünden bewüßt:

¶ Johannes. Wiltu dan das ich dir Hürerey / Trun  
 denheyt / Word / Falschen Eydt / Spiel / &c. also an den Sin  
 gern nach ordnung erzölen soll: Ich bin mir aber diser la  
 ster keins bewüßt / wiewol ich darumb nit gerechtfertiget  
 bin. ¶ Enchusan. Deine irthumb vnd Kegerische Ar  
 tickel / die du haltest vnn lehrest / soltestu mir Beichten /  
 auch dein Halsstarrigkheyte abbiten / Es sey dan das du  
 solche Sündē / für keine Hauptsünden erkenest. ¶ Johan  
 nes. Wiewol dise beyde grosse vnd Hauptsünden seind / so  
 weyß

Merck.

# Von den 5. Gottes Bekennern

weyß ich mich doch derselbigen nit schuldig. Es seye dann das der ein Ketzer sey/der sich von seinem Herren Christo nit will lassen abreyssen/oder von seinem wort nicht will lassen auff menschen gebott vnd sayzungen treyben.

¶ Enchusan. Welcher sich von der Kirchen absöndert/der söndert sich auch vom Herren Christo selber ab.

¶ Johannes. Ich freüwe mich von herze/das ich von des Teüffels Kirchen abgesöndert würd / damit ich als ein lebendig glied der rechten Christlichen Kirchen möge eyngeleybt vnd zügethon werden.

Von der  
Absolution

¶ Enchusan. Würstu dan nit anderst Beychten/so will ich dir auch kein Absolution sprechen.

¶ Johannes. Wann du mich schon nit absolvierst/so ist doch ein anderer der mich Absolviret/vnd mir alle meine sünd verzeyhet / nemlich Gott im Hünel.

Gott ist  
der Recht  
Absolviret.

¶ Enchusan. Wiltu dann des Priestfers absolution verachten/vnd dich allein der Götlichen vernügen lassen?

¶ Johannes. Warumb das nit. Es stehet doch geschryben/Matth. im xj. Capitel. Kompt her zü mir alle die jr mühselig vnd beladen seydt/ich will eüch erquicken.

Vñ Esdras im xliij. Capit. Ich/Ich bins der ich eü were sünde tilge / vmb mein selbs willen.

¶ Enchusan. Damit du auch in allen Artickeln vnd sha gnüg Lutherisch seyest/so verachtest du erst auch darzü mein Absolution.

S du ellender verzweyffelter Mensch.

¶ Johannes. Was soll ich aber thün. Du bist ye vnwillig darzü/soll ich dich dan darzü zwingen: das kan vnd will ich auch nicht thün.

¶ Enchusan. Wie kanstu doch so gar verwegens vnd fräuel sein/das du on verzeyhung deiner sünden/dich in todt hinein wage darffst: Fürchtestu dich nit auch vor

der

der Hellen peyn/was ist das für ein frecher müerwill?

¶ Johannes. Gott der Allmechtig ist nit wie wir menschen/das er sich vnser nit solte oder wolte erbarmen. Ich glaub vnd weys fürwar/das ich in Christo Jesu hab voll Komene verzeihung aller meiner sünden. ¶ Enchusan.

Ach Gott/wie wehe thät es mir / das du von der rechten müer der W. Christlichen Kirchē also abgesondert bleyest/vñ iren gewalt oder Schlüssel so stolzmütig verachtest. Ich weys nit/was ich weyters thun soll. Was soll ich thun den Herren die drinnen sitzen vnd warten / für ein anwort von dir bringen? ¶ Johannes. Wir gilt es gleich/

du magst ihnen sagen was du wilt. ¶ Enchu. Es würet aber dir zu deinem glümpff nicht reychen. ¶ Johannes. Darnach frag ich gar nichts. ¶ Enchusan. So hör ich wol du stellest mir heym/das ich das alles/wie es sich zwisehen vns verlossen hat/der ordnung nach//ihnen drinnen/ erzöle? ¶ Johannes. Jha. ¶ Enchusan. Wilt du aber lieber das ich deren ding aller geschweygen soll/damit sie dir nit erwan mehr verhafter werden / so will ichs thun.

¶ Johannes. Du sagests oder schweygest, so gilt es mir alles gleich/Dann ich frag darnach gar nichts/Gott geb was sie von mir halten / oder verhehlen. Das ist aber gewiß vnd war in meinem hertzen/das ich meinem Gott/ ob ich schon eins schandelichen vnd schmählichen todes sterben müß/dannoch nit mißfallen werde. Dann jm allein Lebe ich/will auch jm allein(wie ich hoffe)sterben.

¶ Als nun Enchusan(ein rechter gleisner) solchs von dem gefangnen Johanne gehört / ist er widerumb hinein zu den andern Ketzermeystern gegangen/vñ den gefangnen

Frölich hertz des gefangnen

„ „ „ „

## Von den H. Gottes Bekennern

nen allein gelassen. Welcher / als er ein zeytlang alleinig da gefessen vnd gewartet hat / wann sein Widerwertiger widerumb herauß kômen wolte / ist er zuletzt (wiewol vñ berüffet) auch hineyn gangen. Vnd hat daselbst den Gleyßnirischen Mañ gefunden / das er sich mit weynenden augen vber sein / des gefangnen / verderben ernstlich beklagt hat.

Als er sich nün auch widerumb nider gesetzt (wie wol vñ geheysset) vnd Endusan die trähern von den Augen hinweg wischete / die andern aber in mit traurigen augen ansahen / Ist er widerumb vom Statthalter zu Wecheln auff nachfolgende weyß befragt worden.

¶ Louering. Wie hastu auch gebeydet? ¶ Johannes. Iha. ¶ Louering. Bist auch Absoluirt? ¶ Johannes. Neyn. ¶ Louering. Warumb nit? ¶ Johā. Da hat mir diser mein Beychtuatter nit wöllen die Händ aufflegen / vñ mich Absoluiern. ¶ Louering. Was ist dan die sache / Herz Magister Nofter / das ihr disen Menschen nit habe wöllen Absoluiern? ¶ Endusan. Da hat er nicht recht / vnd wie es sich nach Bapstlicher gewonbeyt gebühret / wöllen Beychten. Vnd allein etlich ding in gemeyn außher klappert / vnd iha (wie alle Kezer gemeyniglich pflegen) der Beycht mehr gespoetet / dan sie mit ernst gemeyne. ¶ Louering. Wie weystu dan nit das du sterben müst. Hörstu dan nit das schon das Endurcheyl dir zum Todt ergangen vnd gefelle worden ist? Warumb beychtestu dann nit auch zu vor / wie andere Christen leüt thün?

¶ Johannes. Ich habe gebeydet / aber dem / der ohr zweyffel mein Bekennuß freündlicher angehört vnd auff

auffgenommen hat/dann diser Mensch. ¶ Louering. Solstu dan die Absolution dermassen verachten: ¶ Johannes. Ich sage doch nit/das ich die Absolution der Christlichen Kirchen verachte / dieweyl mir aber solche diser Mensch nit hat wöllen mittheilen/so habe ich in fürwar mit gewalt darzu nit können zwingen vnd eringen.

¶ Louering. Wer will vnd würt dir dan/wan du sterben müst/die sünd verzeyhen: ¶ Johannes. Das Lamb Gottes/das der ganzen Welt sünd hinnimpr.

¶ Louering. Was thun wir/ihr meine Herren/was thun wir: ¶ Montanus. Ein erschrocklich ding ist es/dz ein lebendiger Mensch dermassen/so gar kan verstockt sein. ¶ Rosemund. Man kan sich zu disem ellenden vnd arbeytseeligen Menschen nichts güts vund keiner besserung weyters mehr versehen. ¶ Louering. Wie ist ihm doch/verdreüßte dich dann also weyters auff erden zulebē/das dir der Todt vil lieber ist/dann dises Leben: ¶ Johannes. Mein Herz Christus ist mir jha lieber / dan dises mein zeylich leben.

¶ Louering. Hastu dann deinen Merck. Vatter nit mehr lieb/oder fragstu auch nach deiner Mütter nichts mehr: ¶ Johannes. Solte ich nit: Ich bin yet ein Mensch / vnd seind yet solche menschlichen neygungen auch noch in mir. ¶ Louering. Tün glaub ichs nit/die weyl dir deiner Fleern schand vund schaden so gar wenig zuherzen gehet. Vnd müst ohn allen zweyffel ein grausamer Mensch sein / das da mit diser deiner halßstarrigkeit vülleichte deinen Fleern vrsach geben würt / das sie entweders hungers halben sterben / oder inen sonst einen schandelichen todt anthün werden. Dann das soltu jet

# Von den G. Gottes Bek. üern

zundt auch für gewiß wissen/das vmb deinet willen/dein  
Vatter/der doch ganz betagt ist/ von seinem Sigriften  
Ampt/das er vil Jar gehabt hat/verstoffen ist. Meynstu  
nün das solche schand vnd solcher schaden einem so alten  
mañ nit wehe thue: Nün köndtestu jm/wa du nur selbers  
woltest/gar wol helfen / das er nit ettwan vor leydt ster-  
ben/oder andere ding / deren ich geschweygen will / anfa-  
hen vnd fürnemmen müste. ¶ Johaues. Meine Eltern  
seind mir zwar lieb/aber mein Herr Christus ist mir noch  
vil lieber/vnd achte derhalben ich solle dise sachen/ die ein  
sach Christi ist/weye meinen andern affecten vnd neygun-  
gen fürsetzen. So besilhe ich meine Eltern dem Allmecht-  
gen Ewigen Gott ihrem Vatter/ der würt in eu ein siche-  
re züflucht sein/dahin sie getröst in allem irem anligen sie-  
hen mögen. So zweyffelt mir auch nicht/ der Allmechtig  
Gott hab meinen Eltern die Gnad verluhen / das sie die-  
sen meinen Todt (wie sie dann zuehän schuldig seind) im  
Herren gedultig werden tragen vnd auffnemmen. ¶ Lo-  
nering. Wie stehet es dann vmb dein Weyb: ist dir dieselb-  
big angelegen: ¶ Johaues. Niemandt hat yemals sein  
eygen fleysch gehasset. Ich beken/das ich sie lieb hab/ aber  
im Herren. Ein andere liebe begert sie nicht/das weyß ich  
wol/bin jr sie auch nicht schuldig. ¶ Loning. Ich ge-  
denck aber die sach sey vil anderst beschaffen/dann wie du  
sagst/Dan (wie mich bedunckt) hastu scho an jr vernem-  
gernet/vnd magst deine jungen tag mit ihr/dieweyl sie ee-  
was elter ist/länger nit zübringen. Vnd dis würt die vr-  
sach sein/darumb du lieber in diser falschen beredung dein  
ner Religion sterben/dann widerumb zü ihr keren/vnd se-

Johaues  
hat Vatter  
vñ Mütter  
lieb/aber  
Christum  
noch lieber

Johannes  
würdt seins  
Weyba hal-  
bē gefragt

trau

traurige vnd vnfruchtbare beywohnung thün wile. Was gilt's ich hab erhaben? ¶ Johannes. Es ist nie war/wie du sagst. Dañ ich liebe mein Frau/wie ich je dz durch Eheliche treu zu gesage vn schuldig bin. Kan aber auch solch liebe leichtlich widerumb faren lassen/wann michs mein Gott heysen würt. Dañ es sage auch der Herr Christus/dz der nit sein rechter Jünger sey/ & nit verlasse Vatter/Wüter/Weyb/Acker/ze. vnd folge jm nach.

¶ Louering. Wan wir dich dañ auß diser Gefäncknuß ledig liessen/woltestu auch widerumb zu deinem Weib treten/die dich doch in solchen Jamer vnd schmerzen gesetzt hat? ¶ Johannes. Warumb wolt ichs aber nit thün/dieweyl sie doch beyn ist von meinen beynen/vnnd fleysch von meinem fleysch. So darff ich jr auch die schuldt dieses meines leydens nit geben/so wenig der Herr Christus die schuldt seines todts dem Vatter gegeben hat. ¶ Louering. Wie? Woltestu dich dañ auch freüwen/wann wir dich auß disen banden ledig/vnd ziehen liessen/wa du hin woltest? ¶ Johannes. Wan jr das theten/so were es mir lieb. Ob jr's dann schon nit thünd/so will ich darumb nit traurig sein. Ich ergibe mich gänzlich in den willen des Allmechtigen Ewigen Gottes/man handel vn gehe recht mit mir vmb/wie man wölle.

¶ Louering. Wie wan wir dein weib liessen hieher berüffen/woltestu dann auch der länge nach mit jr red halten? ¶ Johannes. Ich möchte es wol leyden/vnd begeret es auch/wann es nur möglich were. ¶ Louering. Woltestu dañ auch/wa man dir's züliesse/sie beschlaffen?

¶ Johannes. Psh der schanden. ¶ Louering. Wie

Papisten  
seind vn-  
erschamp-  
te leut.



## Don den H. Gottes Bekennern

das: ¶ Johannes. Das du mich mit so gar vngerechma-  
pen fragen bekümmern magst. ¶ Louering. Ey biß ge-  
ter ding/dein weib würt man noch heüt von Wörden hie-  
her berüffen/vnd wie ich hör/so ist sie schon hie/darumb  
biß frölich/dañ du würst sie sehen/vnd auch wol mit jr re-  
den mögen. ¶ Johannes. Ich laß euch machen was jr  
wölt/vnd bekümmere mich nit hoch/Gott geb was ihr mit  
mir/mit meiner hauffrauwen/vnd in meiner gangen sa-  
chen fürnehmen vnd handeln. Was Gott gefalt vnd sein  
Willist/das würt beschehen.

Ein Leste-  
rer findet  
allwegen  
erwas das  
er tadle kan

¶ Louering. Dieweyl du doch hast wöllen vnd müß-  
sen ein Weib nemen/so soltestu ein Jüngere genommen ha-  
ben/die dir Kinder geboren hette. ¶ Johannes. Ein Le-  
sterer findet allwegen/auch in gerechten sachen/das er zu  
straffen hat. Were ich ein Jüngere genommen/oder ein sehr  
schöne/so hetten ihr mirs gewißlich dahin gedeütet/als  
wan ich solchs auß besonderm mürtwillen meines fleyschs  
gethon hette. So ich aber ein solche genommen hab/die nit  
Reich/einer mittelmässigen gestalt/vñ eines gestandnen  
alters ist/vñ aber doch noch nit gar vnfruchtbar ist/So  
findet diser Lesterer bald/das er zutadlen hat.

¶ Louering. Du hast vor bekant/das du darumb ein  
Ehfrauw genommen habest/dieweyl du dich sonst der Wei-  
ber nicht habest künden enthalten/ Ist dem also? ¶ Jo-  
hannes. Iha/Dañ ich hab bekant/was war ist. ¶ Lou-  
ering. Nun hastu doch der Weiber müssen manglen/  
durch dise vier ganze Monat/Wann wir dich länger im  
Kercker behielten/so müstest du doch für vnd für keüsch le-  
ben: Wie kanstu dann deinen schandlichen mürtwillen/  
vnder

vnder dem schein/als hettestu müssen ein Eheweib haben/  
verantworten: ¶ Johannes. Wölte jr dan auch Gott  
den Herren selbers/dermassen wie jr seyde/zü einem grau  
samen zornigen Gott machen/das er mich hette lassen vñ  
ber mein vermögen verstückt werden? Ich habe jha dise  
zeyt her zukempffen genüg gehabt / mit meinen Geystli  
chen seynden/von innen vñ aussen/das mich des Fleyschs  
mütwill nit vil angefochten hat. Zü dem/so hab ich auch  
wider eüch vnd eüwere erdichte reden vnd personen sigen  
müssen/damit jr sonst die eynfaltigen verzanberen vñnd  
betriegen.

¶ Louering. Ich wolt da du die erst nacht dein frau  
beschaffen hast/das du mit dem Teüffel darfür zuschaf  
fen gehabt hettest / Jha ich wolt / da du züm ersten dein  
Frauw beschaffen hast/das du darfür mit zehen Dürren  
alle vnzucht getriben hettest/dermassen machstu vns vn  
rüg/vil mühe vnd arbeyt. ¶ Johannes. Pfey dich / Du  
soltest dich solcher Lestering wider Gott vñ den H. Ehe  
stande/ von jm eyngesetzt/in dein hertz hinein schämē. Bi  
stu ein Jurist: Bistu der Fürnembsste vnd Oberste Rath/  
an des Keyfers hoff: vñ darffst so vngereümpfte/schande  
liche vnd Gotteslesterliche wort redē: So war Gott lebt/  
ich schämē mich an deiner statt/vñnd verdreüßst mich das  
ich dich auch ansehen solle. ¶ Montanus. Mein Herz  
Johan du darffst nit also zürnen/dann du hast den Her  
ren Statthalter nicht recht verstanden. Dann also redet  
er/vñnd ist diß sein meynung. Wan du mit dem Teüffel zu  
schaffen gehabt/oder sonst andere Dürerey vnd vnzucht  
getriben hettest / so wurdestu solche deine sünd / wa man

Merck der  
Papisten  
andacht vñ  
Keüschheit

Seine glos  
der Papiste  
damit sie  
alle jr vn  
zucht vñnd  
Härerey  
verthädia  
gen.

dich

## Von den H. Gottes Bekennern

dich hierüber gestrafft hette/on zweiffel bald erkant/vnd wa du sie dann auch frey Bekant vnd gebeychete hettest/ Verzeyhung erlangt haben. Jezundt aber dierweyl du dein eygen Weyb beschlaffen hast/vnd solches für ehrlid haltest/so würstu noch lang nit solche deine Sünd abbiten/vnd bist deshalben auch nit werdt/das sie dir verzigē werde. Dise nūn dein Halsstarrigkeit/vnd dises dein vnbüßfertig hertz verdreüßte den Herren Statthalter.

¶ **Johannes.** Wann jr mit solchen faulen nichtigen vñ losen entschuldigungen vnd außreden auch den Richter/ der im Himel wonet/ kōndtē betriegē/ so würd eñwer sach recht stehen. Aber jr solt wissen/ das der Allmechtig Gott seiner nit dermassen lasset spotten. ¶ **Louering.** Wann neme disen verzweyffelten bosshafftigen menschen/ vñd füre in widerumb in sein gefäncknuß.

¶ Also hat nūn solche setzerzölte dritte vñ letzte handlung ein End genommen/vñd hat sie der gefangne selbers im Kercker vilgemeldtem Wilhelm Snaþeo / der dann hart bey jm auch gefangen lag/ also das nur ein bitterer ne wandt zwischen inen beyden war/nach ordnung erzölte vnd selbers angegeben.

Johannes  
würt bey  
nacht auß  
seiner Gef  
fäncknuß  
in ein gez  
wölb gefü  
ret.

¶ Als nūn aber solche disputacion vnd handlung volendet/vnd es nūn nacht worden war/ist der frome Mar tyrer Johannes durch den Kerckermeister etwan vmb die zehene/gantz heymlich vnd in der stille/ auß seiner gefäncknuß geführt worden/als solte er mit seiner Haußfrauwer (die dan inwendig im hauß zugegen war) spraach haltē. Aber dise Teüfels Kinder/der ein Vatter ist aller Lüge/ haben disen fromen mit lügenworten betrogen / vnd mit

ver

vergebner freunden geasset. Dann sie fürerē in nit zu seiner  
 frauen/sond in ein andere vñ besondere gefäncknuß / so  
 vnder der erdē war/dahin man dann auch etlich tag nye  
 mädts gehē ließ. Vñ zeigē mit diser gfancknuß gnügsam  
 an/das er nün mehr zum Tode verurtheilt were. Daselbst  
 ist nün diser vnser martyrer im stock mit gebundne füßen  
 gefessen vier gāzer tag aneinand. Aber hie ward auch zu  
 leest sein Glaub vñ beständigkeit zum höchsten vñ auff mā  
 cherley weyß vñ weg probiert vñ angefochtē/seyt von Ge  
 waltigē grossen leütē/seyt von Mönchē/Priestern/ auch  
 Regiments personen / vnd andern auß dem gemeynen pō  
 sel/welche alle von den Sophisten dahin verordnet vñnd  
 gesandt worden/damit sie in versüchen/vnd zum Wider  
 rüffendelich dringen möchten. Es war aber alles vmb  
 sonst/dan er wolte nit ein haar breyt von ein mal erkand  
 ter vnd bekānter warheyt/abweychen.

¶ Die kan ich auch nit vnderlassen/das freündelich ge  
 sprach/so auch sein eygner vatter mit im gehalten hat. Als  
 der frome alte Man/sein Vatter / sahe/ wie sein Sün der  
 gefangne/ im glauben gegen Gott vnd seinem W. Wort/  
 ganz wol gegründet vñnd getrōstet war/vñnd nün mehr  
 auch wolte den W. Ehestande mit seinem Blüt verthādin  
 gen/also das er auch nach dem Tode nichts mehr fragete/  
 vñnd sich nichts mehr annehmen wolte aller deren dingen/  
 die in von seinem fürnehmen herren mögen abwende / oder  
 auch dieselbigen/mehr dann den Herren Christum liebē/  
 Hat er ihn noch mehr herzhaffter machen wollen / vñnd  
 im zūgespröchen vnd gesagt/Er solle nur Māulich vñnd  
 wol getrōst bleyben/dan Er (der Vatter) seye auch schon

Johannes  
 vülfeltiger  
 weyß ange  
 foche aber  
 für vnd für  
 beständig  
 blyben.

Gespräch  
 so Johānes  
 mit seinem  
 Vatter vor  
 sein todt  
 gehalten  
 hat.

## Von den 5. Gottes Bekütern

willig vnd bereyt/nach dem Exempel des N. Abrahams/  
ihn/wiewol er im herzlich lieb/vnd von im nyemals sey be  
leydiget worden/dem Allmechtigen Ewigen Gott auff  
opffern. Welche red aber des Vatters den Kerzermey  
stern trefflich mißfallen/vnnd alle Widerwertigen zum  
höchsten verdrossen hat.

¶ Was es nit zulang were/were es ja der arbeyt in alle  
weg wol werde/das man nach ordnung erzölet/welcher  
gestalt vnnd mit was antwort er in disen vier tagen/ab  
le so von vñ zu im giengen/entpfangē/auch mit was wor  
ten vñ herlichen vermanungen/er sie widerumb von sich  
gelassen habe.

¶ Letstlich aber/dieweyl die Sophisten vnd Widerst  
cher wol sahen/das sie nichts schaffen wurden/sie griffens  
recht vñ versuchten es mit disem Allerbeständigste War  
tyrer wie sie wolten/gedachten sie in zu erbrennen. Damit  
der Hencker/Schwerdt/Strick/Galgē/Feür/Wasser/2c.  
seind der Papisten letzte Argument/damit sie wider die  
recht war Gleübigen vnd Gottes Kinder streyten vnd  
sechten/wie das in allen Hystorien zusehen ist.

Merck.

Wie Johan  
nes die  
Botschafft  
von sei  
nem tode  
entpfangen  
vnd die let  
ste nacht  
vertriben  
hat.

¶ Bald ward der scheyterhauff/darauff er solte ver  
brant werden/zusammen getragen vñ auffgerichtet. Was  
verkündiget auch dem gefangnen sein letzte stund/welche  
Botschafft er mit grosser freud seines hertzen angehört  
vnnd entpfangen hat. Vereryb also dieselbige nacht mit  
ernstlichen vnd Heyligen gedanken/auch mit lesung der  
N. Götlichen Schrifften/thät doch auch ein feynen vnd  
rühigen schlaff.

¶ Am nachgehenden tag sassen auff dem gerüst/so vor  
des



des Fürsten Pal-  
last auffgeschla-  
gen war/in beson-  
deren Stülen/die  
mit köstlicher Ta-  
pezerey behencke  
waren (damit mā  
sie desto baß sehen  
kündte) an einer  
seyten Herr Mon-  
teignus & Graff  
zu Vogstrate mit  
allen Obersten  
Räthen in ganz  
Holland / auff  
der andern seyten

aber/sassen nach ordnung/Herr Kidderus der Weyhbis-  
choff Prediger Ordens. Bey ihm sassen drey vngelerter  
aber köstlich bekleydete Apt. Nach in folgeren die verord-  
neten Ketzermeyster. Mitten auff dem gerüst/war ein  
Cangel auffgerichtet / von diser Predigt ein Barfüßer  
Mönch genandt Leyden / mit grossen geschrey / oder vil  
mehr/heülen. Ein Ellender Mensch / der beyde am Leyb  
vnd an der Seelen blindt war. Diser erzölte des frommen  
Martyrers Artickel vor allem Volck/vnd zeygte an / wie  
das sie allesampt irrig vnd Ketzersch weren. Vnd als er  
auff den Artickel von der Priester Ehe kam / sagt er mit  
aufgetructen worten/das diser Johannes nit darumb  
verdampft were wordē/das er ein Weyb beschlaffen hette/

## Von den G. Gottes Bekennern

Sonder dieweyl er gewaltig vñ mit ernst het e wöllen bestreyten/das der Priester Ehenit sünd oder vnrecht sey/darumb werde er billich verbrant.

**Johanni**  
würdt nicht  
vergönnet  
sich züner=  
antworten.

¶ Nach vollendung diser predig / die dann gang vñ gereympt vnd jha Gorttslesterlich gewesen war / wendet sich der gefangne Johanes mit seinem Angesicht zü dem Volck / wolt dises alles widerlegen / Sieng an / vñnd sagt / Nün sehet jr / lieben brüder wol / mit was grossen gewalt vñnd Tyranny der Antichrist dises sein Keych erhalte / schütze vñ schirme. Wolt also weyters reden (dan er noch vil sagen wolt) aber Nicolaus Damnius der Oberste vñder den Schergen / zoge in gang zorniglichen widerumb zü ruck / vñd eröuwet jm öffentlich / wa er nit dz maul still halten vñnd schweygen wolte / so wolte er ihm ein bengel darcin binden / vñ also wol schweyge machen. Ab welcher red der gemeyn Man sehr bewegt vñd vnlustig ward. Jedoch folget der frome Mensch Johannes / irer Tyraney / nit anderst / dan wie ein Schäßlin dz zur Schlachtbank geordnet worden ist.

**Johannes**  
würdt Ent  
weyhet.

¶ Nach solchem ward er Entweyhet (wie mans nennet) vom Weyhbischoff Jacob Ridder. Diser zog jm mit gewöhnlichen Ceremonien alle Priesterliche Kleydung auß / beschar in / vñd stellet ihn zü einem Spectackel vñnd schawspiel für / allem Volck.

¶ Als er nün aber aller solcher Priesterlicher Kleydung (die er dan als die verflucht war e / selbers vñd dem Entweyhē mit vnwürsc weg thet) beraubt war / sagt er öffentlich / Nün sihe ich einem Christen Menschen vil gleicher / in diser meiner Weltlichen Kleydung / dann ich zü  
uor

vor gesehen hab. Bald gaben sie ihm ein Gelb Kleydt an/  
welches aber äng gemacht war / vnd als er das anstreys/  
sen wolt / sagt er / Wolan / diß Kleydt soll auch wie dem Her/  
ren Christo / mein spott Kleydt sein. Es stehet aber wol.  
Weyters setzten sie im auch auff sein haupt einen hüt von  
gleicher farb / mit ohren / damit er allē Volck wie ein Narz  
für gestellet wurde. Als er nun mit diser seltsamen vñ neu  
wen Kleydung angehon / vñnd von aller welt verachtet  
war / hat er sein Endurtheyl / durch den Procuratorn ver/  
lesen / mit frölichem freüdigem hertzen angehört. Nach/  
mals selbers freywillig zum todt geeylet. Sein Angesicht  
vnd Augen hat er für vñnd für / auch biß in sein leyst ende/  
frölich behalten.

Wie sich  
Johannes  
zur zeyt sei  
nes sterbē  
gehalten  
habe.

¶ Als er aber für den Kercker gieng / tröstet er vñ ver/  
manet zu gleicher Marter seine mit gefangne brüder / mit  
lauter stim / vñnd sagt / Ach lieben brüder / ich würd nun  
zur Marter vnd zum todt außgeführt / Seind wol getrö/  
stet / vnd retten dem H. Euangelio sein Ehr / als dapffere  
Kriegsknecht Christi / bewegt durch mein Exempel. Di/  
sestimenamen die Gefangenen cynhellig vñnd mit ganz  
frölichem hertzen auff / rüffeten auch vom Kercker offent/  
lich. Bald aber siengen sie etlich Kirchen gesang an / zusin  
gen / dardurch sie sein Marter vnd seinen Todt lobten vñ  
preysecē. Dann / ob wol die feynde Christi griffgrameten /  
so sangen sie doch nit desto weniger dise herliche Lob vñ  
Danccklieder. Als / Te Deum laudamus, &c. Dich Gote wir  
lobē / ic. Certamen magnum, &c. Vnd O beata sanctorum Mar  
tyrum solennia, &c. Höreten auch nit ehe vom gesang auff /

Johannes  
tröstet sei  
ne ande  
re mit gef  
fangne  
Christen.

Bernardus  
Mönch.



## Von den 5. Gottes Bekennern

Gerard  
Vormar.  
Wilhelm  
vñ Vtrich.

Gerard Vormar/vñ Wilhelm von Vtrich/bisß das diser vnser Marcyrer Gott seinen Geyst auffgeben hat.

Dises herrlich Lob vnd Siggel sang bewegt die hertzen der Seynden vnd Verfolgern Gottes dermassen/das gemelte Männer ohn zweyffel gerad auch am morgenden tag gleiches todtes herten sterbē müssen/wa nit die Widerwertigen ab dem beständigen Tode des fromen Johannis weren Kleinlaut vnd erschlagen worden.

Johann ver  
zucht dem  
Hencker.

¶ Als nün aber der gefangne auff den Scheyterhausfen hinauff gestigen/vnd der Hencker in bat er wolte ihn verzeyhen/das er ihn also tödtē müste/redt er in freündlichen an/neñet in einen brüder/vñ ließ in also widerumb von sich/yedoch erzolt er in die Prophecey/die er im vergangnen Jar zu Harlem von seiner person gethon hat/Dann er hat in selbers/auf eyngabung vnd ansag seines hertzens geweyssage/das er dermalen eins vmbß Euangelij willen/in des Henckers handt komen wurde.

Christlicher  
abscheydt  
des fromen  
Johannis.

¶ Meyters/als er nün züm Feür/ye länger vñ ye näher geführt ward/thate er das hertz vornen selbers auff/dz in der Hencker das pulser darein werffen köndte. Nach solchem ist er selbers auff den stül gestanden/vñnd seinen rücken hert an den Psal/der auffrecht stünd/gehalten. Als er aber vermerckt dz der Hencker in nach dem Hals greiffen wolte/redet er mit frölichen sigreychen worten den Tode selbers an/vnd sagt. O Hell wa ist nün dein rhüm? Tode wa ist nün dein Sig? Der Tode ist verschlungen im Sig des Herren Jesu Christi. Demnach streiffet er den strick/damit in der Hencker erwürgē wolt/selbers an den hals/Sabe auff gehn Himel/vñst vnd sprach/ Herr Jesu verzeyh



verzeyhe ihnen/  
daß sie wissen nie  
was sie thun. Vñ  
als der Hencker im  
würget / rüffet er/  
vnd sagt/ O Jesu  
Christe / du Süñ  
Gottes / gedencñ  
mein vnd erbarme  
dich mein. Vñ als  
er solches gesagt/  
ward im 8 athem  
entnomen/ vnd er  
nachmals ver/  
brañt. Aber wie

wol in der Hencker dermassen mit gewalt würget / so hat  
er doch kein glied an seinem Leyb/sein haupt auch nit gere  
get/oder die Augen verwendet/wie daß gemeynglich be/  
schicht / Welches an disem theuren Martyrer insonders  
vñ wol zumerckē ist. Du hettest müssen frey bekennen / vñ  
sagen/das diser vnser Martyrer in einem rechtē lieblichē  
schlaff hingefaren were / wie er auch warlich hingefaren  
ist/daß er lebe mit dem Herren Christo / entledigt von al  
lem Jamer vñ Ellend/ Als einer der von der Bekantnuß  
Christlichß namens auch nitte im tode nit abgewichē ist.

¶ Ein solche beständigkeyt züuerharren biß in ein see  
lig End/verleyhe vns allen der Allmechtig Ewig Gott/  
der mit sampt Jesu Christo vnd dem heyligen Geyst/lebe  
vnd regiert/ein Gott von ewigkeyt zü ewigkeyt/ Amen.

Wendelmüt

# Von den H. Gottes Bekennern

## Wendelmüt / Claus Tochter

von Münchendam / ein

Witwe.

¶ Die History von diser Gottseligen lieben Witwe frauen/wie sie nemlich auff den xv. tag des Wintermonats im Jar M. D. vnd XXVII. gefäncklich ist vom Schloß Wörden in den Hag gefürt/daselbst verhöret/vnnd folgendts auff den xx. tag gemeldtes Monats verbrennet worden/ Ist vormalts auch durch den Truck außgangen/vnd hab ich sie eben mit den selbigen Worten/hienach auch setzen wollen.

**A**uff den xv. tag Nouembris / ist Wendelmüt / Claus Tochter von Münchendam/in den Hag gebracht / von dem Schloß Wörden/gesfangen / Vnd so ist auch irenthaltender Graff von Hochstraten / Statthalter von Hollandt/in den Hag kómen / an dem xvij. tag desselbigens Monats.

Mancher = ley fragen/  
damit dise  
liche Wit-  
frau vor die  
Oberste in  
Hollandt  
versücht  
worden.

Auff den xvij. tag ist die vorgemelde Wendelmüt für den Statthalter/vnd den vollen Raht von Hollandt gebracht. Da fragt sie einer. ¶ N. Frau w habt jr eüch wol beschlaffen/vñ bedacht auff die ding/die eüch meine Verren fürgelegt haben? ¶ Wendelmüt antwortet/Was ich geredt hab/da bleib ich noch vestigklich bey.

¶ N. Wa jr nit anderst redet/vnd eüch von dem Irthumb keret / so würt man eüch einen vnleydlichen todt anthün. ¶ Wendelmüt antwortet/ Ist eüch der gewalt von oben gegeben/so biñ ich bereyt zuleyden. ¶ N. Der halben



halben fürchten jr den todt nit / das jr den nit geschmecket haben.

¶ Wendelmüt. Das ist war / Ich soll auch den todt nimmer schmecken / dan Christus spricht / So jemand mein Wort würt halten / der würt de todt nit schmecken ewiglich. A ber d Reich Wan

schmecket den todt / vnd soll in ewiglich schmecken.

¶ N. Was halten jr vom Sacrament? ¶ Wendelmüt. Ich halt einwer Sacrament für Brot vnd Wäl / vñ wa jr leüt das für einen Gott halten / so sag ich / das es einwer Teüfel ist. Vom Sacrament.

¶ N. Was halten jr von den Heyligen? ¶ Wendelmüt. Ich kenne keinen andern Nitler / dann Christum. Von den Heyligen.

¶ N. Ihr müßt sterben / wañ jr hiebey bleyben. ¶ Wendelmüt. Ich bin schon gestorben. ¶ N. Seydt ihr gestorben / wie köndt jr dann reden? ¶ Wendelmüt. Der Geyst lebt in mir / der Herz ist in mir / vnd ich bin in ihm.

¶ N. Wölt jr einen Beichtuatter haben / oder nicht? ¶ Wendelmüt. Ich hab Christu / dem beichte ich. Aber nicht desto minder / wa ich jemandt erzürnet hette / so will Christus ist der rechte Beichtuatter.

h ich die

## Von den G. Gottes Bekennen

ich die selbigen gern bitten/das sie es mir verzeyhen. ¶ **W.** Wer hat euch diese meynung gelehrt/vñ wie kompt jr dar zu? ¶ **Wendelmüt.** Der Herr/der alle menschen zu ihm zeühet/auch bin ich eine von seinē schaaffen/derhalbē höre ich sein stim. ¶ **W.** Seydt jr dan allein beruffen? ¶ **Wendelmüt.** Neyn ich. Dan der Herr beruffet alle die zu ihm/die beladen seind.

Wendelmüt würt im Kercker von mancherley personen verfürcht.

¶ Nach vil anderen dergleichen worten / ist sie widerumb in den Kercker geführt / zwischen den zweyen nachfolgenden tagen ist sie von mancherley personen verfürcht vñnd angefochten worden / nemlich von Mönchen / von Pfaffen / von Frauwen / vñnd von ihren nechsten freunden.

Wendelmüt will nie schweygen / sonder die warheit bekennen.

¶ Vnder andern kame auch ein Frau zu jr auß eyns saltigkeyt / verfürcht vñnd beklagt sie / auff diese weyse / liebe Mütter / kōndt jr nit dencken was jr wölt / vñnd schweygen still / so werdet jr nit sterben? ¶ Da antwortet ihr Wendelmüt / vñnd sprach / Liebe Schwester / es ist mir befolhen zureden / vñnd ich bin darzu beruffen / also das ich es nicht soll / noch mag schweygen. ¶ Antwortet ihr die Frau / so fürcht ich das sie euch tödten werden. ¶ Wendelmüt. Ob sie mich morgen verbrennen oder in einen sack stecken / gilt mir gleichvil / wie es der Herr fürsehen hat / also würt es geschehen / vñnd nit anders. Ich will bey dem Herrn bleyben. ¶ Da sprach die Frau / habt ihr nichts anders gehon / so hoff ich das jr nicht sterben werdet. ¶ Wendelmüt. An mir ist es nit gelegen / aber als ich vom Saal oben kōmen / schrey ich sehr / dann es jamert mich / da ich alle die hüpschen Wānner daselbst sahe / das sie noch verblendet seind. Ich will aber den Herren für sie bitten.

Es seind auch schwarze/ oder Prediger Mönch zu ihr  
 kōmen/einer als ihr Beychtuatter/der ander als ein Vn-  
 derweyser/der zeygt jr das Creüz vñ sprach/Sehet allhie  
 ist eüwer Herr/eüwer Gott. ¶ Antwortet sie/das ist nit  
 mein Gott. Es ist ein ander Creüz/dardurch ich Erld/  
 set bin. Dis ist ein hülzener Gott/werfft in in das Feür/  
 vnd wdermet eüch darbey.

Dom hülz-  
 en Creüz.

¶ Der ander fragt sie desselbigen morgens als sie ster-  
 ben solt/Ob sie nicht das Sacrament entpfahen wolt/er  
 wolte es jr gebē: ¶ Disem antwortet Wendelmüt/Wz  
 Gott wolt jr mit geben:den ihr auff vergangene Ostern  
 vmb ein deut/oder heller/verkaufften:vnd zu einem Pfaf-  
 sen/oder Canonick/sagt sie/welcher sich erfreuwet das er  
 den tag Mes gechon hette/das er Gott auff s neuw ge-  
 creüziger hette.

Von der  
 Mes.

¶ Da sagt N. mich beduncket/das jr verdoller seyde.  
 ¶ Antwortet ihm Wendelmüt. Das kan ich nit bessern/  
 mein Herr/mein Gott (dem in Ewigkeyt/Ehr/Lob/vnd  
 Danck sey) hat mich also gemacht.

¶ Als sie ein mal gefragt ware von dem Heyligē Del/  
 da sagt sie/Del ist gut auff einē Salat/oder eüwer schüch  
 damit zuschmieren.

Dom Del.

¶ Auff Mierwochen des Morgens bracht man sie zu  
 Hoffe/Als sie nün in dē Saal kam/ Da gieng der Mönch  
 zu ihr/vnnd hiele ihr das Creüz für das angesicht/vnnd  
 sprach/Widerriufft doch zünor vnd ehe das vrtheyl geben  
 würt. ¶ Sie aber wendet sich von dem Creüz/vñ sagt/  
 Ich bleybe bey meinem Herren/bey meinem Gott/weder  
 todt/noch leben soll mich darvon scheyden.

Beständig  
 keyt der  
 Gottselige  
 Wendel-  
 müt.

## Von den H. Gottes Bekennern

Da sie aber für die Richter came/da lüspelt jr der Wöndch in das ohr/sagende/fallend auff eüwere Eny/vnnd bitter die Herren vmb gnad. ¶ Antwortet Wendelmüt ihm/Schweyg du/hab ich dir nit gesagt/das du mich nit von meinem Herren ziehen soltest.

Vertheyl  
wid Wendelmüt  
verlesen.

¶ Der Dechan vō Naeldwich Subcommissarius vñ Inquisitor/lase die vertheyl auß einem brieff auff Lateinisch/vñ widerholets in Teütscher sprach/allein auff's Kürzst/das sie erfunden were in einem mißglauben vom Sacrament/vnd das sie halßstarziglich darbey blybe/vnd beschloß es mit dem/das sie ein Kegerische were/vnd vbergabeste in die Weltliche handt/mit der protestierung/dz er in jhren tode nicht verwilligte. Darnach gieng er auß dem Rath mit seinen zweyen Beyßizern/als Geystliche Männer. Von stund an würt bey dem Canzler gelesen/das nach dem sie ein halßstarzige were erfunden/welche nit vngestrafte möcht bleyben/dz sie zu pulser solt gebrennet/vnd all jr güter Confisciert werden.

¶ Da sprach Wendelmüt/ Ist's nün alles geschehen? Ich bitt eüch alle/ob ich jemandt mißthon oder erzürnet hette/dz jr mir das verzeyhen. ¶ Da sprach der Wöndch zu jhr/Küffet nur eüwern Herren ein mal. ¶ Antwortet ihm Wendelmüt vnd sagt/das ist mein Herr nit.

Wendelmüt  
will die Junc-  
fraw Maria  
nicht anruffen.

¶ Im abgehen von der Rathkammer/ Sprach der Wöndch/das sie vnser liebe frauw solt anruffen/das sie für sie bitten wolte.

¶ Wendelmüt antwortet/vnser Frauw ist inn Gott wolzufriden. ¶ Wöndch/ Küffet sie an. ¶ Wendelmüt. Wir haben den Herren/der sitzet zur rechten seines

Vatters/

Vatters/vnnd bittet für vns. ¶ Als sie nun von dem Saal kam/vnd gieng zum Galgen oder gericht. Da sagte der Mönch/Sehet doch nur eüweren Herren ein mal an/der für eüch gestorben ist. ¶ Wendelmüt aber antwortet ihm/vnd sagt/Der ist mein Herz nit/Mein Herz mein Gott ist in mir/vñ ich bin in jm. ¶ Mönch. Sehet vmb/wöle jr alle dise Schäßlin verurtheylen/vnd seind sie alle verdampft. ¶ Wendelmüt. Nit alle/dz vrtheyl aber gehört Gott zu. ¶ Mönch. Fürcht jr eüch für dem gestrengē vrtheyl Gottes nit. ¶ Wendel. Gott kompt nit die Sünder zu vrtheylen/sonder vmb friden zu geben. ¶ Mönch. Es ist ein Artickel des glaubens/das er würt vrtheylen die lebendigen vnd die todten. ¶ Wendelmüt. Dz würt er jetzt nit thün. ¶ Mönch. Fürchtet jr nit das vrtheyl das ihr in einer stund werden leyden. ¶ Wendelmüt. Neynich/dañ ich weyß wie ich mit meinem Herren stehe.

¶ Auff dem gerüst sprach d Mönch zu jr/wendet eüch vmb/vnd bittet die leüt/das sie es eüch verzeyhen wöllē/das jr jnen ein böß Exempel gebe. ¶ Auff dise wort antwortet sie nichts. ¶ Ein anderer stünd darbey/vnnd sagt/Mütter/wendet eüch vmb zu dem volck/vnnd bittet sie/ob jr jemandes erzürnet hetten/das sie es eüch verzeyhen/dann das soll vil helfen. ¶ Das het sie. ¶ Darnach halff sie dem Meyster/das pulser in den büsen steckē.

¶ Wie versüchet sie widerumb der Mönch mit dem Creüz/welches sie mit der handt von dammen stieß/vnd wendet sich vmb/sagende/ Ey wie ver suchstu mich/Mein Herz mein Gott ist hie oben.

¶ Darnach gieng sie frölich/als ob sie zu einer Hochzeit

Wendelmüt gebet  
mit freude  
zum Feind



## Von den 8. Gottes Bekennern

zeyt solt gehen/vnd entsetzet sich vñ jr gestalt gar nichts/  
für dem feür. ¶ Mönch. Wölt jr nit stärs oder immer/  
dar bey Gott bleyben? ¶ Wendelmüt. Ja ich fürwar.

¶ Mönch/vñ bey dem heyligen Euangelio. ¶ Wendel  
müt. Ja ich. ¶ Der Mönch sprach / Sehet jr müßt sezt  
ins feür gehē/nün widrufft noch. ¶ Wendelmüt. Ich bin  
wol zufriden/des Herren will müß geschēhē. ¶ Mönch.  
Das ist des Herren will nit/der will Gottes ist eüwer bey  
ligung. ¶ Darnach sagt der Hencker / Mürer / bleybet  
bey Gott vnd laßt eüch von Gott nit ziehen. Wiltler zeyt  
gieng sie allein vnerschrocken dem stül zü/vnnd süget sich  
selbs an den stock/daran man sie verbrennet/vnd sagt al  
so/Sechet der stül auch vest/werde ich auch fallē. ¶ Da  
macht der Hencker die Seyl bereyt / damit er sie würgen  
wolt/Da band er jre kleyder widerumb zü. ¶ Die fraw  
aber thet ab jren Schleyer/vnd süget den stropff an jren  
hals. ¶ Da schrey der Mönch / Wendelmüt / wölt jhr  
auch sterben als ein Christen Mensch? ¶ Wendelmüt  
antwortet / Awijha. ¶ Mönch. Ihr verleügnēt alle  
Kegerey? ¶ Wendelmüt. Jha ich. ¶ Mönch. Halret  
jr eüch nit an die Christenliche Kirch/vnd verleügnēt al  
le jr rthumb? ¶ Wendelmüt. Jha ich. ¶ Mönch. Das  
ist güt/derhalben ist es eüch auch leydt/das jr gejrrēt ha  
ben? ¶ Wendelmüt. Ich hab vormals wol gejrrēt/das  
ist mir leydt/aber diß ist kein jr rthumb/sonder der rechte  
weg/vnd ich bleybe bey Gott.

¶ Als sie das nün geredt hat/da sieng der Hencker an/  
sie zü erwürgen/da sie das fület / schlüg sie jre augen nider  
vnd hüpsch zü/als ob sie in einen schlaff gefallen were. Von  
stund



stund an/ da sie dē  
Geyst auffgegebē  
hatte/vñ erwürgt  
war/ sahe mā an/ vñ  
nichts dz sich regt/  
dan allein die fin-  
ger/ an beydē hān-  
dē/die sie an jrē sey-  
ten/zū vor nich han-  
gē hatt lassen/ Da  
lieff der Prediger  
Mōnch zū brüder  
Jacob/ Claus sin  
von stund an mit  
dem Creüz / von  
dem gerüst/ vñnd

ein seglicher mensch vrtheyle dise Frau/ darnach er die  
sach verstünde. Es wer aber nit güt das Gottes vrtheyl  
nach des menschen vrtheyl solt außgehen.

¶ Also hat die vorgenant frau Wendel mit dis-  
lebē verlassen/ auff den xx. tag Nouem-  
bris in dē Hage. Anno M. D.

XXVII.

M. Georg

Von den H. Gottes Bekennern  
H. Georg / ein Prediger zu  
Hall in Sachsen.

Die History von diesem theuren man / vnd Bekenn-  
ner Euangelischer Wahrheit / ist hievor von S. Martin Luther / im  
Jar M. D. vnd XXVII. zu Wittemberg mit angehen-  
cketer Tröstunge / an die Christen zu Hall / durch den Truck außgan-  
gen / vnd auß dem selbigen hienach in diesen Dritten  
theyl vnserer Historien von den H. Mar-  
tyrern / von wort zu wort ge-  
setzt worden.

Allen lieben Freunden Christi zu Hall /  
Martinus Luther.

**S**rad vnd Frid in Christo Jesu  
vnserm Herren vñ Heylandt / Amen. Ich hab  
mir längst fürgenömen / meine lieben Herren  
vnd freunde / eüwer liebe zuschreiben / eine ver-  
manung vnd trost / wider den vnfall / so eüch der Satan  
zügefügt hat / durch den mordt / welchen er begangen hat  
an dem gücten fromen man / Magister Georgen / vñ eüch  
also eüwers treüwen Predigers vnd Gottes wort berau-  
bet. Es hat mich aber allerley bissher verhindert / sonder-  
lich meine schwachheyt / Vnd wiewol ich noch nit recht be-  
rauß bin / kan ich doch nit länger verziehen. Vnd wann  
wir vns gleich in diesem fall nit trösten wolten / so were es  
doch vnbillich / solchen schandliche verhäterische mordt  
züuerschweigen / vnd also lassen hin gehen / vnd solch blüt  
in die erden verscharren / damit das H. Wort Gottes be-  
zeüget vnd bekant ist.

Frommer  
Christen  
tode sol nit  
verschwi-  
gen werde

Darumb



**D**arum will  
 ich es in Schrift  
 bringen / vnd ihm  
 helfen ruffen vnd  
 schreyen gehn him  
 mel / auff dz / souil  
 an vns ist / solcher  
 morde nimmermehr  
 verschwygen wer-  
 de / biß so lange / dz  
 Gott der Barm-  
 hertzig Vatter / vñ  
 gerechter Richter /  
 solch geschrey erhö-  
 re / wie er des heyl-  
 gen Abels blüt ers-

höret / vnd schaffe recht vnd raache vber den mörder vnd  
 verführer / den alten seynde / der solches hat angericht / vnd  
 gebe / das Magister Georgen blüt / müsse ein Götlicher  
 Samē sein / den er durchs Satans vñ seiner glider hände  
 in die erden gesäyet hat / vñ hundertfeltige frucht bringe /  
 Also das an statt eins ermördeten Georgen / hundert an-  
 dere rechte Prediger auffkömen / die dem Satan tausent  
 mal mehr schadens vñ leydes thün / dan der eynige Wan-  
 gehon hat / vnd weyl er nit einen hat wöllen leyden / noch  
 hören / das er müsse vil / vnd aber vil / leyden / hören vnd se-  
 hen / gleich wie dem Pappst auch geschē ist / durch Johan-  
 nis Duffen blüt / welchen er nicht mochte in einem winckel  
 lassen mücken / vñ muß in nün lassen in aller wele schreyē /

Das blüt  
 frömer  
 Christen  
 würt dem  
 Samen ver-  
 gleicht.

# Von den 5. Gottes Bekennern

bis das im Rom selbst/ vnd schier die welt zu äng worden  
ist/ vnd ist dennoch kein auffhören da/ Amen.

Trost der  
Christe wi  
der die ver  
folgung  
ihrer mit  
brüder.  
Merck.

¶ Luch aber vnd vns/ lieben freündt/ soll das trösten  
vnd zu Friden setzen. Zum ersten das nit wunder ist/ solche  
mörde vnd vnglück geschehen auff erden/ Dann diß leben  
ist nit ein lebē/ sonder ein mördegrübe/ dem Teuffel vnder  
worffen/ wie Christus spricht/ dz er sey ein Fürst der welt/  
vnd Johannis am viij. spricht er/ dz er sey ein mörder von  
» anfang/ vnnnd ein lugner/ wann wir nün auff erden leben  
» wöllten vnnnd müssen/ So müssen wir vns auch des verwe  
» gen/ das wir geste seind/ vnd in solcher herberge ligen/ da  
» der Wirt ein Schalckswirt ist/ vñ sein hauß hat das mal  
» zeychen/ oder schildt vber der thür/ vñ heyst (zum Wörde  
» vnd zur Lugen) dann solch zeychen vnnnd waapen hat im

Der Teufel  
selein mör  
der vñ lug  
ner.

Christus selbs vber seine thür vnd an sein hauß gehende/  
da er spricht/ er sey ein Mörder vnd Lugner/ Ein Mör  
der den leyb zu würgen/ Ein Lugner/ die Seel zu verfüh  
ren/ das ist sein handel vnnnd sein thün/ so helt er hauß/ so  
gehets in diser herberge zu/ da würt nit andersts auß. Vñ  
wer seins gefinds ist/ der muß jm darzu helffen/ wer aber  
sein gast ist/ der muß solches warten vnnnd wagen. Das  
sehen wir auch in aller erfahrungē/ dann er beweyset sich  
redlich/ als ein mörder/ das in der welt souil mörde gesche  
hen/ zu wasser/ zu feldt/ zu hauß/ zu hoffe/ da würt der ero  
stochen/ hie felle diser den halß engwey/ hie ersaufft einer/  
dort verbrennet ein anderer/ disen schlecht eine man zu  
rodt/ disen fressen die Wölffe/ vñ so firt an vnzälliche wey  
se vnd fälle des Todts seind/ welche allzumal des Teuffels  
werck seind/ durch sich selbs/ oder sein gefind. Ohn wa er  
allere

allererst recht würet/vnd Fürsten vnd Könige aneinander hezt/das in aller welt eytel Krieg vñ morder/streyt vñ blüt vergiessen ist/ohn vnderlaß vñnd auffhören/gerad als weren die menschen zū nichts/dann zū morden geboten/vnd köndten sonst nicht sterben/sie müsten sich dann selbst vndereinander erwürgen vñ ermorden/vnd sonderlich morder er die am liebsten/die Christus wort in seinem Gasthoffe wöllen handeln/dann die seind jm nie zuleydē/Sie machen jm seinen Gasthoff verdächtigt/vnd verhasen jm/das er ein Morder vñnd Lugner sey.

¶ Desselbigen gleichen beweyset er auch redlich seine lügen/damit/das in der welt souil irthumb/mißglaube/rotten vñnd Ketzerey seind/an allen enden/welches auch alles seind eytel Teuffels werck. Die Seelen zūuerfüren vñ zūuerdāmen/ohn was seins heymlichen ansechtens ist/damit er einen seglichen insonderheyt in seinem glauben ansicht/mit zweyffel/mit falschem eyngeden/mit falschem Trost/mit falschem schröckē/wie er dan ein Vatter/das ist/ein Meyster vnd tausent Künstler ist/auff Lügen zuerdencken/vñnd fürbilden/das wa Gott mit starck vñ gnädigklich vber vns halt/auch die Außerwölte in irthumb fallē/Eben also thüt er mit eüch auch/setzt zū Dal le/da er sahe/das durch seinen gast/den fromen Man/Er Georgen/seine lügen solten auffgedeckt werden/vñnd die warheyt des H. Euangelij an tag kömen/wußt er d sache mit andersts zū thun. Dan thet wie seine art ist/vñnd erwürget jm als ein morder/auff das seine lügen möchtē/zū Halle/on alle widerred der warheyt/herzschē/vñnd die Seelen im verdānuß behalten.

Der Teuffel ist ein Lugner.

# Von den H. Gottes Bek. nern

Von wem  
M. Geog  
seye erwir  
get wor  
den

**I** So ist das nun/das erste stuck/vnsers Trostes/das wir doch wissen/wer der mörder sey/der vns vnsern liebers brüder/Er Georgen/ermordet hat/wiewol wir nit gewiß wissen könden/wer die Junctherin seind/die es befolhen haben/oder wer die feüste vnd waassen gewesen seind/die es vollbracht haben/Dañ ich höre den Bischoff zu Wenz höchlich rhümen/als vnschuldig/welchs ich auch von herzen wünsche/vnd laß es so sein/vnd weyl ich wol mehr Bischöffe weyß/die wol anderst theten/wa sie für ihren Capitels Tyrannen dörrften/oder köndten. So bin ich warlich auch geneygt/wann ich jha eynerley glauben müste/das ich ehe glauben wolte/die Capitels Tyrannen zu Wenz/hetten solchen Worte vber Er Georgen zügerichtet/dann sie vnlängest wol größern mordt fürgenomen haben/da sie mit irem mörderischen rathschlag/durch dß frome blüt Kayser Karel/ Die Teütschen Fürsten wolten auffeinander hezen/vnd Teütschlandt im mordt vñ blüt erseüffen/auff das sie ihre Nürenbelge vnd Bubenbeüch in Friden vnd lust möchten sicher erhalten. Wer ein gang landt in mordt vñ blüt fürnimpt/vmbzubringen/der acht es freylich gering/ob er einen man ermorde/aber Gott hat den Wörderischen Blütdürstigen Hunden/ihre bosshet dazumal gnädiglich gewehret.

**I** Das seind sie/die Geystlichen heyligen leüt/die mit Messen vnd gebetten die Christenheyt erhalten/vnd darneben dem alten Wörder/irem Gott dem Teüfel/mit vererhaten vnd morden/die ganze welt im sün vñ begir haben zuopffern/ Eben durch dergleichen meüchelmörder/acht ich/sey auch das geschehen/das man vil Priester (wie ich hö

ich höre sagen) im Aheyn heimlich errenckt/vñ darnach  
 todt gefunden hat / Ich lobe noch die Tyrannen/wiewol  
 sie auch dem Teüffel dienen / so durch öffentliche gericht/  
 frey am tag vnserer Brüder abthün/vnd der that bekant  
 seind / Aber die meüchelmörder/haben nit souil redlicher  
 blütstropffen in irem Leyb/dz sie iren gewalt/vnd Wel-  
 liche Oberkeyt dorfften frey brauchen/sondern handeln  
 damit/als die Verhäter vñd Bößwichter. Aber saret  
 für/lieben meüchelmörder/ir gehet auff rechter ban/wie  
 Cain thet / der ermordet seinen brüder auch heimlich / O  
 wie seyn blyb das verschwygen? also würt eüwer mordt/  
 (wer ir auch seyde) den ir an Er Georgen begangē habt/  
 auch heimlich vñ verschwygen bleyben/nyemandt würt  
 eüch kennen/ohn allein welche den Cain jetzt kennen.

Vil Prie-  
 ster heyme-  
 lich er-  
 renckt.

¶ Wolan der Satan hat es gewislich gethon / das  
 Capitel zu Wenz/weyß ich nit gewis/sage ich zu beschul-  
 digen/Aber dz weyß ich wol/weyl sie des Orts/das Regi-  
 ment/gericht vñd schutz haben / vñd sie mehr dann der  
 Bischoff walten / wie inn allen Stiffren / gemeyniglich  
 durch eyde vnd pflicht / die Bischoffe die hände gebunden  
 haben/das sie ihres Capitels so mechtig seind / als der Ro-  
 land seins schwerdts/das sie Bischoffe heysen / vñ seinds  
 nit/Thümbpaffen seind Bischoffe/vñd heysens nicht/  
 thünd sie nicht darzü/das solcher mordt gesucht vñd ge-  
 straffet werde/mit allem freys/so werden sie gewislich / in  
 solchen mordt verwilligen/vnd in die faust lachen/haben  
 sie es anderst nit besolhen/vñ seind zuscheltē/als die straf-  
 sen Keüber vñd strauch Diebe auff ihrer eygnen landt  
 strasse/vnd verbrecher des Keyserlichen Landt fridens/



## Vonden G. Gottes Bekennern

Das sie einen Man lassen ermorden/vnuerhörte vnd vnuerurtheyle/wider alle billichkeyt vnd Keyserliche recht/e/vnd thün nichts darzu.

¶ Zum andern/tröstet vns das in disem morde/das der frome/Er George erwürge ist/in gehorsam seiner Oberkeyt/ Dann da er gefordert ward hinaus von Halle/zuziehen zu seinem Herren/hat er sein lebē gering geacht/wiewol im vil böser anzeygung vnder augen kamen/auff das er im gehorsam erfunden wurde/ Ist damit seinem rechten Herren Jesu Christo nachgefolget/dz man auch mag von ihm sagen/Er ist gehorsam worden bis in den todt. Weyl er dan ist nach dem spruch S. Pauli/Roma. xiiij. Seyde Wellicher Oberkeyt vnderthon/gangen/so ist er gewislich auch in Gottes wort vnd gehorsam gangen/vnd also in dem Herren gestorben/das wir wol mögen von im singen/Seelig ist/der im Herren stirbet. Ihn nie allein ist er gehorsam gewesen/sonder hat auch seinem Herren geliebt/vnd alle treuw mit leyb vnd leben an ihm bewysen/Dann ich höre wunder sagen/wie fest vñ treuwlich er bey dem Bischoff gehalten hab/in der auffrühr/wie er hat mit allen kreffren dem auffrühr gewehret/dz er auch seinem Herren dem Bischoffe/fast lieb vnd werde sey gewesen/Nun würt im das alles also gelonet. Solche leute sollen von Geyslichen stifften ermordet werden/Aber huren vnd büben sollen darfür geehret werden.

¶ Zum dritten/ist er nicht allein im dienst vnd gehorsam Wellicher Oberkeyt ermordet/sonder auch vmb des Euangelij willen/aller meyst/vmb des Artickels willen/das er beyde gestalt des Sacraments/hat gelehrt vñ reychen

chen wollen/ Da wolt ein feür auffgehen/da müste Sa-  
 tan sampt seinen meüchelmördern wehtē/ das nit weyter  
 eynriffe/ Vnd fordern in auß ein frembden Bistumb/ als  
 Magdeburg ist / in ein anders/ als Weng ist/ daer doch  
 nit hingehort/ für gericht/ vñ würgē in darzū auch heymo-  
 lich vnd verhäterlich/ vnder wegen/ Dann also bin ich be-  
 richt/ das er sey/ auß der meüchelmörder anschlag durch  
 Bischöffliche brieffe auß Halle gehn Asschenburg gefor-  
 dert. Als er aber dahin kommen / ist er allein da behalten  
 worden/ vnd sein gesell zū ruck heym geschickt/ vnd hat nit  
 vil mit ihm künden reden / ohn das er gesagt soll haben/  
 Seüch hin/ Ich müß jetzt hie bleybē / vñ villeicht einē Chri-  
 sten machen / Es hat in geahnet/ oder villeicht souil gese-  
 hen vnd gehört bey seinen meüchelmördern/ das er müste  
 behalten/ vnd Christus Martyrer werden. Ober etliche  
 tag/ hat man auch sein Pferd behalten/ vnd ihn auff des  
 Narren Pferd/ der Pastore hieß / gesetzt/ vnd mit einem  
 beyreüter/ als wider heym zuziehen/ abgefertiget. Vnder  
 wegen hat ihn wollen ein Psarher auff ein Dorff vber  
 nacht behalten/ Aber sein beyreüter hat nit gewölt/ Dar-  
 nach hat er wollen einen andern bekanten weg durchs  
 holz reyten/ hat sein beyreüter aber nit gewölt/ auff das  
 er den bestelleren krauchmördern ja nit auß den händen  
 käme / Also haben sie bey zwo meylen von Asschenburg/  
 auff den güten Wan gerant/ vnd in er stoche/ die theüren  
 Heiden vñnd Psaffen Ritter / vñnd haben die Hölliche  
 Fron/ wa sie nit büßen/ verdienen/ welche ihnen auch wer-  
 den würt sampt iren Herren vnd dem Teüfel in der Heli-  
 le. Souil hab ich darvon erfahren.

Vnd

## Von den H. Gottes Bekenñern

Von beyder  
ley gestalt  
im 8. Ab-  
bendmal.

¶ Vnnd weyl so eben diser Artickel von beyder gestalt  
des Sacraments in diser Legende gehandelt würt / Kan  
ich es nicht lassen / Ich müß vns allen zu stercke vnnd zu  
trost / mit vnsern Tyränen etwas daruon reden / vñ doch  
fragen / Warumb sie die leüt vmb solches Artickels willen  
mörden vnd verfolgen / Dañ es jha allzu gewiß vnd offen  
bar ist / Das Vnser Herr Jesus Christus habe beyderley  
Gestalt eyngesetz / Vnnd doch er selbs so hoch vnd theür  
verbotten / Man solle nichts ändern von seinen Worten /  
da er spricht / Matth. v. Wer eines der Kleynsten Gebott  
auflöset / vñ lehret die leüt / der soll der Kleynest im Himel  
reich sein. Vnd der Vatter von Himel selbs / hat mit herz  
licher stin gezeüget / vñ gebotten / Dis ist mein lieber son /  
Den Höret / Vnnd im ij. Psal. Huldet dem Sone / das er  
nit zürne / 2c. Vnd Johan. viij. Wer mich verachtet / der  
verachtet den / der mich gesandt hat / Meine Lehre ist nit  
mein / Sonder des / der mich gesandt hat 2c.

Herr Gott von Himelreich / wann wir gleich Christus  
wort mit allen ehren vnnd forchten annemen / dannoch  
mangelts weit / das wir genügsam darnach thun / dz wol  
S. Peter sagt / Der Gerechte würt kaum selig. Wa wöl  
len dañ die bleiben / so sein wort verachten / vnnd anderen  
nach irem gefallen? Jha wa wölle die hin / die andere da  
rumb ermörden vnd verfolgen / das sie Christus wort nit  
samt Jhn verachten? Es ist greüwlich vnnd schrocklich  
zuhören.

¶ So stehen jha hie die dürren hällen wort im Euang  
gelio / Nemet hin vnd Eßet / das ist mein Leyb / für eüch  
gegeben / Nemet hin vnd Trincket / das ist mein Blut / für  
eüch

euch vergossen/ Das thut zu meiner Gedächtnuß. Lieber mit wem redet hie Christus in diesen Worten? Redet er allein mit den Priestern vnd nicht mit den Leyen? So muß das folgen/das Christus seinen leyb vnnnd blüt allein für die Priester gegeben/ vnd vergossen hat/weyl er spricht/ für euch gegeben/für euch vergossen/Das wörtlin/Lüch/ zeyget Jha an/ wer sie seind / den er das Sacrament gibe vnnnd besücht/ So müssen auch allein die Priester sein gedächtnuß halten/ vnd die andern Christen dörfen sein nit. Jha so kan man auß diesem spruch auch nit habē/ das den andern Christen sey einerley gestalt zugeben/weyl allein die Priester hie werden gemeynet von Christo / vnnnd mögen/ ja vil mehr müssen auch die einerley gestalt nicht empfangen/ Dann sonst kein spruch ist in der Schrift/ der da heisse den Leyen vñ andern Christen eynerley gestalt reychen/ Was kan man doch hie wider sagen? Wer kan so vnverschamt sein/das er solches leügnen möge? Ja wer solt hinfürt mit gutem gewissen mögen eynerley gestalt nemen/ vnd nit ersittern vnd erschrecken für diesen Worten Christi/eine gestalt nachzulassen? Soll mir dann mein Herr Christus nit souil gelten vnnnd sein Vatter/ der mir gebeüt/in zühören/ als alle welt/Bäpste vñ Concilia? Er heyst mich nemen/vñ trincken/so laß ichs anstehē/vñ nem es nit/sond verflüch es vñ verdamē es als Ketzerey/Heyst das Christum hören/wie der Vatter gebeüt vom Himmel?

¶ Vnnnd wann man gleich die Euangelisten köndte auff die Priester allein deütten/das doch nit möglich ist/ So kan man doch für S. Paulus 1. Corinth. am vii. nicht vber/Welcher das Sacrament allen Christen zu Corin-

## Von den G. Gottes Bekennen

eben gibt/vnd strafft sie der vnordnung halben/Vnd sag  
get/das vil krank vnd gestorben seind / des vnwürdigen  
essens vñ trinckens halben in disem Sacrament/Sprichet  
nit/Vil eüwerer Priester seind krank vnd schlaffen/Son  
der also/darumb seind/Vnder Luch vil kranken vnd ge  
storben/2c. Vnd hatt züvor/ Der mensch prüfe sich selbs/  
vñnd also esse er von disem Brot / vnd trincke von disem  
Kelch/Sprichet nit/ Der Priester prüfe sich selbs / sonder  
der Mensch / das ist ein jeglicher vnder eüch/wie der 12.  
braischen spraachē art ist/Dañ er auch die selbige Epistel  
nit allein an die Priester/sondern an alle Christen zu Co  
rinthen schreybt/wie das beweyset der anfang oder vber  
schriff/welcher also laut/ Der gemeyne Gottes zu Corin  
then/den geheyligten in Christo Jesu/Den berüffnen hey  
ligen/sampt allen/die anruffen den namē vnseres Herren  
Jesu Christi/an allen jren vnd vnsern örtern/2c. Die hör  
stu jha nichts von Priestern / sonder alle Christen in ge  
meyn meynt S. Paulus/Darumb müß freylich auch al  
les was er in gemeyn redet/alle in der gemeyne vnd einen  
jeglichen angehen.

¶ Was kan doch hie wider gesagt werden? Wie will  
das gewissen im todt vnd am Jüngsten tag wider dise of  
fenliche Schrift bestehen? Sie sprechen/ Es sey ein ge  
wonheyt/Vñ ein löbliche gewonheyt/gelt gleich souil als  
ein gebott/oder gesetze/2c. Jha da kōmen sie recht wol/tra  
gedu aber hie eine halbe Klüge vernunfft/ oder ein kinde  
von syben jaren/Wann Gottes wort vnd gewonheyt wi  
der einander seind/welches doch billich solle dem andern  
raumen oder weychen: Ob Gott soll der gewonheyt/ oder  
ob

ob gewonheyt soll Gott weyden: Nuy laß hie antwortē/  
 Sie mögen sha nit leügnen/das hie Gottes wort sey/wi/  
 der die gewonheyt/Vnd können jr ding nit höher machē/  
 dann das es ein gewonheyt sey/darzu ein neuwe vnd nit  
 ein alte gewonheyt/die nyemandt weyß/wann oder wa  
 sie ist angangen/als wir hernach hören werden/Aber al/  
 so müssen sie verstümen/vnd doch verstockt bleyben/auff  
 das sie keine entschuldigung haben ires mitwilligen jrr/  
 thumbs/vnd billich verdamet werden/durch ires eygnen  
 gewissens zeügnuß.

¶ Weyl sie aber verstockt auff jrer gewonheyt behar/  
 ren/so laßt vns mit jren eygnen Rechten an jnē handeln/  
 obs helfen wolt/Im Geystlichen Recht. ix. Veritate/leho  
 ren sie selbs vnd müssen selbs lehren also. Wann die war/  
 heyt offenbar würt/soll die gewonheyt weyden. Item/  
 Nyemandt soll der warheyt die gewonheyt fürziehen.  
 Vnd abermal/So semandt die gewonheyt fürhelt/ist zu  
 mercken das der Herr spricht/ Ich bin der weg/die war/  
 heyt vnd das leben/Spricht nit/ Ich bin die gewonheyt/  
 sonder die warheyt/Vñ abermal/Ein gewonheyt/sie sey  
 wie alt sie wölle/wie gemeyn sie wölle/so soll sie doch der  
 warheyt weyden/Vnd abermal/Weyl wir allein Chri/  
 stum hören sollen/ So sollen wir nichts achten/was ein  
 ander weyland hat gerathē zuthun/Sonder was der ge/  
 thon hat/der für allen ist/Christus. Dann man muß nit  
 menschen gewonheyt/sonder Gottes warheyt folgen/Si  
 he/dise sprüch vnd dergleichen vil lehren sie selbs/vnd las/  
 sen sich drauff Doctores im Geystlichen Rechtē machen/  
 Vnd der Bapst bestäriget sie drinnen/Noch wöllen sie es  
 E ij selbs

## Von den G. Gottes Bekennern

selbs nit halten/noch leyden das ander halten / Seind es nit verdampfte Lehrer/die solchs lehren zuhalten/ das sie zugleich verbieten vnnnd wehren zuhalten: Wer kan dem Herren dienen/der im selbs zugleich widerwertig ist/ vnd eynerley zugleich heysst vnd verbeit.

¶ Wie wolt ich sie gern hören antworten / Da stehet Christus vnd sein Apostel Paulus/die setzen vnnnd geben beyder gestalt des Sacraments/darzu dz Geystlich recht verdampft alle gewonheyt / so wider Gottes wort gehen. Vnnnd dise leydige gewonheyt eynerley gestalt hat keinen gewissen vrsprung. Dann nyemandt weys/ wa sie doch herkumpt/wer sie zum ersten hat angefangen/ oder wozu chezeit sie ist auff kommen/Dann in allen Bapsts rechten vnd Concilien findet man nicht einen buchstaben darvon/So sagen auch keine Hystorien darvon/Sie ist heereyn gefallen / gleich wie vil andere stück des Aberglaubens / als / von S. Hanna/ von S. Christoffel / von den Gulden Messen / vnnnd dergleichen greüwel. Vnnnd hat kein Bapst noch kein Römische Kirch darzu gethon / or da Johannes Hus in Böhemer lande das stuck angreiff/ da erregten die Pfaffen vnd Mönch den Bapst wider Johannem Hus/vnd wolten ein gewonheyt vnd recht darrauß machen/auß lauter haß vnd neyd / das sie Johanni Hus nit gönnen mochten / das er solche Gottes ordnung wider auff bringen vnnnd lehren / vnnnd gelehrter gerecht werden / dann sie waren / Seydt der zeit hat sich der hader ober beyder gestalt smier gemehret/vnnnd ist beyder gestalt bey den Böhemen blyben/auch vom Bapst selbst zügelassen/noch müssen wir armē leüt darüber verflucht vnd ermordet werden als die Ketzer,

Vnd

¶ Vnd das noch vil mehr ist/ jr eygen Geystlich recht verbeüt nit allein die gewonheyt / so wider Gottes wort ist / Sondern auch eben in disem stuck stimet es mit Christo vnd mit S. Paulo/bestätigt beyderley gestalt / vnd verdampft eynesley gestalt/auff das man sehe / wie vnfinnig dise Tyrannen seind/die nit allein wider Gottes vnd S. Paulus wort/sondern auch wider ihr eygen wort im Geystlichen recht/wüten/welchs sie doch sonst allzeyt höher dann Gottes wort halten. Nun höre doch zu/De cons. se. dil. ij. Comperimus, Spricht 8 Bapst Gelasius also / Wir erfahren/das etliche/wann sie allein den Heyligen Leichnam entpfahen/so lassen sie den Kelch des heyligen blüts anstehen/Welche weyl sie mit einem aberglauben vmbgehen/ So sollen sie entweder das ganze Sacrament entpfahen / oder vom ganzen Sacrament bleyben / Dann weyl es ein eyniges Sacrament ist / so kan mans nit ohn groß Gottes schmach zertheylt nemen. Ist das nit dürr/häll vnd klar gnüg geredt: Das dis sey ein eyniges Sacrament in beyder gestalt/vnd möge nicht zertheylt werden/ohn grosse Gottes schmach: Nun haben ye die Priester nicht ein ander Sacrament dann wir/Sonder dasselbige eynige/Wie mags dan vnder den Leyen on Gottes schmach zertheylt werden: Warumb glauben vnd halten sie disen spruch nit?

¶ Item/daselbst c. Quid sit, spricht der Bapst Gregorius/Das blüt Christi würt hinfürt nit in die hände der vngleübigen/sondern in den munde der gleübigen gegossen/ Ist das nit auch klar gnüg/das Christus blüt solle in der gleübigen munde gegossen werden: Was heyst der



## Von den G. Gottes Bekennern

gleübigen munde: Heysset es allein der Priester munde:  
Was heysset Christus blüt: Heysset es allein eynerley ge-  
stalt: Sihestu schier/das die alten Päpste vnd die Römi-  
sche Kirch/haben vorzeyten beyder gestalt gegeben vnd  
allen Christen gereycht: vnd also von diser gewonheyt  
nichts gewüßt/sondern Christus ordnung gehalten/ Ob  
sie aber auch wol so from vñ heylig gewesen seind/als wir  
jetzt möchten sein: Ach es ist eytel Büberey vnd des Teuf-  
fels mürtwill mit vns.

¶ Item/daselbs c. A quibusdam, spricht der Papst So-  
ther also/ Etliche lassen dz Sacrament am grünen Don-  
nerstag zunemen anstehen (welches doch desselbigen tags  
soll von allen gleübigen empfangen werden/on welchen  
es verbotten ist/vmb grosser laster willen) wie das bewey-  
set der Kirchen brauch/weyl auch die jhenigen/so da büs-  
sen/desselbigen tags werden versünct/das sie empfahen  
das Sacrament des leybs vnd blüts vnser Herren. Wo-  
restu hie: das auch die sündt so da büssen/haben beyder  
gestalt genomen/Seind aber die Büsser nit auch Leyen/  
oder seinds eytel Priester gewesen:

¶ Item/daselbs c. Si non, spricht S. Hilarius/ Wann  
einer nit so grosse sünde hat/darumb er möcht verbanet  
werden/so soll er sich jha nit sondern von der arznei des  
leybs vnd blüts vnser Herren. Sage mir/ob Hilarius  
hie auch allein von Priestern rede/vnd nit von allen Chri-  
stē in gemein/die des Sacraments arznei bedörffen: Ich  
will hie schweygen der andern Heiligen Väter sprüche/  
als Cyprianus/welcher auch den Kindern beyder gestalt  
gabe/ Item/ Irenens/Tertullianus/Chrysostomus/ &c.  
Dan

Dañ ich jetzt allein dz Geystliche recht will führen/der Bap-  
sten vnnnd Römischen Kirchen / auff welcher ordnung/  
brauch vnd gewonheyt sie selbs so hoch pochen vnd drin-  
gen/vnd haltens doch selbs nit / sonder martern die leüte  
mit ihrer tollen/vngewissen/vngegründten/lesterlichen/  
neüwen gewonheyt / die sie selbst nicht wissen / wa sie her  
kompt/vnd auch bekennen müssen/das sie sey wider Got-  
tes wort/wider Christus eynsagung/wider Paulus lehr/  
wider der alten Bapst vnd Römischen Kirchen brauch/  
wider alle heylige Väter vnd Lehrer/darzu wider ihr ey-  
gen selbs lehr vnd Geystlich recht.

**A**ber wann sie hie also mit gewalt vberwundē wer-  
den/vnd solchem liecht nit mögen widerstreben / so sollen  
sie/wie die Juden/die ohren zūhalten / mit zänen beyssen/  
den Kopffschütteln/schreyen/ vnd sagen/Dannoch wol-  
len wir vnsern Kopff haben/vñ soll vnser gewonheyt bley-  
ben/wann du gleich eytel Schrift vnd recht werest: Wo-  
lan faret auch hin vnnnd lauffe getröst an/ Es ist vmb vns-  
fert willen also geschrybē / auff das vnser glaub gewiß vñ  
starkt bestehe / das wir / so beyderley gestalt lehren vnnnd  
nemen/recht thun vnd Gott gehorsam seind/Christo fol-  
gen/mit Paulo haltē/den Heyligen Vätern gleich stims-  
men/vnd mit der heyligen Römischen Kirchen eins sinnes  
vnnnd brauchs seind/darzu das Geystlich recht auff vnser  
seiten haben/ Ir aber als die verleügnete Christē/Gottes-  
lesterer/abtrünige leüte/nichts habt dem jr folget / dann  
dem irigen Geist des Satans.

**I**ch muß noch einen spruch auß dem Geystlichen  
recht führen/zū bekräftigen nit allein vnser lehr in diesem  
einigen stücke/sondern auch in allen andern / die wir auß

## Von den G. Gottes Bekennen

der W. Schrifft lauter vnd fest gründen / Dis. lxiij. c.  
Quia Sancta, Spricht der Papsst Stephanus also / Die heylige Schrifft sagt / Da der König Jehiskia die Abgötter abbrach / vnd die Altär umbreyß vnd die Haine abhieb / da zerbrach er auch die ährine Schlang / welche Mose hatte gemacht / Vnd das darumb / das die leüt anfangen die Schlangen zü zehren vnd anbetten / welche Gott hatte da zü machen heysen / auff das nit dz volck durch der Schlangen beyssen verdurbe / Also giengs da / das diser zerbrach / welches ihener auß Gottes beselch hatte gemacht / Daher ist der Christlichen Kirchen macht so groß zuachten / das ob gleich etliche vnserer Vorfaren vnd Väter hetten etwas geschafft / das zü der selbigen zeyt vnsträfflich mocht sein / aber hernach in irthumb vnd aberglauben verkeret wurde / so solls die nachkommen on allē verzug / mit aller macht abthün. Hec ille, Wiewol diser spruch durch den Papsst auß eygnē nutz wider den Keyser würt gesetzt / So ist doch kaum ein seyner spruch im ganzen Geystlichen recht verfasst / Vnd ist villeicht dem Papsst durch den W. Geyst eyngegeben / wie Bileam von dem volck Israel das bestezureden / vnd wie Caiphas von Christo das heylige Euangelium auff alle schönest zü weyffagen ward eyn gegeben.

¶ Nun vom Geystlichen recht halt ich nichts / will auch dise sprüche nit darumb eynfüren / das ichs damit bestättige od mich darauff gründe / Seytenmal ich klare Göttliche Schrifft gnüg für mein lehr habe / on welche mich dz Geistlich recht / wenig köndt trösten / Aber sie an dz Geistlich recht / reichlich gnüg lehret vnd tröstet / wie Paulus Rom.

Rom. xv. j. Tim. iij. sagt/sond darumb/dz ich die widerfä  
 cher mit irem eygnen Recht vberzeüge / vnd mit irem eyg  
 nen Schwerdt schlage/vns zur stercke vnnnd trost/ Dann  
 das Geystlich Recht nennen sie selbs mit solchem namen/  
 dz es heysse/ Concordantia discordantiarum, das ist/Vertrag  
 oder vereynigung der widerwertigen sprüch/vnnnd ist sein  
 rechter Titel/ Niemandt hette es besser möchte neñen vñ  
 reüffen/ Dann dasselbe ganze büch nichts anders in sich  
 helet/dann wie vor zeytē in der Christenheyt schier so man  
 cherley weyse sey gewesen/so mancher Bischoff od Kirche  
 oder Concilia/da sich ein Bischoff sonst/ der ander so hat  
 gehalten/der in eüsserlichem wesen/ Vñ ist ein sehr wüster  
 wilder walt gewesen/ mit dem eüsserlichen Regiment/wie  
 S. Augustinus selbs klagt.

Die selbigen wüsten vneynigen weysen vnd stücke/  
 hat der meyster dieses Büchs Gratianus/wöllen zusamen  
 in eine weyse bringen/vnd treget also auff einen hauffen al  
 lerley Bischoff Vätter/Concilien/Sprüch vñ ordnung/  
 vnd laßes ihm saur werden das er sie vergleiche/Dann er  
 nimpt nit die Schrifft/sonder dē Bapst vñ die Römische  
 Kirch zum fürbild vñ form/da soll sichs alles nach richtē  
 vnd schicken/Das will es dann nit thün/da hebt sich dan  
 ein stocken vnd blocken vber die güten sprüche/vnd kan sie  
 doch nyergent zū recht bringen/Weyl dan in solchem wü  
 sten widerwertigen handel sichs müß begeben/das etliche  
 feyne güte sprüch gefallē/der Schrifft ganz gemäß (Dan  
 wa zween widereinander reden vnnnd sich vndereinander  
 straffen/da müß zūweylen einer recht haben) So laßt  
 Gratianus die güten sprüch nit gehen nach der Schrifft/  
 l da

## Von den H. Gottes Beteüern

da sie nach lauten/sonder deüret sie nach dem Bapst/vnd  
folget den ergestten sprüchen / wie die vernunfft pfllegt zu  
thün.

¶ Solcher einer ist diser seyner spruch des Bapsts Gre  
phani/der da stracks daher schleüßt/Was vor zeyten gü  
t gewesen ist/vnd nun böse ist worden/dem glauben schäd  
lich/soll man kurg vmb on verzug vnd mit ganzer macht  
ändern vnd abthün/Vnnd füret so ein feyn Exempel da  
rauff/das lust ist/nemlich den König Jehiskia/der Mo  
sis ährine schlange zerbrach/welche güte war vorzeytē/da  
sie den Juden halff von den feürigen schlangen/Aber nun  
schädlich/weyl sie ein Abgott worden war/ Gleich wie  
Gott auch sein güte gesetz durch Mosen geben/auffhüb  
durch Christum/da die Judē durch desselbigen werck wol  
ten from werden/vnd seine gnade verachten/so doch das  
gesetze gegeben war/Christum vnd sein gnade zupreysen/  
Romana.v. Galat. iij.

¶ Meynstu nit/das man auß disem spruch auch mö  
geschliessen wider alle mißbreüche des Bapstumb: Die  
Wessen mögen vorzeytten güte vnnnd recht gewesen sein/  
Aber nun ein lesterlicher Farnarckte darauff ist worden/  
zuschaden dem glauben/warumb solt man sie nit on ver  
zug abthün/vnnd solche vnser ährine schlangen zerbre  
chen: Kloster leben vnd gelübde möchten vorzeytten güte  
gewesen sein/wie ich oft angezeyget habe/ Aber weyl jetzt  
sonil fahr der vnkeüschbeyt/vnd sonil gelübde gehen/dar  
zu auß irthumb ein leben ist zur seligkēyt fürgenommen/  
wider den glauben Christi/der vns auß gnaden vnnnd nit  
auß vnsern wercken selig macht/Titi. ij. Warumb solt  
man

man nit ohn verzug mit allem fleiß / solches verdammen  
vnd abthün: Kirchen schmuck vnd Geystliche weyse im  
Gottesdienst/ möchte auch gut gewesen sein/ Aber weyles  
nün alles in solchen schandelichē öffentlichen mißbrauch  
vnd Gottes schmaach verkeeret ist/ warumb solt mans  
länger dulden: Also auch/ wann eynerley gestalt des Sa-  
craments gleich gut gewesen were/ vñ ein löbliche gewon-  
heyt/ als noch nye kan gewesen sein/ vñnd wurde nün für  
irthumb vñnd mißbrauch erkandt/ Warumb solt mans  
nit ändern/ So hie der Bapst selbst setzt vñnd lehret man  
soll es thün: Wir den Papisten rede ich also / die billich ih-  
rem eygnen Lehrer solten folgen/ Dann wir habē schrifte  
gnüg/ iha auch die vernunfft vns lehret/ was schädlich ist  
zur seelen seeligkeyt/ vñd ohn sünde mag geändert werde/  
das mans nur frisch vñd getröst ändere vñd abthue/ vñ/  
angesehen Teüffel/ Welt/ sampt allem ihrem anhang.

¶ Dann ohn zweyffel würe der König Jehiskia auch  
gar vil böser rede gelitten haben von den Gottlosen / als  
der Gottesdienst verstore (wie im 8. Kabsaces fürwarff)  
vñ sonderlich / das er die heylige Gottschlange darff zer-  
brechen / dafür er billicher solte erzittert haben sie anzu-  
greiffen/ als ein Götlich werck/ durch Gottes wort besol-  
hen / vñ bisher von souil Königen vñd Propheten erhal-  
ten/ die wol heyliger vñd erleüchter seind gewesen / dan er  
mocht sein / Wie dann die Gottlosen ihre wort wissen zu  
werzen/ zu scherpfen vñ zu schleiffen/ vñd schreyen/ Meyn-  
stu das alle vorigen lehrer nichts gewüßt haben: Wüssen  
die alle vnser Väter Narren sein: Bistu allein des Heyl-  
gen Geysts nestley blybē / auff dise letzte zeit: Solt Gott

# Von den H. Gottes Bekennern

sonil Jar lang sein Volck haben irren lassen/ Vnd derglei-  
chen vil/wie setzt vnser Gottlosen auch thün/wann sie wi-  
der die warheyt vnd Schrifft nichts mehr können/ so sa-  
gen sie/ Ich will bey dem alten glauben bleyben/ Soltestu  
allein sehen/das sonst nyemande gesehen hat? Aber Jhesu  
kia frage nichts darnach/sür gleichwol sür/vñ ließ schlä-  
gen Gözger bleyben wer da wolt/Also thün wir auch/Wer  
den Bapst will züm Gözen haben/der bleyb ein Bapsts  
gözger vnd Bapst kezer/wir wöllen mit Jhesu kia abthün  
alles was verkeret ist worden/ Es sey vor zeyten ein ähri-  
ne od guldene schlange gewesen/ Christus soll allein bley-  
ben in ewigkheyte gelobt vnd gebenedeyet/ Amen.

¶ Das sey darnon gnüg/wir wöllē wider zū vns selbs  
vnd Magister Georgen kōmen/ Vnd vns vber des noch  
mehr trōsten vnd freüwen/das Christus hat ihn würdig  
gemacht vmb seins worts vnd warheyt willen zusterben  
Dann ohn zweyffel/ wa jm wurde der wechsel wunsch ge-  
geben/das er möcht wider lebendig werdē/ oder lebendig  
blyben sein/wurde ers sürwar nit thün/vnd vns vil mehr  
darumb straffen vnd sagen/wa jr mich lieb hetten/so wur-  
det jr eüch freylich freüwen/das ich mit der weyse biñ hin  
durch kōmen vom todt züm leben/Dann was ist in disem  
leben sichers/heüt stehet einer/morgē ligt er/ heüt glaubt  
einer recht/morgen sellt er in irthumb/heüt hofft einer/  
morgen verzweyffelt einer/Wie gar vil seyner leüte fallen  
jetzt täglich in 8 Schwermer irthumb? Wiewil werden jr  
noch fallen durch dieselbigen vnd andere künfftige rottē?  
Wie stehen wir (wie S. Cyprianus sagt) täglich vnd ohn  
vnderlaß/vnder den spiessen vñ messern der Teüfel/ die  
tag

M. Georg  
begert nym-  
mer mehr  
hie zeylich  
zuleben.

tag vnd nacht / wie die grünnen Löwen vmbher gehen /  
 stehen vnd hauwen vnder vns / wie in einen walde / das  
 man die äyde sibet obê her pligen / wie der Psalter klaget /  
 vnd wollen schlecht Gottes hauff / das ist / die seinen / zübo  
 den vnd zü äschen haben.

¶ Solte nun Magister George lebendig bleyben / vnd  
 villeicht auch in einen irthumb gerathen / vnd vom Teü Besser ist  
 sel erstochen wordē sein / wiewil kläglicher were vns dassel leylich /  
 big zühören gewesen: Nun es aber ja muß erstochen sein / dan Geyst  
 Ists vil weger / das menschliche waaffen seinen leyb zeyt lich ersto  
 lich / dann das Teüffliche waaffen seine Seel sampt dem chen wordē  
 leyb ewiglich erstochen hetten / Dann die fahr seind war  
 lich groß vnd mancherley / der weg ist schlüpfferig / die sein  
 de mechtig vnd listig / So seind wir schwach vnd gebräch  
 lich / vñ tragen vnsern schwaz in jrdischen gefessen / wie S.  
 Paulus sagt / vnd seind fürwar grausamme vnd schröckli  
 che zeytung / solcher rotten vnd geyster halben / Nun aber  
 ist solcher fahr keine mehr bey ihm / Er ist dem Teüffel ent  
 kōmen / wiewol er den leyb hat müssen darüber zü zoll ge  
 ben vnd dem Teüffel lassen / der ihm nun eine galreden da  
 rauff mache / lusts ihñ / vnd fettige seinen haß damit / vnd  
 büsse sein lust gar wol. Er kan ihm nichts mehr anhaben.

¶ Vnd wann wir die rechten augen auffsehün / die vns  
 Christus vnser Herr erleuchtet / vñ sehen seine mörder da  
 mit an / so werden wir vil mehr bewegt ihnen zü danken /  
 dann vber sie zü zürnen / Dann wiewol die ellenden leüte  
 haben gemeynt / sie seyen des Magister Georgen mechtig /  
 zü der stunde mit ihm zuschaffen ihren gefallen / So ist  
 doch im grundt der warheyt vmbgekeret / vnd seind eben



## Von den H. Gottes Bekennern

Im der selbigen stund sein aller nutzlichen diener gewesen/ohn ihren danck/wissen vnd willen / Dann sie seinds/ die durch Gottes gnaden vnd Väterliche ordnung/vnd durchs Teuffels wütigen has haben dem gute Man / von aller solcher obgesagter fahr geholffen / Vnd wiewol ihre bossheyt/vnd des Teuffels mitwill htemit noch hierinne nit gelobe würt / So muß man doch die vberschwäckliche gnade vnd gute des Vatters aller barmherzigkeyt/in ihrer bossheyt sehen/hören vnd preysen/das er des Teuffels bossheyt vnd seiner glider vntugent kan so wunderbarlich brauchen / seinen außersöldten zum aller besten/vnd zu nachtheyl des Teuffels selbs / sampt seinen glidern.

¶ Darumb ich auch selbs/wan ich die schröckliche fahr vnserer zeyt ansehe/vn gedencke / das Magister George/wa er hett sollen leben / möchte auch in irthumb gefallen sein / so dancke ich fürwar von hertzen grunde/auffs erst vnserm aller herzliebste Vatter im himel / darnach auch den mördern/als waaffen/die zu solchem werck gebraucht seind/vnd singe von hertzen den schönen eröstliche spruch Sap.iiij. Der Gott gefiel / vn im lieb war/ ist hinweg genommen/da er vnder den Gottlosen lebt/ Er ist darumb heraus gerissen/das vnfall nit veränderte sein verstandt/oder list sein Seele versüret / Dann das hässige vbel verfinstert das gute/vnd die vnruwige lust versüret auch die vnschuldige/ Er ist in der kürze vollkomen worden/vn hat damit vil Jare außgericht / Dann sein Seel gefiel Gott/ Darumb eylete er in auß der vngerechtigkeyt zusüret / Aber die leüte die es sehen/merckens nicht / bedenkens auch nit/das Gottes gnade vn barmherzigkeyt bey seinen hey  
liegen

ligen sey/vnd sein auge auff seine Außerwölten sehe / Dañ sie sehen das ende des frommen/Aber sie mercken nit/was Gott vber jnen denckt/vnd warumb ihm Gott sein leben fürzt/Sie sehen/vnnd achten sein nicht / Aber Gott der Herr spottet jr.

¶ Widerumb aber istts ein schröcklich ding wider die Gottlosen/wann Gott verhenget/das seine lieben heyligen also schandlich vmbkōmen vñ hinweg genōmen werden/Dann es ist ein gewiß zeychen / das ein groß vnglück vorhanden ist/das vber die welt gehen soll/ Auß welchem Gott die seinen zūnor herauß reysset / das sie nit drinner ergriffen / villeicht auch mit den Gottlosen möchten fallen vnd verloren werden / Gleich als geschach Gene. vij. Da er Lot auß Sodoma führt/folget bald drauff/das alle fünf stätte mit schwefel vnd feür versenckt wurden/Vñ da er die welt durch die sündflut wolt verderben/zoch er Noe selb acht durch die Archen herauß/Vñ da er Jerusalem durch die Chaldeer verstorren wolt / müste der fromme König Josias zūnor mit friden begrabē werden / Vñ so für an hat er allwege die seinen zūnor auß dem Gottlosen hauffen gerissen/vñ darnach lassen gehen seinen zorn vber die Gottlosen mit aller macht. Weylnūn setze auch in Teütschē Landen vil der fromen Christen werden hinweg genommen/vnnd schandlich vmbbracht/haben wir nichts gewissers für vns / dañ das grosser jamer vorhanden ist / vber Teütschlandt / auß welchem er zūnor die seinen also hinweg holet/das sie nicht auch mit den Gottlosen verderben/Vnd zwar heben solchen jamer/die vortrennen mit gewalt an/vñ zertreñen die hertze von einander/

## Von den H. Gottes Bekennern

der/Darnach würt folgen auch die leypliche vneynigkēyt vnd krieg/auff das erfüllet werde/was der Satan durch den Münzer zum vorspiel vnd vorlauff anfang.

¶ Aber also wenig sie glauben/das es Gottes heyligen seind/die also hinweg genōmen werdē/so wenig glauben sie auch/das solch groß vnglück vorhandē sey/sonder erōsten sich/vñ wie S. Paulus schreybt/halten sie/es soll aller erst nūn gūt werden/vnnd sagen/Pax & securitas, Es hat nit not/Es ist für vber/wir werden gūte tage haben/wann sie nur der heyligen Gottes loß werden/Gleich wie auch wir solches nit wūsten noch mercken kōndten/wā vns Christus nit seine augen gebe/vnnd also erleūchtet/das wir sehē/wie er die seinen mit gnaden holet durch der Gottlosen wūten. Aber Isaiā sages gar klärlich vnd dūre heraus lviij. Die gerechten kōmen vmb/vnd nyemande gehets zū hertzen/ Die heyligen werden hinweg geholet/vnnd nyemande mercke dar auff/dann die gerechten werden für dem vnglück hinweg genōmen/1c. Vnnd S. Petrus. j. Petri. iij. Das gericht saher setze an am hauß Gottes/So es aber zū erst an vns anfahet/was wills werden mit denen die dem Euangelio nit glauben? Dise sprüche zeygen sha klärlich/das groß vnglück vber die Gottlosen für der thür sey/wann die fromen zū vor werden hinweg geholet/Aber vnser Junckherin meynen nit anders/dā es seind Ketzer vnnd verdampfte leūte/die also hinsaren/vñ glauben nit/dz sie Gott ansehe/gleich wie droben auch Sapient. iij. gesage ist/ Darumb kōnnen sie dem vnfall nit enterrinnen/dā sie büssen nit/sondern verstocken/vñ achten/sie thūn ein Gottes dienst dran/das ist grēwlich vnd erschrōcklich.

¶ Derhalben/wa solche geschicht vñ selle vns fürkom  
 me (so wir Christē heysen vñ sein wöllen) will vns vil mehr  
 gepüren/das wir vns freüwen/vnd Gott loben vnd dan  
 cken/umb seine gnade/das er vnser brüder so wunderbar  
 lich vnd barmherziglich holet/dan dz wir darüber soltē  
 zürnen vnd vngedultig sein/Widerumb für die tyrannen  
 vnd wüterichen bitten/vñ vns jr jamern lassen/wie Chri  
 stus vns lehret Matth. vj. Bittet für die so eüch schenden  
 vnd verfolgen/segnet die so eüch verfluchen/Thut wol des  
 nen so eüch hassen/so werdet jr Kinder sein eüwers himeli  
 schen Vatters/welcher gütig ist vber die bösen vnd vn  
 dankbaren/Also hat er auch gethon vnd mit der that sei  
 ne lehre beweyset/da er am Creüz für vns vnd alle seine  
 Creüziger bettet/Vatter vergib jnen/dann sie wissen nit  
 was sie thün. Darzū zwingt auch das Vatter vnser/da  
 wir bitten/Vergib vns vnser schuldt/gleich wie auch wir  
 vergeben vnsern schuldigern. Was were das für ein verge  
 bung der schulde/so wir allein vnsern freünden vnd gütten  
 gesellen vergeben? Thün doch solchs auch die Heyden vñ  
 Sünder/jha auch die Mörder vnd allerley böben vnder  
 einander: Aber den feyn den schuld vergeben/vnd für sie  
 bitten/vnd darzū wol thün/das ist eine rechte Christi  
 che tugent/so es anders auch recht von hertze gehet/Sol  
 ches vermag die welt oder fleysch vnd blüt nit zuthün.

¶ Demnach bitte auch ich/vnd vermane eüch lieben  
 Hertzē vñ freünde/wöllet dise verdrißlich sach/darin eüch  
 billich wehe vnd leyde geschicht/dem heymstellen vnd  
 lassen/der da recht richtet/wie S. Petrus lehret/dz Chri  
 stus gethon hat/Vnd eüch jha behüten/das jr nyemande

# Von den H. Gottes Beküern

Wider  
die Verfol-  
ger Göt-  
tlich's worts  
soll man nit  
zürnen.

darumb seynd seyet / haß tragt / oder vbel nachredet vnd  
flücht / oder raache wünscht / Vnbillich thäten ihr / so jr so  
hartherzig weret / vnnnd solchen morder eüch nit bewegen  
liessen / oder so jr dreyn bewilligt / vñ nit mit ganzem her-  
zen verdampfen / Aber also vnbillich thäten jr / so ihr den  
Wörtern flücheten / raache wünschet oder seynd werdet /  
vnd nicht vil mehr für sie bettet / Dann daher gehöret der  
spruch Psalm. xviii. von S. Petrus eyngesüret / Bewa-  
re dein zung für bösem / vñ deine lippen / das sie nit betrug  
reden / Weyche vom bösen vnd thü güts / Süch fride vnd  
sage ihm nach / Angesehen das dise meüchelmörder nye-  
mandt grösser leydt vnd vnglück zügericht haben / dann  
inen selbs / wa sie nicht büssen. Widerumb nyemandt gröf-  
fern dienst gethon haben / dann Er Georgen / vnd vns al-  
len / Vns ist daran gnüg / das wir rechte güte sache habē /  
die Gott gefallen / vnd haben disen trost / Matth. v. Seel-  
lig seind die verfolgung leyden vmb gerechtigkeit willē /  
Straffen vnd scheelen sollen vnnnd wöllen wir solche vn-  
that / vnnnd wider den höllischen Satan vnnnd sein Reich  
bitten vmb raache / das Christus Reich gemehret werde /  
Aber der menschen wöllē wir vns erbarmē vnd für sie bit-  
ten / das inen Gott gnade gebe / iren morder vnnnd bosheit  
zū büssen / so lang hoffnung da ist / das sie sich erkennen vñ  
bessern mögen / Dann vns nichts geholffen ist mit ihrem  
verdammnis. Aber grosse freüde werden wir haben / wa sie  
durch vnser gebett vnd wolthün / seelig werden.

¶ Solche vermanung / wolt jetzt eüwer liebe für güte  
annemmen / wie ichs meyne / Christus aber würt on zwey-  
fel eüch in eüwerem hertzen wol weyter lehren vnd rathen  
durch

durch seinen heyligen Geyst/wie jr eüch hierin vnd allent  
halben halten sollet/Es will vnd kan doch nicht anders  
sein/dann wie geschryben stehet Acto. viij. Durch vil vn-  
glücks müssen wir ins himelreich Kommen/Es will sich nit  
leyden/Das vnser haupt Christus am creüz stirbt/vnnd  
dornen Kronen tregt/Vnnd wir solten mit eytel lust vnnd  
freüden on alles leyden seelig werden/Soll es aber ja ge-  
litten sein/so last es das sein / das vns Gott züfüget/  
vnd nicht das wir selbs erwölen/dann er weys am besten  
welches vns dienet vñ nutz ist. Vnser wöllen raugt nichts  
vnd ist kein nutz. Christus vnser Herr vnnd

Heylandt sey bey eüch mit allen  
gnaden/Amen. Vñ bit-  
tet für vns/vñ son-  
lich auch für  
mich.

# Von den H. Gottes Bekennern

amlla  
enon  
um  
amlla  
enon  
um  
amlla  
enon  
um

Georg Schärer von  
Salueld.

¶ Die Hystory von diesem frommen H. Martyrer/wie  
er nemlich vmb Christlicher war heyt willen/zü Karstar (welches ligt im  
Beyerlandt auff r. meyl wegs hinder Salzburg) ist enthaupret worden/  
Ist im vergangnen M. D. LIII. Jar durch Herren Marchiam  
Flacciu Illyreiu mit einer schönē Vorred andie Verfolgte Christē im Bi-  
stumb Salzburg vnd Bremen/im Truck offentlichen auß-  
gangen/ vaud hienach in disen vnsern dritten  
Theyl der Martyrer von wort zü  
wort gesetzt worden.

## Vorred.

**W**instige liebe Herren vnd brü-  
der in Christo/Nach dem wir allzumal ein  
Leyb in Christo vnserm Haupt/vnd einer  
des andern glied seind / hab ich nit ohn son-  
derliche betrübnuß vnnnd hertzenleyde können hören/die  
neüwe Verfolgung / so jetzt widerumb von den Hohem  
Priestern/Annas vnd Caiphas/vnnnd Saduceern / Das  
ist/von dem tümen Saltz zü Salzburg/wider eüch ist er-  
weckt worden. Darumb hab ichs auch nit können vnder-  
lassen/eüch in diesem fall zutrösten vnd züermanen/ das jr  
bey vnd in der erkanten warheyt beständiglich bleybet/  
vnd bis an eüwer ende verharret.

¶ Das ist aber vnser vnnnd aller rechten Christen für-  
nembsker trost / dz wir in vnserer Religion oder glauben  
nit menschlichen sabeln (wie Petrus spricht) seind gefol-  
get/ als nemlich/wie Franciscus fünff wunden Christi ha-  
be be-



bebekömen / oder  
wiejn Gott Chri  
sto vergleicht / vñ  
zü einem grossen  
Seligmacher ge  
setzt / oder wie die  
Wes vil Seelen  
aus dem Fegefeur  
habe erlöset / oder  
noch erlöse / vñnd  
dergleichen Nar  
rentädung / nach  
welchē sich die Pa  
pisten zü ihrem ewi  
gen verderbnuß  
richten / Sonder

Vnser Keli  
gion gehet  
nit mit  
mēschliche  
sāhlen / oder  
narrentā  
ding vmb.

folgen Christo vnserm Herren selbst / von welchē der Him  
lische Vatter vom Himmel züm menschlichen geschlecht ge  
schrien vnd geruffen hat / Dis ist mein lieber Sün / an wel  
chem ich einen wolgefallen habe / Den solt ihr hören.  
Wir folgen auch der H. Schrifft / den lieben Propheten  
vnd Aposteln. Darnon David vnd Petrus bezeugen / als  
so sagende / das sie (die H. Schrifft) allein ein rechts vñnd  
gewisses liecht sey / dem wir in diser finsternuß der welt si  
cherlich können vnd sollen folgen.

¶ Vñ ob wol der Antichrist sampt seinen gliedern den  
Bischöffen / Pfaffen vnd Mönchen / liegen vnd lestern / dz  
vnser Religion falsche vnd neüwe sey / vñnd ire dargegen  
sey die rechte / alte / ware / vnd Catholische / etc. So wissen  
m ij wirs

Vnser Keli  
gion ist nit  
neüw / oder  
falsch.



## Von den H. Gottes Bekennern

wirs doch/Gott lob/vil anders/ Jha auch die Widersä-  
cher der Warheyt wissens selbst vberaus sehr wol/ Aber  
nichts desto weniger lestern sie gleichwol die erkante war-  
heyt wider ir eygen gewissen.

Unser Lehr  
von der  
Justifica-  
tion.

¶ Dann lieber Gott/wer ist doch so stock blindt/ das  
er nit dise offentliche warheyt köndte sehen: Der fürnemb-  
ste streyt zwischen den Papisten vnd vns ist/ von dem we-  
ge der seligkeyt/wadurch wir doch für Gott gerecht vnd  
seelig werden/Nun weysen wir nach der heyligē Schrifft  
mit finger/mundt vnd hertzen allein auff Christum/ das  
eynige Lamb Gottes/ der allein die Sünde der gangen  
Welt tregt/ Sagen darneben auch/ Er sey allein der rech-  
te weg vnd thür zum Himmelrych/ vnd nyemandt habe  
ihm geholffen/ Esai. lviij. Wir glauben vñ bekenen auch/  
das alle Propheten vnd Aposteln bezeügen/das kein an-  
der mensch/Jha auch kein ander name sey/weder im Him-  
mel noch auff Erden/dardurch wir können seelig werde/  
dann allein durch das obgemelte Lamb Gottes/ Act. iij.  
vnd v. Zu dem sagen wir auch mit der H. Schrifft/ Das  
wir allein durch einen rechten glauben Christum ergreif-  
fen/vnd das gleich wie die/ So von den feürigen schlän-  
gen gebissen oder vergiffet warē / allein durch das sehen  
der auffgehenecken Schlangen geheylet worden/ also  
werden wir auch allein durch den waren glauben an Chri-  
stum gerecht vnd seelig. Ist nun das nit der ware/ rechte/  
vnd eynige weg zur seligkeyt?

¶ Die Papisten aber/hilff lieber Gott/ wie mancher  
ley wege zur seligkeyt haben sie gehabt/vnd erdacht/ als  
da

vnd Martyrern/der iij. theyl. cxi

da seind / Vigilien / Mess / Ablass / Wallfarten / Brüder /  
 schafft / die vberige gute wercke der Nonnen vnnnd Wön-  
 chen / die Rappē / das Weyhewasser / die verdienst Sanct  
 Francisci vnd Dominici / vnd vnzählig vil andere / &c.

Der Papi-  
 sten glaub  
 von der Ju-  
 stification.

¶ Von dem Nitler glauben vnd lehren wir also / das  
 nur ein eyniger Nitler sey zwischen Gott vnd den Men-  
 schen / als nemlich Jesus Christus / i. Tim. ij. Aber die Pa-  
 pisten haben dargegē vast vnzähliche vil Nitler gemacht /  
 deren etliche (nach dem sprüchwort) in der Hellen ligē / et-  
 liche aber auch noch nye nit geboren seind. Dann Hiero-  
 nymus bezeüget / das etliche Heyligen in den Legenden  
 seind beschryben / So nye nit auff diser Welt habē gelebt.

Vñ rechten  
 Nitler.

Merck.

¶ Von dem Abendmal des Herren glauben vnd leh-  
 ren wir / das Christus darvon nichts anders habe befol-  
 hen / dann seinen Leyb vnnnd Blüt zū seinem gedächtniß  
 zuentpfahen / vñ das derhalben ein vberteüflische vermes-  
 senheyt sey / darauff ein opffer zudichten / vnd das solches  
 war sey / bezeügens nit allein die drey Euangelisten in be-  
 schreybung solchs Abendmals / Sonder der heylig Paul-  
 us bekrefftiget auch. i. Corin. xj. Da er auffß deütlichste  
 vnd nach der länge vom Abendmal des Herren handelt /  
 vnd doch nit mit einem eynigen büchstabē der Mess oder  
 opffer gedenckt.

Vom S. A-  
 bendmal.

¶ Es ist auch vnleüghar / das die erste Kirche von der  
 Papiistischen Mess gar nichts gewüßt hat. Dan die Papi-  
 stische Scribentē / als Amalarinus / Platina / Polydorus /  
 vnd andere bekennen selbst / das / wann Petrus das Hey-  
 lige ampt hat begangen / er nichts mehr / dann das Vat-  
 ter vnser / vnnnd die wort des Abendmals / das ist mein  
 Leyb /

## Von den H. Gottes Bekeñern

Leyb/2c. gesprochen hat/ſha es bezeügen sehr vil alte Pa-  
pistische Scribentē/da sie nach einander erzölē/wer dises  
oder ihenes stuck von der Mess erdichtet/das vast inn die  
hundert Jar nach Christo nichts bey dem Heyligē ampt  
sey gewesen/dann allein die wort des Abendmals/vnnd  
das Vatter vnser/die ander stuck aber der Mess weren al-  
le hernäher erfunden / vnder welche etliche wol sechs hun-  
dert Jar nach Christo/2c. Darauß ist ſha klar genüg/das  
die Apostel vnnd die erste Kirche nichts anders auß dem  
Abendmal des Herren/dann allein die Communion/ge-  
macht haben/vnnd in keinem weg solches geopffert/ oder  
gesagt/ Ich opffere dir mein Himelischer Vatter für die  
lebendigen vnnd die todten/ vnd für die Sünde der gan-  
zē Welt/2c. Wie der Gottlose Papistische Canon greüw-  
lich leßert/ vnd das leyden Christi schmähert.

¶ Mess ist  
kein opffer.

¶ Sagen derhalben/lehren/vnd glaubens auch / das  
Christus nur mit einem opffer seines leydens reichlich/ſa  
sehr vberschwencklich Gott für der ganzen Welt Sünde  
versünet/vnd alle Sünde der Welt hinweg genommen vnd  
vertilget habe. Die Papisten aber vergessen dargegen  
des rechten opffers Christi/vnd opffern alle tag vnzählich  
mal/Damit sie klärlich bezeügen/das Christus nit gnüg-  
sam noch vollkōmlich geopffert habe. Dann wa verge-  
bung den Sünde ist (wie Paulus zūn Hebreern spricht)  
da ist kein opffer mehr für die Sünd nötig. Weyl aber die  
Papisten on vnderlaß opffern für die Sünd/so bezeügen  
sie damit beyde für Gott vnd der ganzen Welt/das Chri-  
stus nicht vollkōmlich vergebung der Sünden durch sein  
opffer erlangt habe/wie Paulus solchs stuck im anfang  
des

vnd Martyrern/der iij. theyl. cxli

des Capitels klar bezeüget/Wie köndte man aber schandtlicher das blüt Christi verachten vnd mit füßen treten/dann eben auff dise Papistische weyse?

¶ Von der Communion lehren vnd glauben wir/das Christus habe befolhen vnder zweyer vnder schidner gestalt des Brots vnd Weins/seinen Leyb vnd Blüt zunies<sup>von beyder ley gestalt.</sup>sen/wie solches auß den Euangelisten vnd Paulo klar ist/Ite/dz solches die erste Kirche sehr lange/nemlich länger dan tausent Jar gebraucht habe/Es bekennet auch das Costēzer Conciliū solchs beydes offentlich/nemlich/dz es Christus vnder zweyerley vnder schidner gestalt habe befolhen/vnnd die erste Kirche habe es auch also gebraucht.

¶ Weyl aber den Papisten an dem nicht gnüg ist/das Gott etwas gebotten/oder verbotten/vnd das solchs die erste Kirch gebraucht/So nicht auch jr Bapst sein Mein oder Jha darzü sagt/Dann er ist beyde vber Gott vnnd vber die Kirchen/So ist hierauff zu wissen/dz auch zween Bapste Julius vnd Gelasius selbst schreyben/de conf. dist. ij. Das Christus nit vnder eynerley gestalt/Sondern vnder zweyen vnder schidnen hab die Communion befolhē/vnd das es ein greüwlicher Gottes diebstal sey/allein den Leyb entpfahen/vn sich des Kelchs enthalte/Darumb befolhen sie auch solche leüte zu verbannen.

¶ Jetzt aber dichten vnd süchen die Antichristische Beschöffe etliche vil ursache/warumb sie in disem stuck weder Christo noch der ersten Kirchen gehorsamen/Jha zwingen noch darzü/Gott sey es geklaget/die arme Christen/mit feür vnd schwerdt/vnd allerleyen plagen/das sie wi-

## Von den 5. Gottes Bekennern

der jr gewissen/wider Christi befelch/vnd wider der ersten Kirchen Christlichen gebrauch/das Sacrament nur vnder einer gestalt müssen entpfahen. Ist aber das nicht ein greüwlicher Teüßlicher fräuel vnnnd vnfinnigkete/vrsach dichten/warumb du Gott deinem Allmechtigen Schöpffer nit soltest gehorsam sein/vnd auch andere dar zu mit feür vnd schwerde zwingen?

¶ Dañ das ist ye gewislich war/das/wer den Leyb vn blüt Christi wider sein befelch entpfahet/der entpfahet es auch vnwürdig/Wer es aber vnwürdig entpfahet/der is set vnd trincket daran sein eygnen todt. Hier auß nim ab/Lieber Christ/ob solche Bischöffe nit leyphastig vom bö sen geyst seind besessen/vnd von ihm geregirt/rc.

¶ Von den fünff Papistischen Sacramenten/vber die Tauff vnd Adendumal des Herzen/glauben vnnnd lehren wir/das Christus keine von den selbigen/als ein Sacrament habe eyngesetzt/welches auß der heyligen Schrifft klar. Xabanus Maurus/welcher für syben hundert Jarre ein Erzbischoff zu Metz gewesen/setzt in sua Institutione Clericorum,nur drey Sacrament/als die Tauff/das Abendmal/vnd noch eins/da er doch fleysigklich von der ganzen Kirchen ordnung handelt.

Von der

Dreÿbeycht.

¶ Von der Drenbeycht beweyset Erasmus nach der länge auß den alten Scribenten Contra Leum, das es nit Christi ordnung/Sonder menschen satzung sey. Desgleichen spricht auch Panormitanus super Cap. Omnis utriusque xus, Item/Glossa Gratiani de pœnitentia dist. v.

¶ Bonaventura vnd Alexander (welche Scribenten bey den Papisten mehr dann Catholisch sein) schreyben/  
das

das weder Christus noch die Apostel die Firmung haben Von der Firmung.  
eyngesetzt.

¶ Derwegen kan man also die Papistische Sacrament mit allein auß der Heyligen Schrift / Sonder auch auß iren eygnen Scribenten umbstossen vnd widerlegen / Dann das die neuwe Papisten in ihren Agenden das geweyhete Saltz / vnd andere bezauberte ding Sacrament nennen / Können sie auff dise weyse nicht allein syben / Sondern auch bald in einer eyle syben hundert Sacrament zimern / außzaubern / oder aufrichten.

¶ Von dem Primat / oder Tyranny des Antichrists Vom Primat des Antichrists.  
glauben vnd bekennen wir / das Christus mehr mal / dann an einem ort / hab verbotten zu herrschen vber die Kirch / vnder anderen auch in seinem letzten Abendmal / Luce xxiij. Item / das Petrus auch solch herrschē den Priestern verbiete / Das Paulus Petrum mit nichten in seinen Episteln für seinen Oberherzen will erkennen / Item / das der Papsst Pius Secundus spricht / Epist. cccj. das die Christen biß zu dem Nicoenischē Concilio / nemlich cccxl. Jar nach Christi geburt ires gefallens gelebt / vnd nit vil nach der Römischen Kirchen haben gefragt. Item / Hieronymus in Epistola ad Euagrium, bezeügt auch desgleichē / das nemlich alle Bischöffe gleiches gewalts seind. Item / das zur zeyt Augustini in dem sechsten Africanischen Concilio / darbey Augustinus auch persönlich gewesen / drey Papssten nach einander fünff ganzer Jar auffß hefftigste / auch mit verfelschung des Nicoenischen Concilij / die Jurisdiction / oder Herrschafft vber die Africanische vnd andere Außländische Kirchen haben gefordert. Aber sie  
n ij seind

# Von den 5. Gottes Bekennen

seind endlich schal bestanden/vnd vbel abgeweyset worden/Item/das die Griechische Kirche dem Bapst nye nie hab solche Herrschafft/deren er sich fälschlich annisset/wöllen gestatten oder zugeben/Endlich sagen wir auch das Gregorius Primus selbst auff's heftigste darüber  
,, habe gestritten vnnnd geschryben/das/wann ein Bischoff  
,, sich werde vber alle andere erheben/vnd ein Bischoff vber  
,, alle Bischöffe sein wöllen/der werde gleich thün/wie Lucifer/  
,, der sich vber alle Engel hat wöllen erheben/sha er  
,, werde ein gewisser Vorleüffer sein des Antichrists.

Von der  
Priester  
Ehe.

¶ Von der Priester Ehe glauben vnd lehren wir/das gleich wie die Ehe ein heylige Götliche ordnung ist/also sey sie auch beyde in dem alten vnnnd neüwen Testament den Priestern zugelassen/j. Timot. iij. Tit. j. Sagen auch weyter/das die Hystorici bezeüge/dz die Priester ehe auch in Engellandt vnd Teütschlandt/mehr dan tausent Jar nach Christo sey gebräuchlich gewesen/Ja dz sie noch heüti ges tags in der Griechische Kirche im vollen schwanc ge he/Wir wissen auch/das/wiewol sich der Teüffel offte hat vnderstanden/die Römische vñ Curtisanische Keüschheyt in die Kirch zubringen/vnnnd mit gewalt eynzudringen/dañoch vil Heyliger Väter/ja auch etliche fürnembste alte Concilia/die Priester ehe dapffer vnd gewaltigklich haben verchädiget.

¶ Als züm ersten das Concilium Gangrense/welches ccc. Jar nach Christi geburt gehalten/vnd dem Decretogar eyngeleybet.Züm andern das grosse heylige Nicoensche Concilium/vngefähr vierdtehalbhundert Jar nach Christi geburt. Vnd endlich auch das sechste Allgemeyne

ne Concilium/vngesähr syben hundert Jar nach der geburt Christi/welches auch mit außgedruckten worten verdammet den Römischen Canonem / von der vermeynten Keüschheyt der Priester/vnd sagt frey dürr herausser/das solche sartzung der Römischen Kirchen gang vnd gar sey oder streyte/beyde wider die Canones der Apostel vñ der Heyligen Väter/Besihe selbst/Lieber Christ/das Bapstische Decret/dist. 31. Cap. Quoniam Romani, &c.

¶ Von den vnzällichen menschen sartzungen vnd Ceremonien/damit jetz im Bapstumb der rechte glaub vñ die rechte Gottseligkeit gar vertilgt ist/Sagen wir mit dem heyligen Augustino in Epist. ad Ian. Dz her Himlische Vater die Christliche Religion habe mit sehr wenig Ceremonien beschwärt/als da seind Tauffe/Abendmal/ &c. Aber die Menschen haben sie dermassen mit knechtischen bürgen/oder last der Menschen sartzungen vberladen/das die Jüdische dienstbare Synagoga vil leychter zutrage hat gehabt/dann die Christliche Kirche/ So von Christo befreyet. Es sagt d. H. Augustinus auch weyter/ die K. Kirche sey mit vber auß sehr vilen spreüwern/ jha auch mit vilen vnkraut beschwäret vnd beschmeyst gewesen.

¶ Aber hilff lieber Gott/wie vnzällich vil narrenwerck vnd Affenspiel der menschen sartzungen seyt der zeyt seind wol yngeführt? Darzū ist auch alles von tag zū tag in grössern vñ ergern mißbrauch gerathen/ biß endtlich nit mehr Christus die leüte hat sollen seelig machen/Sonder Dominicus/Franciscus/oder nur ihre narren kappe/das geweyhete wasser/Agnus Dei/Wes/ Vigilien/Heyligen/Die Papiistische Ablass Bulle/der Wöndchen vnd Nonnen

n iij      groß



## Von den 5. Gottes Bekennern

groß fasten/heylige nüchterekeyt vnnnd schöne keüschheyt/  
vnd dergleichen.

¶ Hier auß ist nün klar vnd offenbar/das vnser Reli-  
gion die eynige Göttliche warheyt sey/ auß dem lautern/  
waren/vnd heylsamen wort Gottes/vnd der ersten Kir-  
chen genömen/ Die Papistische aber streyret beyde wider  
Gottes wort / vñ der alten ersten Kirche ware Religion.

¶ Es ist ye billich/das man lügen mit lügen bestätti-  
ge/wie der schwarze Maranische Mönch zu Augspurg/  
in seinem falschen wege sich zum höchsten vñ fleystigsten  
bemühet / zubeweysen / das seine Papisterey zur zeyt der  
Apostel gewesen sey/weyl Dyonisius des H. Pauli zühö-  
rer also daruon schreybet/ So er doch wol weyß / das vn-  
der andm Erasmus sehr klar vñ deütelich gnüg beweyset  
hat/dz die Schrifft so man Dionysio zuschreybt / oder zu  
eygnet/ inn keinen weg des Schülers Pauli sein könen/  
noch darfür gehalten sollen werden.

Lügen mit  
lügen ver-  
thädigen.  
¶ Itē/eben diser schwarze Teüffel/ beweyset sein lehr  
auß den Epistolis Clementis/ ad Iacobum Bischoff zu  
Hierusalem/vom rothe vnd Testament Petri/ So er doch  
vil anders weyß / das der selbige Iacobus syben ganzer  
Jar vor Petro ist gestorben. Daraus folget öffentlich/  
das solche Epistel lang darnach von den Papisten seind  
erdichtet/ vnnnd erlogen. Also müssen die Papisten nach  
dem sprüchwort ihre falsche lügenhafftige Religion/mit  
andern sybenschtigen greüwlichern vnd vnuerchamp-  
tern lügen/beschönnen/vnd beweysen.

¶ Weyl wir nün lieben Christen/disen herrliche Göt-  
lichen vnaußsprechlichen trost haben/Das wir nit men-  
schen

schon vnd iren sabeln/wie die Papisten/Sonder dem ewigen Allmechtigen Gott / vnnnd seinem vnwandelbarem wort seind gefolgt/ So laßt vns freydig sein/vnd es dapfser hineyn setzen/ laßt vns Christum den eynigen Seeligmacher/vnnnd seine ware Religion offentlich annemmen/ sie für diser Ehebrecherischer Welt in Gottes namen bekennen/vnd darüber steyffhaltē/es koste gleich güt oder blüt/leyb oder ehr.

¶ Der Allmechtig/Ewig vnd gütig Gott/so vns vñ die ganze Welt auß nichts hat geschaffen/würts vns zu seiner zeyt hie zeytlich vnnnd dort ewigklich nur reychlich erstatten.

¶ Was wölt jr noch lang darnach warten/biß die Antichristische schandliche Wölffe /jha darzu sagen? Ir sehet klar für augen/das sie also thün/vñ von andern auch haben wöllen/Wie sie dan in ihren Decreten selbst schreyben/Das/wañ gleich der Bapst vnzällich vil tausent Seelen mit sich/offentlich vñ greyfflich/in diet Dölle fürete/jm dannoch nyemandt soll eynreden / noch darumb straffen/vil weniger frage/was thüßu? Sonder jederman soll jm gehorsamen/rc.

¶ Hetten die alte Christen so lang wöllen warten mit der Religion/biß die Fürsten vnd Herren/vnd die Abgöttische Priester vnd Bischöffe /jha darzu gesagt hetten/so were nymermehr keine Christliche Religion auffgericht/ Neyn trauwen/Sie seind nie so faule/Schlummerige vñ Adiaphoristische Christen gewesen / als wir leyder jetzt seind/Sonder sie habens vnuerzagt gewagt/vnnnd ihnen eine reyne Christliche Religion offentlich auffgericht / ob  
gleich

# Von den H. Gottes Bekennern

gleich ihrer vil tausent/oftt in einem tag darüber seind jämerlich hingerichtet/vnd erbärmlich vmbgebracht worden.

Georg  
Schärer.

¶ Solches freydigen eysers vnd beständigkeyt in der waren Religion/habt ihr ein schönes trefflichs exempel/an diesem eüwerem lehrer vnd Martyrer / des bekantnuß ich hiemit eüch vbersende/ welcher auch mit seinem blüt/ jha darzu mit einem grossen herlichen Mirackel/die ware lehr vnd Religion Jesu Christi hat bestäriget vnd versigelt.

¶ Ihr sehet wol/das die Axt setzt an die wurzel des baums ist gelegt/ Ir sehet/meyne ich/Klar für augen / wie greüwlich Gottes zorn setzt in diesem/setzt in shenem lande wütet vnd tobet. Sehet eüch für / vñ verachtet den erkantē Christū nit so leichtfertig. Es gilt eüch beydes/ dz setze vnd das ewige leben/den Himmel oder dz Döllische feür/Lüch/eüch/sage ich/vnd den eüwern.

¶ Wer da meynt/er will sein seel mit verachtung Christi gewinnen/vnd will sie erhalten/der würt sie gewislich beyde zeytlich vnd ewigklich verlieren.

¶ Bittert nur wer da betten kan/in einem rechtē glauben/wider den Saulitischen oder Saltzburgischē Doeg/Ihr werdet sehen vñd gewislich entpfinden/das eüwer Gebete nit würt vergeblich/noch vmb sonst sein.

¶ Christus Jesus vnser eyniger Erlöser errette vns/eüch vnd alle die seinen/von allem vbel/Sonderlich aber von dem leydigen Antichrist/vnd von dem vnendlichen zorn Gottes/Amen.

Folget

Folget hernach die Bekantnuß / so gemelter Georg Schärer von vilen Artickeln Christlicher Religion/gantz Schrifftlich vnd Christlich gethon/auch die selbig in seiner gefäncknuß selbers auffgezeychnet vnd beschryben hat.

Was der rechte Glaub sey?

Antwort.

**D**er rechte Glaub der Christen = Vom rechten glauben  
 heyt stehet in dem/das wir festiglich vnd gänglich glauben/ Das da sein in der Gottheit drey Personen/ Das ist/ Gott der Vater/ der Sün/ vnd der Neylige Geyst/ ein Gottheit/ ein Ewigkeyt/ ein Allmechtigkeyt/ vnd ein ewigs wesen/ Nie drey Götter/ sonder ein Gott/ Der Himel vnd Erden/ auch das Meer/ vnd alles was darinnen ist/ erschaffen hat. Wie es dann klärlich in sich halten/ die zwölff Artickel vnseres Glaubens/ den wir täglich bekennen solten. Ds wir auch festiglich bekennen/ die Menschwerdung Christi/ Vnd das er warer Gott vnd Mensch sey/ Geborē von Maria der Junckfrawen/ vnd von wegen vnser heyls vnd erledigung kōmen ist in dise Welt/ vnd Mensch worden/ das er mit seinem bitteren leyden/ blüt vergiessen/ vñ vnschuldigē todt vns reyniget von vnsern Sünden/ vns versünet mit Gott seinem Himlichē Vatter/ Alle schuldt für vns bezalet/ Von Adam biß auff den letzten Menschen/

# Von den H. Gottes Bekennern

Allein Christi  
für vnser  
Erlöser.

schon/so geboren würt bis zum ende der Welt/ So wol für  
die Heyden/ als für die Jüde/ Die in Gott festiglich glan-  
ben/ Bis in das ende ihres lebens. Vnd das wir auch gän-  
zlich glauben/ das endlich kein andere gnügthung nicht  
ist/ für vnser Sünde/ noch sein mag/ dann allein das bitter  
leyden/ Blut vergiessen/ vnd der vnschuldige todt Jesu  
Christi. Er ist das Lamb/ darvon Johannes der Teuff-  
fer saget/ Johan. i. Das da auffhebt die Sünde der welt.  
So spricht auch Christus von sich selbst. Johan. viii.  
Ich bin der weg/ die warheyt/ vnd das leben. Nyemandt  
kompt zum Vatter/ dann durch mich. Er ist auch die  
Thür/ durch welche wir allein eyngehen zu der ewigen  
seligkeyt. Johan. x. So spricht auch der heylige Paulus/  
Ro. viii. Gott hat seins eynigē Süns nit verschont/ Son-  
der hat in für vns alle vbergeben. Vnd hat vns auch alle  
güter mit ihm geben. Er hat vns den gang vnnnd gar ge-  
schenckt/ vnnnd für eygen geben. So treybt auch Christus  
einen solchen gnadenreychen wechsel mit allen/ die an ihm  
glauben/ vnd sich tröstlich auff ihn verlassen/ das er auff  
sich nimpt/ alle ihre Sünde vñ bosheyt/ als hette er sie ver-  
bracht/ in seinem eygnen Leyb/ vnnnd gibt vns für eygen/  
seine gerechtikeyt vnd frombkeyt. Also ist vns sein blut  
vergiessen/ ein abwaschung vnd reynigung vnserer Sün-  
den/ Sein vnschuldiger todt/ vnser leben. Vnnnd für vns  
hat er vberwunden/ Sünde/ Todt/ Hell/ vnd Teuffel/ Er  
hat auch für vns erfüllet/ das ganze gesetz. Dan Gott ist  
allein der/ der da gebeüt vñ erfüllet. So ist auch Christus  
für alle seine gleübigen/ in die Helle gefaren/ auff das sie  
ewiglich dar für sicher weren. Er ist auch am dritte tag/  
vns

vnd Martyrern/der iij. theyl. 171

von den toeten auffestanden/Das er vns alle from vnd gerecht machet/wie dann der heylige Paulus sager. Es spricht auch der heylige Petrus /in den Geschichten der Aposteln/am iij. Capitel. Vnser heyl stehet in keinem andern/Dann in Christo Jesu/Es ist auch kein ander Nam vnder dem Himel gegeben den Menschen/in dem sie müssen seelig werden/als der Nam Jesus. So spricht auch der Prophet Johel am ij. Capitel/ Ein jeder der da anruft den nammen des Herren/der würt seelig. Der Prophet Esaias am xliij. schreybt/Dz Gott spricht also. Ich bins/ Ich bin der Herr/vñ außserhalb mein/ist kein Heylmacher. Der e spruch die vns allein anzeygen/dz Christus Jesus vnser eyniger Milder vñ versüner sey/gegen Gott dem Himlischen Vatter/seind vber auß vil in der Göttlichen heyligen Schrift. Wir habē auch kein andern Milder oder Milderin/weder im Himmel noch auff erden/als Christum Jesum/Darauff stehe festiglich/vñnd laß andere singen vñnd sagen was sie wollen. Wann du das also gänglich vñnd festiglich glaubest/vñ Beychtest Gott deine Sünd/mit reu vñnd leydt/vñ bist eins güten willens vñnd fürsag/mit der hilff Gottes/dein leben hinsürt zü bessern/So entpfahē darauff/so du magst/den Leychnam Christi/zñ einem pfandte vñnd vergewissung der ewigen seligkeit/Daß darumb hat Christus vns diß Sacrament des Altars auffgesetzt/das wir seiner darbey/seins leydens/blütnergetressens/vñnd vnschuldigen toedes sollen gedenden. In welchem vnser Heyl vñnd erledigung stehet/Amen.

# Von den 5. Gottes Bekenern

In was zeychen der glaub erkant werde?

Antwort.

Waher der  
Glaub er=  
kant werde

¶ Der Christliche glaube würt erkant auß den wercken der liebe gegen dem nechste/als da seind die werck der Barmhertzigkeyt / daruon geschryben stehet / Matthei am xxx. 2c.

¶ Auß den selbigen worten Christi ist gut züuerstehen/ Das vns Christus am Jüngsten tag nit würt fragē / wie offte wir wol gehn Rhom/zü Sanct Jacob/gehn Jerusalem/gehn Regenspurg / vnd zü Sanct Wolffgang seind walfart gelauffen/wienil wir kerzen gebrennet/öl gefressen/Kirchen gebauwet/Wes gestiftet/ 2c.

Item/was er vom Hochwürdigem Sacrament des Abendmals Jesu Christi halte vnd glaube?

Antwort.

Vom 5.  
Abendmal

¶ Ich halt vast vil von dem Hochwürdigem Sacrament des Fronleichnams Jesu Christi. Dañ Christus hat vns das zü einem besondern grossen trost auffgesetzt/Vñ in sonderheyt zü einem pfande vnd vergewissung der ewigen seligkeyt / So wir festiglich in Christum glauben/ Das er von wegen vnsers heyls sey Mensch worden/ Das er vns auch versünnet/mit Gott seinem Hämlichen Vater/vnnd alle schulde für vns bezalt habe / vnnd das kein andere gnügthung sey für unsere Sünde/ dann allein das leyden/Blütnergiessen/vñ sterben Christi/ Wie oben vom glauben geschrybē stehet. Darumb sprach Christus/ Das wir dises Sacrament seins leybs vnnd blües solten  
ent?

entpfahen/in seiner Gedächtnuß vnd vnser Erlösung.

Ob er glaube/das in diesem Sacrament gegenwertig  
sey/warere Gott vnnnd Mensch?

Antwort.

**I**ch laß mich nit weyter treyben / Dañ was mir die Von ge-  
drey Euangelisten anzeygen / Mattheus xxvj. Marcus genwertig  
viiiij. Lucas. xvij. vnd Paulus. j. Corinth. vj. Das Chri- Feyt des  
stus sprach also. Nemet hin vnd esset. Das ist mein leyb/ leybs Chri-  
Der für euch gegeben würt. Nemet hin vnd trincket / Das sti.  
ist mein Blüt / das für euch vergossen würt. Darbey sol-  
len wirs billich lassen bleyben / vnd nit weyter seagen / &c.

Ob es not sey / das die Leyen dz Sacrament vn-  
der beyder gestalt niessen sollen?

Antwort.

**G**ott spricht im v. Búch Mosi. Deut. iij. vnnnd am Von bey-  
viiij. Jr solt nichts hinzü thun / zú meinem wort / das ich zú derley ge-  
euch rede / Jr solt auch nichts darvon nemen. Nún so zey- stalt.  
gen ye die drey obbestimpten Euangelisten / vnd S. Pau-  
lus deütlich an / Das Christus im Abentmal / diß Sacra-  
ment auffgesetzt hat in zweyerley gestalt zú entpfahen /  
vnnnd hat nyemandes darvon außgenommen. Darumb  
sprech ich beschließlich / Das den Leyen vnbillich vnd wi-  
der das Götlich wort / versaget würt / Die gestalt des  
Kelchs / oder Blüts Christi. Mich wundert sehr / Das die  
welt will vil gelehrter vnd bescheydner sein / Als Christus  
der Sün Gottes. Ist aber sach / das es Ketzerrey ist / Das  
Sacrament in beyderley gestalt zú entpfahen / als ihr vil  
sagen (Doch ohn grundt Götlicher Schrift) So seind  
alle Priester Ketzer.



# Von den 5. Gottes Bekehrern

Was er von dem Wiedertauff glaube?

Antwort.

Vom Wiedertauff.

Der Kinder Tauff ist genug zum heyl ihrer Seel. Das neme ich auß de wortē Christi. Mat. am xij. Mar. p. vnd Luce. xvij. Da er also spricht zu seinen Jüngern. Sinite paruulos uenire ad me. Laß die Kinder kommen zu mir. Dann jr ist das Keych Gottes.

Dise wort möchte Christus nit sprechen/so der Wiedertauff nie gnügsam were. Dann er sagt Marci am letzten Cap. Wer da glaube vnd getaufft würt/der würt selig/Wer aber nit glaube/der würt verdampft. Ich bekenne auch für mein theyl vnd spreche/Das ich so gute genüge habe an einer Tauffe/Als ein Ross an einem Sacckel.

Was er halte von andern Sacramenten der heyligen Christlichen Kirchen/Als Beycht/Absolution/Ehestand vnd andern?

Antwort.

Von den andern Sacramenten.

Ich halt vast vil von einer aufrichtigen Beycht. Dann sie ist heylsam. Vnd spreche das dreyerley Beycht sein.

Dreyerley Beycht.

Die erst soll Gott geschehen täglich. Dann dieweyl wir alle täglich sündigen / sollen wir auch Gott täglich Beychten. Luce am vij. Sage mir wem Beychtet Maria Magdalena/die grosse Sünderin/ Sie Beychtet allein Christo. Nicht mit Worten/ Sondern mit einem beueweten hertzen / vnd mit vil weinens. Luce xvij. Wenn beychtet Petrus/nach dem er Christum in seinem leyden drey mal verleüget hatte/ Allein Gott mit einem Beueweten

reiuerten bergen / vnd vil weynens. Sage mir auch / wein  
 beyhet David der König: Darvon wir haben am ij.  
 Büch der König. vij. Capit. Da er den Ehebruch mit der  
 Bersabe begieng / vnd iren Ehelichen Mann / den frommen  
 Ritter Uriam erschlagen ließ im Krieg / Er beyhet als  
 lein Gott mit zweyen worten / vñ sprach. Peccavi Domino.  
 Ich hab gesündigt wider Gott. Vñ seine beyhet war im  
 genügsam. Das dem aber so sey / So folget hernach / Das  
 der Prophet Nathan zu im sprach. Dominus transtulit pecca  
 tum tuum. &c. Gott hat von dir auffgehebt deine Sünde /  
 Du wüßst nit sterben / verstehe / Des ewigen todtes. Item /  
 was that der öffentlich Sünder im Tempel für ein beyhet  
 te / darvon das Euangelium sagt / Luce. xvij. Er richtet  
 mit v. worten / zwo arbeyt auß. Er bettet / vñ beyhet /  
 mit disen worten. Gott sey gnädig mir armen Sünder.  
 Das im aber dise Beyhet gnügsam war / So gibt im Chri  
 stus selbst zeügnuß / vñ spricht / fürwar / sag ich euch / Das  
 diser ist gerecht heym gangen in sein haus. Der e Stück we  
 ren noch vil von der Beyhet / &c.

Die and Beyhet / die vns not ist zum heyl der seelen /  
 ist die / darvon Christus sagt. Mat. v. Si offers, &c. So du  
 offerst dein gaabe auff den Altar / vñ wüßst all da eynge  
 denck / das dein brüder etwas wider dich hat / So laß dei  
 ne gaabe vor dem Altar / vñnd gehe hin / versüne dich mit  
 deinem brüder / Darnach kom vñnd offer deine gaabe.  
 Von der Beyhet sagt auch der heylige Jacob / am v. Con  
 fitemini alterutrum, &c. Ir solt einer dem andern bekennen  
 einwer Sünde / Das ist / So einer den andern beleydiget /  
 vnd vnrecht thut / soll er hingehen / vñnd sich mit im vers  
 ünere.

## Von den H. Gottes Bekennern

sünen. O mein Gott vnd Herz/wie ein seltsamer Vogel ist das auff erden.

Die dritte Beycht ist ein getreüwer vnnnd Gottgefelliger Rathschlag/ Das der Mensch gehe zu einem bescheidenen/gelehrten/vñ wol belesenen Man/ in der Göttlichen Euangelischen Schrifft/ dem zeyge er an/was im gebreche im Glauben/vnnnd begere von im ein treüwe vnderweysung/zeyge im auch an mit Reüw vnd leydt/ seine Sünd/die in am meysten drucken vnnnd beschwären. Vñ die andern Beychte er alle in gemeyn. Vnd in sonderheyt ist dise Beycht vast not dem vngelehrten Pöfel/ Das da selten höret predigen das heylige Euangelium/vnnnd wenig weyßt was der glaub sey/ vnd warin das heyl seiner Seel stehe/vnd das der Mensch sey eins güten willē/ mit der hilff Gottes sein leben hinfürt zü bessern/vñ beger dar auff die tröstliche wort/des heyligen Euangeliums/ die heylige Absolution/mit einem starcken glauben/ Das im Christus werde halten/was er im zügesagt hat vnd versprochen/ vnd der Priester solt ihm die wort der Absolution Teütsch sprechen/vnd laut/das ers möge hören vnd verstehen.

### Absolution.

Der Allmechtige Barmherzige Gott/ vergebe dir deine Sünd/vnd ich auß befelch/ vnnnd im namē vnser Herren Jesu Christi/ sage dich frey/ ledig/ vnnnd loß/ aller deiner Sünden/ In dem Namē des Vatters/ vnnnd des Süns/vnd des H. Geysts/ Amen.

vnd Martyrern/der iij. cheyl. clix

Was ich von dem Ehelichen stande halte?

Antwort.

Ich halte in für einen hohen vñ heyligen stande/den Gott selbst auffgesetzt hat im Paradyß/ als wir geschriben finden/Gene. ij. Vnd Christus hat in geheyliget mit seiner gegenwertigkeyt / da er auff die hochzeyt geladen ward/mit Maria der Junckfrawen seiner Mütter / vnd seinen Jüngern/da er auch das wasser zu dem aller besten weyn macht/2c.

Vom Ehelichen stande.

Was ich von der Weyhung/Welung/vnd Firmelung/ halte vnd glaube?

Antwort.

Sie seind nit von nöten zu des Menschen heyl/ darumb mag man ihr wol gerathen.

Frem/ ob den Ordensleüten ire Gelübde zerbrechen/ vnd in den Ehestande zutretten gezimet?

Antwort.

Der Mensch hat nit zuuerloben vñnd zuuergeben/ das nit seiner gewalt/oder eygen ist. So ist die Keüschheyt/ein besondere gaabe/vñnd gnade Gottes / Die gar wenig Menschen geben würt/vñnd keiner mag sie behalten auß eygnen krefftten. Darumb wolt Christus kein gebott auß der Keüschheyt machen/Sonder sprach/ Mat. viij. Wer es fassen mag/ß fasse es. Als ob er spreche/ Wer Keüschheyt halten mag/ der halte sie / wer sie aber nicht halten mag/der Heüraue. So spricht auch Paulus. j. Corinth. vij. Melius est nubere, quam uri. Es ist besser du heürauest/dann das du gebrent werdest/verstehe/mit schwärer/

Vom gelübden.

# Von den S. Gottes Bekenern

vnleydlicher / vnkeüßcher anfechtung des fleyschs / die den Menschen offte vberwindet / vnnnd zuboden stoffet. Es ist auch klar am tage / wie die Geystliche Mönche / Nonnen / vnd Pfaffen jr gelobte keüßchheyt vndereinander gehalten haben. V das es Gott erbarm des gelübdes / Welches dem Teüffel vil mehr frucht hat gebracht / dan Gott dem Herren. Darumb were es tausent mal besser / So jr einer die Keüßchheyt nicht wüßte zuhalten / das er ein Ehelich Weyb neme / Damit er der Hürerey fürkeme / vnnnd das heyl seiner Seel betrachte / vnd seinen nechsten darmit bauwere.

Item / von den Bischöffen vnd Priestern / züvor von jrer weyhung / vnnnd denen / so von inen geweyhet werden / Vnd ob einer nit mehr sey / als der ander?

Antwort.

Von Bischöffen vñ Priestern.

Ich vermeyne die würdigkeyt der Bischöffe vnnnd Priester nit. Aber von jrer Außwendigē salbung / schmierung / vnnnd bescherung haben wir gar keine Namhafftige vnklare Schrifft im Neüwē Testamēt / So spricht der Apostel Petrus j. Pet. ij. Das alle Christgleübige Menschen Priester sein. Aber keiner soll das Priesterampft brauchen / vmb der vnordnung willen / Allein der von seiner Oberkeyt / vnnnd einer ganzen Gemeyn darzū erwölt würt. Gleicher weys seind in einer statt vil Burger / vnd darff sich doch keiner auß eygner gewalt annemmen / des Burgermeysters oder Richters Ampft. Außgenomen der von seiner Oberkeyt / vnnnd ganzen gemeyne / Statt / Volck / darzū erwölt würt / c.

Ich

vnd Wäyrern/der iij. theyl. cl

¶ Ich bekenne auch das einer mehr sey/als der ander/  
vor Gott vnd vor der Welt.

Item / was ich halte von der Mess/Betten/Fasten/vnd andern  
Kirchen gebrauchten/oder Ceremonien?

Antwort.

¶ Ich lobe vnd preys die Mess/ wa man sie helt/wie sie Christus hat auffgesetzt/Vnd wie sie die Apostel/vnnd vil andere mehr hernaher in langer zeyt gehalten haben/nemlich/das sie nur ein Comunion gewesen sey. Wa man aber ein Spffer darauß macht für die Lebendigen vnd Todten/vnnd verkaufft sie vmb gelt/ So halt ich nichts darvon. Dann Sanct Paulus spricht zün Hebreern am ij. Cap. Das Christus nur ein mal für vnser Sünde sey geopfert worden/Das ist/am stämen des Creüges/Vnd dasselbige eynige Spffer Christi/ist vns allen vberflüssig gnüg für vnser aller Sünde.

¶ Ich halt auch vast vil von einem glaubhafftigen rechten gebett / das auß rechter meynung vnd vnbezungen geschicht/ Es ist auch einer grossen gewalt bey Gott. So sprichet auch Christus/Luce am xj. Petite & dabitur uobis, &c. Bittet vnd eüch würt gegeben/Süchet vnd jr werdet finden/Klopffet an/vnd eüch würt auffgethon/2c.

¶ Von der Fasten halte ich auch vil / Das ein Mensch zimlichen seinen leyb zämet/last jm den zügel nit zulang. Darumb spricht Sanct Paulus/Modestia uestra, &c. Für wer mässigkeyt soll offenbar sein allen menschen. S das were ein Edle Fasten/das wir mässig vñ nüchtern weren

## Von den G. Gottes Bekennen

vnser lebenlang/in essen vñ trincken/vñ das wir auch alle  
zeyt fasteten von den Sünden vnd lastern.

¶ Von den andern der Kirchen gebreüchen/ vnd Ce/  
remonien/Sage ich also/Was Gott nicht gebotten hat/  
Ist auch nit von nöten zur seligkēy. Da ligt nit vil an/  
man halt es oder nit. Wa aber die Predig des Göttlichen  
worts dardurch verhindert würt / als offte geschehen ist/  
So were es tausent mal besser / man ließ etlich vil Cere/  
monien in der Kirchen vnderwegen.

Frem/ von den Seelmessen für die todten/ob es in zu  
güte vnd heyl kömēz

Antwort.

Von Seel-  
messen.

¶ Ich finde im Euangelio nit mehr dann zween weg/  
wann wir sterben. Die ewige seligkēy. Vñ die ewige ver/  
dämmuß. Die zur ewigen seligkēy durch den glauben  
kömen/Bedörffen keiner fürbitt mehr. Die aber zu der ewi/  
gen verdämmuß durch den vn glauben kömen/Die hilf/  
fet kein fürbitt mehr. Darumb halt ich nichts vō dē Seel/  
messen. Leset das xvj. Cap. Luc. von dem reychen Mann.

Frem/was ich halte von der Mütter Gottes/vñnd aller heyl/  
ligen fürbitt/vnd jrer Ehrentbie/  
tung.

Antwort.

Von der  
müter Got/  
tes vnd hey/  
ligē fürbit.

¶ Ich halt vberaus vil von der Mütter Gottes/ Ma/  
ria. Dann Gott der Himelische Vatter/ hat sie auß gna/  
den erwölt/ auß allen reynen vnd keüschē Junckfrauwē/  
zu werden ein Mütter seines Sins Jesu Christi / vnsero  
Milters vñnd Erlösers/ So glaube ich auch/ Das sie sey  
blyz

blyben/nach der geburt Christi/eine reyne/Keusche/heyli  
ge Junckfrau.

¶ Aber von der fürbitt Marie/vnd der andern heylig  
gen/das wir derselben solten nottürfftig sein/weys ich kei  
ne gründliche/klare Schrifft/weder im Neuwē/ noch im  
alten Testament / Sondern alle Propheten/ Euangeli  
sten/ Paulus vnd die andern Apostel/weysen vns allein  
auff Gott. So spricht Christus/ Johan. viii. Ich bin der  
weg/die warheyt/vnd das leben/Nyemandt kompt zum  
Vatter/dañ durch mich. Seind das dan nit klare wort/  
Warlich/so vns not were/8 Heylige fürbitt/ Christus vn  
ser aller getreuwester Hirt/vñ der h. Paulus/bettē vns  
das nit verborgen. Sage weyter / Warumb heysst Gott  
Allmechtig: Allein darumb/das er alle ding vermag/ So  
er vns dann nit allein gnügsam wer/vns selig zumachē/  
Sonder müste die Heyligen zñ gehülffen haben/ So hieß  
er vnbillich Allmechtig. Welcher Heylig hat ye Gott ge  
holffen vnd gerathen/ Da er Himmel vñ Erden auß nichts  
schuff. Oder wer hat für den ersten heyligen müssen bit  
ten/das er selig wurde.

¶ Item/von der Ehrenbietung Marie vnd der an  
dern Heyligen/Sage ich also / Das wir sie in der gestalt  
solten ehren/das wir vns mit jnen herzlichen erfreuwen/  
das sie Gott auß lauter gnaden/zñ dem Christlichē glau  
ben erwölet vnd erfordert hat/ Ire Sünde jhnen auß ge  
naden vergeben/ In dem Christlichen glauben erfordert/  
von diser Welt/zñ der ewigen seligkeyt / Vnd das wir in  
die selbigen von hertzen wol gönnen. Vnd das wir Gott  
bitten/Das er vns solchen grossen glauben/lieb/vnd hoff  
nung/



## Von den G. Gottes Bekennern

nung/bie auff erden auch verleyhe auß gnaden/Als er ihu  
nen verlobet hat/Vergebe vns auch vnser sünd / durch Je  
sum Christum/als er inen hat gethon/vnnd verleyhe vns  
auch gnädiglichen zusterben/im glauben/wie den lieberr  
Heyligen/vñ also endelich auch in jr schar kómen der ewi  
gen seligkēyt/Amen.

Item/von güten wercken/ob einer mit den selbigen/etwas  
vmb Gott möge verdienen?

Antwort.

Verdienst  
von güten  
wercken.

**I**ch sage ja/Aber allein mit den wercken/Die von  
Gott einzusag/vnnd versprechen haben/Als da seind die  
sechs wercke der Barmherzigkēyt/Matth. xv. Die acht  
der seligkēyt. Matth. v. Vnnd das Gebett an vil enden  
der Göttlichen Schrifft/Aber diser verdienst ist nit von  
wegen der werck/noch vnserthalben. Sonder von wegen  
der gnädigen versprechung/vnd zusagung Gottes. Aber  
die güten wercke/Die durch vns geschehen/Thun wir nit/  
sonder würcker sie in vns/durch seine gnade/vñ also seind  
es nit vnser werck/Sonder wercke Gottes/vnnd also be  
lohnet Gott seine eygne werck in vns/wan Paulus sagt/  
ij. Corinth. iij. Das wir nit genügsam seind/etwas güts  
zú gedencen/als auß vns/Sondern vnser gnügsamkēyt  
ist auß Gott/ So wir dann nichts güts auß vnser eyge  
nenkræfft können gedencen/vil weniger können wir et  
was güts würcken auß vnser eygener kræfft. Welcher a  
ber vermeynt/er muß durch seine güte werck vñ verdienst  
das Himmelrych erlangen/Der macht Sanct Paulus zú  
einem lugener/der da spricht zú den Rómern am xj. Si gratia  
iam, &c. So wir das Himmelrych allein auß gnaden ha  
ben/

vnd Martyrern/8 iij. theyl. clij

ben/So haben wirs nit auß verdienst der wercke / Sonst were gnade nicht gnade. Ich sage dir mit warheyt/wann ein Mensch alle die werck thete / so die Junckfrau Maria / Alle Patriarchen / Alle Propheten / Alle Apostel / Martyrer / vnd alle heyligen ye gethon haben/hette auch die Keynigkeyt vnnnd Keüschheyt Marie der Junckfrau / wen / vnnnd aller Junckfrauen / So möchte er dannoch das Himelreych damit nit erlangen. So wir das Himelreych mit vnsern wercken müßten verdienen / So were Christus vmb sonst Mensch worden / hette vmb sonst gelittē / sein blüt vmb sonst vergossen / were auch vmb sonst gestorben / vnd aufferstandē / das sey weyt von vns.

¶ Es möchte aber einer sprechen / So ich dann dz himelreych allein auß genaden durch Christum Jesum habe / So bedarff ich kein güte werck mehr thün:

Antwort.

¶ Du solt güte werck thün / aber nit der meynung / dz du ihzer nottürffig seyest / züm Keych der Himel / Sonder das es der will Gottes ist / das wir güts würcken / vnd nit müßig gehē / Nim dessen ein schönes Exempel. Adam vnd Eva wurden in der vnschuld geschaffen / vñ bedorfften keins güten wercks / noch wolt Gott nicht / das sie solten müßig gehen / Sonder setzt sie in den Paradyß / den selbigen zupflanzen vnd bauwen.

Item / ob ich die Menschheyt Christi glaube.

Antwort.

¶ Ich bekenne auffrichtiglich vñ gänglich / Das Christus Jesus der Sün Gottes / warer Gott / vnnnd warer Mensch ist / Geboren von Maria der reynen vnd Keüschē Junckfrauen.

Von der  
menschheit  
Christi.

Item /

# Von den 5. Gottes Bekennern

**¶** Item / was der rechte glaube der Christenheyt sey / vnd in was zeychen vnd wercken er stehe / vnd erkant werde. Dise frage / vnd antwort darauff / stehet von anfang dieses Büchliens / zc.

Item / ob ich der Priester gebett vnd Tagzeyt / nye veracht / vñ ob ich dieselbe / dieweyl ich im Orden gestanden / allwegen vollbracht habe?

Antwort.

Vom gebett d Priester vñ Tagzeyt.

**¶** Dieweyl ich im Orden bin gewesen / Habe ich die syben tagzeyt allwege außgericht / vñ nach dem Ausgang / auch einzeytlang. Darnach als ich zu Predigen bin kommen / Hab ich mehr vñ weniger Gebettet / Hab gedacht / Das Gott nit nach der zal der Psalmen vñ Vatter vnser frage / Sonder nach einem gleübigen hertzen / vnd das ein kurz gebett / das freywillig vñ von hertze geschicht / Gott vil gefelliger ist / dann ein langes Gebett / das vnwillig / klich vnd bezwungen geschicht außsforcht der Menschen.

Item / was ich vom Segfeur halte?

Antwort.

Vom Segfeur.

**¶** Ich finde keine klare auffrichtige vnd genügsame schrift / Weder im alten noch newen Testament darvon / das ein Segfeur sey / Vnd obs so were / Das wir vmb vnser Sünde willen müssen ein bezalung vñ genügtünung thun / entweder hie im leben / oder dort im Segfeur / Als jr vil sagen / Doch ohn grunde der H. Göttlichen Schrift / So were Christus lauter vmb sonst gestorben am Creutz / Der vnser aller Sünde / Souil jr in ihn glauben / auff sich hat genomen. Vnd als war Gott im Himmel ist / als war ist kein

ist kein andere gnügthung für vnser Sünde/ dann allein das bitter leyden vnd sterben Christi.

Item / ob ich halt/das es Christlich vnnnd billich sey/Das die Christen wider Türcken vnd andere vngleübigen streyten mögen/oder nit?

Antwort.

**E**s würt mir schwär werden/ dar auff zu antworten/dann die gericht Gottes seind vns gar offte verborgē. Vom krieg wider den Türcken  
 Dann es geschicht offte/Dz ein handel vor den Menschen/ für güt vnnnd recht würt geurtheylet/ Das doch vor Gott gang vnrecht vnnnd böß ist. Darumb will ich nit mit vermessenheyt vnd fräuel antwortē/Sonder sage also nach meinem gütduncken. Dz es sich gezime/wider Türcken vñ andere vngleübige züstreyten/Als wider die seynde Gottes vnd seiner gleübigen/ Doch dz zu forderst gesucht werde die ehr Gottes/vnd nit der eygen nutz/vnd das die vnderthonē ziehē auß gehorsam jrer Oberkeyt/wie vns dan lehret der heylige Paulus zu den Römern am viij. Capitel. Da er spricht/ Ein jeder Mensch soll vnderthänig sein/seiner Oberkeyt/Dann es ist kein gewalt / dan nur allein von Gott. Darumb seind alle ding/also geordnet. Wer da widerstehet dem gewalt/ Der widerstehet der ordnung Gottes/ Wer aber Gott widstehet/der würt verdampft. Vnd S. Peter spricht. j. Pet. ij. Ir solt vnderthänig sein aller Menschlichen Creatur / durch Gottes willen/ dem König als dem Obersten/Den Herzogen vnnnd Fürsten/ oder Hauptleüten/ als denen die von jnē gesandt sein / zu einer raach der Vbelthäter/vñ ehr der güte. Auch spricht Salomon/Sapient. vj. Lück ist die Gewalt/ oder Oberkeyt gegeben von Gott.

# Von den 5. Gottes Bekennern

Item/ob ich nye das Nachtmal mit brechung des Brots/habe gehalten/Wa vnd wer darbey sey gewesen?

Antwort.

Ob ers  
Nachtmal  
gehalten  
habe.

¶ Ich habe es nye gehalten/biñ auch nye an solchen enden vnd stetten gewesen/Da solchs Nachtmal mit brechung des Brots geschehē were. Das red ich mit der warheyt.

Item/ob ich nye ohn Beycht/nach dem ich den Orden verlassen/Das hochwürdigē Sacrament empfangen habez

Antwort.

¶ Ich habe gemeyniglich allwegen vor gebeycht/vñ weyß wol wie man sich zū diesem Sacramēt schickē soll/vñ wolt Gott/dz es keiner weniger wüßte/dañ ich/Gott sey lob vnd danck/darumb gesagt/Der mir dise vñnd andere gnade mehr verluhen hat.

Item/wañ ich angefangen habe/die Kappen von mir zū werffen/Vnd warumb?

Antwort.

Wañ er dz Blosterleben verlasen habe. ¶ Es ist nahent bey dreyen Jaren/das ich die Kappen von mir habe angefangen zūwerffen. Ursach ist an säncklich/Neid vnd Haß/zancken/haddern/vnd vneygikeyt/der Barfüßer Mönch/vnd jr gleyßnerisch lebē/Das da hat ein scheyn/ohn einen scheyn/ Ich biñ vormals ix. Jar ein Wellicher Priester gewesen/Lehe ich ein Barfüßer Mönch biñ worden. Ich gedacht/da ich ein Mönch ward/mich hette Gott berathen/ Da hat mich der Teuffel beschissen. Darnach bekenne ich auch/dz mich die Euangelische warheit/eins theyls darzū bewegt hat/vnd hab nit länger/in S. Franciscus Brüderschafft wöllen

# vnd Martyrern/der iij. theyl. clij

len sein / Sondern in Christus Brüderschafft. Dann S.  
Franciscus hat nit für mich gelitten / ist auch nit für mich  
gestorben / ist auch nit mein Wiler vnd Erlöser / Sonder  
Christus ist für mich gestorben / Ist auch allein mein Wiler  
ler / vnd Erlöser / Durch den muß ich allein selig werden /  
Amen.

## Georgius Schärer / von Salueden.

Anno M. D. XXVIII. in captiuitate mea  
Katskat.

**D**ieser Georgius Schärer hat ein zeytlang zu Katskat geprediget das Euangelium / Ist derhalben ge- Vom tode  
fangen vnd gerichtet worden / Man hat in aber sol- vnd Wun-  
den lebendig ver- derwerck



len lebendig ver- nach dem  
brennen / da ist er todt des H. zum Schwerte  
zum Schwerte Georg  
begnadet wordē / Schärrers.  
gleichwol soll der  
todre Körper ver  
brent werdē. Als  
er aber an die  
skat gfürt ist wor  
den / Darā er hat  
sollen sterbē / hat  
er mit fründigem  
Geyst zu Gott ge  
betret / Auch of  
q ij fentz

## Von den H. Gottes Bekennern

fentlich vor den Menschen gesagt/ So war ich sterbē will  
als ein Christ/vmbs wort des Herrē/ So war will ich ein  
zeychen geben. Als er aber enthauptet ist worden/vñ auff  
den Bauch gefallen/ Ist er so lang gelegen/das einer her-  
te können ein Ey essen/ hat sich der Körper erst umbge-  
wande langsam / auff den Rücken/ Den rechten fuß vber  
den lincken geschlagē/die rechte handt vber die lincke/ Da  
man solches gesehen hat/hat sich jedermanñ entsetzt/  
Auch die Oberkeit/vnd haben den todten  
Körper nit wöllen verbrennen/  
Sonder begra-  
ben.

## Wilhelm von Zwollen.

¶ Die History von disem recht Eysferigen Bekenner  
vñ Martyrer/der Weylandt Königs Christierini/in diser bekantnuß aber  
vnseres Herren Jesu Christi Fürierer gewesen vnd worden ist/wie er nem-  
lich auff der Doctorn vñnd Sophisten zu Lduen Artikel/Christliche ant-  
wort auß Gottes wort gegeben/vñ folgendts zu Mecheln im Nider landt  
auff den xx.tag des Weynmonats/ Im Jar als man zalt nach der geburt  
Christi/ M. D. XXIX. verbrant worden/ ist vormals Im Jar  
M. D. XXX. von dem Hochgelehrten Herren/ Doctor Johān Bu-  
genhagen Pomern/2c. warhafftig beschryben/durch den truck außgange/  
vnd hienach von wort zu wort in disen vnsern dritten Theyl der H. Gots-  
tes Bekenner vñnd Martyrer gesetzt worden / Zu einem Exempel/ das  
Gott der Herr in allen Ständen/wie seine Feynd / also auch  
seine Anßer wölden vñnd beständige Beken-  
ner der Warheyt  
hat.

Johann

Johannes Bugenhagen Po-  
mer/ allen Christen.

**N**ulus hat geweyssagt von de-  
nen die der warheyt widerstreben/ vñ gespro-  
chen. ij. Timo. iij. Es seind menschen von zer-  
ritenen sinnen / vntüchtig zum glauben/ aber  
sie werdens nit ausführen/ Dann ihre thorheit  
würt offenbar werden jederman/ Solchs gericht Gottes  
sehen wir täglich vber die hässer vnd lesterer des heyligen  
Euangelij/ das ist/ der gnaden Gottes/ die vns in Christo  
geprediget vñnd angebotten würt. Besonders aber mag

Die Vers-  
folger der  
Warheyt  
seind grobe  
verblende-  
te leüt.



jederman sezt das  
selbe sehen an den  
Doctorn od Theo-  
logen zu Löwen/  
welche haben Ar-  
tikel gestellet wi-  
der den Christgleü-  
bigen Martyrer  
Wilhelm vö Zwol-  
len/ zu Mechelen  
im Niderlädte ver-  
brant/ Wan sie nit  
so grob verblende  
weren/ so wurden  
sie sich ye schämen/

q iij vnd



# Von den H. Gottes Bekennern

vnd nicht so offenbar ihre Thorheyt für jederman an den tag geben.

¶ Dann nyemandt ist so vnuerständig / der nit mercket in iren Artickeln / das sie gern das liecht wolten scheuen / so sie köndten / Darumb stellen sie die selben Artickel zum theyl auch nit / wie sie mit Gottes wort jetzt werden angefochten / sonder also / das sie dannocho sollen einen guten schein haben / wanns möglich were. Sie verdecken mit willig vñ wissenlich / wider ire gewissen / die warheyt / vñ reden gleych ob sie brey im maul habē / das man sie in irer lügen nit soll ergreyffen. Wer eine böse sache hat / vñ will nit ein fromer Man sein / der muß sich also behelffen / A/ber es hilfft nit / die Esels ohren gucken auß der Löwen haut / Ihre Thorheyt würt offenbar jederman.

¶ Vorzeytten meyneten wir / das dise leütte allein so blinde weren / darumb das sie in ihrer Sophisterey vñd ihrer Tradition ersoffen seind / Jetzt aber Kompts anlicht / das sie die erkandte warheyt anfechten vñd außs höchste verfolgen / Welches ist ein sünd in den H. Geyst / wie sie selbs auß dem Augustino lehren / vñd wöllen also mit irem harten Kopff hindurch / wider Gott vñd seinen gesalberten / wie im andern Psalmē geschryben stehet / das würt inē vbel bekömen / sie müssen herunder / der zorn Gottes ist endelich vber sie kommen wie Paulus von solchem Orter gezeichnet schreybt. 1. Tessal. ij.

¶ Laßt vns das liecht halten bey dise acht dunckle Artickel / das wir sehen wie gern der Teuffel wolte schön sein.

¶ Auffa erste / Haben sie einen Artickel gestellet vom Schwören /

Die seynde  
Euangeli=  
scher war=  
heyt sündi=  
gen in den  
H. Geyst.

Schwören/ob man schwören möge/wie auch die Theolo-  
gen zu Cöllen solchen Artickel fürgestellt hatten dem Au-  
dolpho/daselbs kurz verbrant. Ich weys nit was sie für  
vrsach zu solchem Artickel haben/ Ich sehe aber wol/das  
Wilhelm ein antwort darzu gegeben hat/an welchem ye  
billich einem Christen genügen solte.

Vom Eyde  
schwören  
,,  
,,

¶ Zum andern/Sagen sie von Statuten vnnnd gese-  
zen des Papssts vnnnd der gemeynen Kirchen/wie gerne  
hätten sie gesagt/der Römischen Kirchen/vnnnd dörfffen  
nit vnderseydt machen zwischen den Statuten/dz man  
sie ye nit sahe in jrer dollen Klügheyt.

Von Statu-  
ten vnd sa-  
zunge der  
Kirchen.

¶ Wir sagen aber also/Wann sie anders keine Sta-  
tura wissen zumachen/dann das sie vil erdichte Got-  
tes dienst anrichten/die leütte fromb zumachen/vnnnd  
lehren oder Predigen vnnnd dringen solches auff der leüt-  
te gewissen/so sollen sie hören von Christo/auß dem E-  
saia/wie geschryben stehet/Matthei am xv. Ihr Got-  
tes dienst ist gar verloren/dieweyl sie lehren solche leh-  
re/die nichts dann Menschen gebott seind. Iha man le-  
se für an im Esaia/wie Gott solche meyster vnnnd ihre  
Schüler/das ist/die blinden vnd der blinden leyter/ver-  
stocken vnnnd verblenden will mit ihrer erdichten Hey-  
ligkeyt.

Matth. xv.

¶ Was Gott befolhen hat(welches im glauben vnnnd  
in der liebe begriffen ist)ist Gottes dienst vnd nichts an-  
ders/Was aber wider Gottes gebott vnnnd wort/vnnnd  
wider den Christlichen glauben würt gesetzt vnd verord-  
net/das halte der Teuffel/Wider den Christlichen glau-  
bē seind alle Statuta/Regulen/Observantiē vñ wercke/  
darz

Von Un-  
christlichen  
Statuten.

## Von den H. Gottes Bekennern

dar durch man fürnimpt frey von sünden zu werden/ vnd das ewige leben zu verdienen. Dann solche ehre gehört allein Christo zu/ Es ist beschlossen/ wie er sagt/ Joā. viii. Nyemandt kompt zum Vatter. dann allein durch mich. Das ist auff diß mal gnüg geredt von Vnchristliche Statuten/ Nun will ich auch bescheyde gebē von Christlichen Statuten.

Von Christlichen Statuten.

¶ Die Diener der Kirchen/ das ist/ der Christenheyt/ die Gottes wort dem volck fürtragen (was solten sie sonst anders für Diener sein?) mögen wol vnd sollen güte ordnung halten oder machen / dz die leute/ ehlich vnd züchrig zusamen kōmen/ dz Euangelium zu hören/ vñ die Sacrament zunehmen/ wie Christus befolhen hat/ zu betten in der gemeyne/ vñnd Gott in Christo zu loben/ wie Christus sagt/ Solches thut zu meinem gedächtnuß/ das alles zugehe ordentlich. Sie mögen auch sonst vermanen/ vnd ordnen was da dienet/ sünde vñ ergernuß zu vermeyden/ wie die Apostel theten/ Acto. xv. in irem Concilio.

¶ Aber wie etliche stück/ allein nuzē ein zeytlang/ werden angenommen in Gottes namen/ vnd gefallen wol dem H. Geyst/ so soll man sie auch wider fallen lassen in Gottes namen/ wañ sie nit mehr nütze oder ergerlich seind/ vñ nit auff die gewissen dringen/ Wie wir sehen das der gemeyne Wañ hat fallen lassen/ on alle Concilium oder Bischoffe/ die ordnung der Aposteln vom gözen opffer zu essen/ vom blut/ vnd vom ersticken/ da solches nit mehr ergerlich war/ Dann auch bey Paulus zeyten/ der doch solche ordnung hinaus brachte/ war es frey gözen opffer zu essen/ wañ es on ergernuß geschēhē kondte/ das ist offenbar

bar auß seinen Episteln. Vnser Concilia solten ye in solchen stucken nicht heyliger sein / dann der Apostel Concilium / so wir nit lust hetten die gewissen zünerstricken / die Christus mit seinem blüt frey hat gemacht / Was aber auß Gottes wort geordnet würt zuhalten / das sollewig bleyben / nit umb menschlicher ordnung / sonder umb Gottes worts willen / als da ist / das die Apostel im Concilio gebietten den bekereten Heyden / das sie sich der Härerey enthalten sollen / welchs gebott Gottes / vnser Papisten in allen ehren halten / wie alle leütte Jung vnnnd Alt wol wissen.

Was wilten mehr hören von Statuten vnd ordnungen? Solches ist ye bescheidlich vnnnd nicht dunckel geredt von Vnchristlichen vnd Christlichen Statutē / das man nit darff klagen / das wir alle Statuta verwerffen / Vnnütige Statuten können wir wol entpärē / wöllen sie aber vns damit beschwären / wañ sie gewalt vber vns habē / so wöllen wir ire Tyraney leyde / so fern es nit sey wider Gottes wort vnnnd den Christlichen glauben (wie gesagt) das sie vns gebietē. Vnser gewissen aber sollen frey sein / das wir nichts darvon halten / vnnnd wöllen solches auch lehren / das wir das vnsern Junckherzn den Gesetz machern / vnd nit Gott zü willen vnd zü dienst halten / wir wöllen auch mit der zeyt ein Exempel nehmen von jnen / vnnnd halten wie sie / sie gebieten vil / vnd haltens selbs nit / Ich Merck. wolt das Herren vnnnd Fürsten vnd andere Oberkeyt / ein mal dahin gerierhen / das sie ihre Pfaffen drungen zü halten ihre ganze Bapsts recht / welch ein ellend volck solten sie werden / wie solten sie Lutherisch begerē zu sein / Es sol

# Von den H. Gottes Bekennern

te sie nit mehr lustē/dz vnschuldig blüt der Heyligē Mar  
tyrer/wie diser Wilhelm ist/auff sich vnd ire Oberkeyt zu  
laden.

Vom Seg  
feür.

¶ Zum dritten/Vom Segfeür/da die Seelen der ver  
storbenen inne geplaget werden/wissen keine Propheten  
oder Apostel/das ist/kein Schrifft des Alten oder Neü/  
wen Testaments/Gott hat vns nit daruon befolhen/der  
Christliche glaube weyß nichts daruon/ Da seind auch  
noch keine Doctores gewesen/die solches Segfeür auß der  
heyiligen Schrifft beweyset haben/ Etliche haben in wol  
solches fürgenomen/aber sie haben iren vnuerstandt da  
mit redlich beweyset/wie nün schier die Kinder in der schü  
len wol wissen/Darnebē habē vns die Bolder Geyster vñ  
der Pfaffen lügen das Segfeür so auffgeblasen/das wir ey  
tel Segfeürs Messen haben/zü dienst dem grossen Gott/  
der da Bauch heysset/vnnd haben verloren den seeligen  
brauch des heyiligen Sacraments/vns von Christo be  
folhen/vnd von den Aposteln gelehrt/vnd von den from  
men Christen gehalten/wie vns offenbar anzeyget Pau  
lus. i. Corinth. vj. Die rechten Christen haben in disem le  
ben Segfeürs gnüg/daruon auch die Schrifft meldet/vñ  
heysset es/ansechtung/verfolgung/dz feür des trübsals/  
20. Daruon ein ander mal mehr/Die seynde der gnaden  
Gottes/dörffen nit sorgen/das sie kein feür behaltē/wañ  
sie schon das Segfeür verlieren/Sie haben dannocht im  
vorrhat das Höllische feür/da hineyn gehöret solche Chri  
stenschender vnd Viri sanguinum, das ist/blüchund vnnd  
mörder/Wie wolte gern mit vnserm gebett vñ lehr/sie er  
retten/wañ sie nit so müerwillig wiß die erkante warheyt  
zobeten.

Segfeür  
der Chri  
sten.

Zum

¶ Zum vierdten/Wir haben im Himmel nyemandt anzuruffen/dañ Gott vnsern Vatter / vnnnd vnsern Herzen Jesum Christum/vnsern Nitler vnd versüner vnd Seeligmacher/vnnnd den H. Geyst/der vns Christum lehret/vnnnd zu ewigem trost durch Christum/den Vatter erzeyget. So lehrt vns alle Schrifft/Gott sey gelobe/Der Christen glaub weyß nit anders/der Teüfel solls nicht anders beweysen/lugē gilt nichts. Wer andere Götter hat anzuruffen/der mag sich auff sie in seinen nöten verlassen.

Don wasser anruffung.

¶ Zum fünfften/Ach Gott wie scheühen sie das licht/wann sie von beyder gestalt des Sacraments reden sollen/nün die warheyt des befelchs Christi am tag ist. Christus gab den Kelch seinen Jüngern vnd sprach/Trincket alle dar auß/diser Kelch ist das neuwe Testament in meinem blüt/das für euch außgegossen würt/zur vergebung der sünden/Solches thüt so oft irs trincket zu meinem gedächtnuß. Wie frag ich/Seind nit die Leyen Christus Discipuli/das ist/schüler/die von im/ als von ihrem eynigen Weyster / das Euangelium lehren sollen: gehören sie nit zum neuwen Testament/ das ist / zur vergebung der sünden: ist dz Blüt Christi nit jr: ist nit für sie außgegossen zur vergebung irer sünden: sollen sie nicht des Herren gedencken/ das ist/verkündigen vnnnd bekennen des Herren todt/welcher würt vns klärlich angezeygt in der außgiefung seins blüts: Wann hat Christus im Sacrament zu entpfahen ein vnder scheydt gemacht zwischen den Christen: Wa haben die Apostel anders gelehrt vom Sacrament/dañ Christus befolhen hat: Die Heyligen Bischöffe vnnnd die man nennet Doctores Ecclesie/haben beyde

Don beyde ley gestalt des H. Sacraments.

## Von den H. Gottes Bekennern

gestalt des Sacraments allen Christen gegeben/Die solches anders sagen vñnd schreyben/die thün den Heyligen Doctoribus gewalt vñd vnrecht/vñd seind grobe Lsel vñ vnuerschampte lugner.

¶ Sie sagen in disem Artickel. Es ist nit wider die eynsagung des Herren/nach wider das Euangelium vñ der Apostel gebott (guck/sie wissen nit was sie sagen) das die Leyen nur ein zeychen vom Sacrament des Altars entpfahen/Wir aber sagen/ Wann Christus sagt seinen lieben Christē/die er mit seinem theuren blüt erlöset hat/ Nemet/trincket/das ist mein blüt/rc. vñ ein ander Kompt daher / vñ verbeüt solches den Christen / vñ sagt / Bey verlust eüwer Seelen seeligkēyt/trincket nit/jr sollet Christum in dem parch nit hörē/er versüret eüch / jr seyde verdampfte Keger/nit allein wann ihr auß dem Kelch trincket/wie Christus befilcht/sonder auch wann ihr trincken wöllet/oder wann jr nur glaubt/das ihr auß des Herren Kelch trincken möget / vil grösser Keger seyde ihr noch/wann jr andere leüt wöllet lehren/was Christus befolhen hat/jr sollet nit Christo vñnd der Apostel lehr gehorsam sein/sondern der Kirchen/das ist vns/die wir verbieten was Christus befolhen/vñd die Apostel gelehrt/vñnd die Christen angenomē vñd gebräuchet haben/Was Christus befolhen hat/das soll nichts sein/ihā auch Kegerey/es were dann / das wir es wider züliessen oder erlaubten/das Christus befelch krafft vñd macht solte haben. Was wir aber wölle/das soll recht sein/es sey Christo lieb oder leidt/rc. Ist ein solcher mensch nit ein lesterer Gottes/vñd ein müßwilliger schender des heylsamen befelchs vnseres Herz

Den Kelch  
verbieten  
ist grosse  
Gottesles  
sterung.

Herz Jesu Christi: Solche frome leute seind vnser Pfaffen/mit der verbietung des Herren Kelchs /noch wollen sie Christen sein/iba sie dorffen wol mörder darüber werden/wie sie disen Wilhelm gemordet haben wider Gott/ vnd wann sie an etlichen orten keine gewalt habē zu morden/so fälet es doch an ihrem gūten willen nicht. Wer dise dieb bey solchen fruchten nicht mercken kan/der muß sehr vnuerständig sein.

¶ Zum sechsten vnd sybenden/ sagen wir/das sie des Vn Fasten. Heyligen Geysts vrtheyl wider sich geweyssagt haben. j. Timoth. iij. da stecken inne biß an die ohren dise leüt/die vom glauben abgetreten seind/vnd hangen an den irrigen Geystern vñ Teüffels lehrern / die da predigen lügen in heüchlerey/das ist/vnder dem scheyn der heyligkeit/sie haben schandliche brandmale in ihrem gewissen/wider die natur vnd wider Gottes wort. Was istß dann das sie so böse lehren: Sie verbietten den Ehelichen standt vnd speyse /rc. Ein Christ lese ye fleysig daselbs/ wie wir den text oft haben klärlich außgeleget in vnsern büchern/so würt er sehen/dz der H. Geyst vnser Pfaffen vnd Mönch gar seyn getroffen hat/Solche Ketzer vom H. Geyst verdampft/seind ye nit die man die Lutherischen nennet/des haben wir güt gezeügnuß von der ganzen welt/auch von vnsern feynden/wie dise beyde Lönischen Artickel anzeygen.

¶ Von den speysen sagen wir also. Man solte das Von der speyß. Volck lehren das sie nit fressen vnd sauffen/wie die Apostel lehren/vnd wie Christus vermanet/Luce xxi. Wütet eüch das eüwere hertzen nit beschwäret werden mit fressen



# Von den 5. Gottes Bekennern

sen vnd sauffen / vñ mit der sorg dieses lebens / zc. Vnd dar  
neben lassen die gewissen mit lehre vnd gesezen vnuerstet  
cket / ob sie fisch oder fleysch essen sollen / dann solches ist  
Teuffels lehre / dardurch die gewissen vom glauben Chri  
sti werden gefürt / vnd lernen sich auff erdichte gerechtigt  
eyt verlassen.

Von der  
Keüschheit

S. Paph  
nutius.

¶ Von der Keüschheyt aber sagen wir also / Alle Chri  
sten sollen Keüschheyt halten / Nyemandt soll vnkeüsch  
leben / wer nit kan keüsch leben außser dem Ehelichen stan  
de / der soll keüsch leben in dem Ehelichen stand. So willo  
Gott haben / vñnd so hat ers verordnet / Im Ehelichen  
stand aber keüsch lebē / ist / das ein jeglicher sich benügen  
lasset an seinem Ehelichen gemahel / wie auch Sanctus  
Paphnutius sagt im Concilio Niceno / vnd wehrete da  
mit / das das Concilium auff das mal nit müste schuldig  
werdē an den Teuffels lehrern / die Ehelich zü werden ver  
bieten / Darnach ifts gleichwol fürt gegangen / dann der  
Heylig Geyst kondte nit liegen / der solches zü vor geweyß  
sage hatte.

¶ Unsere Pfaffen redē also von der Keüschheyt / wie  
diser sybende Artickel anzeygt / gleich ob die Eheliche leü  
te die Kinder zeügen / nicht keüsch sonder vnkeüsch leben /  
vñ ist doch die vnkeüschheyt allen leüten verbotten / aber  
Kinder zeügen im Ehelichen stand / ist Gottes ordnung /  
sein werck vnd segen / Jha wañ schon keine Kinder daruon  
kōmen / so ist doch im Ehelichen stand die Eheliche pflicht  
Gottes ordnung / Gottes werck / vñnd Gottes recht / wie  
Paulus schreybt .i. Cor. vij. Darumb gefelt Gott solches  
wol / vnd hat einen greüwel an der vnordnung / die darwi  
der

der ist / also ist die Hürerey / die Ehebrecherey / die vnreynigkheyt vnnnd Sodomey / in welchen Teüffels wercken stecken bis an die ohren die meysten Pfaffen vnd Mönche / die so lössliche Keüschheyt fürgeben mit jren Artickeln / In hypocrisi loquentes mendacium. Die andern alle / die vnder jnen die reynsten wöllen sein / seind in den Teüffels lehren ersoffen / vnd verhärdigen die Teüffelische verbietunge des Ehlichen standes / dar auß solche schand vnnnd sünden kömen / wie am tag / Der Jüngste tag würt schier mehr an tag bringen / der ein bübe ist wie der ander / ohn das dise Teüffels lehrer erger seind / dann die allein in des Teüffels wercke stecken / Dann arme sündler mag Gott bekehren / vnd auß barmhertzigkheyt durch Christum / wann sie zum Euangelio können / bessern / Die aber die Teüffels lehren verfechten / seind in jrer heyligen lügen vnd Neüchlererey ganz verstockt vnd verblendet.

¶ Sie alle vber einen hauffen / seind nit werdt / das sie das heylige wörtlin / Keüschheyt / in munde nehmen / sie wissen nicht was es ist. Wer ohn hürerey / Ehebrecherey / vnreynigkheyt /c. lebt / der lebt Keüsch / er sey Junckfraw / Wiewe / oder Ehlich / So würt man es finden in der heyligen Schrifft / Der Teüffel wolte gerne sagen / wann er dörfte / das der Ehliche stand vnkeüschheyt sey / damit er möchte desto baß betreffrigen seine Teüffliche ehe verbietung. Darumb / darff kein Christ ewige Keüschheit sonderlich geloben / alle leüte seind schuldig ewige Keüschheyt zuhalten auß Gottes gebott / wie alle leüte schuldig seind Vatter vnd Mütter züchten / nit zu tödten / nit mördten / nit stelen / vnd dörfen solches nit sonderlich geloben /  
Wer

## Von den G. Gottes Bekennen

Wer aber auß vnwissenheyt ye gelobet hat ewige Keüschheyt/dem ist damit nicht verbotten ein Ehelich weyb zü nehmen/vnd Eheliche pflicht/kan er nit oder gefelle jm nit Keüsch zuleben ausser dem Ehelichen stand / so lebe er Keüsch im Ehelichen stand / so bleybet er ye noch in der Keüschheyt/vnnd vermeydet vnkeüschheyt/ in welche er möchre fallen wider Gottes gebott vnd wid sein gelübd.

Vom Gelo  
ben der  
Geystlichē  
souil die  
Keüschheit  
belangt.

¶ Aber ich will dir wol sagen was vnser Geystlichen geloben/wann sie geloben ire ewige Keüschheyt/ Sie geloben oder schwören nit Keüschheyt zuhalten/ daß vmb Keüschheyt willen zuhalten dörfsten sie nicht den Ehelichen stand vermeyden / sie leben auch nach ihrem gethobenem gelübd vñ geschwornen Eyde in aller vnkeüschheit/ zc. vnd die frömesten vnder jnen Königs ansehen/das ihre Wittspassen zehen Huren od auch Ehebrecherinnen bey sich haben/oder sonst mit jnen zuhalten/das ist allein ein menschliche brechlichkeit/das aber einer von jnē/hürerey/wie Paulus sagt/züuermeyden/ ein Ehelich weyb nemē/ nach Gottes ordnung vnnd willen/das ist ein Kezerey/nit zuleyden/die man mit feür muß straffen/vnd darnach liegen das solche ewig verdampft sein/das also der Eheliche stand in die hölle gehöre/vñ Sodoma vñ Gomorra in den Himmeln.

Merck.

¶ Was ist dann das sie geloben oder schwören? Ich wills sagen/vnd sie sollens selbs bekennen müssen mit aller welt/das ich nit säle/Sie verloben vnnd verschwören vnseres Herren Gottes Ehelichen stand / Nemlich/ das sie nymermehr ein Ehelich weyb wöllen nemē/ solten sie auch in alle Hürerey vnnd vnreynigkēyt darüber fallen vnnd

vnd ewig zum Teüfel faren. Iha es geschicht offte/dz Gott jr fräuel geloben vnd schwören strafft/damit das er sie desto mehr vnreyn lasset werden/ Sie solten des Teüfels werck/vñ nit Gottes werck/als da ist der Eheliche stand/verschwören/wie alle Christen haben gethon vñnd thün in der Tauffe/ Darauß mag man mercken wie seynd die Teüfels lehrer seind dem ehelichen stand/ doch in Hypocrisi/das ist/vnder dem schein der Engelifchen heyligz keyt/wie auch Paulus sagt. Col. ij.

**S**umma/ohn weyb reyn leben/können nit alle leüte/sondern etliche/den es Gott sonderlich gibt/wie Christus sagt/Marth. xij. vnd Paulus. j. Corinth. vij. Dem es nit gegeben ist/was gelobet doch der oder schwöret/zuhalten das er nit kan: Wöchtestu doch auch wol geloben vnd schwören/das du woltest fliegen vber den thurn/vnd hast keine flügel. Iha sprichstu/ Ich will Gott bitten vmb Keüschheyt/ Antwort/Dz ist wol vñ nöte/du hast ein weib oder nit/aber gelobe vñ schwöre nit/du wirst meyneidig. Ist dir aber solche sondliche gaab gegeben/dz du on weyb/od on man reyn lebē kãst/ So gedenc dz es ein gaab Gottes sey/vnd gelobe/od schwöre nit/dan du weyßest nit wie lang/ Es möchte mit der zeyt anders mit dir werden/so hastu dannoch hinsüre den heyligen ehelichen stand/ dazu du greyffen mögest/ weyl du merckest/ das du solcher mühe nit mögest vberhaben sein/ Mühe hie/mühe da/einen gnädigen Gott vnd güc gewissen müssen wir haben/ Kan ich nit vnehllich in den himel kōmen/ so kōme ich hincyn ehelich/wie geschryben stehet/Hebre. vij. Ehllich sey die Hochzeyt vnder allen/vñnd vnbesleckt die kãmer/ Die

Keüschheit  
geloben ist  
vnrecht.

## Von den H. Gottes Bekennern

hörer aber vnnnd die Ehebrecher würt Gott richten oder verdammen. Ich schweyge hie/ das auch einer der nit benötiget ist/sonder hat macht seines willens / das ist/ dem Gott solche gaabe geben hat / so er anders nit vntüchtig zur ehe sey/möge ehelich werden/Wie Paulus sagt/er sündigtet nicht. Der H. Geyst will den Ehelichen stand frey haben/wider alle Teüfels lehren.

Was da sey  
Reyn lebe.

¶ Aber reyn leben / heysset nit allein außwendig mit dem leyb oder für den leüten reyn oder keüsch leben/ dann dz were ein heüchlerey/sonder auch iüwendig ohn brunst vnd vnkeüschelüst/wie Paulus sagt/Das die Junckfraw keüsch / oder reyn / oder heylig sey mit dem leyb vnnnd mit dem Geyst. Das du nit mit dem hertzen ehebrechich oder vnreyn seyest/Wie Christus lehret/Vnnnd Paulus/weyl solche in der fahr der vnkeüschheyt seind / vnd können nit mit freyen hertzen oder gewissen dem Herren dienen/gib rath auß dem Heyligen Geyst/wider die Teüffels lehren/vñ spricht/ Zünermeyde die hürerey soll ein jeglicher sein weyb/vnnnd eine jegliche iren man haben/ Dañ es ist beset freyen dann brennen/Wie auch Sanctus Cyprianus beschloß/da er jnen ward/das etliche Diaken/die Junckfrawen (sint) beschließen / die ewige Junckfrawschafft gelobe hattē (dañ solche heyligkeit hüß sich zeytlich an/es waren aber keine Kloster Nonnen)vnd solche heylige Diaken decketen doch den schalck/ mit heyligem scheyne/vnnnd hießen solche Junckfrawen/ire Geystliche Mütter/es waren alle güte Geistliche leüt/Solche heyligkeit bringe solche fruchte. Wie dann etliche von vnsern Nonnen/die Coronate/welche sie nenñen Carnatē/offte auch seind großlich

lich angefochten von solchen heyligen leuten/2c. Die wort Sancti Cypriani/wie er schreybet/lib. 1. Epi. 1. seind dise. Wort des S. Cypriani von den Jungfrauen.  
 So solche Jungfrauen nit wollen/oder nit können beständig bleyben/so istts besser das sie freyen / dann das sie mit iren lustē solten ins feur fallē/auff das sie mit solcher weyse den Brüdern vnd schwestern/das ist/den Christen/kein ergernuß anrichten.

¶ Das seind seine wort/welche wir Christē nit daruñ sollē annemen/dz sie Cyprianus allein hat gsagt/sond darumb dz sie Cyprianus hat gsagt auß Gottes wort/ Dañ seine wort stehē auff die erste auff den worten Pauli/ Es ist besser freyen dan brennen/ Zum andern/ dar auff/wie die ganze heylige Schrifft lehret / das kein schand leben vnder den Christen/wie vnder vnsern Geystlichen / soll sein. Solchen güten spruch auß Gottes wort/wider die Teüfels lehre/ die vnder einem heyligē scheyn der Jungfrau schafft vñnd Keüschheyt / die ehe verbeüt / findestu in des Papsts Decret nit/damit man möchte vil ellender gewissen trösten vñ Christlich erretten/sonder das sein lieber zusamen raffet/solche spruch der Väter/die sie vnfürsichtlich vnd on Gottes wort/ iha offte wider Gottes wort gesage haben/das damit vnser Geystlichen / marter vñnd stricke zürücheten den armen gewissen/ vmb welcher willen zū erfreyen Christus den todt hat gelitten. Was wiltu mehr hören von solcher Keüschheyt?

¶ Aber vnser Läuflichen Theologen setzen in disem sybenden Artickel darzū/ Oder sonst ander gelübd/ Gott gelobe vnd gethon/soll man halten/Sie meyneten es zürüchsen/das sie ihre Kloster gelübd bestärzigeren mit einer

## Von den H. Gottes Bekennen

Clausula generali/aber es hilfft nicht / Man gelobet offte Gott/das nit Götlich ist/Man gelobet auch offte Gott/ vnd bezalt es dem Teüffel.

**E** Wie offte haben wir geschryben / das ein recht ge-  
lybdt soll zweyerley an sich haben. Das erste / das es sey  
Eygenschafft  
re eins rech  
re gelübds.  
müglich/das ander/das es sey Götlich / Was nit müg-  
lich ist/oder einem menschen nicht von Gott gegeben/das  
gelobet vnd schwöret ein Narr / Was aber nit Götlich  
ist/das ist/was wider Gottes wort ist vnnnd den glauben/  
das gelobt ein Gottloser vnd Vnchristen / es were dann/  
dz ers thete auß vnwissenheyt/dem soll es leydt sein / wañ  
ers lernet mercken/vnd soll Gott bitten das er ihm solche  
vnwissenheyt vergebe/vñ darneben sein Gottlose gelübd  
vnnnd eyde mit süßen treten/Wer sich zum Teüffel hat  
gelobt vnd geschworen/solte er darnach nicht begeren loß  
zu werden: wie kommen wir Christen zu solchen Teüffels  
stricken: Vnmüglich ist's zuhalten/das du gelobst on ehe  
reyn zu leyben/wann dir's nit sonderlich gegeben ist von  
Gott/wie gesagt/Vngötlich vnnnd vnchristlich ist's/das  
die Mönch ein erlogene armüt geloben/vnd etliche wöl-  
len bettlen/etliche setzen sich in die güter / die sie mit ihren  
Segfeürsmessen der welt abgelogen haben/so lang das sie  
auch Bischoffs stäbe vnd hüre gekriegt haben / was wöl-  
len sie damit machen: Paulus durch den Heyligen Geyst  
thüt in den bañ solche vngeystliche müßiggänger vnnnd  
Bauchdiener alle sampt. ij. Tessel. am iij. Bey vns seind  
sie die besten. Summa/alle ire regulen vnnnd obseruantien/  
Frem/alles menschlichs fürnemmen/dardurch sie wöllen  
Ablass vnd vergebung der sünden erwerben / ist vnchrist-  
lich/

lich/vñ ein verleügnung der barmherzigkeyt Gottes vñ  
des blüts vnseres Herren Jesu Christi.

¶ Zum achten/sie setzen einen Artickel also/ Man soll  
gehorsam sein dem gebott der Kirchen vnd des Keyfers/  
das man Luthers bücher nicht lesen soll. Mit dem wort  
Kirch/da können sie mit spielen vñnd schirmfechten wie  
sie wöllen/für den blinden. Kirch/welchs auff Griechisch  
Ecclesia heysset/ist auff Teütsch ein versamlung / Damit  
wir pflegen zunennen / die versamlung der Christen/ Wan  
man sagt Ecclesia/ein Christenheit/so köndtens die Teü-  
schen besser verstehen. Ein gemeyn Christenheyt/gehet  
vber die ganze welt/inn welche gehören/ alle die an Chri-  
stum glauben/vnd Christus lehr lieb haben / welche auch  
würdt geneniet Apostolica/darumb das sie sich helt an die  
lehre vnd an den glauben/welchen ihz Christus durch sei-  
ne Apostel hat predigen lassen / vnd befolhen. Alle Eccle-  
sie/das ist/alle Christenheyt oder Christliche versamlung  
in sonderlichen örtern vnd landen / sollen alle gehören zu  
solchem glauben vnd lehre/ vñ nit abgescheyden sein/von  
der gemeynen Christenheyt/ wie gesagt. Apostel glaub  
vnd lehre soll allen Christen gemeyn sein/ anders seind sie  
nit Christen/wiewol sie sich so nennen/ So solt du verstehen  
das wörtlin/ Kirch/ oder Christenheyt.

¶ Nun willich dir auch sagen was in des Luthers bü-  
chern geschryben stehet/das du mögest recht mercken / ob  
das auch ein Ecclesia Christi/das ist / Ein Christenheyt  
sey/die solche bücher verbeit zulesen. Luther hat in sei-  
nen büchern geschryben solche lehre / als ich in diser Vor-  
rede / wider dise acht Löuische Artickel geschryben habe/

Das man  
des Lu-  
thers Bü-  
cher nit les-  
sen soll.

Was D.  
Luther in  
seinen Bü-  
chern ge-  
schrybe hab



## Von den G. Gottes Bekenern

welche lehre er so bewäret hat mit Gottes wort vnd des Christlichen glaubens warheyt/das es vnser Sophisten/meyn ich/wol gefület haben/sie können nün nit mehr daß Gottes warheyt schenden/vnd das vnschuldige blüt verdammen.

¶ Ober das so hat auch der Lucher/wiewol schier in allen seinen büchern/darvon geschryben stehet/doch auch sonderliche bücher gemacht/von der gewalt vñ ehre weltlicher Oberkeyt/vñ also wider herfür gezogen/dz es auch mercken die Fürsten vñnd Herren/die sonst vnser feynde seind/In der Psaffen Bücher würstu solche treffliche vñ Göttliche lehre vom gehorsam der Oberkeyt nit finden/In sie haben sie lieber etliche hundert Jar vndergehalten/gleich ob sie selbs die Matesket weren/leysteten keinen gehorsam/welches ihn doch die Apostolische lehre gebotten hat/gaben nit schoß vnd andere pflicht/welchs doch Christus selbs dem Keyser oder Oberkeyt nit versagt hat/vñ hat vns gebotten/Gebet dem Keyser was dem Keyser/das ist/der weltlichen Oberkeyt/gehöret/was jr aber gehört/schreybt Paulus. Roma. viij. Darüber faren sie zū/nün die Euangelische warheyt so offenbar ans licht kompt/vnd vberreden die weltliche Oberkeyt/dz sie müß die warheyt Gottes verbieren/gleich ob sie Türcken weren/vñnd wäsch den hände im vnschuldigen blüte/Ich meyn/sie thün ye der weltliche Oberkeyt grosse ehre/wann sie die so greüwlich mit Gottes rechte beschwäre. Ich hoff Herren vñnd Fürsten vñnd andere Oberkeyt/werdens ein mal mercken/das helffen Gott durch Jesum Christum vnsern lieben Herren/Amen. Darzū lehret der Lucher  
auch

auch fleysſſig bitten für Keyſerliche Maiestat vñnd alle Oberkeyt/vñ wir bitten auch fleysſſig offenbar vom Predigſtülē/vñnd wann wir gehen zum Sacrament vñnd in vnſern offenbarn Litaniē/wie am tag / ſo es ands yemande wiſſen will/vñnd wir wiſſen das wir haben einen Gott der vns erhöret durch Chriſtum vnſern Herren / Der Teüſſel wolte gern durch die Pfaffen vñnd Mönch/die Oberkeyt vberreden/das ſie vns für ſolchen dienſt vnſern lohn gebe / Das beſelhen wir Gott/ der ſols ſehen vñnd richten.

¶ Iha das hauptſtuck/in des Luthers lehre vñnd Büchern/hab ich noch nit geſagt/Alle ſeine lehre vñ Schrift iſt der grunde aller heyligen Schrift/Articulus Iuſtificationis, das iſt/wie wir armē verlorne ſünder ſollen vnſer ſünden loß/fromb vñnd ſelig werden/Nemlich/das wir von vns ſelbs verloren ſeind/vñnd köñen vns ſelbs nit helfen/nach keine Creatur im Himel oder auff erden/vñ werden der wegen nit auß vnſerm verdienſt oder vermögen / ſondern auß lauter gnade vñnd barmhertzigkeyt Gottes vnſers lieben Vatters/vmb des blüts vñnd verdienſts willen ſeines lieben Süns vnſers Herren Jeſu Chriſti/gerecht fertiget/das iſt/gelöſet von vnſern ſünden / vñnd ewig ſelig/dz wir hinfür kinder Gottes ſeind/mit dem h. Geiſt begaabet / vñnd thün vnſers Vatters willen. Solche Artickel vñnd lehre iſt der welt nit zuleyden / ſolchs (wie Paulus auß dem Eſaia ſagt. 1. Cor. ij.) hat kein ange geſehē/kein ohre gehört/vñnd iſt in keins menſchen hertz geſtigen/ on dem es der Geiſt Gottes durch die Predig des Euangeliū offenbart/Vnſer Papiften köñen Gottes gerechtkeyt nit in Chriſto/wiſſen ands nit dan von menſchlicher gerecht

Hauptſtuck  
in des Lu-  
thers leh-  
re vñ Schrift  
ten.

## Von den G. Gottes Bekennern

gerechtigkeyt / die zur seligkeyt für Gott nichts gilt / zur  
plappern / nit vil besser dann Türcken vnd Juden / on das  
sie allein Christo den namen vnnnd tittel lassen / das er sey  
vnser gerechtigkeyt / das verstehen sie nit.

¶ Was ist nün in des Luthers Büchern / das man nit  
lesen soll? oder was ist das für ein Kirch / oder Christen-  
heyt / die solche lehre verbeüt zulesen? Wir wöllen Keyser  
licher Maiestat vnd aller Oberkeyt thün alles was ihr  
gehöret / vnnnd soll nyemandt beweysen das wir vngehör-  
sam sein / so man wölle recht sagen / dz wir aber auch Gott  
thün was ihm gehöret / das soll vns die Oberkeyt / die von  
Gott verordnet ist / zugüt halten / Dañ Christus hat vns  
beyderley befolhen / Gebet dem Keyser was dem Keyser  
gehöret / vnd Gott was Gott gehöret.

¶ Mich wundert / das die Lönischen Sophisten in ih-  
ren Artickeln nit ein wort gesetzt haben / de Justificatio-  
ne / wie man fromb / oder der sünden loß werde / das man  
für Gott ein gütt gewissen habe / Ich meyn / sie seyen nicht  
groß darumb bekümmert / sonder allein plappern vö Stra-  
tuten / Segfeürs messen / Deyligen anruffen / einer gestalt /  
Eyer vnd Butter / vnnnd irer Deyligen Keüschheyt. Wer  
Gottes genade in Christo erkennet hat / der kan sich gar  
leychlich in solchen stucken entrichten / Wie aber solten  
sie sich darumb bekümmern / weyl sie die barmhertzigkeyt  
Gottes / vnd das blüt vnser Herrn Jesu Christi sehen?  
den mit irer lehre / auffs höchste / vñ mördten die solche gna-  
de bekennen?

¶ Ich halt auch das sie sich schämen von dem Artickel  
mehr zusagē / weyl es an tag kōmen ist / wie schandlich sie  
damit

damit wider alle Schrifft vnd den Christen glauben ge-  
redt vnd geschryben haben/Die Gelehrtesten vnder jnen/  
pflegen zůschreyben vñ lehren/das mans solte verstehen/  
von den wercken der Jüdischen Ceremonien/wann Pau-  
lus so oft lehret/das kein mensch fromb werde durch die  
wercke des Gesetzes/vnd folgeten so nach/etliche Lehrern/  
die nit wußten den rechten grundt des Christlichen glau-  
bens/wiewol sie grosse namen habē/Welche Augustinus  
mit klarer schrifft straffe vñ nider leget/De spiritu & litera.  
c. viij. vnd viiij. Solchs können vnser blinden nit sehen/  
dan es gefelt in nit. Vnder jnen seind auch rechte Grania-  
nen entstanden/die meyneten/es were ein grosse Ketz-  
rey/das man saget/ Sola Fides iustificat, das Sola/solteye  
nit darbey stehen/vnd Paulus lehret doch nicht anders/  
der heylig Geyst gibet auch anders keinen glauben/dann  
der vns allein fromb machet in Christo/wöllen sie die leü-  
te darumb für Ketzerey schelten/so schelten sie auch San-  
ctum Ambrosium/der doch oft schreybet das glaube als  
lein fromb machet/in Commentarijs in Paulum. c. iij.  
vñ d. iij. 2c.

**C** Doch laß sie faren/sie seind blindt vnd blinden ley-  
ter/man weyß wol wie es solchen pfleger zugehen/ Es ist  
greüwlich anzusehen/das etliche durch Gottes gericht  
so verblindet seind/Sehr tröstlich aber/das wir auß sol-  
cher blindtheyt errettet seind/vnd das der H. Geyst noch  
in disen letzten vermaledeyeten zeyten/etliche Martyrer  
stercket/das sie umb der warheyt Christi willen/ddiffer-  
den todt leyden/wie diser Wilhelm von Swollen. Des sey  
Gott gelobet in ewigkeyt/durch Jesum Christum vnsern  
Herren/Amen. c Ende

# Von den G. Gottes Bekennern

¶ Ende der Vorred D. Johān Bugenhagenē Pomers.  
Solgen nūn hernach die Artickel der Sophisten vnd Doctorn zu Löuen/  
samt irer Christlichen verantworung / durch gemelten  
Wilhelm von Zwollen ange-  
setzt.

## Artickel der Doctorn von Löuen.

Merck  
frömer Le  
ser die Bez  
kannuß  
Papistia  
cher Chris  
ten.

**N**achdem wir gesehen haben die Acta vñnd antwort  
vns gestern gethon von Wilhelm von Zwollen / So  
habē wir geordnet / das dise stück so hernach solgen /  
gehalten / geglaube vñ bekennet sollen werden / durch den  
vorgenandren Wilhelm / so er für einen rechten Christen  
man will gehalten sein.

i. Zumerstē / Wa yemandt ersücht würe zuschwören /  
in sachen die gerechtigkeit belangend / oð den glauben / so  
derselb schwöret / so thüt er nicht wider das wort Gottes  
oder die heylige Schrifft.

ii. Item / das man sagt / das der Papsst vñnd gemeyne  
Kirchemacht haben / Gesetze oder Statuten zumachen /  
zum Regiment / dem Christen Volck / vñnd das dem selbi-  
gen das Volck gehorsam sein soll / ist nit wider die Heyligē  
ge Schrifft.

iii. Item / das man saget / das Fegfeur sey durch men-  
schen tröume erfunden / das ist wider die seelige lehr der  
gemeynen Kirchen / vñnd der Heyligen / die vberweyn kom-  
men mit der H. Schrifft.

iiii. So soll man auch sagen von der anruffung der  
Heyligen

Heyligen die mit Christo leben/ Dann die sie anruffen/  
thun nit wider die Heylige Schrifft.

v. Item/ es ist nicht wider die cynsetzung des Herren/  
noch wider das Euangelium vnd der Apostel gebort/ dz  
die Leyen nur ein zeychen vom Sacrament des Altars  
entpfahen.

vi. Item/das man sonil tag der abstinenz von eyern/  
buttern auffsetzt/ als in der Fasten/vnnd von fleysch/ als  
auff der Apostel abende/ vn̄ andere tag von der Heyligen  
Kirchen eyngesetzt/ das ist nit wider die H. Schrifft.

vii. Item/ Keuschheyt ewigklich gelobet / oder witwe  
zubleyben/ oder sonst andere gelubdt / Gott gelobt vnnd  
gethon/ soll man halten / So gebeüt vns die H. Schrifft.

viii. Item/ man soll gehorsam sein dem gebort der Kir  
chen vnnd des Keyfers/ das man Luthers Bücher nit les  
sen soll.

¶ Hierauff verleyhen wir dem Wilhelm/ zeyt von xij. Zwölff tag  
tagen/ darauff zuantworten/ vnnd dareyn zubewilligen/ werde Wil  
oder wir sollen mit jm firt faren/ wie recht ist. helmo zum  
bedacht ver  
gönnet.

¶ Antwort auff jetzterzölte Artickel der Päpstischen  
Doctorn zu Löuen/ gestellt durch Wilhelmum  
von Zwollen.

**S** Ich seind die Artickel auffs Kürzst begriffen/ welche Bekantnuß  
Ich Wilhelm von Zwollen denen von Löuen/ für Wilhelm  
nemlich meinem Herren dem Dechant gesandt hab/ von Zwoll  
vnd in die länge verklärt / mit der H. Schrifft darauff ge  
firt/wabey ich gedenc̄t zuleben vnd zusterben/ Vnd habe  
sie gesandt dem Obersten General Procurator.  
len.

# Von den H. Gottes Bekennern

Vom Eydt  
schwören.

**T** Zum erstē/das einem Christen nit gepürt zuschwören/  
Matthei am v. dann also Christlich zuschwören/ als  
Paulus thet. Rom. j. Testis est mihi Deus, &c. mag ein Chri-  
sten mensch wol thun/ Vñ in sachē die gerechtigkeit belan-  
gend/wañ ich darzū gezwungē wurde od vermanet von d  
Oberkeyt die warheyt zusagen/ was Gott/ oder meinen  
neben Christen angehet/ Also schwöret die Oberkeyt den  
Vnderthonen/vnd die Vnderthonen den Herrē/ &c. Dañ  
was vns selbst angehet/sollē vnserē wort/ Jha/ Jha sein/  
Neyn/Neyn/nach der lehre Christi/ Matth. v. Vñnd die  
warheyt frey aussagen.

Vñ Bapst.

**T** Der ander Artickel von dem Bapst/Also lang er dz  
Schwerdt nit niederlegt/vñnd ist vnderthon dem Keyser  
vnd Königen/mit dem eüsserlichen menschen/vnd nimpt  
an das Schwerdt des Geysts/welches ist das wort Got-  
tes. Ephe. vj. so soll er vber meine Consciensz oder gewis-  
sen/weder zūbinden/nach zūentbinden kein gewalt habē/  
Dann Christus sprichet/Matth. xij. Wer nit mit mir ist/  
der ist wider mich. Also kan kein Christen Mensch dem  
Antichrist mit dem inwendigen menschen vnderthänig  
sein.

**T** Auch bekenne ich/das der Bapst/Bischöffe/ oder  
Pfarrher macht haben zū Ordiniern auß Gottes wort  
ein Christliche Ordination/vñnd die glidmaß der Neyli-  
gen Christlichen Kirchen schuldig seind die selben zūhal-  
ten/ So die selbigen/ mit der lehre Christi/oder der Apo-  
steln vnd Euangelisten vberēyn kompt/vñ der selben nit  
entgegen ist. Vñ dise/Bapste/oder Bischöffe/Pfarrher/  
seind kein Haupt/Herrē/oder Breütigam der Christli-  
chen

then gliedmasse oder Gemeyne/Sondern freye diener/vn-  
derhalter/fürwesser/auffseher oder Hirten/2c. Vnnd dise  
Christenheyt/gliedmasse/oder Kirche/ist nit allein vnder  
dem Bapst oder Römischen Kirchen/sonder in der ganz-  
gen Welt/gleich wie die Propheten verkündiget haben/  
das das Euangelium Christi solte in alle welt kommen/  
Psal. ij. vñ xviii. das also vnder dem Bapst/Türckē/Per-  
sen/2c. allenthalben die Christenheyt leylich zerstreüwer  
ist/aber Geystlich ist sie versamlet in ein Euangelium/ei-  
nen Glauben/vnder ein Haupt/welches ist Christus Jer-  
sus.

¶ In diser Christenheyt vberal wa sie ist/da ist verge-  
bung der Sünde/vnnd der rechte Ablass/ Dann allda ist Merck.  
das Euangelium / die Tauffe / das Sacrament des Al-  
tars/ In welchen die vergebung der Sünden würe ange-  
botten/geholt vnd entpfangen/vnnd Christus vnnd sein  
Geyst/vnd Gott ist auch allda/vnd außer diser Christen-  
heyt ist kein seeligkēyt noch vergebung der Sünden/vnd  
in disem Geystlichen dienst / oder ordnung / hat ein Bi-  
schoff/Pastor oder ander Geystlich gliedmas / der den H.  
Geyst hat/vnd von den gliedmassen der Heyligen Christli-  
chen Kirchen verordnet. (ob er gleich keine platten hat/  
noch mit der aufwendigen salbe bestrichen ist) so grosse  
macht als der Bapst zürweydē/Teuffen/das Sacrament  
aufzuthelen vnd brechen/2c. Nach dem wir alle haben  
nur einen Gott/einē Christum/einen Geyst/ein wort/2c.  
dardurch das alles geschehen muß/vñ des Bapsts Gott  
nit grösser ist/dann vnser Gott/welcher durch vns so wol  
würcket/als durch ihn/ Dann das sein glaube stercker in  
c iij Gott



# Von den H. Gottes Bekennern

Gott sein kan / dann meiner oder eins andern / mag wol sein / oder ein grösser gaabe von Gott durch den heyligen Geyst empfangen hat / Desgleichen mag ein mensch / der für der Kirchen sitzt / vil grössern glauben haben dan der Papst / vnd mehr gaaben von Gott durch den H. Geyst empfangen.

Vom Seg-  
feur.

¶ Der dritte Artickel von dem Segfeur / was Paulus damit meyn / s. Cor. iij. das meyn ich auch / vnd nicht weyter.

¶ Aber das ich den Doctorn hab zügelassen vmb harzigkeyt willen jrer hertzen / das da solt ein Segfeur sein / darauß will ich mich nit lassen tödten / Dann ein rechtgleübig mensch in dem glauben sterbende / weyß das er selig ist / vnd der nit glaubt / verdampft / Also das den verscheydenen seelen / Seelmessen / Vigilien / Jargezeytten / ic. nit zü hilff oder zuschaden kömen / Sonder wir die wir im leben seind / vnd den selben worten Gottes glauben / die vns in der Aß / oder sonst verkündiget werden auff dem Predigstül / werden dardurch selig / Dann vns kein ander Namen geben ist / dardurch wir mögen selig werdē / dan der Name Jesu. Acto. iij. vnd kein ander weg gerecht zü werden / dann durch den glauben an Christum Jesum / Roma. iij.

Vs fürbit  
der gestorb  
nen Heyligen.

¶ Der vierdte Artickel / Ob die Heyligen die gestorben seind in dem Herren / eynige macht haben / für vns zü bitten / Halte ich mich allein an den Eynigen Fürbitter Jesum Christum / nach dem das vns die Schriffe gar nicht vermanet von denen / die gestorben seind in dem Herren / dz wir sie anruffen oder das sie für vns bitten solten / on allein

kein von den lebendigen heyligen hie auff diser erden.

¶ Der fünfft Artickel/Von dem Hochwürdigen Sacrament/halt ichs wie Christus dasselbige seine Jüngern gab zu seinem Testament/als Mattheus/Marcus / vnd Lucas vns beschreyben.

Dem Sacramēt des Leybs vnd Blüts Christi.

¶ Auffss kürzest / glaube ich / das die Wess nit anders ist/dann ein Testament/gedächtnuß/oder Dancksagung/oder will mans so nennen/mag man es auch halten für ein representation/nur kein werck/Opffer oder gnügthung für die verstorbnne menschen oder seelen/die auß dem leychnam seind verschiden / Et sic pro iustificatione animę sufficit sola effusio sanguinis Christi.

¶ Aber das man vns die eine gestalt daruon nimpt/nemlich das blüt vnsers Herren / vnnnd vns das nit geben will/ist wider die eynsetzung Christi/Jha auch wider des Papsts eygen Geystlich recht / Auffdas erst Belasij des Papsts/de Consecratione distinctione.ij. Ca. Comperimus. Item/in der selbigen distinction Cap. Quid sit/ Der Papst Gregorius/ Item/in dem selbigen Capitel/ A quibusdam 2c. vnnnd abermal in der selben distinction Capitel. Si non. Sagt S. Hilarius / Wann jemandt nit so grosse sünde gethon hette/2c. Also mag man sehen/wie vnstünig dise falschen Papisten vnd Tyrannen seind/Das sie nit allein wider Gottes wort / sondern auch wider jr eygen Geystlich recht streben / Welches sie gemeyniglich/grösser achten/dann Gottes wort.

Von beyder ley gestalt des Sacraments.

¶ Der sechste Artickel/von der Beycht/Halt ich auffss erste/als David beychtet für Gott seinem Herren/welche ein Christ alle tage schuldig ist zuchün. Zum andern wie

Von der Beycht.

wir

## Von den G. Gottes Bekennen

wir haben/ Matth. v. vñnd die sollen wir thun/so oft als wir vnsern nechsten Christen erzürnet haben. Zum dritten mal/das wir sollen gehē zu einem verständigen man/von Gott erleuchtet/vñ von der heyligen Christliche Kirchen geordnet/vñ im vnserer not Klagen/damit wir im gewissen beschwärt seind/Vñnd empfahen von ihm das wort der Absolution(welches Christus seinen lieben Aposteln befalch) zu vergebung der sünden/Vñ diese Beychte ist allen Christen frey hin geben ohn allen zwang oder peyn einer Todesünd/Ohn allein wann er sich selbs beschwärt fület/mag er darzu gehen.

Von fleisch  
essen.

¶ Der sybende Artickel/von fleisch zu essen/ist allen Christgleübigen frey gelassen/auff was tag/zeit/stunde/wann einer das thut mit Dancksagung dem Himelischen Vatter/hüte sich doch das er damit nyemandt ergeret/Aber den Vngleübigen ist nichts vberal reyn/dann ihr gewissen ist beschmeyst/Aber etliche tage zu enthalten eyn gesetzte von der Heyligen Kirchen/umb etlicher vnordnungen vñ rauchlosen menschen willen/zū einer eüsserlichen übung/damit sie das fleisch im zaum halten/lass ich wol zu/dz nit wider die W. Schrifft ist/Aber einem Christgleübigen/der den willen seins Vatters weys/vñnd der sich täglich mässig halt/ist ein tag/als der ander. Isset er fleisch oder butter/so isset er dem Herren/Lasset ers/so thut ers dem Herren/nach der lehr Pauli/Keinen tag außgenommen/ohn ergernuß. Et sic omni tempore licitum est uelci caribus. Aber so Keyserliche Maiestat/in plötzlicher anligen der not vñ angst/wie der König zu Timine that/ein gebott vber seine vnderthone außliesse gehē/ein tag zweet  
oder

oder drey zuffasten/Es were der Sontag/Dinstag/Frey/  
tag/oder Sonnabend/das einer den andern außwendig  
mit solcher weyse ermanete zur inwendigen büß/vñ züm  
ernstlichen anruffen Göttlicher barmhertzigkeyt/vnd er  
liche lieffen solches Fasten anstehen auß verachtung Key  
serlicher Maiestat vnd solcher not/darffich sagen/das sie  
Gott den Herren/damit erzürneten.

¶ Der achte Artickel von den gelübden der Mönchen Vñ Gelüb  
vnd Nonnen/Seytenmal ich nit in der Heyligen Schrifft den der  
finden kan/das der stand von Gott cyngesetzt ist/sonder Mönch vñ  
allein auß menschen gesetz ohn Gottes wort oder befelch Nomen.  
gestiffet/mag ein jeglicher her auß gehen wie er will/vñ  
sag dz es ein vngöttlicher stand ist/weyl sie dardurch mey  
nen selig zu werden.

¶ Der neündte Artickel/das ich Martinus bücher ge Von S. Lu  
lesen habe/hab ich nit gethon/das ich Keyserlicher Ma thens Bü  
iestat gebott dardurch verachte/sondern allein darumb/ chern.  
das ich möge sehen was gut oder böß sey/vnd was wider  
Gottes wort sey/als menschen lehr vñ tröume/das ich die  
selben verwerffen möge/Also hoffich/würt mirs Keyser/  
liche Maiestat/wol zu gute halten.

¶ Von den sayungen der Kirchen/würt hiemit in Merck.  
dem glauben begriffen/welchen ich hie bekennen will/vñ  
damit der Heyligen Dreyfaltigkeyt mich besolhen habē.

¶ Ende der Antwort so gemelter Wilhelm von Zwol  
len auff die angestelten Artickel der Sophisten von Löuen ganz Christ  
lich vber geben hat. Folget nun sein letzte Bekantnuß vnd  
Beycht/in deren er folgendß Christlich  
verscheyden ist.

# Von den 5. Gottes Bekennern Bekennuß des Christli- chen glaubens.

Von der  
5. Dreyfal-  
tigkeit.

**A**uffs erste/glaub ich von gangem hertzen den hohen  
Artickel der Götlichen Maieestet / das der Vatter/  
der Sün / der Heylige Geyst / drey vnder schidliche  
personen/ein rechter/eyniger/natürlicher/warhafftiger  
Gott ist/Schöpffer himels vnd der erden/ aller ding vnd  
Creaturen/gleich wie das alles noch beyde in der Römischen  
Kirchen/vnd in aller welt bey den Christlichen Ge-  
meynen gehalten würt.

Von Jesu  
Christo / sei  
vns lehret  
vnd ampt.

**Z**um andern/glaube ich vnd weysß/das die Schrifft  
Christo / sei vns lehret/das die mittelste person in der Gottheyt/nem-  
lich der Sün allein /ist warhafftig mensch worden/von  
dem Heyligen Geyst/ohn Mañs züchün empfangen/vñ  
von der reynen heyligen magdt Maria / als von rechter/  
natürlicher müter geboren/als vns S. Lucas klärlich be-  
schreybt/vnd die Propheten verkündiget haben/Also/dz  
mit der Vatter/nach der Heylige Geyst ist mensch worden.  
Auch das Gott der Sün/mit allein leyb ohn seel/sondern  
auch die seel/das ist ein ganze vollkomne menschheyt an-  
genommen hat/der rechte saame oder kindt Abraham vnd  
David verheysen/vnd ein natürlicher Sün Marie gebo-  
ren ist/in aller masse vñnd gestalt/ein rechter mensch wie  
wir/ohn das er ohn sünde / allein von der Junckfrawen  
durch den heyligen Geyst kommen ist / Vnd dz diser mensch  
warhafftiger Gott ist/ein ewige/vngetherleee person/auß  
Gott vñnd mensch worden/ Also/das Maria die heylige  
Junck

Junctfrau/ist ein rechte warhafftige Mütter/nit allein  
des menschen Christi/sonder auch des Sons Gottes/ als  
der Engel/Luce ij. spricht/Das in dir geboren würt / soll  
Gottes Sün heysßen/Diñ ist mein vnnnd vnser aller Herz/  
Jesus Christus/Gottes vnd Marie cyniger / rechter na-  
türlicher Sün/warhafftig Gott vñ Mensch. Auch glau-  
be ich/das diser Gottes vnd Marien Sün/vnser Herz Je-  
sus Christus/für vns arme sündler glicten hat / gecreüzt/  
get/ gestorben vnnnd begraben ist / damit er vns von sün-  
den/ Todt vnnnd ewigem zorn Gottes/durch sein vnschuld-  
dig blüt erlöset hat/Vnd das er am dritten tag ist auff-  
standen von dem Todt/vnnnd auffgefahren gehn Himmel/  
vnnnd sitzet zur rechten handt Gottes des Allmechtigen  
Vatters/ein Herz vber alle Herzen/ein König vber alle  
Könige/vnnnd vber alle Creaturen/in himel/erden/vnnnd  
vnder der erden/vber todte vnd leben / vber sünd vnnnd ge-  
rechtigkeyt.

¶ Zum drittē/glaub ich an den H. Geyst/der mit dem Von dem  
Vatter vñ Sün ein warhafftiger Gott ist/vñ vom Vat H. Geyst.  
ter vnd Sün ewiglich kompt/vnd doch ein vnder-scheyd-  
liche person/in einem Göttlichen wesen/vñ natur/Durch  
den selbigen werden alle gleübigen/mit dem glauben vnd  
andern Geystlichen gaaben geziert/als mit einer lebendi-  
gen/ewigen Göttlichen gaab vnnnd geschenck / Von dem  
todt aufferweckt/von sünden gefreyet/frölich vñ getröst/  
frey vnnnd sicher im gewissen gemacht. Dann das ist vnser  
trost/dz wir solches Geysts gezeügnuß in vnserm hertzen  
fülen/dz Gott will vnser Vatter sein/die sünde vergeben/  
vnd das ewige leben vns vmb sonst schencken vnd geben.

# Von den 5. Gottes Bekennern

Von der  
Christenli-  
chen Kir-  
chen.

**I** Darnach glaub ich/das nur ein Christliche Kirche  
ist auff erden/das ist/die Gemeyne/oder Versammlung al-  
ler Christen in aller welt/die eynige Braut Christi/vnnd  
sein Geystlicher leyb/vber welche er auch dz eynige haupt  
ist. Vnnd die Bischöffe oder Pfarzher der gemeyne seind  
ire diener vnd auffseher/vnderhalter oder fürwesser/Vnd  
dieselbige Christenheyt ist nit allein vnd der Römischen  
Kirchē oder vnder dem Pappst/sond in aller welt/wie die  
Propheten verkündiget haben / das das Euangelium  
Christi solt in alle welt kōmen/ Psal. ij. vnd xvij. Das al-  
so die Christenheyt in der Römischen Kirchen vnd allent-  
halben leyplich zerstreüwet ist/ aber Geystlich ist sie ver-  
samlet in einem Euangelio vnnd glauben/vnder einem  
haupt/welches ist Jesus Christus. In diser Christenheyt/  
wa sie auch ist/da ist vergebung der sünden/dz ist/ ein Kö-  
nigreich der gnaden/vnnd des rechten Ablass/ Dann da-  
selbst ist das Euangelium / die Tauffe / das Sacrament  
des Altars / in welchen die vergebung der sünden / würt  
angebotten/geholt vnd entpfangen/ vnd Christus vnd  
sein Geyst/vnd Gott/ist auch allda. Vñ außser diser Chri-  
stenheyt / ist kein seligkeit / noch vergebung der sünden/  
sonder der ewige todt vnd verdammuß.

Von der  
aufferste-  
hung am  
Jüngsten  
tag.

**I** Zum letzten/glaub ich die aufferstehung aller tod-  
ten/am Jüngsten tag/beyde der gerechten vnd vngerech-  
ten/das ein jeglicher als dann entpfahen soll/ gleich wie  
er gerhon hat/Vnd also sollen die gerechten ewiglich leb-  
ben mit Christo/vnnd die vngerechten ewiglich sterben  
mit dem Teuffel vnd seinen Engeln. Also glaube ich an  
meinen Herren/wie alle rechtschaffne Christen/Dann al-  
so leh?

so lehrt vns die heylige Schrifft/Darinn stercke vns Gott/  
vnd vnser Herr Jesus Christus gebenedeyet in ewigkelt/  
Amen.

¶ Summa/ich glaub auffß kürzest an Gott den Vat-  
ter/Sün vnd Heyligen Geyst/das ist/ich erkenne vnd  
neme vergebung meiner sünde/die ewige frombkeit vnd  
seligkelt allein von Gott dem Vatter/Schöpffer Him-  
mels vnd der erden / Allein durch Gott den Sün/Jesum  
Christum/allein in Gott dem Heyligen Geyst meinem ey-  
nigen tröster/Dü versage in disem allein / was Gott nit  
selbs ist/vnd thüt/vñ halte anders nichts von nöten oder  
nutz zñ meiner seligkelt/Doch werden hiemit nit nider  
gelegt die wercke/als solten sie nit von den Christgleübi-  
gen gethon werden / die da eüsserlich geschehen auß dem  
glauben/durch die liebe/an vnserm nechsten/ Welche vns  
von Christo befolhen seind/Deßgleichen auch die Tauff/  
Sacrament entpfahen/predig hören/2c. werdē dardurch  
nit verachtet vnd verworffen.

Summa der  
Bekantnuß  
Wilhelms  
vñ Zwolle.

**S**ß ist die Beychte für Gott/vñ ein offenbar Beych-  
te/Welche ich bekenne für Gott vnd der ganzen  
welt/nach dem befehl Christi/Dñ welche Beychte  
mögen wir nit selig werden/Zñm ersten/für Gott / vnd  
für vnsern nechsten (so fern wir das thün können) die wir  
erzürnet haben.

Beycht des  
frommen Wil-  
helm von  
Zwollen.

¶ So bitt ich auffß erste alle Christliche gliedmaß der  
Heyligen Christlichen Kirchen/die ihenigē die ich möch-  
te erzürnet haben / von Kinde auff / da ich gewüßt ha-  
be / was sünd ist gewesen / biß auff dise meine letzte stun-



## Von den G. Gottes Bekennen

de/das sie mir das vmb Gottes willen (ob ich jemandt anders  
gethon habe/dann ich wolt das mir geschehen solt)  
durch Christum seinen gebenedeyeten Sün wolten verge  
ben. Hier auff bekenne ich/dz ich hab gesündigtet für Gott  
meinem Schöpffer/ von der ersten stunde/ da ich wußte  
was sünd were/biß auff dise meine letzte stund/biß ich mei  
ne Seele werde auffgeben in seine Göttliche hände/ das  
die aller geringste sünde die ich gethon habe/ würdig we  
re in dem feür hie auff diser erden zubrennen/vnd hernach  
mals in dem ewigen feür/Aber das statter seine Göttli  
che güte nit/durch Christum seinen gebenedeyeten Sün/  
der mich erlöset hat durch sein theür köstbärllich blüt/von  
sünde/Teüffel/Tode/vnd Hölle/Also das ich erlöset vnd  
erledigt biñ/von dem höllischen hunde vnd schlangen/dz  
er kein krafft noch macht mehr an mir hat. Vnd er würt  
ansehen das reüwige vnd demütige hertz seins armen/vn  
würdigen dieners vnnnd knechts/welchen er gedemütiget  
hat durch sein Göttlich grundtlose barmherzigkeyt/Al  
so das er meine sünd vnd missethat/nymmermehr würt ge  
dencken/Vnd keine andere Absolution/als nötig zur see  
ligkeyt/von dem aufwendigen menschen beger ich zu ent  
pfahen/Psal. xxxvj. Beati quorum remissę sunt iniquitates, &  
quorum tecta sunt peccata. Beatus Vir cui non imputauit Do  
minus peccatum, &c. Vnd auch so offte als der mensch seuff  
zet für seine sünd/will sie Gott nymmermehr gedenden/  
Vnnnd alle die ihenige die beschwärt vnnnd beladen seind/  
spricht Christus/ Kompt zu mir/ ich will eüch erquicken/  
dar auff will ichs künlich wagen/Aber nit in verachtung  
stellen die authoritet/seiner lieben Aposteln vnd Euang  
gelis

gelisten/2c. Joha<sup>n</sup>. xv. Accipite spiritum sanctum, quorum re  
 miseritis peccata, &c. Vnd Matth. viij. Quodcunq; ligaueris, &c. Hiemic besich ich meinem Himmelischen Vatter  
 meinen Geyst in seine Göttliche handt. 2c. Merck.

## Ein lied von dem selbigen Wilhelm/

gemacht vor seinem todt/ auff die weyse.

Nun freüwt eüch lieben Christen gemeyn.

**S**o manich haupt so manich sün/ Er ist mir wol gefal  
 len/ Für in E<sup>r</sup>ich kein Keyserin/ Er liebt mir vber  
 alle/ In meinem sün/ Der Brütgam mein/ Den ich  
 von grundt meins hertzen mein/ Nach ihm steht mein ver  
 langen.

¶ Er hat mein hertz in seiner gewalt/ Er hat mein sün  
 gefangen. Nie besser war mein müe gestalt/ die welt will  
 mit mir prangē/ Mein lieb ist mein/ vñ ich bin sein/ ich bin  
 erfreüwt/ durch sein anscheyn/ er legt mein hertz zü raste.

¶ All mein züflucht setz ich zü Gott/ bey jm so will ich  
 bleyben/ Gewalt der welt vñnd ihr gebort/ soll mich von  
 jm nit treybe/ Von jm mich nyemandt reyssen soll/ weder  
 Teüffel noch sein glider all/ die welt würt mit mir narren.

¶ Was ligt mir an der welte spott/ ich acht sein nicht  
 ein meycle. Laß faren jr gunst/ ehre vñnd güte/ mein schwartz  
 ist Gottes reyche/ Dann ich habe sein Göttlich wort/ das  
 die Sophisten von Löwen verschmache/ mir ihrem Antis  
 christ verwerffen.

¶ Darumb wacht auff jr Christen seyn/ vñnd laßt eüch  
 nicht verführen/ Von menschen lehr vñnd falschem scheyn/  
 Darin

# Von den G. Gottes Bekennern

darinnen sie nur studieren / Wider züstehen dem Göttlichen wort/wann sie die warheyt haben gehört/so grimmen sie/als Wölffe vnd Beren.

¶ Wann sie eüch nun greyffen an/die warheyt zünerdrücken/Seydt vnerschrocken in wider züstehen/die Schrifft in zü entdecken/auff dz mög offenbar werden/ir Gottes lesterung vnd sünde schwär/sür Keyser Könige vnd Herren.

¶ Kleiner straff seind sie nit werdt / so sie verhartet bleyben/Gott scherpfft sein wort gleich wie ein schwerdt/ire bossheyt züuertreyben/Darumb wacht auff ihr Herren all/verhindert ir lehr vñ falschen schall/das vns Gott mit sein wort speyse.

¶ Auff das ihr nit mit ihnen gleich / das verdamnuß/die hölle erbet/Sie süchen nit der seelen gedeyg/sonder ihr selbs ewig verderben. Auff das gespeyst werd der Bauch ir Gott/darumb verdrukken sie Gottes gebort/vnd menschen lehre erheben.

¶ Darumb ir lieben Christen all/lasht vns bittē Gott den Herren/Das er auß der sünden gewalt / Die Fürsten wolt bekeren. Vnd vns verleyhen sein Götlich wort/das vberal möge werden gehört/den rechten weg vns lehren/Amen.

Alle meine hoffnung vnd trost in Gott.

Alles was Gottes wort anbeüt.

Das nempt an/es ist hohe zeyt.

W. V. 3.

Nach

vnd Martyrern/der iij. theyl. clxxiij

**N**ach vnd vber solche herliche vnd auß H. Schrifften  
gethone Bekantnuß/ist vilgemeldter Wilhelm von  
Zwollen zum todt verurtheilt vnd wie oben vermel  
det/auff den xx. tag Weynmonats. Im Jar M. D. vnd  
XXIX. zu Mecheln im Niderlande verbrant worden.



Sein blüt rüffet  
zu Gott vmb  
raach/vnd verma  
net alle Christen  
zu gleycher bestän  
digkeyt/zünerhar  
ren bey Gott vnd  
seinem H. Wort/  
bif zu einem seelis  
gen end / vnd bif  
ins ewig leben.  
Das verleyhe vns  
der treiw Gott/  
durch Jesum Chri  
stum seinen lieben  
Sün/in vnd mit

sampt dem Heyligen Geyst/  
Amen.

# Von den H. Vocces Bekenern Lazarus Spengler.

¶ Wiewol diser herlich/theür vnd werde Man (so er  
wan der Statt Nürnberg Syndicus gewesen) nicht ist seines glaubens  
halben von dem Antichristlichen hauffen gesäncklich angenommen/ od peyn  
lich gefragt worden / vnd deshalb (wie erlich gedeneken möchren) in dise  
vnser Hystorien/ohn bewegliche vsach gesetzt/ Jedoch/dieweyl sein be  
kandtus/so er/Im M. D. vnd XXXIII. Jar wider seine Mißgün  
stigen Schriftlichen gethon / H. Göttlicher Schrifften gemäß / vnd  
deshalb ein herlich Exempel vnd fürbild / viler gütherigen sein fan/  
Zu dem / dieweyl eben dieselbige Bekandtus der Hoherleüchte Man/  
D. Martin Luther seliger gedächtnus/mit einer schönen Vorred/Im  
Jar M. D. vñ XXXV. öffentlich durch den truck hat lassen außge  
hen. Hoff ich der Gütig Leser werde hier inen kein mißfallen tragen/das  
wir der selbigen auch an disem ort/als deren die gantz Chust:  
lich/Schriftlich/vnd deshalb Chronick  
würdig ist/gedacht ha  
ben.

## Vorrede D. Martini Lutheri.

Hystorien  
von der  
Heyligen  
leben/2c. ein  
nützlich  
werck.

**I**ch hette wollängest gerne gese  
hen vnd auch noch gern sehe/ das sich erwa  
ein fromb gelehrte man hette geleger an die  
bücher von der Heyligen leben vnd geschich  
ten / so man die Legenden nennet / die selbe  
von den vngewissen vntüchtrigen gereyniget / Weyl vil  
sabeln vnd vngereympter tröum darinnen vermische  
sind/

vnd Martyrern/der iij. heyl. cxyliij

seind/welche doch vil höher geacht vnd gehalten seind/we  
 der die rechten guten Legenden/ Meine müßige Junck  
 hern/die Papißten köndten solches wol thun/wan sie für  
 Gott werde weren/auch etwas zuthun bey der heyligen  
 Kirche/derē sie sich doch vast rühmen/Vñ nechst der N.  
 Schrifft/ist ja/kein möglicher büch für die Christenheyt/  
 dann der lieben Heyligen Legenden/sonderlich welche  
 reyn vnd rechtschaffen seind/Als darin man gar lieblich  
 findet/wie sie Gottes wort von hertzen geglaubt/vñ mit  
 dem munde bekant/mit der that gepreyset/vnd mit frem  
 leyden vnd sterben geehret vnd bestätiget haben/Solchs  
 alles auß dermassen tröstet vnd stercket die schwach glei  
 bigen/vnd noch vil müetiger vnd troziger macht/die zu  
 vor starck seind/ Dann wa man allein die Schrifft/ohr  
 exempel vnd Nystorien der Heyligen lehrt/ob wol inwen  
 dig der Geyst das seine reichlich thut/so hilffts doch treff  
 lich sehr/wa man von außwendig auch die exempel der an  
 dern sihet/oder höret. Sonst/dencket immer ein schwach  
 hertz also/Sihe/du bist allein der also glaube/vnd solchs  
 bekenet/thut vnd leydet/ıc. Darumb auch Gott selbs in  
 der heyligen Schrifft/neben der lehrt beschreybt der lieben  
 Patriarchen vnd Propheten leben/glauben/bekantnuß  
 vnd leyden/Vnd S. Petrus. ij. Pet. iij. die Christen auch  
 mit aller heyligen exempel/tröstet vnd spricht/Wisser/dz  
 dasselb leyden allen eüwern brüdern in der wele widerfa  
 ret/Vñnd der Psalter aller Christen so betrübt seind im  
 Geyst/ein tröstlich exempel ist.

Warzu die  
 Nystorien  
 vom dem lo  
 ben/bekant  
 nuß vñnd  
 sterben der  
 Heyligen  
 nutz seyen.

Gott selbs  
 beschreybet  
 neben der  
 lehrauch  
 der S. Väte  
 ter vñ Pro=  
 pheten lebē

Psalter.

¶ Also habe ich dise Bekantnuß des feynen werden  
 Mans Lazari Spenglers lassen außgehen/ als der/ wie  
x ij ein

# Von den H. Gottes Bekennern

Lob Lazari ein rechter Christ bey seinem leben Gottes wort / mit  
Spenglers ernst angenommen / herzlich geglaubt / mit der that groß  
vnd vil darbey gethon / Vnd nun setzt in seinem abscheidt  
vnd sterben solchen glauben seeliglich bekennet vnd be-  
stätiget hat / zu trost vnd stercke / allen schwachen Christē /  
so setzt vil ergernuß vnd allerley verfolgung leyden vmb  
solches Lazari glaubens willen.

**E** Sie schreyen jetzt vast sehr / vnd weyl sie keine from-  
me / gelehrte leute mehr habē / die für sie sechren vñ schreyē  
wollen / stellen sie lose büben auff / vñnd schreyen getröst /  
Aber laß sie schreyē / Sie haben noch lang zuschreyen / ehe  
sie das herwider schreyen / das inen der Luther mit Got-  
tes gnaden hat abgeseüffzet / Vnd dise stille Bekantnuß  
des eynigen Māns (wieder andern vnschuldig blüt / das  
sie so mörderisch vnd bosshafftig vergossen / welches auch  
vber solche mörder vnd blüchund gewaltiglich schreyet  
in den Himmel) soll allein mehr schreyen für Gott / dann all  
ihre schreyer / mit allem ihrem schreyen / Vñnd was kön-  
nen sie mehr dann schreyen? Sie lehren nicht / al-  
lein schreyē sie / So laß sie schreyer bley-  
ben / vñ inmer hin schreyen /  
Vñser seüffzē / soll  
sie doch vber-  
schreyē.

\*

## Wein Lazars Spenglers

Glaubens Bekant-

nuß.

Nach dem ich bisher von mehr dann einer person/vnd  
 nit allein von denen/die Göttlicher warheyt gehaß  
 vn̄ widerwertig seind/Sonder auch denen/die Chri-  
 sten sein wollen/zü mehrmals/ heymlich vnd öffentlich be-  
 rüchriget/vnnd an andern außwendigen orten/durch  
 Schrift beschuldiget worden bin̄/als ob ich allerley/vn-  
 christenlichen Gottlosen Irtsalen/der Bapstischen/auch  
 Widerreüffer vnd Sacramentierer verwandt vnnd an-  
 hängig sein/vnnd in den Artickeln rechter Christenlicher  
 lehre nicht recht oder heyliger Christenlicher Schrift ge-  
 mäß/glauben vn̄ halten soll/So hab ich güter meynung/  
 vnd auß nachfolgenden bewegnußen/vnd gewislich vmb  
 keiner zeytlichen ehre/rhüms oder ander vsach willē/die  
 bekantnuß meins glaubens/zü diesem Testament zübrin-  
 gen/vn̄ damit menigklich/an dise verzeychnuß gelangen  
 mag/schuldiger rechen schafft desselben meins glaubens/  
 vnd der hoffnung/die in mir ist/zügeben nit vnderlassen  
 wollen/Wie ich dan̄ hiemit züm cynfeltigsten thue/vn̄ di-  
 sen meinen glauben/vermittels Göttlicher gnade/vor  
 Gott vnd der ganzen welt beken̄en will/auff das ich nye-  
 mande vsach gebe/nach meinem absterben(wie doch bey  
 meinem leben allgerad geschicht) das Göttlich wort in  
 mir zulestern/vnd andere gütherzige/denen der grunde  
 meins glaubens vn̄bekant ist/dardurch zuevergern.



# Von den H. Gottes Bekennern

Das ein  
eyniger  
warer Gott  
sey.

**E**rstlich bekenne vnd glaube ich von hertzen/einen Ey  
nigē Waren Gott/der Allmechtig ist/vñ ein Schöpf  
fer aller sichtbaren vnd vn sichtbaren ding/Himels  
vnd der erden/auß dem vnd in dem/als einem gewaltigen  
Gott vnd Vatter/alle Creaturen jr wesen vnd vermögen  
haben/auch in jm leben vnd erhalten werden.

Das drey  
vnder schid  
liche perso  
nē im Göt  
lichen we  
sen seyen.

**I**ch glaub vnd bekenne/das in disem eynigen Göt  
lichen wesen/Drey vnder schidliche personen seyen/Nem  
lich Gott der Vatter/Gott der Sün/vnd Gott der Hey  
lig Geyst/eins wesens/macht vnd ewigkeyt.

Alle men  
schen Sün  
der.

**I**ch glaub vnd bekenne/Das ich vnd alle menschen  
durch den fall Adams /in sünden empfangen vnd gebor  
ren seind /vñ das dieselb erblich sünde/vns alle verdämē/  
in den ewigē todt werff/vnd von Gott abscheyde/wa vns  
Christus mit seinem verdienst/leyden vñ sterben/auß sol  
chen vnd andern darauß folgenden sünden nie geholffen  
hette.

Christus Je  
sus/warer  
Gott vñnd  
Mensch  
vñser eynt  
ger Erlö  
ser.

**I**ch glaube vñnd bekenne / das Jesus Christus der  
Sün Gottes menschliche natur an sich genommen/vom  
heyligē Geyst empfangē / auß der reynen Junckfrawen  
Maria geboren/vñ mein brüder worden sey / das er auch  
gemartert/gecreüziget/gestorben vnd begraben / vnd zu  
der Höllen nidergestigen ist/vnd die angst des todts erlit  
ten/vnd die Hölle selbst empfunden hat/damit ich vñnd  
alle menschen von sünden/todt/vnd Hölle erlediget / mit  
Gott versünnet/vnd in allen nöten vnd ansechtungen/da  
rumb vns die sünde/der Teüffel vñnd vñser eygen fleisch  
für vnd für zuziehen vnder stehen/geschürtz/auch aller vn  
ser seynde Herren wurden.

Ich

**I**ch glaub vnd bekenne/das außserhalb des leydens vnd sterbens des Söns Gottes Jesu Christi vnseres Herren/nyemandes mit wercken oder verdiensten fromb vnd gerecht werden/oder Gottes huld vnnnd seligkeyt erlangen/auch zum Vatter durch eynig ander mittel/nymer mehr kömen/oder an ihn glauben möge/dann durch ihn/Sondern das derselb Jesus Christus warer Gott vnnnd mensch/mein eynige gnügchüung/heyligkeyt vnd gerechtigkeit sey/Daß wa solches die werck oder ein ander mittel thün solten/So were (wie die Schrifft sagt) Christus vergeblich gestorben.

Außserhalb Christi verdießt/würt nyemandes durch eygene werck selig.

**I**ch glaub vnd bekenne/das Christus Jesus als ein gewaltiger Gott/am dritten tag nach seinem absterben vom todt/wider außserstanden ist/auch den todt vnd die Hölle überwundē vñ gefangē genömen hat/damit sie vns nit mehr schadē/Sond wir dardurch kreffftiglich gestercket werden/vnd disen vnzweyßlichen trost haben sollen/wie der Vatter/seins geliebten Söns verschonet/ihn allein ein zeytlang sincken lassen/vnd widerumb gewaltiglich außserweckt hat/das er auch vnser/in der forcht vnd angst des todes verschonen/vnd auß dem todt/in das leben führen würt.

Christus Jesus ist warhafftig von todten außserstanden/vnnnd Todt/Tetifsel vñ Hölle überwunden.

**I**ch glaub vñ bekenē/dz Jesus Christus auffgefaren ist zu de Himmeln/vñ zugleich mit Gott ein König vñ Herr ist/vber alle ding im Himmel/auff erden vnd in der Hölle/darumb er auch mit vñ alle gläubigen in allen vnsern angigen vnd nöten/auch wider vnserē seynde vnd widerwertigen helfen kan vnd will.

Christus Jesus warlich gehn Himmeln gefaren.

**I**ch glaube vnnnd bekenne / das diser gecreüzigte Christus

# Vonden H. Gottes Bekennen

Christus  
würde wider  
rumb zum  
Gericht  
kommen.

Christus widerumb vom Himmel/zü gericht kommen/vnd dz vor im alle lebendige vnnnd verstorbene menschen versamlet werden/allda er auch/als ein gewaltiger Richter/ alle die verdammen würt./die nit geglaubt haben/vnnnd die seeligen/die im vertrauwet/vnd sich lieb vnd güts zü ihm versehen haben ewigklich belohnen.

Von der  
Person vñ  
ampt der  
H. Geysts.

Ich glaub vnnnd bekenne/ das der Heylig Geyst nit allein ist ein warhafftiger Gott mit dem Vatter vñ dem Sun/Sonder auch das er mir vnd allen gleübigen auff erden gesandt vnd gegeben sey / Das wir durch sein würckung vnd krafft/das so vns zur seligkheyt von nöten ist/erlangen sollen vñ mögen/Das er auch die schwachen im glauben stercket/der selbē schwachheyt tragen helfff/die erschrocknē gewissen tröstet/vñ vns vorbitt/Dieweyl er der ist/mit dem der Vatter durch Christum vnd in Christo/alle ding würckt vnd lebendig macht.

Von der  
H. Christli  
chen Kir=

Ich glaube vnnnd bekenne/ ein eynige Christenliche Kirchen oder gemeyn auff erden/ die ist ein versamlung aller gleübigen heyligen mensche/welche allein ein Tauff/einen glauben/einen Gott/Herren vñ Geyst hat / Die da ist der leyb Christi/durch das wort seins Heyligen Euangelijs geboren / die auch durch seine Heyligen erhalten/vnd in den Heyligen Sacramenten täglich gemehrt vñ gesterckt würt/die allein höret die stimme ihres Brēutigams/vnd jr vernunft gefangen nimpt/vnder dem gehorsam des glaubens/Das auch niemandt selig werden mag/der nit in diser gemeyn erfunden würt/vnd das außserhalb sollicher Kirchen/kein vergebung der sündē ist.

Ich glaube vnd bekenne/das durch den selben Heyligen

ligen Geyst mein vnd aller verstorbenen menschen leyb wi-  
derumb aufferweckt/vnd lebendig gemacht werden/vnd  
das ich mit dem selben meinem leyb vnd fleysch Gott mei-  
nen Seeligmacher sehen werde.

Don auffer-  
stündnuß  
aller abge-  
storbenen.

¶ Ich glaub vnd bekenne/das nach der gemeynen auff-  
erstehung sein würt ein ewigs leben/der frommen vnd gläu-  
bigen/vnd ein ewigs sterben der sündler.

Dom ewig-  
gen Leben  
vnd Todt.

¶ Ich glaube vnd bekenne/das diser Herz Christus  
Jesus/allein der weg/die thür/das licht/die warheyt vñ  
das leben ist/auch der eynig Mittler zwischen Gott vnd  
den Menschen/vnd der Hohe Priester/der ohn vnderlaß  
für vns bitet bey dem Vatter/nit die verstorbenen Heyli-  
gen/oder Creaturen/Dann sonst müste Christus als ein  
warhafftiger Gott/weniger dann die Creaturen/vnd in  
seinen worten ein öffentlicher lugener sein/das sey aber  
weyt von mir zugedencken/vil weniger zuglauben vnd zu  
bekennen.

Christus  
Jesus vnd  
nit die ver-  
storbenen  
Heyligen  
ist vnser  
Fürbitter.

¶ Ich glaub vnd bekenne/das die verstorbenen Heyli-  
gen als die freünde Gottes/die allhie Gottselig gelebt ha-  
ben/vnd in einem rechten vertrauwen zu Gott von hiñen  
verscheyden/vns zu einem Exempel vnd ebenbild/sollen  
fürgestelle werden/in denen wir vns spiegeln/vnd ih-  
rem glauben nach folgen sollen/auch Gott in ihnen loben  
vnd preysen/Der so grosse gnade mit ihnen gewürckt/vnd  
sie auß Barmherzigkeyt erhalten hat/Sie aber für Mit-  
ler/northelffer vñ fürbitter nicht anruffen sollen/dann  
damit wurde das blut Christi veracht/andere Götter ne-  
bē Gott gesetzt/vñ Gott sein ehr (die er doch keinem andr  
geben will) on mittel geraubt/Das were aber die höchste  
Gottslesterung.

Don rechter  
ehr so man  
dē verstor-  
nen Heyli-  
gen bewey-  
sen soll.

# Von den 5. Gottes Bekennern

Von der  
H. Junck-  
frawe Ma-  
ria.

¶ Ich glaub/ Das Maria die Mütter Gottes ein rey-  
ne Junckfraw/ vor/ in/ vnd nach der geburt ihs gebene/  
deyten Süns gewesen vnd blyben / das sie auch als ein ed-  
le Creatur / die Gott auß gnaden erhalten / vnd zu der mü-  
ter seines eyngewornen Süns vnsern Herren Jesu Chri-  
sti erwölet hat / voll aller gnaden / vñ darumb auch billich  
aller ehren vnd lobs würdig ist.

Gottes  
wort allein  
zur selig-  
keyt nötig.

¶ Ich glaub vñ bekenne / das in sachen der Menschen  
gewissen belangend / nit güte / gerecht / vñ vnd von nöten sey /  
dann das vns Gott für geschryben / gebotten vñnd besolt  
hē hat / Welches auch kein mensch auff erden zu ändern / o-  
der nachzulassen hat / auch nicht böß oder vnrecht / dann  
was Gott verbotten hat / welches auch keinem menschen  
auff erden / zuerlauben vñ nachzulassen gepürt / Wie vns  
dann dieselbigen Götlichen gebott / verbott / vñnd be-  
selch / sonil vns zu vnserm heyl vñ nöte ist / in der Schrifft  
klärlich außgedruckt vnd angezeygt seind.

Es mitlen  
dingen.

¶ Ich glaub vñnd bekenne / das die ding / die Gott we-  
der gebotten / oder verbotten / Sonder frey gelassen hat /  
billich frey bleyben / vñ durch eynigē menschliche zwang /  
gesetze oder gebott / als ein Gottes dienst / vñ nötig ding  
zur seligkeyt / nymmermehr nötig gemacht / auch die mensch-  
lichen gewissen zu schuldiger haltung der selben keins we-  
ges gezwungen werden sollen.

Wadurch  
Gott der  
Schatz sei-  
ner gnaden  
den Men-  
schen mit-  
theylet.

¶ Ich glaub vñnd bekenne / Das Gott seiner gemeyne  
den schatz seiner Götlichen gnaden / nemlich die erkant-  
nuß seines Süns Jesu Christi / auch die vergebung der sün-  
den / die Christus durch sein blüt erworben hat / vñ seinen  
H. Geyst mittheylet will / vñ täglich mittheylet vñ ano-  
beut /

brüt/durch ein öffentlich eüsserlich mittel/nemlich/durch  
 das mündliche wort vnd predigampt/darinn er sollichen  
 gnadenreichen schatz gefaßt hat/Darumb ich den schäd/  
 lichen irigen Geystern widerspriche/die solch eüsserlich  
 predigampt verachtē/vñ die handtreyhung des mündt/  
 lichen worts/gar auß der Kirchen stossen wöllē/der mey/  
 nung/als ob Gott durch ein sonderliche/vnd nicht dise ge/  
 meyne weyß/oder durch ein sonderlich liecht oder offenba/  
 rung inwendig im hertzen/ohn die eüsserliche Predig vnd  
 Sacrament/mit ihnen handle/vnd den Heyligen Geyst  
 gebe.

Merck.

”  
 ”  
 ”  
 ”  
 ”  
 ”

¶ Ich glaube vñnd bekenne/das alle werck des men/  
 schen/wa die anders Christenlich/güt/vnd Gott gefellig  
 sein sollen/allein Gott zu eheen/zü schuldiger dancksa/  
 gung/entpfangener seiner warheyt/zü rödrung des al/  
 ten sündelichen Adams/vñ dem nechsten zü nutz vnd güt  
 geschehen sollen/auß liebe vñnd gar nit vmb verdienst/oder  
 der künfftige belohnung willen/vñ was werck außserhalb  
 diser meynung geschehen/das die nit im glauben gesche/  
 hen/Gott nit gefallen/vñ faule fruchte der bösen bäumen  
 sein.

Von güten  
 wercken/  
 wie diesel=  
 bigen ge=  
 schehen sol  
 len.

¶ Ich glaub vñ bekenne/das die Kindeauff/als ein zey  
 chen Göttlicher hulde/durch welchs sich Gott zü vns ver  
 bindet/vñnd züsagt/vns durch Christum gnädig zusein/  
 vnd vnser sünden zü vergeben/kräftig sey/darumb ich  
 auch den irsal der Kottengeyster vnd Widerteüsser/die  
 dieses heylsam bundtzeychen vñnd Sacrament/auff der  
 menschen glauben/der doch ohn mittel ein gaabe Got/  
 tes ist/vnd nit auff sein Göttliche züsagung/die bestän

Von der  
 Kinder  
 Tauff.

# Von den H. Gottes Bekennern

dig kressig vnd vnuerändert bleybt/vermeinen zu gründ/  
den/stracks widersprich.

Vom H.

Abendmal  
Christi.

**I**ch bekenne vnd glaub/wie zügliche die Tauff Got/  
tes werck ist/darinnen die sünd vergeben vnnnd abgetilget  
würt/Also ist auch die aufstheylung des leybs vnd blüts  
Christi Gottes werck/dardurch sollich leben vnd gerecht/  
tigkheyt/gleich dem leylichē leben durch die tägliche spey/  
se erhalten/ gespeyst vnd gesterckt würt zu vereynigung  
Christi mit seinen gliedern / also das er in vns vnnnd wir in  
im leben / das er auch bis zum ende der welt bey vns bley/  
ben will.

Von warer

gegenwer-

tigkheyt des

Leys vnd

Blüts Chri-

sti/ im H.

Abendmal

**I**ch glaub vnnnd bekenne/ das in dem Heyligen Sa  
crament des Herren Nachmals/vnder brot vnnnd weyn  
warhafftiglich geessen vnnnd getruncken würt/ der leyb  
vnd blüt Christi/Dieweyl nicht allein der alt mensch/in  
vns sterben/Sonder auch der neüw der mit Christo eins/  
Iha Christus selbs ist/in vns gepflanze werden müß/ da  
zu aber schlecht brot vnd weyn nit zu nutz sein künde / da/  
rumb ich auch den manigfaltigen opinionen vñ iersalen/  
deren/die in disem des Herren Nachmal sein fleysch vnd  
blüt hinweg nehmen/vnnnd durch einen frembden unge/  
gründten/menschlichē verstande/ Christum zu einem lug  
ner zumachen vnderstehen/gänglichlichen widerspreche.

Von Welt-

licher Ober-

freyt.

**I**ch glaub vñ bekenne/dz des weltlichen schwerdt  
gebrauch recht/vnd Göttlich/vnnnd ein ordnung Gottes  
ist/ vnd doch von nyemandt dann die darzu erwölet vnd  
verordnet sein/billich vnd Christenlich gebraucht werden  
soll/Darumb ich auch für einen öffentlichen iersal achte/  
das etlich wider Gottes wort schliessen vnd vermeynen/  
das

vnd Marcyrern/der iij. theyl. clxxxix

dz ein Christ kein Oberherr sein/oder dz weltlich schwerde führen soll.

**I**ch glaube vnd bekenne / wie Gott durch sein Wort vnd Geyst seine glider regieret zur gerechtigkeit / das er auch also durch weltlichen gewalt / vnd das schwerdt / die Gottlosen zwingt / das sie den nechsten nit schaden / darzu die vnschuldigen geschützt vn̄ geschirmer werden / ob wol die Gottlosen also Gottlos bleyben / Vñ dieweyl die frommen vnd Geystlichen vnuollkōmen seind / werden sie zū theyl durch Gottes wort vnd Geyst (wie gemelt) regiert / zū theyl aber / vnd souil sie fleisch vn̄ blūt seind / so seind sie des weltlichen gewalts der in eüsserlich were / noch nottürfftig / ob sie wol durch sollichen gewalt zur Göttlichen gerechtigkeit nit gefürdert werden / vñnd das dannoch ein Christ nach Göttlichen rechten / weltlicher Oberkēyt in allen vnuerdālichen dingen gehorsam zuleystē schuldig ist.

**I**ch glaube vñnd bekenne / das ein Christ weltlicher Oberkēyt / wa im die Vngöttliche verdāliche ding gebeit / gehorsam zusein nit schuldig sey / vnd doch der selben seiner Oberkēyt / sie sey wie sie wölle / mit gewalt / oder der that / Keins wegs soll widerstreben / sonder allein mit Gottes wort widerstandt thūn / vnd was sie ihm darumb zūfüget / vmb Gottes willē leydē / oder aber on meniglichen schaden fliehen soll.

**V**or allen dingen aber / will ich dem erschrockenlichen greüwel vnd mißbrauch der Mess / wie der lange zeyt im Papstumb für den rechten Christenlichen gebrauch des Herren Nachtmals gehalten / vñnd als ein güet werck



# Von den 5. Gottes Bekennen

vnd opffer für lebendige vnd todten gebraucht/ ohn seg-  
feur damit angericht vnd bestättiget / vnd wie nye-  
mande mit warheyt verneynen kan/ ein lautere Rauff-  
manschafft vnd Jarmarckt gewesen ist / öffentlich wi-  
dersprochen haben / dieweyl ich gewiß bin/ glaube vnd  
bekenne/ Das Christus mit dem eynigen opffer seines ley-  
dens vnd sterbens am Creüz/ für aller menschen sünde be-  
zalt/ gnüg gethon/ vnd alle gleübigen in ewigketeit geheyl-  
iget hat.

Beschluß  
der Bekant-  
nuß Lazari  
Spenglers

Das ist der grundt meines glaubens/ den ich durch  
dise verzeychnuß meiner handschrifft vor Gott meinem  
Herren vnd der ganzen welt bekenne / Darbey ich auch  
mit hilff/ meines getrewen frommen Gottes (der mich zu  
dem liecht desselben seines glaubens gnädiglich berüf-  
fen/ vnd auß der finsternuß/ vil grösser jerusalem/ darinnen  
ich vor andern zum tieffsten gelegen bin / wunderbarlich  
erlediget hat) bis in meinen todt vnd grüben beständig-  
lich gedencck zu bleyben / auch mit vnd in sollichem glau-  
ben zusterben/ vnd vor dem gerechten Richter meinem ey-  
nigen Heilande Jesu Christo/ in seiner letzten zukunfft zu  
erscheynē/ weys auch/ das ich auß Gottes wort/ dises mei-  
nes glaubens gewiß bin/ vnd ob ich bey meinem leben/ o-  
der in der angst vnd not meines sterbens/ ein anders/ vnd  
dise meiner bekantnuß widerwertig halten/ sagen vñ be-  
kennen wurde (welchs aber Gott/ als ein getreuer Vat-  
ter/ vber mich/ Bitt ich von hertzen/ nymermehr verhan-  
gen vñ zulassen wölle) So will ich dem als ein öffentlichē  
jerusal vnd eyngeden des Satans/ setz/ als dann/ vnd dan  
als setz/ widersprochen haben / dareyn auch nymermehr  
bewils

bewilligen/od des annemen/Das ich vor Gott vnd allen  
menschen hiemit bezeüge. Vnd ob wol etliche verzeychne  
te Artickel diser meiner Bekantnuß für vnnottürfftig  
möchtē geacht werden/hab ich doch die auß gücten vrsach  
en/vnd damit mich meine beschuldiger eynigs wissent  
lichen irsals/in keinem Christlichen Artickel billich züer  
dencken haben / auß nottürfft zümelden vnnnd zübeken  
nen nit vnderlassen wöllen/ Küsse darauß zü Gott meis  
nem Herzen/der getreuw vnd warhafftig ist/von grunde  
meins herze/mir sein Göttlich gnade vñ barmhertzigkeit  
mitzutheylen/dz ich in disem glauben bestän  
diglich verharren/vñ also von hiñen  
abscheydē/ Das ich der zükunfft  
meins Heylandes Jesu  
Christi mit einem  
frölichē vn

er /  
schrocknen gewissen erwart  
ten möge / A  
men.

Conserua me Domine, quoniam speraui in te.  
Erhalt mich Herz/dañ ich hoff auff dich.

Non nobis Domine, non nobis, sed nomini tuo da gloriam.

Nit vns/ nit vns/ O Herz/sondern deinem  
Namen gib die Ehr.

457  
Von den H. Gottes Bekennern

Maria vnd Ursula / zwo Edler

Junctfrauen vñ Schwes  
stern.

**V**on disen zweyen Gottseeligen Junctfrauen vñ  
lieben Schwestern / wie Sie nemlich / Erstlich vom Antichristischen  
hauffen / vmb bekantnuß willen Euangelischer warheyt / gefäncklich an  
genommen / mit ernst examinirt vnd verhört / folgendes aber Tyränischer  
weyß zu Delden / welches ligt in. meyl von Deuenter / verbrant worden  
seind / Seind im vergangen M. D. vnd XLV. Jar / ein Spruch  
vnd Lied außgangen / welche ich zu trost vnd erinnerung dem Junctfräw  
lichen stand / hienach hab setzen wollen / Bitt aber vñd vermane / wa jes  
mandes in disen / oder andern Hystorien / weytleuffigern vñ  
gewissern vndericht hat / mir den selbigen mit  
zutheylen / oder selbs durch den  
Truck lassen außge  
hen.

Ein schöner spruch / Von zweyen Junct  
frauen vom Adel zu Delden drey meyl von  
Deuenter verbrant.

**A**lthie will ich bersummen /  
Was ich in kurz hab vernummen /  
Von zweyen Junctfrauen sagen /  
Welche seind in kurzen tagen /  
Bey Deuenter im Niderlande /  
Vmb das Euangelij verbrant /  
Sie seind auch geweest vom Adel /

Fromt



Frome Christen ohn tadel/  
 Drey meyl von Deuenter gessen/  
 Gott het jr nit vergessen.  
 Ir wohnung war zu Delden/  
 Von Becken die aufferwölten/  
 Dffe in die Predig sie giengen/  
 Irer Seelen trost enepfiengen/  
 Das het den seynd verdrießen/  
 Aber Gott last sie des geniessen/  
 Weyl sie beliebten Gottes wort/  
 Bewart sie Gott an allem ort/  
 Aber als er sie beyd zügleich/  
 Wolt nemen in sein himelreich

# Von den H. Gottes Bekennern

Thet der Teuffel die welt anhegen/  
Ließ die Junckfrauen beyd setzen/  
Gehn Deuenter wurden gebracht/  
Der Statthalter auß seiner Wacht/  
Fragt sie was jr gelanbe wer.

Bekantnis  
dieser Jüct  
frauen.

Sprachen wir glauben an Christi lehr/  
Vnd an sein Heylges wort so klar/  
Bekennen das ganz offenbar/  
Sie wurden wider beyd hinaus/  
Besürt gehn Zwigkel auff das hauß/  
Zü schröcken die fromen Christen/  
Ausgeschickt ward mit listen/  
Vom hauß Burgund ein groß Tyrān/

Vom Tanff

Der fragt die Junckfrauen lobesan/  
Ob sie der Widerreißer lehr/  
Glaubten/sie sprachen ohn beschwâr/  
Ein mal wir recht getauffet seind/  
Nach Christus lehr das klar erscheynt/  
Wie Marcus am sechzgehenden meldt/  
Sanct Paulus das auch klar fürhelt.

Vom Nacht  
mal.

Weyter wurden gefraget beyd/  
Das sie geben klaren bescheyd/  
Was sie glaubten an diesem ende/  
Der Pfaffen Weß ihr Sacrament/  
Sie antworten da ohn beschwâr/  
Wir glauben keiner Menschen lehr/  
Wir glauben Christo vnd sein wort/  
Das ist auch vnser höchster hort/  
Dadurch er eyngesetzt hott/

Sein

vnd Marcyren/ der iij. Theyl. clxxxij

Sein Testament vor seinem todt/  
Sein zarren leyb im brot so klein/  
Sein Heyliges Blut in klarem wein/  
Für vnser Sünd vnd missethat/  
Welches er vns besolhen hat/  
Zü essen vnd zü trincken seyn/  
Zü sein gedächtnuß also reyn/  
Im rechten glauben alle stund/  
Zü vergebung all vnser sünd/  
Vnd sollen vns allzeyt üben/  
Mit wolthat auß rechter lieben/  
Gegen den nechsten also schon/  
Wie Christus an vns hat gethon.  
Auff solch bekennuß genömen ward/  
Die jüngst Maria genant so zart/  
Vnd ward verbrannt/ sie bat zü Gott/  
Für ire seynd in irer not/  
Vnd als sie thut abscheyden/  
Befalh ir Seel auff Christus leyden/  
Dem Vatter in seine handt/  
Die ander Ursula genandt/  
Die ward vermanet also schon/  
Ob sie wolt von der lehr abstohn/  
So behaltstu du das leben dein/  
Sie sprach solt ich vmb Todes peyn/  
Abweychen von Gottes wort/  
Sprach neyn/ es ist mein höchster hort/  
Vill lieber will ich hie sterben/  
Vnd das Hñmelreych ererben.

Maria.

Ursula.

# Von den H. Gottes Bekennen

Merck.

Weyter sie ward vermanet hart/  
Umbs schwerdt zübirren/es sprach die zart/  
Was mein Schwester gelitten hat/  
Das leyd ich auch an diser statt/  
Sie ware dergleichen auch gericht/  
Nün hört ein wunderlich geschicht,  
Gott sein wunder thet beweysen/  
Mit ein zeychen die Christen preysen/  
Wie vast der Hencker sich mühet mit/  
So kundt er doch verbrennen nit/  
Die todten Cörper bliben bloß/  
Stehen züm Zeychen also groß/  
Doch werden die Cörper bey der nacht/  
Bedeckt/solch Zeychen nit veracht/  
Du Christlich schar vnd dancket all/  
Vnd lobet Gott mit reychem schall/  
Allzeyt in seiner wunderthat/  
Die er allhie bewysen hat/  
Vnd das er vns geb Heylgen Geyst/  
Als er vns in seim Wort verheyßt/  
Laß vns beständig bleyben seyn/  
Treüwlich bey seinem wort allein/  
Ein rechten glauben Herz verley/  
Nach deiner züsag also frey/  
Vor vnserm end Herz Jesu Christ/  
On dich kein ander helffer ist,  
Groß ist dein gnad die thü vns kundt/  
Theyl vns die mit zü aller stundt.

Wunder=  
werck an  
den todten  
Cörpern.

vnd Martyrern/der iij. Theyl. clxxxij

Ein neuw Lied / Von zweyen Junck-

frauen vom Adel zu Delden/drey meyl von

Deuenter verbrant. Im thon wie man das

Lied singt von den zweyen Mar-

tyrern von Brüssel/Ein

neuwes Lied wir

heben an.

**D**u laßte vns frölich heben an/  
vñ Gott zu loben singen. Von zweyen Junck  
frauen wolgethon / Den kan nit misselin-  
gen. Bey Deuenter im Niederlande / waren  
sie beyd gefessen/vil frommen Chrißten wol bekant / Gott  
hat jr nit vergessen/mit gnad reichlich gezieret.

¶ Weyl sie gelaubten Gottes wort / Ther sie der seynd  
versüchen. Ob er bey jr möchte stiften mozt / Gottes wort  
züerflüchen. Aber vmb sonst war all sein list / sie waren  
wol bewaret / mit Gottes wort zu aller frist / der seynd nit  
länger sparet / gedacht sie züerbrennen.

¶ Das sie eüch nün werden bekant / so will ich sie eüch  
nennen. Die von Becken seind sie genant / das geschlecht  
thüt man noch kennen. Drey meyl von Deuenter da ist / jr  
sitz dahin sie kamen / zerung zu holen ohne list / gefange sie  
bald namen / die Junckfrauen so zarte.

¶ Gehn Deuenter wurden gebracht / die Junckfrau

3 iij wen



## Von den H. Gottes Bekennern

wen alle beyde. Der Statthalter auß seiner macht/von ihnen frage bescheyde/was jr rechter glaube wer/ sie sprachen ganz demütig/wir glaubē schlecht an Christus lehr/ er ist stets milc vnd gütig/vñ kan vns wol bewaren.

¶ Von dannen sie gefüret ward/ gehn Zwigkel in das hause. Die Christen zu erschrocken hart/ bald ward geschicket auffe/vom Hoff Burgund ein groß Tyrän/ der thet sie beyde fragen/ ob sie hetten genomen an / die Wider/tauff ohnzagen/antworten sie so schone.

¶ Ein mal seind wir getauffet recht/das ist nach Christus lehre. Am sechzehende schreybt Marcus schlecht/Sanct Paulus auch vil mehr. Weyter wurden gefragt behend/ob sie auch hetten Glauben/ wol an der Pfaffen Sacrament/ sie sprachen wir vertrauwen/ auch keiner menschen lehre.

¶ Wir glauben Christo vnd sein Wort/ Vnd seinem Testamente/ Welchs er vns hat gelassen dort/ Vor seinem letzten ende. Sein zarten leyb im brot so klein/ hat er vns da gegeben/ sein heylges Blut im klaren wein/ für vnser sünd gar eben/wann wir das vest glauben.

Maria.

¶ Auff solch bekantnuß genomen ward/ die jüngst die war genente/ Maria (abzuschrocken hart) jr Schwester ward verbrennte. Sie bat für ire seind zu Gott/ als sie nun wolt abscheyden/ sie befall in der letzten not/ jr Seel auff Christus leyden/dem Vatter in sein hände.

Die

vnd Martyrern/der iij. Theyl. clxxxiiij

¶ Die andere vermanet ward / Ursula nün merck ebē. Ursula  
Wilt du abweichen dise fart / so behaltestu dein leben / Sie  
sprach solt ich abweichen droc / von Gottes wort so reyne /  
von wegen des zeytlichen todts / bey Christo bleyb alleyne /  
das ewig güt ich erbe.

¶ Sie ward vermanet das sie solt / auff gnad vmb das  
schwerdt bitten. In keinen weg sie das thün wolt / Sprach  
was mein Schwester glittē / Das leyd ich auch / Sie ward  
gericht / vnd iren Geyst auffgabe / doch wurden sie verbren  
net nit / an irem leyb vorab / sie blyben vnnerseeret.

¶ Nün schawet an das wunder groß / das Gott hie  
hat bewysen. An den Junckfrauen stünden bloß / wel  
ches nyemandts thet preysen / Doch seind jr Körper züger  
deckt / bey nacht durch fromme Christen / die Gott darzü  
auch hat erweckt / wider Tyranisch listen / vnd auch jr groß  
ses wüten.

¶ Man spricht das weybliche geschlecht / Sey gang  
schwach von gemüte. Aber jr lieben Christen secht / allhie  
des Herren güte / wie Gott sein schwachen stercken kan /  
mit seinem wort allzeyt / vnd seinem Geyst so lobesan / im  
glauben vnd warheyte / will er nyemandt verlassen.

¶ Wir wollen Gott auch danken nün / für seine grosse  
gnade. Bitten das er erhalten thün / vns alle frū vnd spa  
te / Bey seinem wort biß an das end / auff das wir selig wer  
den / das wir nit werden abgewendt / durch todtes forcht  
aufferden / Gottes wort frölich bekennen / Amen.

Anna

Von den H. Gottes Bekennern  
Anna Askewe / mit sampt andern drey-  
en / Johā Lacels / Nicolaus von Otterden  
vnd Johā Adam.

¶ Von diser Gottsgeliebten Matronen / schreybet  
der Hochgelehrte Johā Valeus / in seinem Büch / so  
er von allen Gelehrten in ganzem Britan-  
nien hat lassen auß gehen /  
nachfolgende Sy-  
stori.

Anna der  
geburt vnd  
glaubens  
halben Ad-  
lich.

**A**nna Askewe / ist auß Adlichem  
vnd herzlichem stammen in Engelland / in  
der Graffschafft zu Lincoln / vō Herren Wil-  
helm Askewe / ihrem Vatter (welcher ein für-  
trefflicher Mann vom Adel gewesen ist) geboren wor-  
den. Vedoeh aber nit allein des stamens vnd des geblüts  
halben / sonder vil mehr ires glaubens vnd bekantnuß hal-  
ben / ganz Adlich / herzlich vnd fürtrefflich gewesen. Daß  
sie für vnd für / nach dem Exempel der D. Cecilia / das  
Euangelium Jesu Christi / mit eysferigem hertzen gefast  
vnd behalten hat / damit sie sich mit dem selbigen zum ewi-  
gen leben erwehren köndte / wider des leydigen Teuffels  
Synagog / im Reich des Antichrists.

¶ Als sie nun ires alters im xxx. Jar / hat dises hertz  
hafftig / vnd in der bekantnuß Christi ganz eynbrünstig  
vnd gleichsam entzündet Weyb / mit den grausamen Dier-  
nern / der Teufflischē Synagog / zum andernmal ganz ge-  
wal-



waltig vñ bestän-  
diglich disputieret  
vñ gestritten. Des-  
halbē sie dan billich  
8 H. Blaudina/deren  
Kusebins gedēckt/  
Kanz vñnd mag vergli-  
chen werden. Dan  
dise Gottselige  
Heilige Frau/hat  
wunderbarer weys/  
auch die schwachheyt  
vñnd blōdigkeyt  
Weybliches ges

Gottselige  
beständig-  
keyt diser  
Anne.

schlechts vberwunden/vñnd zur bestätigung der warheyt  
Göttlichs worts/ auch zur rettung 8 Glory vñ ehre Got-  
tes/wider die erschrocklich vñnd vilfeltige Gottslesterung  
der Bapstischen Messen/mit vnüberwündelichē herten/  
vñnd gemüt/der stolzen Tyrannen/Schmachwort/Ver-  
achtung/Gefäncknuß/Peyn vñnd Marter/Ja den schande-  
lichen grausamen todt/den jr vnschuldiger Leyb leyden  
müßt/erduldet vñnd vberwunden. Vñnd hat on zweyffel  
der Herr Jesus Christus in jr ganz gewaltig vñnd herlich  
gesiget/dieweyl sie nit allein/als sie peynlich vñnd so greüw-  
lich gefraget ward/das ihr auch die Adern an irem Leyb  
auffsprangen/die vnbarmerzigkeyt vñnd Vnmenschlich  
grausamkeyt/deren die sie dermassen peynigten/vñnd sie

Aa auch

## Von den 5. Gottes Bekennern

auch nachmals (welches doch erschrocklich zühören ist) auch verdampten/verachtet hat/sonder auch nach erlitter solcher peyn im Kercker/mit frölichem hertzen wider rumb gesungen/ Iha mitten in den feürsflämen/den Allmechtigen Ewigen Gott/gelobt vnd geprißen hat.



¶ Ist also auff den xvj. tage des Newmonats/ Im Jar/als manzalt nach der geburt Christi/M. D. vñ XLVI. mit etlichen andern/ober nandren treüwen Knechten vñ Dienern Gottes/Johann Lacels/Nicolaus von Otterden/vñnd Johann Adlam / dieweyl sie die Abgöttische

Bilder verflücht/verbrennet worden. An welchem tage vñ zu welcher stund/von den Wolcken des Himmels (wie man vorzeytten auch / in etlicher Martyrer Todt/beschehen sein liest) Wunderbarlicher weys/ein groß getörs ist gehöret worden. Vnd hat Gott der Herr solchen/vnd anderer vnschuldiger Christen todte / also bald an einem vnfinnigen Herren zu Nordwolck vñnd seinem Sün/angensscheynlich gerochen/ So wartet auch die raach vnd straff Gott

Gottes  
raach wider  
die Verfolger  
seiner  
Christen.

Gottes auff die andern / wa sie sich nit bey zeyten werden  
bekerem.

## Faninus von Fauencia.

Dominicus von Basana.

**D**ie History vnd warhafftigen bericht / von disen  
zweyen heilichen Männern / vnd theiren Bekennern / oder Martyrern /  
vnsern Herren Jesu Christi / so auß Befelch Papssts Julij des dritten / in  
Welschlandt / von wegen des H. Euangeliums geröddret vnd gemarteret  
worden seind / Ist erstlich in Lateinischer sprachen / durch Franciscum  
Nigrum / auff dē xxx. tag Weynmonats / Anno M. D. L. beschryben /  
nachmals aber in Teütsche sprach verdolmetschet worden. Hab ich  
nachgehende Geschicht / auß den außgegangnen Schrif-  
ten / warhafftig / wie folget / zu-  
sammen gezo-  
gen.

## Faninus von Fauencia.

**P**apst Julius / des nammens  
der dritt / hat sezt etlich zeyt her / der ganz  
gen Christenheyt / ein frey Allgemeyn Con-  
cilium / mit vilen vnd klügen worten / züge  
sagt vnd versprochen. Aber ob im solches herzlich angele-  
gen / kan der Christlich Leser hier auß leichtlich abnemmen /  
Dieweyl er die ih̄enigen / so Jesum Christum / für iren Ey-  
nigen Erlöser vnd Heylandt erkennen vnd bekennen / so  
Aa ij ganz

# Von den H. Gottes Befeütern

Bäpflliche  
3<sup>te</sup> sag von  
einem zū-  
fünffrigen  
Concilio.



ganz grausam vñ  
seindlich mit feür  
vñ schwerde durch  
ächret vnd verfol-  
get / Das er auch  
etliche / so von  
Bapst Paulo / de  
ij. seine Vorfarc/  
vmb gleicher vr-  
sach willen / ver-  
dampt / vnd in ge-  
fäncknuß behaltē  
wordē seind / bald  
im anfang seines  
Bapstumbs / Jä-  
merlichen hat las-

sen ermorden.

Janinus  
würt gefan-  
gen / vñnd  
nachmals  
zūm todt  
verurtheilt

Und erstlich ist gewesen ein fromer Burger / in der  
Prouinz Flaminien auß der Statt Aemilia / sonst von  
Sauenz bürtig. Diser hat Christum Jesum für seinen ey-  
nigen Seeligmacher erkant / vnd offentlich bekant / vñ  
vmb solcher / vñnd sonst keiner andern Bekantnuß / oder  
(wie sie es nennen) Wissethat willen / von des Antichrists  
Dienern / so man gemeyniglich Kezermeyster nennen / vor  
dreyen Jaren / Im M. D. vnd XLVII. zū Ferrarien ge-  
fäncklich angenommen / vnd nach außgang des andn Jars  
seiner gefäncknuß / von gemeltē Kezermeystern zūm todt  
verurtheilt worden. Dieweyl aber seine stund noch nicht  
kōmen war / ist er von derselbigē zeyt an / bis auff den ver-  
schinen

schinen Herbstmonat/ Im Jar M. D. L. bey dem leben erhalten worden. Vnnd allererst dazumal auß Schrifftlichem befelch/ Papsst Julij des dritten/ getödtet worden.

¶ Zween tag aber züvor/ che vnder sterben solt/ ward zü im/ins Gefäncknuß gesandt/ ein Bapstlicher Bott/ od Diener/ der sprach den gefangnen Faninum auff nachfolgende weys an/ vnd sagt/ Es hat Bapstliche Heyligkayt/ mit sonderm fleys alle deine Acta vnd handlungen besehen vñ erwegen/ vnd nach vilfaltigem erdauren/ endtlich in deiner Lehr/ vil Kezereyen vnd merckliche Irrthumb befunden. Darumb sie dir auch jezundt durch mich anzeygen laßt/ dz du vmb derselbigē willen den Todt leyden sollest vnd werdest/ &c. Darneben hat in auch bemelcer Bott ernstlich vermanet/ dz er das ihenig/ was er wider die Römische Kirchen geredt hette/ solte widerrüffen/ vñnd also beyde sein zeytlich vnd ewig leben fristen.

Fanino  
würt im  
Kercker  
das leben  
abkündet.

¶ Auff solche Botschafft hat der frome Faninus sein antwort gebē/ vñ gesagt/ Sonil seinen Leyb/ vñ zeytlich lebē belange/ frag er demselbigē nit sonds/ od vil nach/ were auch dasselbig vmb der ehre Jesu Christi willē/ züuerliere/ ganz willig vñ bereyt. Sonil aber sein Seel/ vñ der selbigen ewigen Seeligkayt vñnd ewigs leben betreffe/ sey er desselbigen in seinem hertzen ganz gewis vñnd wol versichert. Demnach hat er auch angefangen disem Botten/ mit einem sonderlichen starcken Geyst/ das W. Gottes wort züpredigen/ das er ganz schamrot vnd betrübt worden/ auch mit weynenden augen auß der gefäncknuß widerumb hinweg gangen/ vñ frey offentlichen für allen menschen bekant hat/ das diser gefangene Faninus/ ein frommer heyliger Man sey.

Christliche  
antwort/ so  
Faninus  
dem Bapsti  
schē Botten  
gegebe hat



# Von den H. Gottes Bekennern

Saninus  
betet ernst  
zu Gott

¶ Als nun diser Bort auß der Gefäncknuß hinweg  
gangen/ist Saninus auff seine Knye nidergefallen/vñ auff  
ein ganze stund lang mit andächtigem ernstliche gebett/  
den Allmechtigen Ewigen Gott angeruffen/ Vnd nach  
vollendetem gebett/zü seinen mitgesellē / die bey jm gefan  
gen lagen/gegangen/vnd inen zügesprochen.

Saninus  
würde durch  
seine mitge  
sangne züm  
widerauff  
vermanet.

¶ Dise aber/dieweyl sie wol wußten/was jm Kurtz zü  
vor angezeygt/vnd verkündiget worden war/vñ deshal  
ben herglichs mitleyden mit jm trügen/vermaneten jm/  
mit ernstlichem flöhen vnd weynendē augen/das er ange  
sehen/sein lieb Weyb vnd Kindt/jm selbers sein leben stē  
cken/vnd das ihenig/ so er geredt hette / wideruffen wol  
te/dañ durch ein sollich mittel möge nit allein jm / sonder  
auch den seinen geholffen werden/Dargegen aber / wa er  
solte getödtet werden / so wurde sein Frauw ein arme be  
trübte vnd von jederman verlassne Witwe/seine Kinder  
aber arme weysen vnd Bettler sein.

Kampff  
des fleischs  
mit dem  
Geyst.

¶ Da nun diser frome Man/solche wort angehört/hat  
er ein güte weyl still geschwygen / vnd sich ein zeytlang be  
dacht (Dann solche wort gehen einem Erbaren Man  
durchs hertz/so würt der Teuffel seiner pseyl auch nit ge  
schonet/sondern getrößt auff ihn zügeschossen haben/ als  
der auff alle gelegenheyt fleysig güte acht hat / vnd zü ge  
legner zeyt seine werck thüt.) Solgends aber seinen mitge  
sellen dise antwort gegeben/vnd gesagt/Lieben Brüder/  
je solt daran Keinen zweyffel haben / das Gottes Barmo  
herzigkeyt vñ güte vil grösser ist/ dan Menschlicher ver  
standt begreiffen/oder fassen kan / dieselbig würt gewis  
lich auch mein lieben weyb vnd Kindt beystandt vñ für  
schung

Christliche  
antwort Sa  
nini auff dz  
gerhon be  
ger / seiner  
mitgefäng  
nen.

fehung thün/Wiewol ich bekennen muß/das mein Alter  
 Adam/auff eüwer red/ritterlich wider mich gekempffet  
 hat/vnd were mir Gott(der seine Auserwöleten nymmer  
 mehr verlast)mit seiner hilff nicht beygestanden/hett es  
 leichtlich geschehen mögen/das er seinem willen gefol-  
 get/vnd villeicht gern länger gelebt hette. Dañ ich nicht  
 gnügsam bey mir bedencken kondte/das/wa ich den leyb/  
 der doch ohn das den würmen zügeeignet ist/vnd sterben  
 muß/wolte behalten/ich gewißlich mein arme Seel getöd-  
 tet hette. Aber der Allmechtig Ewig Gott/hat mir mein  
 hertz gegen seinem wort auffgeschlossen/vnd verluhen/dz  
 ich jezundt gewiß/vnd eygentlichen glaub vnd weyß/das  
 ein jeder/der seinen Vatter/oder sein Mütter/sein Weyb  
 vnd Kindt/oder anders dergleichen/grösser achtet vnd  
 lieber hat/dann ihn/der sey sein nit werde/Darumb diez  
 weyl mich Gott der Herr mit seiner hande in diser anseh-  
 tung erhalten/getröstet vnd auffgerichtet hat/So beger  
 ich von hertzen auff diß mal zusterben/vnd bey Jesu Chri-  
 sto zusein. Euch aber meine liebe brüder bitt ich/ir wöllen  
 mir hinfürt niches mehr hieuon sagen/sondern vil mehr  
 (ist anderst/eynigerley Chrißliche liebe/vnd ware erkane-  
 nuß Jesu Christi in eüch) eüch mit mir freüwen/vñ Gott  
 den Herren bitten/das er mich also beständiglichen mit  
 seinem H. Geyst erhalte vnd stercke/das ich vnuerzagt vñ  
 wolgetröst jezundt sterben/vnd ein Martyrer Jesu Chri-  
 sti werden möge.

Matth. 5.

¶ Als nün seine mit gefangnen sollichs höreren/haben  
 sie sich vor weynen nit künden enthalten/oder weyters ey-  
 nige antwort geben/sonder in jren hertzen dermassen vnd  
 so gar

# Von den H. Gottes Bekennern

Faninus  
hat seinen  
mitgefang  
nen für vñ  
für im Ker  
cker gepre  
diget.

so gar troffen vnd entzündet worden/ das sie auch mit ihm  
biß in den todt zugehen ganz willig vnd bereyt waren.  
Dañ der frome Faninus hat im Kercker nit ands gethō/  
dañ für vñ für von der gnaden vñ barmhertzigkēyt Jesu  
Christi geprediget/ allen denē/die vmb irer missehat wil  
len gesäncklich eyngezogen vñ gehalten waren / Auff das  
sie in Gottes wort recht vnderwysen/ Christum Jesum ih  
ren eynigen Erlöser vnd Seeligmacher / erkennen vnd  
bekeneten/vñ also seliglichen sterben möchten. Vnd hie  
rñ sollē frome Christē die wunderbarlich würckung Got  
tes/der ihm ein ewige Kirck durch vnerforschliche mittel  
vnd werckzeug samlet/erkennen/vnd seine ewige vnd vñ  
aussprechliche weyßheyt loben vnd preysen.

Gespräch  
eins Mön  
ches mit  
Fanino.

¶ Nach dem allem/ist zū vilgemeldtem Fanino ins ge  
säncknuß Komē ein Mönch/vñ in gefragt/ob er auch sei  
ne Sünd bekennen vñnd beychten/ seine Ketzerische lehr  
widerrißen/vñ sich zū Gott widerumb bekerē wölle: Da  
rauff Faninus sein antwort gebē/vñ gesagt/ Seine sünd  
hab er Gott gebeichtet/so seye er auch kein Ketzer/sonder  
ein rechtschaffner Christ/yedoch damit man ihm nit zūm  
stolz vñnd hoffart zūrechne /zeygt er an/wie das er gern  
sich mit im vnderreden / vnd sich als einen armen sünd  
er öffentlichen bekennen wolte / Also haben dise beyde sich  
von vilen Artickeln/so den glauben vnd die streytig Reli  
gion belangten/miteinander weytleüffig vnderredt/ Vñ  
hat Faninus von allen Artickeln Christliches glaubens  
dem Mönch dermassen mit antwort begegnet/vnd gnüg  
samen bericht gethon / das der Mönch/ da er hinweg ge  
gangen / zū den andern/ so auch im gesäncknuß lagen/ of  
fente

Zeügnuß  
des Mön  
ches von  
dem from  
men Fani  
no.

fentlich bekandt vñ gesprochen hat/ Diesen Saninum hale ich fürwar für einen heyligen menschen/vñ wolt Gott/dz solcher leüth vil auff erden weren/ so wurde es gewißlich vmb die Christlich Kirchen basz stehen.

¶ Nach dem nün die Sonn vndergangen/hat sich Saninus züm gebett bekeret/vnnd dieselbig gang nacht anders nichts gethon/dan Gott den Herren angerüffen/vñ seinen mit gefangnen gepredigt. Derhalben ob wol etlich ins gefäncknuß Kommen waren/ihn zutrösten/so hat ihn doch nyemandt an seinem fürnehmen verhindert/ auch kein wort nie eyngeredt/ sonder auß seinem Munde das W. Gottes wort/mit grossen ernst angehört/ Auch war nyemandts vnder jnen/der nit bitterlichen geweynet/vñ sich züm hefftigsten bekümmert hette/ das er so jämerlich solte hingerichtet vnd getödtet werden.

¶ Als es nün an der zeyt war/das Saninus solte für gericht gestellet vnd getödtet werden/hat man jm/als er auß dem Kercker geführt ward/ein Crucifix(wie dann an solchen orten gewonlich ist) züküssen dargebotten. Saninus aber antwortet vnd sprach/Es bedarff des hülzinen Gözgens nit/der von menschen händē also geschmizlet vñ gebildet wordē ist/dan in seinem hertzen trage er warhafftig Jesum Christum/der für ihn gecreüziget worden sey/vnd in von der höllen peyn/durch sein bitter leyden Erlösset habe/ Bat auch den/der jm sollich hülzern Crucifix fürhielet/Er wolte jm doch solchen Gözgen von seinen augen hinweg thun.

¶ Des morgens frü/als die Sonn auffgangen/ist er gegen dem Markt/auff die gewonlich Richtstatt geführt

Was Saninus in seiner letzten nacht gethon hab.

Saninus will das Crucifix nit küssen.

# Von den 5. Gottes Bekennern

Faninus  
würt von  
seinem Lädts  
leuten zum  
widerriß  
angespro-  
chen.

Faninus be-  
sücht weyb  
vnd kindt  
dem All-  
michtigen  
Ewigen  
Gott.

Gebett Fa-  
nini für sei-  
ne feynd.

worden/das er daselbst für aller welt/ als ein verflüchter  
Ketzler hingerichtet wurde. Da haben jm seine Landts-  
leüth / welche dazumal irzdine gefesse gehn Ferraria zu  
marck geführt vnd bracht hatten/nachgefolget/ vnnnd alle  
ein groß mitleyden/mit jm gehabt/das er ein so gar stein  
hart vnd verstockt hertz hette/vnd weder sein Weyb noch  
Kinder bedächte/die er doch in grosser armüt/vnnnd von  
allen Christen hilfflos/hinder jm verlassen wurde. Aber  
Faninus gab jnen antwort/Sein weyb vnd Kinder we-  
ren nun mehr wol versorget. Dañ er hette sie allzumal ei-  
nem solchen Wañ befolhen/der sie nymmermehr kein not  
noch mangel wurde leyden lassen. Vnd dieweyl sie zu hie-  
rüber fragten/Wer doch diser Wañ were/dem ers befol-  
hen hette/Antwortet er/vnd sagt/Gott jrem liebers Vat-  
ter/vnd Jesu Christo jhrem getreüwen brüder. Dis aber  
alles redet er ganz manlich/vnerschrocken vnd wolgeher-  
ziger/on anzeygung eynicherley forcht/oder schreckē/ Vñ  
widerholet offtmals dises sein gebettlin/Vatter/ich bitte  
dich/du wöllest nach deiner güte/allen denē / die an disem  
meinem todt schuldig seind / verzeyhen. Ich weyß zwar  
wol/das etliche vermeynen/sie thuen dir ein dienst dran/  
wañ sie die jhenigen tödten/die deinen namen bekennen/  
So seind auch etliche so ganz blüedürstig/Christlich blüē  
züvergiessen / das/ ob sie wol mein vnschuldt wissen/dan-  
nocht nit allein in meinen todt bewilliget / sondern auch  
freüß vnd ein wolgefallen daran haben/Aber wie dem al-  
lem/so bitte ich dich lieber Vatter/du wöllest solches jnen  
allen zügleich verzeyhen. Er hette auch noch anders vnd  
weytters mehr geredt/ aber die Schergen/die ihn fürten/  
hats

vnd Martyrern/der iij. theyl. cyc

hatten befehl/das sie in weyters kein wort mehr solten reden lassen.

¶ Da sie ihn nun an die Richtstatt gebracht hatten/da er dan sterben solte/wolte der Hencker (dieweyl er vermerckt/das Faninus vnrecht zum todt verurtheylet war) sich abschleyffen vnd daruon lauffen. Aber Faninus ruffte im maenlich/vnnd sprach mit vnerschrockenem hertzen zum / Lieber thu du was dein Ampt ist/vnnd dir befolhen ist/dann es wuert dir zu keiner Sünd gerechnet werden/so verzeyhe ich es dir auch von hertzen.

Faninus  
rufft dem  
Hencker.



¶ Auff dz ward nun der fromme Man/erstlich gehenckt/vnd nachmals verbrant/nicht ohn grosses traure/weyne vn Klagen aller deren so zugegen stunden vn zülügten. Ob er aber wol auff jeterzölce weyß gestorben/so hat er doch mit seinem todt/vil zum erkantnuß vnd be

kantnuß Christi gebracht/welche die Barmhertzigkeyt Gottes nun mehr wissen/im auch ewigs lob vnd dank sagen/das er sie auß der finsternuß/zü seinem wunderbar

Bb ij lichen

# Von den H. Gottes Beküern

lichen liecht/ vnd erkantnuß seines willens gebracht hat.

## Dominicus von Ba- sana.

**N**ic lang hernaber / vnd nem-  
lich eben in disem Jar vnnnd Monat / da dis  
zu Ferrarien geschehen ist / hat man zu Pla-  
centz desgleichen spiels gespielt / Dann die  
Schlang miß also des Weybs samem in die Fersen beys-  
sen / vnd seine glider Creüzigen bis an den Jüngsten tag.  
Vnd hat sich solche History auff nachfolgende weyß ver-  
lossen.

Domini-  
cus von Ba  
sana hat die  
recht Keli-  
gion in  
Teüschlädte  
erlernet.

**E**iner mit nammen Dominicus a Domo Alba / ein  
Bürger in der Statt genant Bassanum ( welche statt  
den Venedigern züstehet ) hat vor Jaren Keyser Carol  
dem fünffteen wider die Teütschen gedienet / vnd dazumal  
bey den Teütschen das Euangelium erlernet. Darumb  
er sich bald des Kriegs abgethon / die Weltliche waaffen  
von sich gelegt / vñ die Geystliche angezogen / Ist also auß  
einem Weltlichen Krieger / ein Krieger Jesu Christi wor-  
den / vnd hat sich auch nachmals aller deren angenommen  
vnd beflissen / die in in der lehr des H. Euangeliums wey-  
ters vnd gründlicher kondten vnderrichten. Darumb  
er dan in der erkantnuß Christi in kurtzer zeyt tresslich zü  
genomen / vnd bis in das M. D. vnd L. Jar / vil nutz vnd  
güts geschaffet hat. In welchem Jar er erstlich auff Nea-  
pels

pels zugezogen ist/vnd hat von dannen angefangē zūpre- Dominicus predigt  
an vilen orten in  
Welschlade  
digen/vnnd den Herren Christum in sehr vilen Welschen  
Stättlin/auch offnen plätzen vnd gassen/on eynicherley  
schrecken offentlichen zūerkündigen/vñ des Antichrists  
trag vnd list/mit grosser frucht vnd freud/zūoffenbaren.  
Als er aber auch zūletzt in bemeldtem Jar vnd Monat/  
gehn Placenz kōmen/hat er daselbst auff offnem Markt  
angefangen zūpredigen/vñ allda von der Shrenbeydt/  
Segfeur/Bāpstischem Ablass/vnd andern dergleichen stu- Dominicus predigt  
zū Placenz  
cken/so die Religion belangten/frey offentlich vnd vnuer-  
holen/vnder einer grossen anzal Volcks/die jm willig vñ  
mit andacht zūhöreten/geredt vnd gelehrt.

¶ Des andern tags hernach / ist er widerumb an be-  
melt ort auff den Markt kōmen/vnnd daselbst/von dem  
rechten waren Glauben/desselben krafft vnd würckung/  
auch von den güten wercken geredt. Vnder andern hat  
er auch der Wess gedacht / vnd verheysen / das er hienon  
des mornigen tags weyter reden/vnd den Antichrist mit  
seinen farben/recht außstreichen wölle. Als er aber nūn  
an dem dritten tag/als er wider an das ort kōmen ist/wil-  
lens war weyters zūpredigen/hat der Teüffel/der mit ley-  
den mag/das die Abgötterey / vnnd sein Oberster diener  
(der Antichrist) mit ihren eygenschaften entdeckt werdē/  
erlicher seiner diener vnnd werckzeüge erweckt/die solches  
alles verhindernen. Dann wie er in voller Predig stünd/  
ist der Oberste Weybel oder Markmeyster kōmen / in an-  
gesprochē/er solle von der Canglen herunder gehen / auch  
nachmals seinen Dienern befolhen/das sie zū jm greiffen/  
vnd in ins gefäncknuß hinführen soltē. Dominicus war des



# Von den H. Gottes Bekennern

sen wol zufriden / sagt derhalben / er wölle alles thun / was er von jm haben wölle / vnd willig gehen / wahin er jm hiesse / vnd sprach / Mich hat groß wunder gehabt / dz der Teufel so lang hat harren können / vnd meine predigen vnuerhindert lassen.

Dominicus  
würde  
von des Bi-  
schoffs  
Statthal-  
ter gefragt

¶ Hier auff ist er zu des Bischoffs Statthalter geführt (dieweyl der Bischoff nie anheymisch war) vñ von jm zu Latein gefragt worden / ob er ein Priester sey / oder von wem er solchen gewalt entpfangē hette / also offentlich zu predigen. Dominicus antwortet auff Italianisch oder Welsch / wie dz er nie Lateinisch könne / so sey er auch kein Papistischer Priester / sondern ein Priester Jesu Christi / von welchem er auch / als von dem höchsten vnd Obersten Bischoff / zum Predigamt seye beruffen vnd geweyhet worden.

¶ Meyters hat man jm gefragt / ob er auch alles was er wider die heylige Römische Kirch geprediget hette / wideruffen / oder für recht halten / dasselbig bestreyten vnd darbey beharren wolte / Ihm auch angezeygt darneben / Wa er nie ein wideruff thun werde / so müsse er des todes sterben.

Dominicus  
will  
sein lehr  
auch mit  
seiner todt  
bestreiten.

¶ Dar auff hat Dominicus ganz getrost vñ vner-  
schrocken geantwortet / das er das ihenig alles / so er in off-  
ner Predig geredt vñd gelehrt hab / dermassen für recht /  
gewiß vnd warhafftig erkenne / das er zu bestätigung sol-  
cher warheyt / bereyter sey den todt zuleyden / vnd mit sei-  
nem todt dasselbig alles wölle versiglen / Vñ ja nit allein  
solchen todt nicht abbitten / sonder vil mehr Gott darfür  
danken / das er vmb seiner Ehren willen / den Todt zuley-  
den würdig sein solte.

Auff

vnd Martyrern/der iij. theyl. cxcij

¶ Auff das ist er ins gefängnuß geführt worden/vnnd  
daselbst durch etliche Mönch vilfeltiger weyß angezeypffe  
vnd vermanet worden/das er doch seine gethone Predi- Dominus  
cus will  
keinswegs  
widrüffen.  
gē widerumb auff offnem Marckt wolte widerrüffen. A-  
ber er hat sich dessen gewägert/vnd frey bekennet/Er wöl-  
le zehen mal lieber sterben/dañ vom Herren Christo abfal-  
len/oder in verleügnen.

¶ Derhalben hat man ihn des andern tags auff dem  
Marckt/da er solte gehencket werden/geführt/vnd als man  
in nach gewonheyt/vil Bápstischer Gaucklerey vñ Nar-  
renwerck fürgetragen/vñ in zügemüet hatt/Hat er sich  
von demselbigen allen zü Gott dem Herren gewendet/  
vnnd von hertzen gebetten/das er seinen Henckern vnnd  
Mördern/sampt allen/so an seinem tode schuldig werē/  
vergeben wolte/alles/was sie an ihm theten/weyl sie auß  
vnwissenheyt sich also an ihm versündiget. Also  
ist er mit grosser freüß vñ herzlichem verlan-  
gen züm Herren Christo in den tode  
gangen/seines alters gar  
nahe im xxx.

Jar.

D. Johan

# Von den G. Gottes Bekennern

**S. Johannes Dollus** **Mont-**  
**et Ileinus/Barfüßer Or-**  
**dens.**

**Die History von diesem Gottseeligen/vnd rechtheyfer**  
eigenen Mann/welcher ein Hoherfarnet Theologus vnd fürerreffentli-  
cher Philosophus gewesen ist/wie er nemlich etlich mal durch den Antis-  
chystischen hauffen/in gefäncknuß geworffen/aber durch Gottes gnädig-  
ge anschieckung widerumb entlediget/ Folgendts aber/Im Jar M. D.  
vnd LIII.auff den v.tag Septembris / mit sampt einem Perusinischen  
Weber zu Rom/auffdem Platz genant / Campo de flor/ist verbrant wor-  
den.Ist erstlich mit kurzen vnd wenig worten/in Teütscher spraauch auß-  
gangen/Tezunde aber zu sonderm gefallen mein/vñ gemeyner Kirchen/  
weytleufftig vnd warhafftig in Latemischer spraauchen beschryben worden/  
durch Herren Michaelem Angelum Florumm einen Florentiner / der  
dann lange zeyt bey gemeldtem S. Johanne MontIleino in gleichem Or-  
den verharret/nachmals aber auch biß in die xxvj. Monat zu Rom  
vmbß Glaubens willen gefäncklich gehalten/vnd nun  
allhie bey vns zu Straßburg sich haltet/  
Vnd durch mich warhafftig  
verdolmetseth.

**J**ohannes Dollus ist gewesen  
ein Italianer/geboren in deren von Senes  
Herrschaft in einer berümpften Statt/ ge-  
nant Mont Ileini/welches ligt bey xv. Wel-  
scher/oder bey iiii. Teütscher meyllen von der  
Statt Senis. Disen Johannem / als er vij. Jar alt wor-  
den / haben seine Eltern mit sampt seinem Bruder/ des  
nam war Augustinus/auß armüt in ein Barfüßer Klo-  
ster



ster gehon/ Vnd  
dieweyl die Mon-  
che desselbigē ortz  
vermercketen/dz di-  
ser jung Knab eins  
fürtrefflichen gü-  
tē verstandes war/  
haben sie ihn mit  
fleyß dahin gehal-  
ten/das er in La-  
teinischer sprache  
fleyßig studierte/  
vnd gründelich vn-  
derwysen wurde.  
Seinen Brüder au-

Mont Jle-  
nus würt  
zur Latei-  
nische spra-  
chen ange-  
zogen.

ber/welcher (wie gemeldet) Augustinus hieß/habē sie als  
einen der eins Kleinen verstandes/vnd zūm studieren nit  
tänglich were/zū andern gemeynen vnd geringen Klo-  
ster geschäfften verordnet. Als nūn gemelter Johannes  
zwey Jar in Lateinischer sprachen gestudiert/hat er als  
le andere seine Mitgesellen/in zierlichem vñ lieblichem ver-  
den so weyt ubertrossen/dz jederman sich ab solchē seinem  
trib/vnnd geschwinden verstande verwunderte/vnd ihn  
berglich lieb hatte. Als er aber xviii. Jar alt worden/hat  
ben in die Obersten desselbigē Klosters/so zū Mont Jle-  
cin ist/laffen zt einem Püester weyhen/vnnd seine Erste  
Wes(welche warlich vnd aller Abgötterey die fürnem-  
ste ist) lesen. Vnd als solches beschehen/ist er nachmals  
gehn Ferrar geschickt worden/das er daselbst in allen löb-

Mont Jle-  
nus würt  
gehn Ferr-  
rar ge-  
schickt.

Cc lichen

# Von den H. Gottes Bekennern

lichen vnd güten Künsten/als in der Dialectica/Philosophy vn̄ auch D. Schrifften/weyters fürtsarē solte. Da selbst ist er in̄erhalb vj. Jaren (dieweyler auch vormals in seiner jugendt sich als einen der sondern lust vnn̄d neygun̄g zū allen güten Künsten trüge/erzeyget hat) so hoch kōmen/das zur selbigen zeyt kein gelehrter Man̄ zū Ferrara nie war/der sich im Disputieren nit vor ihm entsetzet vnd gleichsam gefürchtet hette. Als nūn aber solches M. Joān Digerius Januensis/ welcher zur selbigē zeyt Barfüßer Ordens General vnn̄d Oberster war/ verstanden/ hat er ihn lassen in Heyliger Schrifften/ vnn̄d andern Künsten Doctorieren/vnd folgendts zū einem Lesemeyster des Barfüßer Klosters zū Janua verordnet. In dieser zeyt aber hat vilgemelter D. Johān noch gar kein Erkantnuß Jesu Christi gehabt/sonder vil mehr vnd ernstlich dem Papsttūb angehangen/vn̄ yevermeynt/ er wolte alle so Euangelischer lehr anhängig/mit seiner Sophistrey vn̄ Philosophischē argumentē vn̄ versachē/uberwindē.

**¶** Im Jar aber als man zalt nach der geburt Christi **M. D. vnd XXXI.** Ist er Professor vnd Lesemeyster worden zū Bizyon (da dan̄ obgemelter Herr Michael Angelus erstmal̄ sein Discipel vnn̄d Jünger worden ist) Das selbst hat er angefangen/mit höchstem fleiß zuergründen vnd eelicher massen zūschmecken/die reyne lehr des D. Euangelio.

**¶** Folgendts im Jar nach der geburt Christi/M. D. vn̄ XXXII. als er zū Oeylande zū einē Professor D. Schrifften vnd anderer güten Künsten angenommen war/hat er sich dermassen so statlich vnd gewaltigerzeyget/dz Fran-  
cisca

Wiltm. J. l. c. i. M. D. vnd XXXI. Ist er Professor vnd Lesemeyster worden zū Bizyon (da dan̄ obgemelter Herr Michael Angelus erstmal̄ sein Discipel vnn̄d Jünger worden ist) Das selbst hat er angefangen/mit höchstem fleiß zuergründen vnd eelicher massen zūschmecken/die reyne lehr des D. Euangelio.

ascus Sfortia/der Herzog zu Meylande in zu einem Or-  
 dinario der Philosophey/zü Passy (welchs ein herrliche  
 berühmte vñ alte hohe Schül war) angenommen hat. Da-  
 hin er dann auch gezogen ist/ Im Jar M. D. vnd XXXIII.  
 vnd daselbst verharret bis in das M. D. XXXVII. Jar. sy.

Mont Flei-  
 nus wäre  
 Lesemey-  
 ster zu Pas-  
 sy.

¶ Zur selbigē zeyt/als M. Lorenz Spatha von Bo-  
 noniē bürtig/ein berühmter fürreffenlicher Theologus/  
 zü Rom General vnd Oberster Barsfüßer Ordens ward/  
 vnd aber gemeldten D. Johannem Mont Flein / als ei-  
 nen der alle andere seins Oedens Brüder weyt vbertrāf-  
 fe/hertzlich lieb hatt/hat er in zu einem Professor gen Bo-  
 nonien angenommen. Daselbst hat er anfänglich etlichen  
 zü gefallen/das dritte Büch/so Aristoteles von der See-  
 len/vnd das erste/so Johān Scotus geschryben / fürgele-  
 sen vnd außgelegt/vnd aber doch ihm selbers hierin nicht  
 gnüg gethon. Dañ die Erkantnuß Euangelischer wars-  
 heyt in im dermassen zügenommen hat/das er nichts mehr  
 begert/dann das er solcher mit ernst nachsetzen/auch für  
 vnd für anhangen solte.

¶ Dieweyl aber solchs vil fromer Mönch/die der war-  
 heyt ganz geneygt waren/an ihm vermercken/baten sie  
 in züm höchsten/er wolte doch ihnen die Episteln des H.  
 Apostels Pauli/besonds fürlesen vñ außlegen. Damit er  
 nun seinen brüdern vnd jeem so ernstlichem bitten vnd be-  
 gerē gnüg thun möchte/hat er in seiner Kammer oder Cel-  
 len angefangē zü erkläre/die Epistel so der Apostel Pau-  
 lus an die Römer geschryben hat. Als aber auch solches  
 andere ersüren / ward die zal der zühörer so groß/ das er  
 gezwungen ward/solche H. Leccion öffentlichen vnd an

Mont Flei-  
 nus liest sei-  
 nen brüdn  
 die Epi-  
 steln Pauli

## Vonden H. Gottes Beküern

dem ort zühaltē/da er sonst pflegete Aristotelem vñ Scotum zulesen. Diweyl aber Gottes wort durch sein krafft die hertzen 8 Menschen mit seiner Maiestät gewaltig züh sich zeühet/wardē der zühörer sonil/dz er in offner Kirche von der Canglen solche Lection halten müste. Die zühörer waren ganz ernstlich vñ eysferig / so macht sie auch D. Johan ye mehr vñ mehr einbrünstiger vñ hitziger. Vil waren / die seine Lectiones von wort zü wort eygentlichen auffschryben. Vñ beflif sich ein jeder / dz er an ein bequem ort zusetzen kömen möchte / damit er seine Auflegung desto baß verstehen vnd fassen köndte / Dañ die Verständigen leichtlich vertheylen köndten / das solche reden / auß dem H. Geyst her kämen.

Cornelius  
ein Barfüß  
ser / arger  
Mönch.

¶ Zur selbigen zeyt / war noch ein anderer Franciscaner oder Barfüßer Mönch / mit nammen Cornelius / ein rechter schwetzer / deß gleichē ein leichtfertiger / betrogner / vñ vber die massen Ehrgeytiger Man / der all sein redē dahin richtete / wie mans gern hōrete. Difer diweyl er zü Bononien die Metaphysic Aristotelis las / ward er gemeldtem D. Johan Monte Iucino / diweyl sein lob vñ ehr / von tag zü tag / ye länger ye grösser ward / hefftig feynd / Vnd ward difer schandlich vnd Mönchisch neyd in seinem hertzen so groß / das er zü gefallen dem Cardinal Campegio / der dann ein Burger / Bischoff vñ Legat zü Bononien war / auch anfieng die Epistel Pauli an die Römer öffentlich fürzulesen / vnd alles das / so D. Johan züvor Christlich vnd Gottseeliglich gelehrt hatt / umbzustoßen / Alles doch ohn grunde Götlicher warheyt / Son  
der

der in allen Lectionen hofieret er vnnnd schmeyle dem  
 Pappst/seinem geschmierten hauffen/ihrem Gewalt/Au-  
 thoritet vñ ansehen. Hiégegen aber blib D. Johān Mont  
 t Jlcinus beständig/verthädiget mit ernst/das ansehen/  
 die Krafft vnd Warheyte Göttliches worts/enedeckt hie  
 mit des Pappsts Tyranny/lobt vnnnd prise dargegen/so  
 hoch er jmer kondte/die Glory vnd Ehr des Herrē Chri-  
 sti. Ye mehr aber obgenanter schwerer Cornelius / wider  
 den fromen Johannem zürnet/tobet/vnd in grausamer  
 weyßschendet vñ schmähet/ye grössern zulauff D. Mont  
 t Jlcin vberkam / vnd ward des fromen Mans nam vnd  
 Ehr nur desto grösser/Dargegen warden Corneli zühö-  
 rer/ye länger/ye weniger/es nam auch sein Auctoritet vñ  
 Ehr/von tag zu tag/ye mehr ab.

¶ Als nun aber Cornelius der Mönch sahe/dz es im  
 nit glücken wolte/auff die weyß / so er fürgenommen / Ja  
 vil mehr von aller welt verachtet wurde/vnnnd mit seiner  
 vnnützen Sophisterey/der lehr des h. Geysts/die auß de  
 Wundt Mont Jlcini geprediget ward/nit kondte wider  
 stande thun/War er folgendes durch sein Gleyßnerrey/vnd  
 glatte wort den Cardinal Campegium angesprochen/vñ  
 endlich dahin bewegt/das er im fürnam den fromen D.  
 Johannem Mont Jlcinum züerwürgen. Dañ er sagt/vñ  
 bezeügestich auch mit ernst/wa man die Lehr D. Johans  
 nis Mont Jlcini nit fürkommen vnnnd abschaffen werde/so  
 werde sie gewißlich zu großem schaden vnd nachtheyl der  
 Römischen Kirchen/dienen vnd reychen. Nun ist kein  
 ander mittel/dardurch man die Cardinalleicher Kan-  
 vider den Herren Christum/vnd sein wort anhegen / dan

an

Cc iij eben

Mont  
 Jlcini  
 der Mönch  
 stellet dem  
 fromen  
 Mont Jlcini  
 nach  
 seinem Le-  
 ben.

Mont  
 Jlcini  
 über no  
 in die  
 Campegium



# Von den 5. Gottes Bekennern

eben wann man ihnen den verlust ihrer Ehren/haab vnd güter/sürhalter.

¶ Dieweyl aber der Cardinal Campegius wol wußt/ das er den fromen D. Johannem Mollium / mit keinem öffentlichen gewalt / ins gefängnuß bringen oder werffen köndte / Dann er ward zu Bononien von meniglichen als ein Apostel Jesu Christi gehalten / hat er befehl geben/das man in freündlich beschicken solte/damit er sich in seinem beysein mit Cornelio vnnnd andern Theologen von der rechten lehr vnd Christlicher Religion gnügsam erspraachete/vnd da ein jeder öffentlichen anzeygte / wess er in solchen stücken gesinnet were.

Gesp: 28  
Mont: Jlein  
ni mit Cor-  
nelio.

¶ Als nun Johannes solches angehört/ist er ganz wil lig erschienen/damit er von Gottes wort / vom Glauben vnd Christlicher Religion sein bekantnuß vnd zeügnuß thüntöndte. Es haben ihn auch vil herrlicher Gelehrter leüt begleytet / die von hertzen begerten Gottes wort zu hören. Es ist auch erschienen vilgemeldter Cornelius/vnd haben dise beyde angefangen zureden von der Justification/oder Rechtfertigung des Menschen / welches bis in die dritte stund zünacht sich verzogen hat / Vnd ist ein jeder auff seiner alten vnd vorigen meynung verharret.

S. Johān  
Mont: Jlein  
ein wirt  
zum ersten  
mal gefan-  
gen.

¶ Nachmals hat man D. Johannem Mollium vnder umb heysen heymgehen / Vnd als er den schneckten her fängnuß gebawen war ward er von des Cardinals dienern/die da verborgen stunden/vnsürschens angefallen/ gefangen / vnnnd in Ketten geworffen. Welches sie dazumal/dieweyl es nacht/vnnnd an einem engen ort war / wol

thun

thün konden/Wiewol erliche fre Papier vñ gewehr auß  
zogen/vnd begerten den Vicari des Cardinals Campe  
gij/der zu solchem geholffen hatt/züerwürgen/konden  
aber(wie gesagt) dieweyle nacht/vnnd an einem sehr en  
gen ort war/nichts aufrichtē. Des mornigen tags aber/  
als solch geschrey außkame/ward die gang Statt vnru  
wig/vnnd wa sich gemeldter Schweger Cornelius nicht  
heymlich hette verschlagen/so hette er müssen behalten.  
Die Studenten schmäheten öffentlich nit allein den Car  
dinal Campegium/sondern auch den Papst/den sie den  
Antichrist/vnnd die Römisch Kirch/welche sie das ver  
zweyfelt Babylon/nenneten.

¶ Als aber der Cardinal solche lesterwort ersüß/ward  
er noch mehr wider den frommen Johānem ergrimet vnd  
erzürnet. Der halben er jm fürnam/wider jm vnuerhörter  
sachen zühandlen. Berufft sein Vicarium/schickt den sel  
bigen ins gefäncknuß/das er dem gefangnen ansagen vñ  
verkündigen solte/wie das er entweder sterben/oder au  
ber Widerruffen müßte / vnnd sey die sach dermassen  
beschaffen / das man sie länger nicht werde auffzie  
hen.

¶ D. Johān/hat sich ab solcher Botschafft/wiewol  
sie erschrocklich vnnd grausam war/keines wegcs entse  
tzt/allein sich beklaget/ das er dermassen vnuerhörter  
sachen verurtheilt/vnd verdampft wurde.

¶ Also wolt dem Cardinal Campegio/deren keines  
gerihten/wie ers jm hat fürgenomen/Daß der H. Geyst  
hatte dieses Gottseligen Manns hertz in rechter erkänuß  
Chris

# Von den H. Gottes Bekennern

Christi dermassen gegründet vnd bekräftiget/ das in weder die Marter/nach der todt selbers erschreckt/sonder er mit frölichem angesicht frey bekennet/er wolte vil lieber sterben/dan sein lehr widerrißffen/vnd der Gottlosen lehr aller Heuchler vnd Gleysner beyfallen/Dann im sey lieber der Todt/dan das er sich durch den Widerrißffen ewig geschand vnd schmach selbers stürzen wolte.

Lorentz  
Spartha  
Postiert  
gehn Rom  
vmb erledigung  
Johann  
Mont Jleini.

¶ Ob wol nun der Cardinal solches mit zornigem heitzē von im anhöret/so hat er in doch nit (wie er fürgenomen) tödten vnd umbbringen können. Dann der General oder Oberste Barfüßer Ordens/Herr Lorentz Spartha/dieweil er wol gedenccken konte/das im diß zu ewigen zeyten zuuerweyssen kömen wurde/wan er einen Ordens Brüder/der im züstkünde/dermassen so Jämerlich ließ erwürgen vnd umbbringen/besonders einen solchen Man/der nit allein Gelehrte/sonder auch allen Nocherständigen gang lieb vnd werdt gewesen war/ Ist auff der Post eylendts gen Rom geritten/auch kein mühe/arbeyt/oder vnkosten hierinnen gespartet. Vnd als er gehn Rom kommen/hat er mit dem Cardinal zum H. Creüz/der dazumal Barfüßer Ordens Protector vnd Schutzherr war/souil verhandelt/das er ein Mandat vom Papsst an den Cardinal Campegium außgebracht/des inhalts/dz der Cardinal in angesicht dises Mandats/Johannem Mont Jleinum auß dem Kercker ledig lassen solte/Dargegen/das gemelter Johannes etlich Bürgen setzen/vnd in Monats frist sich selbers gen Rom stellē wolt. Dises Mandat hat nun der General Barfüßer Ordens de Cardinal Campegio vberschickt/der dan willens war/ober drey tag den  
from/

fromen vnd Gelehrten man tödten zülaffen. Als aber der Cardinal solch des Papssts Mandat entpfangen/ das er nemlich den gefangnen Mont Ileinum widerumb solte ledig lassen/ist er so ergrimet worden/ das man vermeynt/ er were gar vnfinnig/rasend vnd tobend. Dañ in von herzen dürstet/nach des fromen Mans blüt/vnd vermeynt er wurde Gott ein besonder wolgefalle daran thun/wan er in verbrennen lies. Dieweyl er aber des Papssts befehl nit konde/oder dorfft/widerstande thun/hat er etliche zu Bürgen angenommen(darzu dañ vil Studenten vnd 12 zu Bononien ganz vbüctig vnnnd willig waren) vnnnd den Gefangne/nach dem er in xxx. tag/in einem schandlichen Kercker gehalten hatt/widerumb ledig geben.

S. Mont  
Ilein  
würt wide  
rumb ledig  
gelassen.

Es ward auch vilgemeldtem Schweger Cornelio befehl geben/das er gehn Rom sich stellen wolte/ Als er nun dahin kommen/ist er vom Cardinal zum H. Creüz/der im dann trefflich seynde war/ins gesäncknuß geworfffen worden.

Wie kan ich aber diß nit verschweygē/ So bald das geschrey außkam/das der Gefangne Mont Ilein widerumb solte ledig werden/Lieff alles Volck hauffen weyß/zu im ins Barfüßer Kloster/dann ein jeder wolt in sehē/hören/vñ müglichs fleyß dienē. Vil vnder inen/denen des Papssts Tyranny wol bekant war/zhieten ihm von herzen/das er nicht gehn Rom ziehen wolte/Verhieffen ihm auch ein grosse Summa gelts/wa er auß Welschlandt hinweg ziehen/vnd sich her auß in Teütschlandt thun wolte. Aber er schlug solches alles ab/vnd sagt/er müste/wie zu Bononien/also auch zu Rom/von der lehr Jesu Christi

# Von den H. Gottes Bekenern

S. Mon-  
tinius  
sucht von  
Bononien  
auff Rom  
zu.

zeügen vnd predigen. Nach dreyen tagē/hat er etlich gelt  
von seinen brüdern genomēn/dan er zur selbigen zeyt sehr  
arm war/vnd ist also auff Rom zügezogen. Seine Mit-  
brüder aber hielten on vnderlaß jr gebett für in zü Gott.

Merck.

¶ Als er gehn Florenz kommen/hat in obgemeldter  
Herr Michael Angelus angesprochen vnd gesagt / Ach  
lieber Vatter/wie gern wolt ich das jr auff Teütschlädte/  
vnd nit auff Rom/züßogen/Aber er hat im mit weynendē  
augen/widerumb dieantwort geben/vndd gesagt / Ich  
bin willig vnd bereyt / nit allein alle peyn vñ marter zü  
leyden/sonder auch vmbmeins Herrē Jesu Christi willen  
lebendig verbrant züwerden.

Beger  
Monti-  
nian Papst  
Paulum  
den iij.

¶ Nach dem er gehn Rom kommen/ist er erstlich züm  
Cardinal züm H. Creütz/der seiner sachen nit so gar ab-  
günstig war/kommen/vnd nachmals mit sampt seinem  
General vnd Obersten für Papst Paulum des namens  
den iij. selbers. Als er aber für dē Papst kōmen/ist er auff  
die knye nidergefallen/vnd ganz demütig gebetten / das  
man sein sach nit in winde schlagen oder verachten / son-  
der wie billich / rechtmässiger weys verheylen vndd er-  
kennen wolte/vndd ihm vergönnen offentlich züreden  
vndd zühandlen. Papst Paulus der iij. der dann vor-  
mals von seiner lehr (die menigklich gefiel / vndd züm  
höchsten gelobe ward) gehört hatt/gab im antwort/das  
es nit von nöten were auff diß mal seine sach offentlichen  
fürzunemen/dann er hetre verschafft / das man freündt-  
lich vnd lieblich mit ihm handlen solte. Vndd hat sich der  
Papst gegen im auffß freündelichst vñ gnädigst erzeygt.  
Dann es besorgten sich alle Cardinal züm höchsten vor  
dies

dises Manns Lehr vnnnd bekandnuß. Folgende/dieweyl ihm die öffentliche handlung abgeschlagen ward/befalch man jm/er solte alle Artickel sampt seiner meynung/vmb welcher willen er/als ein Kexer anklage were wordē/ mit eygner handt auffschreyben vnd verzeychnen. Welches er mit willen gethon/ Vñ hat sein Verantwortung schriftlichen ganz gewaltig vnd wolgegründt angestellet/ darinnen er nach ordnung sein Bekandnuß gethon hat/nach d. Götlicher vnnnd der alten Väter glaubwürdigen Schrifften/ ganz kurz/aber mit hohem verstandt von den fürnembste Artickeln Christlicher Religion/Als von der Erbsünd/von der Rechtfertigung/ so allein durch dē glaubē beschehe/von dem Verliß Gottes/Von der Ewiggen fürschung Gottes/Vom Freyen Willen/Von Gnad vnnnd Verdienst/von güten Wercken/Vom Ansehen der d. Götliche Schrifte/Vom Segseür/ Von des Papsts gewalt/vnd letztlich/das bey Gott kein ansehens der Personen seye. Von disen allen jetzt erzölten Artickeln/ hat er sein Bekandnuß schriftlich/ die er auß dem d. Gottes wort/vñ der Alten Väter Lehr gefaßt hatt/dargethon/vnnnd nach dem sie vollendet/hat er sie erstlich dem Cardinal zum d. Creüz/vnd folgendes (wie ihm befolhen war) dem Papst selbers vberantwortet.

Schriftliche  
Bekand-  
nuß Mon-  
tflam.

¶ Drey ganger tage haben die verordneten Bischöff vnd Cardinal denen dann solcher handel auffgelegt vnd befolhen war/ von disen angestelten Artickeln weytleüßig disputiert vnd geredt/ Vnd ist vnder jnen keiner gewesen/der solche sein Bekandnuß etlicher massen leügnen/od̄ aber hett könden umbstoffen.

# Von den 5. Gottes Bekennern

Antwort  
so Montz  
cino auff  
sein gerho-  
ne Bekant-  
nuß geben  
war.

¶ Nach dreyen tagen hat man jm ein solche antwort geben/ Ob wol alles/ das er geschryben habe/ die warheyt sey/ so künde man doch solches noch zur zeyt nit ohn besondern vnd grossen nachtheyl der Römischen Kirchen/ lehren/ oder predigen/ Derhalben wöllen sie jm verbotten haben/ dz er hinsüre der Episteln Pauli müßig stehen/ auch sonst nichts mehr auß H. Göttlicher Schrifften fürlesen/ oder auslegen wolte/ Sonder gehn Bononien wider hinc ziehen/ vnnnd daselbst in der Philosophhey vnd Sophisterey oder Schül Theologye fürfaren.

S. Montz  
r Klein erzö-  
let von der  
Canzeln  
wie es jm  
er gangen  
sey zu Rom

¶ Als er nün zu Bononien widerumb ankömen/ vnd von allen Gottesfürchtigē mit höchster freünd entpfangen ward/ Ward widerüb ein grosser zulauff von alle Volck/ die in freündlichen entpfahen/ vnnnd gern gewist haben wolten/ was in seiner sache were verhandelt worden. Die weyl er nit künde einem jeden nach notturfft red vnd antwort geben/ hat er drey gewaltiger predigē in öffener Kirchen von der Canzeln zum Volck gehalten. Die Papistē/ da sie höreren das er predigen wolt/ gaben sie für/ er wurde einen Widerrüff thun/ damit er widerumb beym Cardinal Campegio möchte zu gnadē kömen. Aber d fromb Johannes/ als der für vnd für beständig bliben/ vnnnd nyemals d meynung gewesen war/ dz mā in Christi sache vil nachgebē solte/ hat sein eynfaltig vñ warhafftig erzölet/ wie es jm er gangē sey/ Auch wed weniger noch mehr angezeygt/ dan wie es sich in warheyt hielte. Derhalben dann solche predigen mit gesunder lehr/ auffrecht vñ warhafft abgangen seind. Deshalben dan alle Liebhaber der warheyt/ Gott dem Herren herzlich danck sagten/ dieweyl er die

die Warheyt auß der finsternuß/wunderbarlicher weyß  
ans liecht herfür gebracht hette.

¶ Der Cardinal Campegius als er solches erfahren/ist  
er vilzorniger vber vilgemeldten D. Johan worden. Dañ  
er hatt klein gefallen ab seiner widerkunfft/vñ sonderlich  
ab disen jetztuermeldten dreyen predigē. Derhalbē bracht  
er beym Papst vnd seinem geschmierten hauffen/endlich  
sonil zūwegen/das dem General oder Obersten Barsüß/  
ser Ordens befelch gethon ward/das er gemelten Johan/  
nem zū Bononien abschaffen/vnnd einen andern an sein  
statt dahin solte verordnen. Welches er auch also bald ge  
thon hat/Aber doch sehr vngern/dann er disen frommen  
man für alle andere herzlich lieb hatt. Bald hernach hat  
er in auff Neapels zūgeschickt/vñ in daselbst zū einem Le  
semeyster vnd Prediger im Conuent/oder im Kloster zū  
S. Lorenzen verordnet.

¶ Also hat er im Jar M. D. vnd XXXVIII. zū Neap  
pels geprediget/vnd daselbst gar kaum entrunnen dem  
Viceroy in Neapels/Herzen Petro von Joleto einem Hi  
spanier/der in nachsteller/Dieweyl er auff den Ostertag  
offentlich gepredigt hatt/alles was die Papisten/vō dem  
wesenlichen absteppen der Seelen Christi/an das ort da  
die Abgestorbenen Heyligen Väter bey einander versam  
let sein sollen/lehren vnd schreyben. Vedoeh hat ihn Gott  
wunderbarlicher weyß auß den händen dises grausamen  
Tyrannen enlediget. Ist aber doch nachmals hin vnnd  
wider in Welschland vmbgezogen/vnd wiewol er den Pa  
pisten zūwider/hat in doch Gott erhalten/dz er nit durch  
die feynd des Euangeliums vmbgebracht ward.

Montz  
ein würr  
zū Bononiz  
abgeschaf =  
fet vñ auff  
Neapels zū  
geschickt.



# Von den H. Gottes Beküern

Montzlei  
nus kompt  
widerumb  
gehn Bo-  
nonien.

¶ Im Jar M. D. XLIII. als der Cardinal Campegius mit Todt abgangen/ Ist gemelter D. Joha<sup>n</sup> widerumb gehn Bononien komen/berufft von einem fromen Abt de Grassis/welcher ein Burger zu Bononien/vnnd sonst in grossem ansehen war/bey welchem er etlich Monac in einem Haus verharret ist/vnnd hat im in geheym vn beson ders die Episteln des H. Apostels Pauli erklart vnd außgelegt. Hat doch aber dem Neyd vnd haß der Geschmier sen/in die hartz nit künden/oder mögen enttrinnen vnnd entgehen.

Montzlei  
nus wirt  
zum andern  
mal gefan-  
gen.



¶ Dañ im anfang des Augst/monats/ ist er wi derüb bey nächterlicher weyl verkundtschafft/vñ in Kercker geworffen worden. Vnnd damit nit erwan das volck/das ihn dan fürtrefflich lieb hatt Ihn mit gewalt widerumb ledig machte/habē sie in eben in derselbigen nacht gefangen/mit kettinen gebunden/vnnd mit etlichen gewapneten wol bewaret/gen Fauenz führen lassen/vñ daselbst im Schloß in einen schandelichen thurn/ auß

auff befelch des Cardinals von Capo/vnd Bonauentura von Costacciaro / welcher zur selbigen zeyt General vnd Oberster vber der Barfüßer Orden war/ Jämerlich werffen lassen. In diser Gefäncknuß ist er blyben vier ganzer Jar/vnd hat man nyemandes von seiner freündschafft oder sonst/zü jm gehen/vnd mit jm reden lassen. Daselbst hat er auch ein herliche vnd schöne auflegung vber das erste büch Moses geschryben/welche ihm aber vom Obersten im Schloß genomen worden/damit es nit außgieng/vnd ans liecht käme.

¶ Nach dem nun dise vier Jar verlossen / ist er wider rumb auß gunst vnd liebe etlicher Fürnehmer leüch in Italien / vñ insonders durch den Graffen von Pitiglian/ vñ obgemeldtes Abtes/auff dē Schloß vnd Gefäncknuß zü Sauneng ledig worden/Vnd dem Abt/das er in bewaren sollte/mit gewisser bürgschafft vertrauwet vñ besolhen worden. Welcher Abt auch in mit sich gehn Ranenna geführt/vnd bey sich etlich Monat lang in seiner Abtey zü S. Vital/gantz freündlich vnd wol gehalten.

Mont Klein  
ein würt  
widerumb  
entledigt.

¶ Zur selbigen zeyt / hat D. Johan Mont Klein/ besonders disem Abt vñ etlichen andern mehr/die Episteln des H. Apostels Pauli außgelegt/ vñnd den weg Gottes alle die so zü jm kamen/mit treüwen vñnd sonderm ernst gelehrt/ Endlichen auch in disem eyfer/eymbunst vnd hitziger liebe zü dem Herren Jesu Christo kömen/dz er auch den namen Christi/ohn trähern vnd weynen/nyemals genennet hat. Wann er dann etwas zün zeyten / vom Verdienst Jesu Christi redet/hat menigklich anderst nit gedenden können/dann das er auß Gottes eyngebung

der

## Von den H. Gottes Bekehrern

dermassen getriben/gleichsam im Geyst verzuckt/vñ außserhalb disem sterblichen leyb seye.

**M**ont Zlein zum iij. mal gefangen.

**M**ont Zleinus widerumb erlediget.

**A**ls aber nach etlichen Monaten diser fromme vñnd Gottselige Abt mit todt abgienge/haben seine Erben der bürgschafft/so gemeldter Abt von wegen Joha<sup>n</sup> Mont Zlein eyngangen/dieweyl sie das gelt mehr dann Gott liebten/widerumb begert ledig zu werden. Haben deshalben verschafft/das gemeldter Mont Zlein/durch etliche dardurch verordnete diener/bey der nacht in die Gefäncknuß des Bapstischen Legaten geführt ward/darab dann die gang Statt Rauenna/Klein gefallen tragen hatt. Vñ doch seind etlich gewesen/die sich für in widerumb verbürget/vñ auß solcher gefäncknuß erlediget haben. Dann es waren vier Gottsförchtige M<sup>a</sup>n<sup>n</sup>er von hobē geschlecht/die die gnad des H. Geysts etlicher massen versucht hattē/dise seind zum Bapstischen Legatē gangē/vñ sich zum höchsten für in verbürget/vñ in also ledig gemacht. Der Fürnembst vnder disen hat etliche Kinder/die er herzlich begeret/das sie in rechter warer Christlicher lehr vnderwisen vñnd angefüret wurden/derhalben nam er vil gemelten Mont Zleinū zu in heym in sein hauff. Als er nun bey disem frommen lieben M<sup>a</sup>n war/hat er sein ganzes hauff gesind zum besten vnderrichtet/Erstlich in der lehr Christi vñnd der H. Aposteln/nachmals aber auch in andern g<sup>u</sup>ten nutzen vñ löblichen K<sup>u</sup>n<sup>st</sup>en. Dieweyl aber solchs nit allein durch die gang Statt/sonder auch den mehrer theyl in Welschlandt rüchbar war/ist vngleüchlich/was grosser begird im Volck gewesen sey/das sie in allein sehē/hören vñ ansprechē k<sup>o</sup>ndtē. Täglichs ward 8 zulauff des Volcks

# Vnd Martyrern/der iij. cheyl. ccj

Volcks grösser / das sie Gottes wort von im anhöreren.  
 Nach dem aber solches zuletzt dem Pappst vnd seinen Ke-  
 germeystern kundt gehon ward / vnd sie vermerckten / dz  
 hiedurch des Pappstumbs gewalt vnd ansehen / ye länger  
 vnd mehr verspottet / vnd von meniglich verachtet wur-  
 de / haben sie cynhellig beschlossen / das sie vilgemeldten  
 Johannem Mont Icinum gar erwürgen vnd tödten  
 wolten.



¶ Derhalben  
 sie dem Obersten  
 zu Kanenna vñ  
 dem Pappstischē  
 Legaten befelch  
 geben habē / das  
 sie ihn gefänck-  
 lich vnd gebun-  
 den / mit etlichen  
 gewapnetē auff  
 Rom zūschicken  
 woltē / Vnd als  
 er daselbst hin  
 kōmen / hat man  
 ihn bald in die  
 grausam gefänck

Mont I-  
 cinzum iij.  
 mal zu  
 Rhom ins  
 gefäncknuß  
 geworffen .

nuß des Thurns Rome geworffen / darinnen dann auch /  
 Herr Michael Angelus (wie oben vermeldet) viij. Mona-  
 nat lang / vnd hernaher in einem andern bey viiij. Mona-  
 ten / vmb der Bekantnuß Christi willē / gefäncklich gehal-  
 ten worden ist.

## Von den H. Gottes Bekennern

¶ Zur selbigen zeyt / haben des Papsts diener vnnnd Ketzermeyster nichts nit vndlassen / damit sie den gefangnen Mont Icinum von der Lehr Christi vñ der H. Aposteln abschrecken vnnnd zuruck treiben köndten. Aber der Allmechtig ewig Gott hat in erhalten / vnd nit zugeben / das seine süß etwarin gestrauchelt hetten.

¶ Folgends dieweyl sie sahen nach verloffnen vñiif. Monaten / das sie in weder mit grosser verheyßung / hohē ehren zc. noch mit tröwung des zeytlichen todts / von seinem fürnemē vnnnd gefasster meynung abtreiben köndten / haben sie zuleest einhellig geschlossen / man soll in länger nit leben lassen / sonder tödten.

*Mont Icinum*  
*ein würt*  
*öffentlich*  
*fürgeführt.*

Im Jar nūn / als man zalet nach der geburt Christi / M. D. vnd LIII. auff den v. tag des Herbstmonats / hat man in / mit sampt etlichen andern / so vmb der Religion willen auch gefänglich gehalten worden / in die Kirch / so da genennet würt S. Maria de Minerva / geführt / das sie daselbst alle entweder öffentlich wider ruffen / oder aber lebendig verbrant soltē werden. Daselbst ward auch ein gerüst in die höhe entpor aufgeschlagen / mit etlichen stülen / mit goldt vnnnd Samat vberdeckt / darauff sechs Cardinal / vñ etliche Bischöff / als Richter in diser sachen / zugegen sassen. Vil Volcks hat sich dahin versamlet / das mit es doch sehe / wie es endelichen ergehen wolte.

¶ Auff den selbigen tag hat ein schandlicher Prediger Wdich von offner Cangeln ein Predig gehalten / darinnen er sich vnderstünd die hertzen der Zuhörer / nit allein wider dise arme gefangne Christen / sende auch wider der H. Apostel / vnd des Heren Christi Lehr selbers anzu hertzen

hezen vnd züerbittern / Dargegen aber des Bapsts gewalt mit hochprächtigen worten auffzumutzen.

¶ Als nun die Cardinal mit sampt den Bischoffen/ an dasselbig ort kōmen/vnnd sich auff die verordnete stul nider gesetzt hatten/seind dise gefangne alle für sie/als für fre Richter/geführt worden/Vnd hat ein jeder ein brennende Kertz in der handt getragen.

¶ Da haben die andern alle/aufgenommen vnser fromer Johanñ Mont Jlein/vñ ein Perusinischer Weber (welchs erschrocklich vnd kläglich zureden vnd zuhören ist) öffentlichen widerrißet. Als aber die ordnung an Johannem Mont Jleinam kam / das er auch solte widerrißet / hat er begert vnd auch erlangt/das man im hie öffentlich zureden vergönnen wolte/Vnd volgendts in Italianischer verständlicher spraachen ein schöne Sermon oder Redeyngeführt. Vnd daselbst mit ernstlichen beweglichen worten alles das widerholet vñ bestättiget/was er züvor von allen Artickeln/vmb deren willen er der Ketzerey beschuldigt vnnd beklagt worden war/gelehrt hatt/Als von der Erbsünd/von der Justification oder Rechtfertigung des Menschen/vom Glauben vnnd güeten Wercken/von der Ewigen Fürsēhung vnd Wahl Gottes/von Gnad vnnd Verdienst/von der Kirchen/vnnd ihrem haupt Christo/von Verehrung / Anruffung vnd Anbetung der Heyligen/vom Segfeur / vom Ablass / vom Kloster leben / von der Püester Ehe/vom Freyen willen/von den Sacramenten/von der Ohrenbeycht/vnnd von der Mess. 2c.

¶ Zulest hat er ihm vorbehalten zu bekennen/was er vom Bapst vnd dem ganzen Bapstum/hielte vñ glaub

Le ij te/Als

Letzte Be-  
kennung  
Mont Ja-  
cini.

# Von den H. Gottes Bekennern

Das Bapst/ te/ Als nemlich (damit ichs kürzlich begreiffe) das der  
wer er sey. Bapst kein Nachkömmling oder Schüler des H. Apostels  
Petri/ auch kein Stathalter des Herzens Christi/ vil we  
niger das Haupt der Christlichen Kirchen seye/ Sonder  
vil mehr der Antichrist/ vnnnd des Gottlosen verfluchten  
Antichristischen Reichs Oberster/ der nit durch das Apo  
stolisch/ sonder vil mehr Wörderisch Recht/ ihm selbers  
solch Reich/ solchen Gewalt vnnnd Tyranny zugeeygnet  
habe. Endlich hat er sich auch zu den Cardinālen vñ Bi  
schöffen/ so zugegen sassen/ gewendet/ vnnnd also angefan  
gen zureden.

Ernstli che  
red Monz  
r Fleini wi  
der die Ca:  
dināl.

¶ Ihr Cardinal vnd Bischoff/ wañ ich wiste/ das ihr  
solchen gewalt vnd würde (der doch vor Gott vnd seinen  
Heyligen Engeln ein greüwel ist) rechtmässiger weys/  
aus hohem verstandt/ oder ehlichen thaten/ vnd nit auß  
blinder Ehrgeizigkeit/ vnd fräuelen mütwillen zuregie  
ren/ vberkömen vñ erlangt hetten/ so möcht ich hierüber  
wol stillschweigen. Dieweyl ich aber sehe vnnnd weys/ das  
bey eüch kein maß/ kein Zucht/ kein Erbarkeit/ kein Tu  
gent/ ih a gar kein Vernunft nicht ist/ oder etwas gilret/  
würd ich verursacht/ etwas scherpffers wider eüch zure  
den/ vnd wider eüwere/ die nit Gottes/ sonder des leydigē  
Teüfels/ vnnnd die recht Babylonische Kirch ist/ heffriger  
zuzürnē/ dieweyl sie doch sonst von menigklich auß beson  
derer Gottes fürsēhung/ verachtet vnd verspottet würt.  
Jederman ist nün mehr wol bekant eüwer Lehr/ vnnnd  
falsch angemaster gewalt/ also das nit von nöthen ist/ sol  
ches weitleüffiger zuerzölen. Dañ gewislich wa diser eü  
wer gewalt recht Apostolisch were/ wie ihr dañ fälschlich  
vnd

vnd bosshafftiglich den selbigen aller Welt/mit wortem/  
 auch mit gewalt vnd gelt auffseringen wolt/so wurde ohn  
 allen zweyfel eüwer Lehr vnnnd Leben / der Apostel Lehr  
 vñ Leben doch etlicher massen gleichförmig sein. Die weyl  
 aber kein Glid an diesem Babylonischen Leyb / auch kein  
 stuck an eüwerem leben nit ist/dz nit mit höchster schand/  
 lügen vñ vnwarheyt besleckt sey/was kan ich anderst hal  
 ten oder glauben / dann das solche Kirch ein recht Raub  
 vnd Mörder haußseye: Eüwer Lehr was ist sie anderst/  
 dan ein erdichter troum etlicher verfürischer/ellender/vñ  
 gleißnerischen Menschen: Eüwer Leben ligt am tag. Je  
 derman weyst wol/was für leichtfertiger verlogner zun  
 gen vñ meüler jr habt/Wie Blüt vñ Raub begirig eüwes  
 re händ / wie vnersetlich vnnnd frässig eüwere hals sind.  
 Dan jr begeren ja alles zu eüch zureissen / jha mit schand/  
 mürtwill vnd vnzucht/alles zuerfüllen / vnd das noch das  
 gröste ist/so dürstet eüch nach fromer Christi blüt. Sum  
 ma / Voller schand/vnreynigkheyte / laster/vnzucht/rc. ist  
 eüwer ganges leben. Wer wolt eüch nün für Nachköm  
 ling der 12. Aposteln/vnd Statthalter des Herren Chri  
 sti/erkennen vnd halten: So jhr doch des leydigen Anti  
 christi/jha des Teüfels selbers Glider vnd Kinder seydt:

Jhr verachten ganz vnuerschampt Christum vnd sein  
 wort/Vermeynen eüwer Lehr vnnnd ansehen solle menig  
 klich vil höher vnd grösser halten / dan Christum vñ sein  
 Wort. Jhr glauben auch nit das ein Goet im Himel sey.  
 Treüwe Diener Christi verfolgen vnd tödten jr. Jhr ver  
 brechen das Gesetz / rauben vñ stelen den armen gewissen  
 jr freyheyt/vñ reissen Tyrannischer weyse / alle macht des  
 Le iij todts



# Von den H. Gottes Bekennerin

Todes vnd Lebens/zeytlicher vnd ewiger wolffart/allein  
zu euch/Iha allein zu euch/sag ich.

Merck.

¶ Derhalben so beruffe vnd lade ich euch grausamen  
Tyrannen vnd Hencker/am Jüngsten tag/für den Rich-  
terstul Jesu Christi/der sich nit laßt mit grossen Titteln  
vnd namen/auch nit mit eüwerer prächtigen stolzen klei-  
dung/noch mit gelt bezalen/auch wed auß forcht/gewalt  
oder waaffen/erschrocken. Daselbst solt vnd müßt jr mir/  
(auch wider eüwern willen) alles eüwers vergangnen le-  
bens/rechenschafft geben. Vnd zum zeügnuß diser ding/  
so nempt hie widerumb eüwer Kertzē/die jr mir gegeben  
habt. Vnd als er solches gesagt hatt/warff er mit gros-  
sem ernst/vnnd beweglichen geperden/die brennend Kertz  
mitten vnder sie hinein.

Mont Jlei-  
nus würt  
zum feür  
verdampft

¶ Als nun aber solches die Cardinal/sampt den Bi-  
schöffen/höreren/ergrimmeten sie/wurden voller zorn vñ  
vngedult/schryen vnnd sprachen. Hinweg mit disem/Sü-  
ret jr hin. Also ward D. Johan Mont Jlein mit sampt  
einem Perusinischē Weber (der dan alles/so zumoz Mons-  
t Jleinus gesage/bestätiget hat) zum feür verurtheilt.

¶ Als er aber solch vrtheyl/das er sterben vnd breñen  
solte/angehört hatt/ist er vnerschrocken blyben/vnd mit  
auffgehabnen augen in Himel/gerufft vnnd gesage/Ach  
,, Herr Jesu Christe/du Hober Priesster/vnnd ewige Hirt/  
,, Mir kan zwar nichts liebers auff diser Erden widersa-  
,, ren/dann das ich mein Blut vmb der Bekantnuß willen  
,, deines H. Namens/jezunder vergießen solle.

¶ Also seind dise zween auff den v. tag des Herbstmo-  
nats/mit einander auff den Platz/Campo de Flor genant/  
geführt



geführt wordē / mit  
gnügsam frölichē  
vñ sanftem ange-  
sicht / nit anderst /  
dañ wie die lieberr  
Apostel frölich vñ  
gütes müts warē /  
Wann sie vor dem  
Rath der Schrifft  
gelehrten vñ Pha-  
riseer stünden.

¶ Der Perusi-  
nisch Weber / ist zū  
erstē gehenckē wor-  
den / Vnd als ihm

der todt nün nahe was / hat er sich Gott befolhen / vnd ge-  
sprochen / Herr / verzeyhe snen / dañ sie wissen nicht was sie  
thün.

¶ Der Mont Icinus aber / da er auch dahin gebracht  
ward / zū der Richtstatt / hat er zūm Nachrichter gesagt /  
Das er bald thet / was er thün solt. Dañ er was etwas er-  
schrocken / da er sahe / das der Weber gehenckē was.

¶ Aber / als er sich jetzt wider erholer hett / begert er ein  
erlaubnuß zureden / vñ erlanget / das das Volck still was /  
da hat er dise Wort geredt. Ewiger Gott / meine sünd  
seind so groß vnd grausam vor dir / das ich mit disen mei-  
nen sünden / nicht allein disen leiplichen todt meines leibs  
verdienet hab / Sonder auch den ewigen todt der Seelen /  
Derhalben vertrauwe ich nicht meinen krefftē oder mei-  
ner ge-

## Von den 5. Gottes Bekennen

ner gerechtigkeit / auch nit meinen vnreynen vnd besleck-  
ten wercken / sonder deinen verheyssungen / deiner Barm-  
herzigkeit / vnd allein dem verdienst Jesu Christi / deines  
eyngeworbenen Süns. Vñ bitte dich von ganzem hertzen /  
das du mir verzeyhest / Vnd rüffe dein Barmherzigkeit  
an / dan ich weysß wol / das du nit wilt den todt des Sün-  
ders / sonder das er sich bekere vnd lebe.

**S**iehe lieber Gott vnd Vatter / ich bin entsetzt aller  
Menschlichen hilff vnd züflucht / vñnd kere mich allein zü  
dir / Dan du bist mein hoffnung vñ stercke / wider alle mei-  
ne seynde / sichtbar vnd vn sichtbar. Dan ich weysß gewisß-  
lich wol / so ich mit dem glauben zü dir / als einer starcken  
vnd festen Seül angebunden bin / das mich kein angst od-  
er not / kein Schwerdt oder Creatur / kan abscheyden von  
der liebe im Glauben / die ich an dich hab / Dan du deinen  
aller liebsten Sün darumb in die Welt gesandt hast / die  
Sünder selig zumachen / vnder welchen ich der gröste bin /  
Ich kan dir jetzt in diesem letzten / vñnd end meines lebens /  
nit auffopffern meine Werck vñ mein verdienst / oder mei-  
ne gerechtigkeit / sonder meine vndienst / meine sünd / vnd  
meine Missethat / das sie verdeckt werden / verborgen / vñ  
gewaschen im Blut deines Eyngeworbenen Süns / In die-  
sem sal will ich jetzt nichts anders haben / dan Christum /  
meine gnüghung / für mein verdienst / vñnd für meine  
gerechtigkeit. O Herz / Ich sage dir vnendlichen danck /  
für deine grosse güte / das du mir am ende meins lebens /  
da ich setze bin / ein solche fröliche tröstung verleyhest / das  
ich ein Zeüge soll sein / von dein vnd der Warheyte wegen /  
vnd von wegen der Heyligen Christlichen Kirchen.

Wie er

¶ Wie er nun solches geredt / seind im etliche / so da gewesen / in diese seine letzte wort eyngesfallen / vñ gesagt / das er gesprochen solt haben / die Römisch Kirchen.

¶ Aber Wont Icinus gab antwort / das die Christlich Kirch / souil den Glauben betreff / nit zertheilt were / in die Römischen / Neapolischen / Venedischen / oder Meylandischen Kirchen / Sonder das alle Kirchen oder versamlungē / souil jha in der ganzen Welt zerströuwer weren / Aber yedoch durch den Glauben vereynigt / ein gemeine Christliche Kirch were / ein Auserwölte Gespons Christi / vnd derhalben nit not were / solche zertheilung in der Kirchen vnd versamlung Gottes zumachen / vñ zusetzen die Römische Kirche für ein Oberhaupt / das ist / das sie eines mehrern gewalts were / dan die andern Kirchen.

¶ Als sie nun diese Wort vernommen hetten / haben sie Merc gesagt / Nun eyl bald / er ist verstockt / nur mit jm hin / nemmet in hinweg. Als dan hat der Wöndch / mit auffgehebtē augen in Himel / mit grosser stimm drey mal geschrien / Christe / Christe / Christe hilf mir. Vnd zu der selbigen zeyt hat der Dencker sein ampt volbracht / vnd jhn gehenckt / vnd ein feur auß zusammen gesamletem holz vnd in gemacht.

¶ Es was aber damals mancherley vireyl des volcks / von diesem Menschen / dan etliche waren auß barmherzig keyt bewegt / die weyneten / vnd sprachen / das es ein grosse sünd were / einen solchen treffenlichen vñnd frommen Menschen also vmbbringen. Etliche aber sagten / Das er ein grosser Lutherer vnd Ketzer were gewesen / Vñ wa man in hingelassen / hette er die ganze Welt verközen mögen.

Andere aber sagten / dz er nit verbrent / sonder in Bañ

# Vonden G. Gottes Befehern

gethon / vnnnd erwan an ein ort ins ellend verschickt / das  
weyt von allen Christlichē Landen were / Dan der Glaub  
ist nit vnser werck / sonder ein werck vnd gaab Gottes.

¶ Zum leuffen haben auch etliche gesagt / das er nit al-  
lein verbrant solt worden sein / sondern / das man auch die  
Aschen / so von solchem brandt vberig werē / in windt werf-  
fen solte / damit sein gedächtnus gang vnd gar außgerit-  
get wurde / vnd solches solt man auch allen Menschen sol-  
cher art thun / damit die Christlich Kirch von solchem ge-  
brechen gereynigt / vnd ohne mackel erhalten wurde.

¶ Ein sollich vrtheil hat das Volck von diesem Men-  
schen gehabt / vnnnd das wäret biß auff den heütigen tag /  
wie dan vorzeyten von Christo auch gesagt ward /

Dieweyl etliche sprachen / das er ein Prophet

vnd gerechter Mensch were / Andere

aber neñeten in einen Auff-

rührischen / vnnnd Ver-

fürer des vol-

kes ic.

\*

36

Zu end nun dieses Dritten Theyls von den H. Auserwöleten Gottes Zeügen / Bekennern vnnnd Martyrern/hab ich auß bitt vnd beger vieler Gütbergigen/die den handel des Reichs Jesu Christi mit ernst meynen/setzen wöllen die Erschröcklich / aber warhaffte History vñ geschicht/so sich im vergangnen M. D. XLVIII. Jar zu Padua in Welschlandt/mit einem/genant Franciscus Spiera/der (dieweyler den Heric Jesum Christū/sampt seinem Gnadreichen Euangelio / ein mal erkant vnd bekant/bald aber auß forcht der Menschen/vnd verlust seiner haab/güter vnd leben/mündlich vnd schriftlich widerumb verleügnert hat) in grausame verzweyflüg vnnnd erschrockenliche verstockung gefallen ist. Zu einerm Exempel Göttlichs zorns/vnd gerechten vrtheyls/wider alle/so für segllicher weis / vnd mit wolbedachtem hertzen/inüt vnd sñ / allein diß zeytelich leben/ Ehr vnd güt zustriften vñ zuerhalten/von seinem H. Euangelio widerumb abfallen / vnd die menschen mehr dann Ihn fürchten.

### Wer Ohren hat zu hören/der Höre.

Es ist aber solche History erstlich durch etliche Missionen oder Sendbrieff stuckt weyß/nachmals aber durch den Hochgelehrten Heric Mattheum Gyzaldum/der Rechten Doctorn vnnnd Professorn zu Padua/erwas ordenlicher beschriben worden. Derhalben wir erstlich bemeldte Missionen / Demnach aber die Schrift Doctorn Gyzaldi warhafftig verteütscht/mit einem angehenckten schönen Gebett in Ansehrungen/setzen wöllen.

Von den 5. Gottes Bekennern  
Zum Christlichen Leser.

**W**iewol der Allmechtig Ewig  
Gott/die zeyt/vnnd alle ding von anfang  
der Welt erschaffen/vnd biß hieher ein je-  
des in seiner ordnung mit seiner krafft er-  
halten hat/so ist es doch vnleüghar/das

Gott laßt  
sein Gnad.  
reichlicher  
scheinē zu  
einer/dañ  
zu ander er  
zeyt.

Gott seine gnaden reychlicher der Welt hat lassen schei-  
nen/zü einer zeyt dan zü der andern/vnd besonders aber/  
wan er grosse änderungen hat wollen anrichten vn̄ Kom-  
men lassen. Als da er die Alt Welt mit dem Sündtfluß er-  
crencken/vnd ein neuwe wolt wachsen lassen/hat er wun-  
derbarlich mit rath vnd that Noah/die Welt gewarnet/  
Also geschah auch Pharaon/vnnd ganz Egypten/mit  
Mose vnnd Aaron. Wie auch nye mehr Propheten vnd  
Knecht Gottes gewesen seind/dañ da der Herr sein landt  
vnnd volck ändern/vnd in gesäncknuß führen wolt lassen.

Gott wir-  
cker gewal-  
tig zü die-  
ser zeyt/as  
ber nye-  
mands  
achtets.

Gleicher gestalt thut Gott auch auff den heütigen tag/  
da er sein gnad beynahē vber die ganze Welt außgeüßet/  
als ob er den ganzen Himmel zerissen/vnnd (wie der Pro-  
phet sagt) oben herab towere vnd regnete die gerechtigh-  
teyt/Ob doch das Erderich sich auffthun wolt/vnd gepä-  
ren die gerechtighteyt.

¶ Wieheyter würr vns auff den heütigen tag/das 5.  
Wort Gottes für vnserē augen gestellt: Was selzamer  
wunderbarlicher Geschichten tragē sich täglich zü/deren  
aber leyder wenig von vns geacht werden/lassends hin-  
schleichen/gleich als ob es alles ongefärd geschehe/vnnd  
vns

vns gar nichts angienge / was aber auff solche heymfür-  
 chung für ein Änderung folge werde/weyßt der lieb Gott/  
 demes heymzustecke ist. Vnder disen aber ist warlich dis  
 Wunderwerck nit das geringst / das sich mit disen Fran-  
 cisco Spiera verlossen hat/den ohn allen zweyfel der All-  
 mechtig Gott diser bösen Welt/zü einē grausamen schaw-  
 spiegel seines zorns hat wollen fürstellen/dieweyl sie sich  
 mit seinem H. Wort nicht will vnderweyßen lassen/ob sie  
 sich an solchem schwären Exempel stiesse/vnnd die grosse  
 güte vnser lieben Vatters nit also leichtlich verachtet.

Fränciscus  
 Spiera al-  
 ler Welt  
 zü einem  
 Exempel  
 für gestellt.

Merck.

¶ Die sibestu/Christlicher Leser/wie schwär vnd hoch  
 verdämllich es ist/die erkante warheyt zü verleügnen vnd  
 zü erhalten / das aber jetzt die Welt so gar ring achtet/  
 das sie Gott vnd sein Heyliges Wort vmb gar vil kleyne-  
 re vsachen/dann Petrus oder diser armer mensch ye ge-  
 thon haben/entweder gar verleügnen/od sonst in windt  
 schlagen/lassend ihnen ein Weltliche ehr oder zeytlichen  
 nutz vil lieber sein/dan Gott vnd jr eygen seligkēyt. Die  
 sibestu/was des Menschen krefften vnd freyer will sey/de  
 ren sich etliche menschen so hoch berhümen / das sie auch  
 schier die heylwertigen gnaden Gottes (daran wir allein  
 hängen müssen) gern damit trogen wolten/als ob sie auß  
 jnen selbs (wie vnd wann es ihnen gefällig) thün müchten  
 was sie wolten. Die sibestu/wie schwärlich etliche Men-  
 schen jren/vñ sich selbs jämmerlich verführen mit den leicht-  
 fertigen gedanken / darmit sie sich selbs bereden/ es gelte  
 gleich / was der mensch rede oder sage / auß forcht oder  
 zwang der menschen/Der Herr werde es alles verzeyhen/  
 wann sie wider kēren/sparens alles auff das lest/geden-

Die Welt  
 achtet die  
 Bekant-  
 nuß Chri-  
 sti für ge-  
 ring.

Matth. x.



# Von den G. Gottes Bekennern

cken wenig das Christus selbs geredt hat. Wer sich mein beschämpt vor den Menschē/in diser argen welt / des will ich mich beschämen vor meinem Vatter in dem Himmel / Wer aber mich bekennet vor den Menschen / den will ich auch bekennen vor meinem Vatter im Himmel.

Darumb geschicht es vil/das sie in jrem eygnen güte/duncken vnd rathschlag verderben/vnnd jamerlich vmbkommen müssen. Deshalb bitte ich dich Christlicher Leser/du wöllest dise Schrifften mit fleiß vnd Gottes forcht lesen/vnnd nicht für ein Fabel oder erdicht ding halten/wie es gern etliche ableynen wolten/so doch ganz Italia darmit vmbgehet/Sonder für ein warhafftige Geschicht/in deren der Herz mit dir redt/vnd gleich mit der that zünerstehen gibt / wie treüwlich vnnd erungenlich wir täglich bitten sollen. Nit füre vns in versüchung / sonder erlöse vns von dem bösen. Damit wir bis an das end am Herzen verharren/vnd mit jm das ewig leben besitzen mögen. Das verleyhe vns Gott. Amen.

## Der erst Sendbrieff.

**W**ilgeächter / sonders Günstiger lieber Herz vnd freünde. Ich muß eüch mit disem meinem brieff anzeygen ein sach/deren ich/vnd vil andere mehr/ auß verwunderung/erstuniet vnd vast erschrocken seind.

Es ist Franciscus Spiera vō Citadella/vor fünff Monaten für des Papssts Legaten gen Venedig berüfft worden/

den/Daselbst angeklage/das er etwas wider das Fegfeuer vnd anders (weyß nit was) geredt solt haben. Vnd als er vor dem Legaten oder seinem Vicarien gestanden/hat er bekant/das er vil wider die Römisch Kirch geredt/bekant vnd gehalten habe/deshalb er nun hinfür verheysen/vñ (als ich glaub) mit dem eyde besätziger habe/das er sollichs/noch dergleichen/nit mehr reden wolle/sonder sich halten/wie einem fromen gepüre.

Fräiscus Spiera ist vor des Papsts Legaten excommunicirt/vñ zum wider ruff getrungen worden.

¶ Auff das ist er ledig gelassen/vñnd widerumb gehn Padua kommen/da er sein wohnung vñnd vi. Kinder gehabt/vnd ein Aduocat am Rechten gewesen ist. Hat angefangen sich zubekümmern/vñnd beerrübt zu werden/von wegen seines Gelübds vnd Eydeschwörens/so er gethon/ist also in ein schwäre Franckheyt gefallen/vñnd von der selbigen zeyt an/auf seinem Beth vñnd Schlaffkammer nicht mehr können.

Spiera bekümmert sich seiner verzeßung halben.

¶ Nach acht tagen hat sein Franckheyt vñnd schmerzen so hart sich gemehret/das er in ein solche verzweyfung kommen/das er sich selbs zu tödten/vnd hungers zu sterben vnderstanden/auch keine speiß vber seine Kälen nicht wöllen einlassen/Dann so man ihm hand vñnd füß gebunden/vñnd etwas in den munde mit gewalt gestosfen oder gegossen hat.

¶ Es haben auch drey erfarnе ärzte/sich von wegen seiner Franckheyt vnderredt/mit namen Frigimelega/Bel lacatas/vñnd Stephanellus/die haben kein andere mittel/solchem vnrath zubegegnen/finden können/dan das man ihm mit güctem trost/so vil möglich/von solcher verzweyflung abnehmen solt.

Auff

# Von den 5. Gottes Bekütern

**A**uff solliches bin ich auch/in zutrösten/zü jm gantgen/mie sampt vil andern/auff deren tröstung er nichts anders geantwortet/dann das er sprach/Mein Bosheyt ist vil grösser dan Gottes Barmhertzigkeyt. Vñ so man ihm antwortet/das die Barmhertzigkeyt Gottes vnzählbarlich vil grösser were/dann alle vnser sünd/Vñnd das Gott der Herz wölte/das alle Menschen selig werden solten. Antwortet er/ Jha es ist wol war/das Gott allen menschen will selig haben/ aber in dem wörclin/Alle/werden allein alle Außervölten verstande/aber nit die Verflüchten. Ich bin aber verworffen vñnd verflücht/ Kan Keins wegs nimmermehr selig werden/das weys ich/dan ich wis/senthasse vñnd bedacht/mich Jesu Christi verleügnen habe/ich befinde auch das ich jetzt von jm verstockt bin/vñnd er nit mehr will/das ich einige hoffnung mehr zü jm habe.

Da hat ihn einer von den Umbständern gefrage/ob er warhafftig glaube/das es die Warheyt/vñnd Christlicher Kirchen gemäss gewesen seye/darumb er von dem Legaten angeklagt worden ist. Dat er geantwortet/ Jha/da ich dise ding sage/vñnd mit etlichen daruon redet/hab ichs für warhafftig vñnd heylig gehalten/vñnd nit falsch/noch von der waren Religion abtrünnig. Nach dem ich aber vom Teüfel vberwunden/vñnd dise ding mit dem eyde ver schworen hab/Kan ich nit mehr glauben/das es war seye/was ich vor gehalten habe/noch das es auch war sey/was mir die Römisch Kirch zuglauben gebentret/Darumb so glaube ich jetzt nichts mehr/Kein vertrauen kan ich mehr haben/alle hoffnung hab ich hingeworffen. Ich arbeys seliger bin verdampft/wie Cain vñnd Judas/die alle hoffnung

Spiere  
glaubt gar  
nichts  
mehr.

hoffnung der Barmherzigkeyt verlassen / vnd alles ver-  
trauwen zu Gott/hingeworffen/verzweyfelt haben. Es  
jrend auch mein Haufgesind vnd verwandten vast vber  
die maß/das sie mich nicht also bald lassen zum Teüfel far-  
ren/wie ich verdienet hab.

¶ Vnd als er vmb solche wort gestrafft vnd gebetter  
ward/er solt solche schmach Gott dem Herren nie zulegen/  
das er an seiner güte verzagte. Gibt er antwort / Das ja  
seine Barmherzigkeyt vast groß / aber sie erreyche allein  
die Außerwölcen/nit mich vnd meins gleichen/die die ewi-  
ge verdammuß begreifen muß/die ich auch bekenne /mich  
wol verdient haben/dañ mich hie mein Consciensz vnd ge-  
wissen vertheyle vnd verdampft/bedarff auch keines ande-  
ren Richters mehr.

Spiera ver  
dampft sich  
selbs.

¶ Da sagt einer zu jm / Es hat doch Petrus der Apo-  
stel/Christum auch verleügnert / aber mit trost auff Got-  
tes Barmherzigkeyt / hat er seine sünd beweynet/vnnd  
seind jm verzigten worden. Da antwortet er/Das Petrus  
Gott vertrauete/seine sünd bereüwet/vñ wider zu Chri-  
sto gekeret hat/ist darumb beschehen/das in Jesus Chri-  
stus widerumb angesehen / sich sein erbarmet / vnnd mit  
barmherzigen augen begnadet hat. Deshalb das ihm ist  
verzigten worden/ist nit darumb geschehen/das er gewey-  
net/sonder das in Gott wider angesehen hat. Mich aber  
sihet er nit an/will sich meinen nit erbarmen / darumb kan  
ich nit bewegt werden/noch meine sünd beweynen/derhal-  
ben muß ich endelich schliessen / das ich einer von den ver-  
dampften bin/dañ ich befind / das kein trost in meinem ge-  
müt statt haben mag/sonder nichts dan Creüz vñ peyn.

Petrus hat  
auch ver-  
leügnert.

# Von den H. Gottes Bekennern

Sehr. 7.

Vñ mit diesen worten sieng er an mit lautter stim zuschrey en/ O wie grausam ist es / zu fallen in die hande des lebendigen Gottes. Von welcher stim ich vast vbel erschrocken bin. Im selbigen brachte einer ein Büch / vñnd sienge an zulesen das Leyden Christi / vñnd sprach zu jm / O Francisc / Eredich hieher / vñnd höre auff / was man dir sagt / dan hie würstu sehen / das alle deine sünd in Christo gestrafft / vñnd dir verziget seind / darumb verzage nit.

Spiera wil nichts vom leyden Christi hören.

¶ Vñnd als er kam auff die wort / wie Christus an das Creuz geschlagē / sagt der kräck. Dz jr da lesen / ist ein herzlicher trost den Außerwältten / dann die mögen sich billich freüwen / wan sie ein solche fröliche botschafft hören / vñns armē aber / die von Gott verworffen / kan es gar kein trost sein / sonder vil mehr schmerzen vñnd peyn / dann wir Christum verworffen vñnd verachtet haben. Da er das gesagt / brüllet er wie ein Löuw / walgert sich hin vñnd wider im beth / vñnd batte vns / das wir nit weiter lesen solten.

¶ Da sagt einer vnder denen so da stünden / heymlich / Er hat einen Teüfel bey jm / der chüts / das er nicht hören mag von dem Leyden Christi lesen. Das höret er / vñnd sprach / Zweyflend nichts daran / ich hab ein ganze schar Teüfel / die mich besessen haben / vñnd innen halten / als jr eygenthumb / vñ das billichen / dan ich von Gott verworffen bin / darumb das ich Christum verleügnēt habe.

Christi soll nyemandis verleügnē.

¶ Da sprachen sie / du hast es vñlleicht nit mit willen gethan / sonder vngern. Spricht er / Es gilt gleich / ich habe in nit willen oder gezwungen verleügnēt / dann Christus will / das man in keins wegs verleügne / auch nit mit dem munde / Dann er sagt selbs / Welcher mich verleügnēt vor den

den Menschen/ des will ich mich verleügnen vor meinem Vatter. Es ist eben genug (sprach er) dz ich mich sein vor den mensche hab verleügnen/ dan das ist ein sünd / ob ichs gleich nit auß herzen gethon hette / damit ich billichen es wige verdamnis verdienet hab / vnd das verheyl so Christus wider mich gefellet hat.

Da sagt einer zü ihm/ Er solte gedencken/ das die ding/ darumb er angeklagt/ Gottlos weren / deshalb so hette er die warheyt vnd Christum nit verleügnen / sonder bekant/ wie auch die ganz Catholisch Kirchen. Darauff antwortet er/ Ich hab solche ding für die warheyt gehalten/ wie ich es im Euangelio gelesen hab/ vñ nit für Gottlos/ hab es doch nit desto weniger verleügnen. Da sagten sie zü ihm/ So wolan/ so halt es noch für die warheyt / darmit du nit also verzweyfelt sterbest/ so wölten wir hernach sehen/ welches die warheyt sey. Da antwortet er / Ich kan es nimmermehr für die warheyt halten/ dan Gott laßt mich jetzt nit mehr glauben/ noch seiner Barmherzigkeyt vertrauen/ Was frägend ihr mich? Ich wolt gern/ das ichs glauben köndte/ wie ich es vor glaubt hab / ob ich sha darumb solt verbrēnt werden/ aber ich kans nit mehr/ dann Gott will die/ so in verleügnen / nicht mehr züm Glauben auffnehmen.

¶ Auff das spricht einer zü ihm/ Mein Franciscce/ meynstu ob das also ein grosse sünd sey? Sie ist nit also schwär/ als du meynest. Dan so du nit hettest geirret/ so hette dich der Legat nit züm widerriß gezwungen. Mein Franciscce/ du bist besessen vom Teüfel/ vertraue doch auff Gottes Barmherzigkeyt/ vñ laß dich die größe diser sünd nit

# Von den 5. Gottes Bekennern

abschröcken. Iha (spricht er) du sagst recht/das ich vom Teüfel besessen sey/das ich auch wol bedenck/dann ich auß den verdampfen von Gott bin/darüb verlaßt mich Gott in dem gewalt des Teüfels/dan ich jetzt in mir selbs besinde/das ich dem Euangelio nit glauben mag/noch hoffen auff die barmherzigkeyt Gottes. Vnd mit dem selben er seüßiget er zwey mal/vñ schrey/Ich kans nimer/ich kans nimer. Auß sollich sprach er. Wie soll man nicht ansehen die vile oder größe der sünd/als ob man sagen wolte/Du solt auff die Barmherzigkeyt Gottes hoffen/dann deine sünd seind nit so groß oder vil/das ist nichts. Vil habens große sünd gehabt/vnd doch gehoffet/vnd Barmherzigkeyt gefunden/dierweyl sie von den Außerwölten Gottes waren/vnd glaubten. Dan welcher von der zal der Außerwölten ist/der würt selig vnd behalten/vnd ist nit von vile oder größe wegen der sünden/vom Reich Gottes außgeschlossen/dan seine sünd werdē im nit zügerechnet. Der widernumb/ist einer von den verdampfen/so würt er auch verdampft/ob er gleich vil minder sünd auff ihm hat/daran gilt es gleich/dierweyl das blüt Christi/noch Gottes Barmherzigkeyt nit zü solchen leütten gehört ic.

¶ Wolgrachter lieber freündt/das hab ich mit meine eygnen ohren gehört/vnd anders vil mehr/das mir jetzt nicht eingedenck ist/dan all mein leib erzittert vnd erschricket/wan ich an die ding gedenck/dierweil ichs nit alles verstand/wie ichs begert. Jetzt gedenck ich/wie er offte mehr dan zehen mal sagt/Wen Gott will/des erbarmet er sich/vnd wen er will/den verstocket er. Vnd sprach allweg daranff/Gott will sich mein nit erbarmen/sonder hat mich verherret/

Er sch: d. k. =  
lich.

verhertet/das entpsind ich. Vnd eben ist's dasselbig/das mich truckt vnd peynigt. O selig (sagt er) seind die/die vō Gott Außerwölet seind / Aber wehe vns armen/die des Höllischen feürs erwarten müssen. Da hab ich gesehen/das der arm mensch/gleich als ein vnbesünder/wütet/vñ sagt/Das er jetzt aller Höllischē peyn entpsinde. Ich wolte gern wider zū im gehen / Aber ich entsetze mich vbel vor forcht/vnd erbarmet mich sehr/Doch will ich wider zū im/vñ dich aller ding weitter berichten. Unser Schül nimpe vast zū/dann sie vil mehr Zuhörer hat/dañ in vil Jaren.

Behüt dich Gott / besonder gütter freünde vñd  
günner. Geben zū Padua/am xij. tag

Novembriis / des 1548.

Jars.

## Der ander Brieff.

**W**ilgeachter lieber Herz vñd  
freünde / ich hab dir vergangner tag ge-  
schriben/von dem vnseligē Francisco Spi-  
era/der verzweyfelt ist / vñ dir verheysen/  
was sich weytter mehr mit im verlauffen/  
zuschreiben / das will ich jetzt thun. Seine sachen stehen  
vast vbel/dañ man nit spüren kan/das es besser vmb ihn  
werde/oder etwas mehr an seinem gemüt gestercket. Wie  
er auch selbs sagt. Gedenckend nit/dz es besser vmb mich  
werde/dañ ich befind an mir selbs/das mich der Herz für

Gg iij vnd



# Von den H. Gottes Bekennern

Spera gi  
ber Gott  
seine versto  
ckung zu.

Merck.

vnd für ye mehr vnd mehr verstocket/vnd meinen leib ver  
hindert/das ich nit starck werden/vnnd keinen trost an  
nehmen mag. Vnd S des grossen dings (spricht er) des glei  
chen nye mehr gehört ist worden. Wer ist vnseeliger ye ge  
wesen/dan ich? Vnd auff das redet er / O lieben Brüder/  
das exempel thut Gott in mir/euch zu einem vorbild/Hüt  
ten euch / dz jr es nit für ein schlecht od gering ding achtet/  
das ich gethon hab. Ich hatt angefangen die H. Schrifft  
zuerstehē/hab erkant den rechten weg vnserer Rechtma  
chung/vnnd hab doch dis alles verleignet/allein das ich  
mein armes leben vor vbel bewaret/vnnd mein armütlin  
meinen Kindern behalten möchte. Deshalb strafft mich  
Gott/vnd peyniget mich/mein leben/vnd gemüt/das ich  
nit gedenc/dz grössers kein mensch gar nye erfahren habe/  
Vnnd weyßt allein Gott / was meine Kinder für ein end  
entpfahen werden. Ich halts darsfür/das mein hauß von  
tag zu tag ye mehr vnd mehr zu grundt gehen werde / bis  
es von grundt auff zu boden falle/vn̄ kein stein auff dem  
andern bleiben werd/vnd das billich vnnd recht/dieweyl  
ich vermeint/das ichs erhalten möchte/mit sünden in den  
Heyligen Geyst / der mir die Warheyte geoffenbaret hat/  
vnnd Gott mir armen angezeygt / wie groß mißfallener  
hab an diser grossen schmach vnd Gottlose.

¶ Vnd als ihm einer dazumal sagt/das noch vil ande  
re weren/die auch widerüfft/vnnd weren doch nit in solt  
che verzweyfelung gefallē. Spricht er. Ich sag jnen nichts  
zu/sag auch nicht / das sie noch sicher seyen von der straff  
Gottes/wiewol er seinen zorn noch nit gegē jnen erzeygt.  
Aber also hat es seiner ewigen fürsehung gefallen (vnnd

das

das billich) das er seinen zorn vber mich lieffe kômen/zû ei-  
nem ewigen Exempel den andern. Vnd sprach widerûb/

Ich warne eûch lieben Brüder/lassen eûch dise sâch/die  
ich gethon/nit so süß sein. Gedencken nit/das jr allein die  
Warheyt verleûgnen/wan jr für den Richter / gleich wie  
ich/berufft werden/dan jr verleûgnen die Warheyt vnnnd  
Christum/so offte jr vergleißenend/ das jr in eûwerem hero-  
gen wissen/so dick jr mit reden/oder eûwer selbs gegenwer-  
tigkeyt/die falsche Religion bestâtigen/vnnnd als recht/be-  
zeûgen/so offte jr nit leben/wie es Christen zuleben gepürt.  
Dan ich beflisse mich anch / das Euangelium zubekeûnen/  
auch dasselbig erwan andere zulehren. Da ich aber ein  
Fürsprech was/hab ich zû gûrtem meinen freûnden/man-  
che sâch/gemeyne vnnnd sondere/verwirret/vnnnd irrig ge-  
macht/das hieß warlich mit der that verleûgnet / des ich  
mich mit wortē annamē. Darumb strafft mich Gott jetzt  
billichen.

Wer die  
warheyt  
verleûgne.

Da sagten sie zû jm/Mein Frauz/meynstu nit/das  
auch Job erwan in solcher versûchung vnnnd verzweyfe-  
lung gewesen ist: darumb er sagt / Herz / wie hastu mich  
dir zuwider gesetzt: Es beklage sich David zûm offtern  
mal/dz jr Gott verlassen/vn sein gunst von jm gewender  
hette/Aber noch haben sie beyde Gottes hilff vnnnd sein ge-  
genwertigkeyt endlich entpfunden/vnnnd trost entpfun-  
gen. Darauff antwortet er. O lieben Brüder/dz weyß ich  
alles wol/ich hab es auch eygentlichen (damit jhr es wis-  
sen) gemerckt vnnnd acht genommen / wie Job geredt. Wa-  
rumb hastu mich dir zuwider gesetzt: Vnd David sich be-  
klage/das es ihm so vbel gienge/das sie beyde eben dazu-

Job.

David.

mal

# Von den 5. Gottes Beküern

Erbärmlich.

mal/als sie sich beklagten/ der Göttlichen hilff entpfun-  
den hatten/das sie ihren künner Gott erzölen/vñ jm danck  
sagen köndten/dieweyl sie noch in der verführung waren.  
Aber ich entpfinde wol/das ich solcher dingen keins hab/  
sonder muß mein lebenlang in solcher herrigkete meines  
gemüts/vnd verzweyfelung/verderben. Vnd mit dem sel-  
bigen ließ er ein grossen seüffte/vñ sprach/D wolte Gott/  
das ich nit mehr dan einen augenblick Gottes liebe in mir  
entpfinden möchte. Ach wie ist Gott mein so grosser feindt/  
D wie selig were ich/so ich sein liebe in mir spüre/aber es  
ist mir nit möglich. Er sagt auch weiter/das er schon der  
Höllischen peyn entpfinde/vnd das sie warlichen da we-  
ren/wa solche verzweyfelung statt hette.

Gott füret  
in die Höll  
vnd wider  
heraus.

¶ Da sagt jm einer/Lieber Francisce/dieweyl doch die  
Geschrieffte sagt/Das Gott den Menschen in die Höll hin  
ab füre/vnd wider heraus/das nit von der seelen/die sich  
vom leib scheydet/verstanden werden mag/sonder von ei-  
nem solchen fall/in welchem du jetzt bist. Dann Gott laßt  
vns vnderweylen in gefahr vñ verzweyfelung fallen/dar-  
nach aber löset er vns wider/wann es ihm gefällig ist/Desh-  
halb vertrauwe doch Gott/das er auch also mit dir hand-  
len werde. Auff das sprach er/ Jha da ist alle mühe vnd  
arbeyt/daran ist es mir auch gelegen/das ich vertrauwen  
vnd hoffen möchte/ Ich kan es aber nit/ich vermags nit.

Ich will eüch sagen/da ich zu Venedig erstmals wider-  
rüffe/was eben als ob ich mein Handtgeschrieffte schreibe.  
Da ich in meinem Neymat zu Citadella öffentlich an der  
Canzel widerrüffe/was eben als ob ich mein Handtge-  
schrieffte versigelte. Da sagt der Neylig Geyst zu mir. Nit  
schreib/

schreib/versigel nit. Aber ich hab wider das einsprechen  
des H. Geysts/geschriben vnnnd versiglet. Vnnnd als bald  
ichs gehon/hab ich ein verwundung entpfunden in mei/  
nem willen/vñ in diesem leib / das ich setzt weder hoffnung  
haben mag/noch mein leben beschirmen. Vnnnd mit dem  
selbigen stünd er auff von dem sessel/ragt seine händ vber/  
sich/schlug sie in einander/vnnnd sprach / Sehend/ Ich bin  
starck vnd gesundt/vñ müß doch abnemmen / vñ mich nach  
vnd nach verzehren. Vnd dise (vermeynt sein haufsgind)  
enthalten mich mit gewalt bey dem leben/vnd wider mei/  
nen willen. Aber es müß doch endlich Gottes will voll/  
bracht werden/das ich armer verloren werde/wie ich dan  
verdienet habe. Vnd sprach. Freüwend eüch jr fromen in  
dem Herren/vnd entspringet/seind herrlich/alle die auff/  
rechtiges hertzens seind. Seelig seind alle die / deren hertz  
durch Gottes handt erweycht/vñ gefoligig gemacht wer/  
den. Vnd mit Kürze.

Spira wi  
der dz ein=  
sprechē des  
H. Geysts  
gehandelt.

Wolgeachter lieber Herr vnd freündt / das ichs mit ei/  
nem wort alles sage/Wich bedunckt/wie ich einen gefang  
nen menschen vor mir sahe/der mit stricken gebundē seye/  
vnd kōnde nit ledig werden. Vnd wiewol er allen andern  
vergōndt/ das sie ledig vnd vngewunden seind/auch sie se/  
lig bekant/Kan er doch nit ledig werden. Der arm mensch  
wolte gern/das jm Gott gnädig were / vnd barmhertzig/  
vnd das jm dise sünd verzygen wurde / Aber er sagt selbs/  
das er entpfinde/das Gott solches nicht thün wölle / vnd  
Kan doch Gott nit zwingen/vnd das ist sein peyn vnd ver/  
zweyfelung. Darumb sagt er züm offtern mal / Es ist ein  
wunderlich ding/das ich von hertzen begere/das ich Gott

## Von den G. Gottes Bekennen

anruffen möchte/ vnd vermags aber gar nit. Item / das ich mein verdammuß vor mir sehe/vñ weyß das mein hilff vnd trost in Christo stande/vnd mag nit erlangen. Das ist aller verdampften peyn / daß sie bekennen vñ wissen eben das ich weyß/ vergönnend den Auserwölten jr selig/ keyt / Aber sie können zu keiner hoffnung noch Rechten nimmermehr kömen/darumb hilff sie kein reüw noch leyde mehr. Solche ding alle zeyge eüch Gote in mir / damit ich eüch ein Exempel seye/che ich in die Wöllen fare.

¶ Darumb so verachtends nit/wolgeachter Patron/ daran gedenck ich allein/vnd kan jetzt kein anders gedencken/vom ersten tag an/da ich in gesehen hab/vnd ab ihm erschrocken bin. Mich bedancke das die andern Studenten nit bey sinnen seyend/das sie nit alle Leccionen vnder lassen/vnd zu solchem Schauspiel kömen.

Gott seye mit dir/vñ deinem Bräu  
der. Geben zu Padua/  
den xvj. tag No  
uembris.  
des

M. D. XLVIII. Iars.

## Der dritt Sendbrieff.

**D**er hochgeachter Herz vnd Güter  
freündt. Es stehet vmb den verzweyfelten  
Menschen von tag zu tag ye vbler. Vnd auff  
den

den gestrige tag/als es Seyrtag gewesen / ist ein grosse zal der Studenten zu jm Kommen / ihn zubesichtigen. Es seind auch da gewesen zween Bischoff / vnnnd vnder andern der hochberhämpt Herr Mattheus Grybaldus / der Rechte Doctor / vnnnd fürnembst Professor diser Hohen Schül / auch wol erfaren in der W. Schrifft. Da sagt der ein Bischoff zu jm. Francisce / Dein Franckheyt ist dermassen / dz sie der Arzney Götliches worts / vnnnd des Gebetts wol bedarff. Darumb so bitte ich dich / du wöllest das Vatter Unser sprechen / so wöllen wir auch mit dir in vnserm herzen betten. Da sieng er an / vnd sagt / Vatter vnser der du bist im Himmel / vñ mit dem selbigen sieng er an zuweynen / vñ konte nit mehr reden. Da sagten sie zu jm / Es ist recht vnd gut / das du deinen schmerzen entpfindest / vnd weynest. Da sprach er / Ich beweyn mein arbeyt seligkhey / dan ich entpfinde / das ich von Gott verlassen bin / vnd sihe / dz ich mein gemüt nit mehr zu den worten schicken kan / wie ich vor erwan gethon hab. Vñ als er weiter betten wolt / vnd kompt biß auff die wort / Zukom vns dein Reich / da sprach er mit weynen / O Herr / mach das ich auch in disem deinem Reich sey / Ach Herr / schleuß mich nit darvon auß. Vnd als er sagt / Unser täglich brot ic. Denckt er daran / vnnnd spricht / Ich hab genug zu auffenthalung meines leibs / Aber von dir beger ich das brot deiner Gnaden / on welches ich wol spüre / dz ich todt bin / darumb bin ich setz in solcher grossen angst. Vnd da er gesagt / Nit für vns in verführung / spricht er / Ich bin leyder in verführung geführt / hilff du mir / das ich wider dar auß entcrinnen möge. Der seyndt hat mich vberwunden / verleyhe mir / das gesche

Spiera ist von vilen mensche besücht worden.

Spiera spricht das Vatter vnser.

## Von den 5. Gottes Bekenern

he/wie gemeyniglich gesagt würt/Das offt der Oberwin-  
der vom Oberwundnen iberwunden werde.

¶ Vnd als er das Vatter vnser außgesprochen hatt/  
sagten sie zü jm / Diuweyl niemandt Jesus Christus spre-  
chen mag/dañ allein im Heyligen Geyst/so solt er verhof-  
fen/das er auch den H. Geyst hette/dieweyl er Gott so an-  
dächtig vñ von herzen anruffen möchte. Spricht er / Ich  
entpfind wol/das ich in allein mir zü grosser straff anruf-  
fe/Dann eben so vil Erkantnuß hab ich noch/das ich ihn  
mit dem munde anruffen mag / aber allein zü grosser be-  
schwärd meiner peyn. Danñ ich weyß wol/hab es auch vor-  
mals offt gesagt / das es ein neüw vnerhört ding ist / das  
da setzt mit mir fürgehet. Vnd mit dem selbigen schreyet  
er / D wie erschrockenlich ist es / zu fallen in die händ des le-  
bendigē Gottes. Sprechen sie zü jm / Wanñ Judas gelebt/  
vnd wider zü Christo gekeret/so hett jm doch Gott verzy-  
gen/wiewol er ein groß laster begangen/das er Christum  
verhäten/der ihn genehret vnd geehret hat. Spricht er/  
Ach Christus hat mich auch genehret vnd geehret/vnd ist  
auch das verhäten/damit ich Christum verhäten hab/  
nit leichlicher dann des Judas was/von desß wegen/das  
es nit minder ist/bey Christo sein mit dem Geyst/vnd ihn  
im Geyst erkennen/dañ bey jm sein in leyplicher gegenwer-  
tigkeyt diß schwachen leibs. Das aber Judas warlich het-  
te mögen wider zü recht kōmen/das glaub ich nit/dañ sol-  
cher gewalt setzt von ihm genomen was/wie ich auch ent-  
pfinde/das er von mir genomen ist.

¶ Da sprach der Bischoff zü ihm / Francisce / Wanñ du  
schon meynstest/das du in der zal der verdampften werest/  
so solt

Judas.

so soltu es doch nit glauben/was dir auß gegenwertigem  
 irrthumb fürkompt/dan der Teüfel ist lügenhafft/vnnd  
 kan dir kein warheyt anzeygen. Aber vns soltu glauben/  
 die du siehest/das wir gesundt/vnnd bey gütter vernunfft  
 seind. Vñ die sagen zu dir/Gott werde dir gnädig sein/als  
 lein vertraw jm doch. So spricht er/Iha/daran ist's auch  
 gelegen/Ich kan aber weder eüch glauben/noch auß Got  
 tes Barmhertzigkheyte vertrauwen/ich wolt es gern/das  
 ichs vermöchte/aber es ist ein vnvollkōmen wōllen/ich be  
 gerte/das ich Gott kōndte vertrauwen/ich kan es aber  
 nit/darumb ist mein red nit von gegenwertigen dingen/  
 sonder von vnvollkōmenen. Deshalb kan ich nicht sagen/  
 ich wills/sonder müß reden/Ich wolt es.

Spiers es  
 nit glaubē.

¶ Da sprachen sie zu ihm/David der Prophet hat sich  
 auch erwan geklagt/das er mit solcher angst vnnd forcht  
 des Gerichts Gottes/ymgeben sey gewesen. Spricht er/  
 Das haben ihr mir nün oft fürgeschlagen. Ich sag aber  
 eüch/das David in solchen abgrundt der verzweyfelung  
 nye kōmen ist/als ich. Vñ hie sage er mit grosser dapffer  
 kheyte/weynend. O lieben Brüder/Ich spür schon die Teü  
 fel/dan sie stehen ringsweyß omb mich. Dann gestern/als  
 er etlich mücken sahe an ihm kriechen/spricht er. Sehend/  
 die wōllē auch zu irem Herren/dem Beelzebub/der heysse  
 ein Fürst der mücken.

Freiwillich

¶ Auß sollich's haben in seine freünd alle gebetten/er  
 wolte jm solche gedanken nit lassen zu sinnen kōmen. Es  
 were auch nit war/das die Teüfel da weren/oder bey ihm  
 stünden. Da antwortet er/Es lieber es ist genüg/Ich ent  
 pfinde wol/wie es in mir stehet. Vñ batte auß dz höchst/  
 Hh iij man



# Vonden H. Gottes Bekennen

man wölte nit gedencen/das er etwas vnwarheyt sagte.  
Mit Kürze / Es ist der arm mensch in einem sollichen er-  
bärmlichen stand/das er bey der warheyt behaltet / das  
er ohn vnderlass peyn/schrecken/ewigs nagen der Consci-  
enz/vnd aller Höllischen plagen vnd Marter entpfinde.  
Er ligt im beth gang erschlagen / kein rechte beweglich-  
keyt ist in seinem leib. Er nimpt gar kein speiß/dann ( wie  
ich vor geschriben hab ) wañ man im ein Ey oder Brültn  
mit gewalt eingießet / Er brauchet sich keiner nothurfft/  
noch schlafft nit. In summa/ich meyn nit das ye ein arbeyt  
seliger mensch auff erden sey funden worden. Es gedencet  
mir jetzt/da er auff ein zeyt sagt / Der in einem sündiget/  
ist aller sünden schuldig. Legt er es also auß. Vil sünd die  
ich erwañ gethon/haben mich auff dasselbig mal nit be-  
kümmert/dañ ich vertrauwete Gott/er wurde mirs nit zü-  
rechnen / sonder gnädig verzeyhen vnnnd schencken/durch  
Christum. Nach dem ich aber in den Heyligen Geyst ge-  
sündigt habe/vnd alle hoffnung in Christum durch Gott  
von mir genömen ist/so hat Gott alle sünd/die ich mein le-  
benlang gethon/wider her für genömen/vnnnd stehen mir  
jetzt alle vor meinen augen/ohn ein Fürsprechen/Verret-  
ter vnd Versüner. Dad dieweyl ich danñ sibe / das Gott so  
gar wider mich ist/so leyde ich solchen schmerzen vñ peyn.  
Vnd auff den heütigen tag hat er das wider geäsert / O  
lieben Brüder / leben wie fromen Christen wol anstebet/  
danñ nicht ein jeder (spricht der Herr) so zü mir sagt / Herr/  
Herr/würt eingehen in das Reich der Himmeln.

Ich hab verstanden / seine Sönn wollen ihn in sein  
Heymat gehn Citadella führen/das were mir nit lieb/dañ  
ich wolt.

Vö sprach/  
der in einē  
sündiget/  
ist aller sün-  
den schul-  
dig.

Spiere ver-  
manet die  
vmbstünd-  
zür besse-  
rung.

Ich wolt gern das end sehen. Wiewol mich bedunckt/der arm Mensch werdenach vnd nach abnemmen vor schwach heyt/Daß ich habs wargenomen/das er dise vier tag fast abgenomen hat/wiewol ich achte/das er noch nit so bald sterben werde/Sonder noch einzeytlang beharren. Gott verleyhe jm doch endtlich rechttes vertrauwen vnnnd entpfinden der Götlichen Barmhertzigkeyt/vnd den trost/den er so offft sagt/das er in begere/vnnnd kan jm nit erlangen. Darumb wöllen wir Gott alle treüwlich bitten.

Gott sey mit dir/lieber Herr vnnnd

freündt. Geben zu Padua/

den xix. tag Nos

uembris.

des

M. D. XLVIII. Iars.

## Der vierdt Brieff.

**F**ürsichtiger lieber herr vñ freündt/  
du schreibst/das ich dir ein sonders wolgefallens thue/andem zuschreiben/von dem armen verzweyfelten menschen/welches ich auch von herzen gern thü/auffdas ich deiner acht same willigen dienst beweyse. Der arme mensch ligt noch in gewohnter arbeyt seligkeyt/verlassen von Gott/vnnnd voll alles schreckens vnd verzweyfelung. Auff den gestrigen tag sagt man zu  
jm/er

# Von den H. Gottes Bekennern

im/er solte Gott dancken/vnd sich in Gottes angesicht er geben/mit anruffung seiner barmherzigkeyt. Spricht er/Die todten loben dich nicht/D Herz/noch alle die/so in die Höllen faren/aber wir/die wir leben/benedeyen dich. Darumb sollen ihr wissen/das wir/die wir vor Gott todt seind/als die in solche verzweyfelung fallen/das ist/in die Hölle hinab gestigen (dan was ist die Höll vnd verdammuß sonst anders?) die mögen Gott nit loben/dieweyl in der Hölle Gott niemandes bekennen noch dancken mag. Die mögen aber Gott loben/die ihm/vnnd in ihm leben/die jr starcke hoffnung/hilff vnd trost auff in legen.

**A** Im selbigen hielt ihm einer für dise Vers/auff dem Psalmen/der anfahet/ Ich will singen vō Gottes Barmherzigkeyt/in ewigkeyt ic. Wann ihre Kinder mein gesatz verlassen/vnd in meinen Gerichten nit wandlen werden/das sie meine gerechtigkeit verwüsten/vñ meine Gebott nit halten/so will ich mit der rüthen jr bosshett straffen. Aber mein barmherzigkeyt (Wie merck auff/spricht er/Francisce/vnd höre/was da gesagt würt) Mein barmherzigkeyt (stehet geschryben) will ich nit von im nemen/vñ will ihm nichts schaden/bey meiner warheyt. Auff das spricht er. Dise verheyssung gehört allein zu den Außerwölten/welche/so sie durch versüchung in sünd vnnd Irthumb fallen/so würt inen doch geholffen/vnd mögen wir der auffstehen. Wie der Prophet spricht/Salle er/so würt er nit zerschmettern/dann der Herz legt sein handt vnder in. Vnnd Petrus kondte auch wol wider auffstehen/dieweyler der Außerwölten einer was/besonders da in Christus mit seinen augē selbst angesehen hat. Aber die Gottlosen

Spiere wil  
sein selig-  
keyt auß d  
ewigen  
wahl Got-  
tes ergrün  
den,

losen vnd verdampren mögen nit wider auffstehen / wann sye fallen/wie Cain/Saul/vñ Judas wol anzeygen. Dañ hie muß man auff den anfang sehen/ob einer vō den Auß erwölten sey oder nit. Dann er handelt anderst mit den Auß erwölten/dann mit den verdampren vnd verworffnen. Welcher das nit mit grossen fleiß zū der heyligen geschriffte haltet / ist es nit ein wunder / ob er in groß Irthumben vnd verwirrung fallt.

¶ Da sagten sye zū jm. Wabey er doch fürnemlich mercket/dieweil er ein solliches streng vrtheyl von jm selbs sellet / das er einer auß den verworffnen vñnd verdampren were. Spricht er / Ich hatt Gott dē Allmechtigen erkent / nit allein durch erschaffung aller dingē / wie die Heyden / Sonder auch durch sein erlösung. So hab ich in erkent durch seinen geliebte Son/vnsern Seligmacher / ich kondt in auch anruffen/vnd von jm verzeihung aller meiner sünden bitten. Hab auch seiner süßigkeyt / seines fridens vñnd trosts in meinem gemüt entpfanden. Nun aber so entpfinde ich das widerspyl gar in mir. Ich erkenn Gott wol / aber nit wie einen vatter / sonder wie ein feind. Was fragend jr mich vil / all mein gemüt trachtet allein darnach / wie es sich möge vber Gott erheben / so hasset es Gott/vñnd ist jm zūwider. Ich kan auch nit mehr hoffen noch vertrauwen/das er mir meine sünd ymmermehr verzeihen werd. Nichts ist mehr bey mir/dañ forcht / zittern / schand vñnd schmach.

¶ Da sprachten sye zū ihm / So vermeynst du / wann einer die Götlichen gaaben entpfangen / vñnd mit dem pfandschilling des ewigen lebens ein mal begabet würt /

¶ Si das

Warumb  
Spira vs  
der zal der  
verdamp-  
ten sey.

## Von den G. Gottes Bekennern

das er widerumb hinder sich fallen/ vñ in den alten stah/ (da er was/ che er solche gaaben entpfangen hatt) Komēn möge. Darauf antwortet er / Gottes vrtheyl seind wun/ derbar / vnd ein tieffer abgrunde / welcher daran sich las/ sen wolte/ solte wol er trincken. Wer da stehet / der lüg das er nit falle. Ich weys wol das ich gezwungen wider hin/ der sich weichen muß/ Vnd weys auch das/ dz ich die war/ heyt erkenne hab / wiewol villicht nit genügsam / dann wer ich einer auß euch gewesen / so were ich auch bey euch bliben. O wie seind die vrtheyl Gottes so ein tieffer ab/ grunde. Was soll ich aber anders sagen/ dann das ich ebē an dem ort binn/ darvon der Psalm redt. Lügend das er euch nit erwüschē/ vñ nyemandts sey der euch erlöse.

¶ Da sagten sye wider zū ihm. Man solte von der hoffnung nit weichen / alle weil die seel im leib were / auch nit gedencken/ das wir verdampft weren/ dann Gottes barmherzigkeyt mag vns in todts nöten/ sha im lezten athens zug zū hilff kommen. Auff das antwortet er. Eben da ist mein sach/ Gott hat sein gnad von mir genommen/ vñnd alles vermögen zū hoffen. Dann das sag vnd bezeüg ich/ das ich gar kein hoffnung annemmen mag/ daher kumpt mir solche angst vnd not in meinem hertzen/ auch alle zer/ rüttung meiner natur vñ krefftē/ die ist so starck in mir/ das die glyder meines leibs sr ampt nit mehr vollstrecken mögen. Dan wie der Auserwölt den heyligen Geyst in jm selbs spüret/ das er jm kundtschafft gibt von Christo/ das er sey der Son Gottes / vñnd erstling des ewigen lebens. Also die verdampften entpfinden/ dieweyl sye noch leben/ den wurm srer conscienz des ewigen feurs/ vñnd al  
ler

ker Höllischen plagen. Darumb/ als bald ich in meinem geyst/in meiner conscienz vnd gemüt solcher wunden empfunden / hab ich gewislich erkannt/das ich der himmelischen gaaben beraubt/vñ vmb mich geschehen seye. Dañ also strafft Gott alle verdampren vnd Gottlosen menschen/das er jr gemüt verherttet/vñnd jnen die augen jres hertzens aufsticht. Die Außerwölten aber züchtiget er mit zeitlicher straff/darmit er sye reynige vñnd klar mache/wie das goldt durchs feür. Aber vbel/vbel stehet es/wañ Gott die gaaben des heyligē Geysts vō vns nimpt/darmit er sonderlich die verdampren vnd gottlosen straffet/da euch Gott treüwlich vor bewaren wölle.

¶ Da sagt einer zü jm. Wann dich nñn bedunckt/das deine sachen so übel stünden/so soltestu dir selbs nit glauben/sonder mir/der ich noch in gutem wesen binn/so ich dir sag/das dir Gott verzeihen werde. Spricht er. Jha/Darumb es so übel vmb mich stehet / so kan ich anders nichts glauben/dann alles was meiner seligkēyt zü wider ist / vnd mag nyemandts glauben/der mir von hoffen oð vertrauen sagt. Aber du/der du sagst/du seyest in eim guten standt/lüg dz es also seye/dañ es ist nit ein klein ding/sagen/das einer in gutem standt seye/dañ ein solcher muß starck sein im glauben/vñnd die warheyt tieff in sich gepflanget haben/will er die warheit reden/Wil meinen sye seyen solche/aber neyn/sye seind es nit.

Bernhardi  
nus Scar-  
donens hat  
den Spi-  
eram wöl-  
len bschwö-  
ren.

¶ Als wir heüt zü jm seind kōmen/haben wir ein Priester da funden / mit nammen Bernhardinus Scardonus/der hat ein büch bracht/darauff man die Teüffel beschwöret / gleich als ob er jhn beschwören wolte. Er aber

It is schüttlet

# Von den H. Gottes Bekennen

schüttlet den kopff/vnd sprach. Ich weys wol das ich dem Teuffel von Gott in sein gewalt geben binn / ich besinde auch/wie sye/die Teuffel/vm mich her seind. Aber die teuffelkassen sich nit mit der Litaney / drey od vier Psalmen vertreiben. Der Priester aber wolt nit desto minder sein gederde für sich treiben / schrey laut / vnnnd beschwür den Teuffel lang / das er dem armen menschen auff sein zungē faren/vnnnd mit jm reden solte. Das alles verachtet Franciscus / vnd erseuffzet in jm selbs. Da woz ein Bischoff da / der sagt zu ihm. Mein brüder / Gott hat seinem wort vnd den heyligen Sacramenten wunderbare Krafft geben. Nun etlich zeitlang haben wir es versucht / dich mit seinem wort vnd verheyssungen zu trösten. Wer es nit gut / das wir sollichs auch mit den Sacramenten versuchten? Also das du wie ein frommer Christ / den leib vnd blüt Jesu Christi entpfengest / das ein sondere krefftige arznei ist vnserer seelen. Da spricht er. Welchem die verheyssungen Gottes nit zugehören / dem gehören auch die Sacramenten nit zu. Das Nachtmal des Herren ist den Gelnbigen eingesetzt / die entpfahend Christum selbs im Nachtmal. Die aber kein glauben haben / vnnnd von hertzen nit mögen vertrauen / da sollend jr wissen / das sye Christum nit entpfahen.

¶ Vor einem monat oder ein wenig mehr / binn ich gezwungen das Sacrament zu entpfahen. Ich hab es aber zum vrtheyl vnnnd zur verdammnis entpfahen / die weyl ich kein rechten glauben hatt. Es solle sich nyemandes solches Sacraments gebrauchen ( spricht er ) er hab dann den glauben / dann welche es on glauben entpfahen / die entpfa

Spira:  
will das  
Nachtmal  
nit entpfah  
hen.

entpfahend es vnrecht / vnnnd nemmend ihnen selbs das  
 ritheyl. Also kan der armmensch keyn vertrauen mehr  
 haben / entpfindt auch keyn hilff mehr / weder von Sa-  
 cramenten noch von dem wort / sonder ist allent-  
 halben verlassen. Gott wölle sich sei-  
 nen erbarmen. Behüt dich Gott.

Gebenzü Padua / den xx. tag

Novembris / des

Jars.

M. D. XLVIII.

## Der fünffte Sendbrieff.

**W**ilgeachter Patron vnd lie-  
 ber freündt. Heüt frü ist der arm verzweif-  
 felt mensch von Padua gen Citadella in  
 sein heymat geführt worden / Das ist mir  
 leydt / dann so offte ich zü jm Kommen / hab  
 ich allweg etwas von jm gelernet / vnnnd vil mehr dann in  
 der schül. Es ist nit besser vmb in worden / dann er für vn-  
 für in seinem verwirren wesen / schrecken / vnd grausamen  
 verzweifflung beharret. Allen denen die in getröffet / ant-  
 wortet er mit solcher dapfferkeyt vnd standthafftigkeit /  
 auch so besynnt / dz es ein wunder ist. Ich sage eüch (spricht  
 er) Das ich begere von herzen hoffnung zü haben / aber  
 ich vermags nit.

¶ Auff gesterigen tag sprach er zü vns. Vermeynend

Ji iij ihz



## Von den H. Gottes Bekennern

ir yemand zu gebietē/ das er dz gesatz halte/ & doch nit ein  
süncklin des heyligen Geysts in jm hab/ Vnd besonder dz  
höchst. Du solt Gott liebē von ganzē hertzē/vß allē krefft  
ten/vnd auß allem deinem gemüt. Dann ir wissend wol/  
das solches nitemand vermag/ es geb ihm dann Gott die  
stercke. Singe man nit in der kirchen/ Wer mach du das  
wir lieben/wz du vns gebeütest. Die gleisner sagend wol/  
sye habend Gott lieb vō ganzem hertzen/ aber sye liegen.  
Ich will aber nit liegen/vñ sagen/ das die gleichnuß ( dar  
uon ich hienor geredt hab) so vil berürt/gar nit hieher die  
net/ dan̄ meine sachen/ vnd das mit mir geschicht/ ist weit  
ein anders/vnnd ein sollichs/ des gleichen nye gehört ist.  
Dann ob ir mich schon zur hoffnung ermanen/ vnnd ichs  
von hertzen beger/ das ich hoffnung haben möchte/ so ver  
mag ichs doch nit/ dann Gott hat alle seine gnad zur  
straff meiner sünden von mir genōmen/glaub/hoffnung/  
vnnd alles anders.

¶ Das sprach Doctor Gybaldus zu jm/ & in yetzt drey  
mal hatt heymgesücht/ sich von tag zu tag des handels ye  
mehr vnnd mehr verwundert/ darumb er auch ein lange  
Epistel/von diser seltsamen geschicht geschriben hatt/wie  
hernach folgen würt.

¶ Wie kan es sein (spricht er) das du der gaaben Got  
tes beraubt seyest/ so du so geschicklichē von der heyligen  
geschriffte redest/vnd das du gedenckest/ du seyest ohn gna  
de Gottes/ deren du so hertzlich begerest. Darauff spricht  
er. Dz sollend ir wissen/dz ich der höchsten vñ notwendig  
ste gaaben Gottes/des Glaubens/beraubt binn. Ob mir  
dann Gott die anderen ding nit genōmen/ so geschicht es  
euch

euch zu einem exempel/vnd mir zu grösserer peyn. Dann ye mehr ich an dise ding gedenc/ ye mehr ich peyn leyde/ oder wann ich darnon rede/vnd andere darnon reden höre/ dann ich befinde/ das es mir alles zum nachtheyl geschicht. Vnd hyc sagt er darauß/daruon wir alle erschrecken/ Ich meyn jr wänend/ das ich ein freud ab disen dingen habe/oder vermeynend jr/ich thü es gern/vnd sey mit willen also verstockt vnd verherret. Ich sag aber euch bey der warhey/ Wöcht ich nit mehr dann ein kleines tröpflein Götlicher miltigkeit in mir entpfunden/ vnd das mir Gott nur umb so vil gnädig were (dann mit wenigem solt mich wol benügen) so wolt ich gern tausent jar vnd mehr in der Höllen darumb sitzen.

¶ Kürzlich günstiger Herr/ diser armer mensch redet nichts anders/dan wie wir achten möchten ein verdampften reden/ der vnzalbarlich grosse peyn vnd straffer leyde müste/darauß er nymmer verhoffet ledig zu werden. Darumb jm nichts so schwarz were/dz er nit gern leyden wolte/so er nit mehr dan ein kleyne vnderleibügh haben möchte. Ich sag aber wie vor/das diser armer mensch die ding nit redt als ein betaubter oder vnbesynter/sond mit grossem ernst vñ dapfferkeyt. Er sahet offte an so kläglich vnd erbarmblich zuweyne/dz es alle zühörer erbarmen müß. Aber vor allen dingē begert er für vnd für des todes. Vñ spricht/ Syhe/ es ist in mir erfülle das die geschriffte sagt. Sye werdē begeren zu sterben/ aber d tode würt von jnen fliehē. Dan er fast übel fürcht er müsse länger lebē. Vñ wie wol man sihet/dz er von tag zu tag abnimpt/ noch glaub ich/er müsse länger in solchem ellend leben. Dann er gar

Splera be  
gert ein  
kleyne  
tröpflein  
Götlicher  
barmher-  
zigkeyt.

starcks

# Von den 5. Gottes Bekennern

Spiere  
bey 1-jaren  
gewesen.

Starcks leibs ist/ vnd er wann bey den fünfzig jaren alt  
oder etwas mehr. So auffenthaltet man in mit gewalt  
(dann wie ich vor geschrieben) von im selbs yffet er nichts/  
aber mit gestoffenen hünnerbrüen vnd eyeren/die sye ihm  
über seinen willen eingiessen/ enthalten sye in bey dem le-  
ben. Aber er sagt/ das auch seine Kinder zur straff vnd zu  
peintigen ihm gegeben seyen. Daran hencket er/das es den  
Auserwöltten alles zu gutem diene/ dargegen aber dē ver-  
dampfen alles zu nachtheyl/ auch das Gottswort selber.  
Vnd ich befinde auch/ das das Gottswort mir ein ges-  
schmack ist zum todt/ vnd nichts dann ein schmerzen vnd  
verzweifflung/ so oft ichs höre. Vnd mit dem selbigen  
schreiet er. O wee mir armen. Vnd keret sich zu den vmb-  
ständern/ vnd mit ganzer kläglicher stim vnd geperden/  
das im die trähern über die backen ablieffen/ spricht er.  
O lieben brüder/ sehend fleißig zu/ vnd habend eben acht/  
das ihz die gaaben Gottes höher achten dan ich gethor  
hab/ lehrend auß meiner gefahr/ das jr nit sicher seyen.  
Gedencken nit das jr Christen seyend/ darumb das ihret/  
was von dem Euangelio verstanden. Wütend euch das  
jr es nit zur freiheyte des fleyschs brauchen/ sonder habend  
acht/ das eüwer leben dem namen nach gerichtet werde.  
Seind standthafftig vnd steiff/ zu erhaltung vnd bekant-  
nuß. des Euangelij/ auch bis zu dem todt/ ob es dienot/  
turfft erfordert. Wissend jr was Christus selbs gesage  
hat. Der lieber hat vatter vnd müter/ brüder vnd schwe-  
stern/ sün vnd töchter/ hauß/ hoff/ äcker vñ matten/ dann  
mich/ der ist mein nit würdig. Wie auch Petrus spricht.  
Lügend lieben brüder/ das jr mit gücthaten euern be-  
rüff

Der manlig  
Spiere an  
die vmb-  
ständern.

vuff gewiß machen. Vnd wiewol ich in grosser peyn bin/so will ich doch eben thun wie der Reich mann / der in der Höllen tieff versencke was / vñ nit desto minder sorgtrüg für seine brüder. Bate den Vatter Abraham / das er sie warnen ließ / damit sie recht theten / vnd nit in solche grosse peyn kämen. Lügend lieben brüder / das jr die Epistel S. Peters nimer von eüwern händen kómen lassen / brauchends zúm lust / vñnd als ein schöne tracht / nach vnd vorder speiß. Es seind wol etliche ort darinn fast dunckel / aber wenig. Dann Christus hat Petros die schlüssel zúm Reich der Hímel verheÿssen / damit er anzeygt / das er im den Heyligen Geyst geben wolt / durch welchen er vil himmelischer heymlichteyten verstehen vñ durchtringen solt / die andern verborgen weren / ja er würde haben die schlüssel / mit welchen er die geheymnuß Gottes auffschliessen vnd óffnen würde / 2c. Also legt er dises ort auß. Er erkläret auch er wann ( nit mag ich jetzt wissen auß was ursachen ) das ort des Prophetens / Die Gottlosen werden nit aufferstehen im gericht / aber die Gottseligen vnd Auserwóltten werde die andern vrtheyle. Wie Christus spricht. Ir werden sitzen auff den zwólfstúlen / 2c. Zú welchem die Gottlosen nit aufferstehen werden / sondern allein das sie gerichtet werden.

¶ Er sagt auch er wann / das allein den gerechten ein güter Engel zúm behüter geben wurd / vnd nit den Gottlosen / wie man gemeynglich glaubt / das ich ( sprach er ) wolerfahren hab / über das ichs auch in der geschriffte gelesen / dan ich weder Engel noch anders hab / dz mir helffe.

¶ Es fraget in einer / ob er vermeynet / das die Auserwóltten

## Von den 5. Gottes Beküern

wölten gleich eins wegs / so bald sie von hinnen schieden /  
in das ewig leben kämen / oder ob sye erwann schlieffen od  
rürweten / biß sie mit leib vnd seel züm gericht auffer stehen  
wurden. Da sprach er. In das ewig leben faren sie / vnn  
seüffzger vnn sprach / das ich vnseeliger nit haben mag.

**I**ch wz auch nächte zü abend darbey / da der Bischoff  
(so mit Doctor Grubalden bey jm was) ihn gesegnet / dan  
heüt frü ist er hinweg gefaren / wie ich vor gesagt hab. Da  
sprach er zü ihm. Ich armer verzweyffelter / dancke eüch  
fast umb dise eüwere gürt hat / wiewol es den verworffnen  
vnd verdampften alles schädlich ist / der Allmechtig Gott  
mehr eüch in allem güten. Vnd als man in batte / er solt  
sie wissen lassen durch seine sön / wie seine sachen stünden /  
sagt er / er wölte es thün. Aber sprach er / Ich will eüch wol  
züsagen / das ich eüch nichts güts schreyben würd / dann  
vil grösseres übel werden se von meinen sachen hören.

**A**lso ist diser vnseelig Spiera hinweg gefaren / Vnn  
sagt züm offtern mal / das er Cain / Saul / vñ Juda solche  
ding vergöfite / so grosse marter hat er müssen leyde. Der  
Herz wöll in mit barmherzigkeyt ansehen / vñ vns alle be  
hüten / das wir nit auch in solche noht kommen / Gott be  
hüt dich.

## Der sechßte Brieff.

**W**

**G**leichet Patron / Wie jr  
züm nechste in meine schreiben verstandert  
habt / also ist der arm Spiera gen Citadel  
la kōmen in sein vatterlandt. Dz meynē  
der

Der mehrern theyl leüt darumb geschehen sey / das es vil  
leicht in einer solchen berümpften statt / seinen kindern vñ  
ganzẽ geschlecht ein nachtheyl seyn wurde. Darzũ möch-  
te solliche offenbare kñdtschafft vñ exempel der warheyt/  
vñ des gerichtts Gottes / von einem solchẽ ort weyt außge-  
spreytet werden / damit alle welt erkãntẽ / ob sie es gleich  
vngern hetten / wie es dẽ armen menschẽ gangen were / der  
zũ seinem grossen verderbẽ die warheyt verleügnẽt hatt.

¶ Darumb hab ich von dem tag an / als er vñ diser statt  
geführt ist / nichts gewissers kñnen vernemen / dann alleyn  
das er bald darnach gestorben sey / aber in gegenwertig-  
keit weniger leüten / vnd die insonderheyt darzũ verord-  
net seind. Wie die selbigen gesinnet / gehet mich nichts an /  
hye darvon zũ schreyben / Also ist es aber geschehen.

Spiers  
gestorben.

¶ Vnd wiewol man hatt die sach wöllen verbergen vñ  
still halten / ist man doch durch anshickung Gottes zũ  
spaat kommen. Dann der arm mensch offentlich / in diser  
statt aller menigklich so lang gewesen ist / dz diser handel  
nyemandes mehr verborgen sein kan. Beschweyg erst / dz  
diser handel durch ganz Italien / vñ vmbligende lãnder /  
mehr dan mit sechs hundert brieffen außgespreytet ist.

Darumb soll es den bösen wol ein exempel sein /  
das sie sich fürchten / aber den gütẽ / das sye  
sich freüwen. Behüt euch Gott / vnd  
habend an meynem Eleynen

vermögen für güt /

Geben zũ Pa-

dua.

RE ij

Biß

# Von den 5. Gottes Bekennern

**B**is hieher ist die History von dem erschrocklichen  
fall Francisci Spiera durch etliche Sendbrieffstucks weiß erzolt wor=  
den. Yetzund folget die selbig auß den Schrifften des Hochge=  
lehrten Herrn Matthei Gybaldi/beyder Rechten Doctor vñ  
Professor zu Padua/in denen er auffß warhafftigt  
solche/wie sie sich nach ordnung  
verlossen/beschriben hat.

Franciscus  
Spiera ist  
in der er=  
kennung  
Christi erst  
lich eyffe=  
rig gewe=  
sen.

**E**s ist gewesen einer mit namen Franciscus Spiera/  
bürtig von Citadella/ein erfarnier Jurist/vnd bes=  
rümpfter Aduocat in Weltlichen Rechten/seins al=  
ters bey fünfzig jaren/hatt gehabt ein ehren Weib vnd  
eylff Kinder/auch sonst mit zeytelichem güte/Ehren/ämp=  
tern vnd würdezimlich begabet. Diser hatt auch durch  
die vnaussprechlich Gottes gnad/die gnad vnd gaab des  
H. Geystes empfangen/vnd den Herrn Jesum Christu/  
als vnsern eynigen erlöser vnd seligmacher auß H. Gött=  
licher schrifften gnügsam erkennen/auch durch erleuch=  
tung des H. Geystes/den Herrn Christu allein mit gros=  
sem ernst vñnd eyffer bekennet/vñnd offentlichen gepre=  
digt/dz wir alleyn durch Jesum Christum den Son Got=  
tes selig werden/durch in alleyn auch gerecht werden/vñ  
das man sich auff keiner menschen verdienst oder werck  
verlassen solle. Vedoch güte werck nicht vnderlassen/son=  
der die selbigen thün/damit man Gott gehorsam seye/  
auch Gottselig vnd frömbtlich lebe.

**I**n dem er nün die rechte warheyt/ auß zeügnussen  
der H. Göttlichen schrifften mit rechtem glauben erkant  
vñnd erlangt hette/vnd in seinem hertzen die gaaben des  
H. Geystes ganz rüwig mit grossen trost erschmecket/  
auch

auch in rechtem glauben/Hoffnung/Liebe/Sanffemüt/  
Gedult/ ja in rüg vnnnd friden seines gewissens (als einer  
der Christū hat/vñ in jm lebete) stunde / Ist der arbeyt  
selig/vñ recht ellende mensch / auß anstiftung seiner sein/  
den/ gehn Venedig für des Bapsts Legaten beruffen/vñ  
daselbst/der Ketzerey halben schwärlich angeklagt/ernst  
lich gescholte / mit erdworden abgeschreckt worden/also  
das er endelich auß forcht dieses zeitlichen todts/oder ver  
lust seiner haab vnd güter/ widerumb die lehr/ die er vor  
mals erkant vnd offentlichen gelehrt hatt / verschworen/  
vnd auch zugsagt hatt/das er also bald heym ziehen/vnd  
an dem ort zū Citadella/da er vormals geprediget/offent  
lichen sein gefasste lehr widerrüffen/vnd also mit disem of  
fentlichen vnd statlichen widerrüff/allem volck / vnd be  
sonders den Geystlichen/sich versünere.

Franciscus  
würt zū Ve  
nedig vers  
flagt.

Franciscus  
verleünet  
das E.  
Euange  
lium.

¶ Als nun diser ellend mensch/vom Bapstlichen Lega  
ten hinweg gelassen / vnnnd auff der reys war/den getho  
ren befelch/vom widerrüff zū vollstrecken/ hat er bey ihm  
selbers angefangen zū disputieren/ ob er doch gehn Cita  
dellam widerumb ziehen/vnd daselbst widerrüffen / oder  
aber all sein haab vnnnd güte verlassen/vnnnd sich in recht  
geschaffne büß begeben wolte.

¶ Auff dem weg/trib in für vnd für der Geyst Gottes/  
vnd sein eygen gewissen/das er büß thun solte / vnnnd mit  
nichten an das ort ziehen / da er doch verleügnen müste/  
sonder vil mehr Weib vnnnd kind/ ja die gang Welt verlas  
sen / iha sich vil mehr tödten lassen/ ehe er wolt widerumb  
abfallen / vnnnd die erkantte warheyt widerrüffen. Der  
Geyst Gottes sagt ihm für vnd für/ Ach lieber Franciscee/

Das gwis  
sen vnd  
der Bey  
lig Geyst  
vermant  
Franciscū  
zū bestän  
digkeyr.



# Von den 5. Gottes Bekennern

Des 5.  
Geysts  
ernstliche  
verma-  
nung.

hüte du dich/das du deinen widerriß erst woltest weiters  
bestätigen/ hüte dich/ das du den Brieff/ dem du alleyn  
mit der handt geschriben hast/ auch erst woltest mit dein  
nem hertzen/ versiglen. Ach Francoisce du bist doch noch  
zur zeit frey/ vnnnd auß den händen der Menschen ent-  
trunnen/ Ach fall nit von der warheyt ab. Bleyb bes-  
ständig/vnd hüt dich/das du nit widerumb fallest. Thü  
büß vñ besser dich/so würt sich der Herz deiner erbarmen.  
Dein schwaches fleysch hat dich vbercylet/vnd dahin ver-  
ursacht/alleyne sihe dich für / das du mit deinem Geyst/sol-  
lichs nicht bosshafftiglich/aller erst bestätigest.

Franciscus  
will der  
warnung  
des 5.  
Geysts  
nicht sol-  
gen.

¶ Dises vñ dergleichen vil/ ward dem ellenden mensche  
(wie er nachmals selber bekant hat) vff der ganzen reysß/  
für vnd für vom Geyst vnd seinem gewissen fürgehalten.  
Aber er stieß die warnung des 5. Geysts von sich/ ver-  
stocket in seinem fürnehmen/ vnd gedacht/ er wölte lieber  
Weib vnd Kind/seine ehr vnd dienst/ seine zeitliche haab  
vñ güter/dan die einmal erkante warheyt behalten/auch  
den gethonen widerriß öffentlichen bestätigen / damit  
er im friden hye auff erden seiner haab vnd güter gebrau-  
chen köndte. Ist also in solchem fürnehmen gehn Cita-  
della kommen/ vnnnd sich bey dem Obersten daselbst/ der  
dan durch brieffsolcher handlög schon berichtet wz/ ange-  
bortē/dz er bereyt vñ willig sey/sich mit dē volck vñ gāger  
Kirchē widerum züuersünen/vñ die lehr/so er züvor gepre-  
diget/zü widerrißen. Nach solchē ist er zü haus gangen.

Franciscus  
hatt ein vn-  
rühig ge-  
wissen.

¶ Auff den abend ist ein Pfaff zü im kōmen/vñ mit sich  
bracht ein Abschriffte des widerrißs/so er morgens vor al-  
lem volck öffentlichē thun solt. Die selbig gāg nacht/ hat  
der arbeitselig man Spiera keyn schlaff gethon.

vnd Martyrern/der iij. theyl. cccxxij

¶ Am morgen vff den Sonentag/nach dem man Wess  
gelesen hat/ Ist Franciscus vor allem volck/das bey zwey Franciscus  
Spera wi  
der rufft zu  
Citadella.  
tausent personen zugegen war/auch im beysein des Ober  
sten/vñ seiner diener/ auch seiner verwandten vñ freünd/  
denen er zñ vor geprediget hatt/auffgestanden / vñ da of  
fentlich die lehr/ die er vormals gehaltē/ verschworē/auch  
alles so er zñ vor gelehret hatt/ öffentlichē wider ruffet/vñ  
wiewol er vormals den verdienst d̄ menschen/dz vertran  
wen vff die werck/dē freyen willē/dz Segsēur / die fürbitt d̄  
heyligen/den Ablas/vñ andere dergleichen stuck vñ artio  
ckel/vñ Gottes wort widlegt hatt/hat er doch hye offent  
lichē bekenet/er hab geirret/vñ sey betrogen vñ versüret  
worden/auch bezeüget/dz er nun jezüdt widerum vff den  
rechten weg des liechts vñ der warheyt/ auch zur gemeyn  
schafft der H. Römischen Kirchen/ Kommen sey.

¶ Als nun solchs verichtet/hat er auch bezalt die auff  
erlegte Gelestraff/ als nemlich dreyszig floren / von denen  
er dem Pfaffen/ der im die abschriffte des wider ruffs vber  
luffert/sünff gegeben/die andern xxx. aber/das man ein  
Sacrament heißlin od ein Constrang darauß solt ma  
chen lassen/er lege. Vnd ist also von der weltlichen Ober  
Keyt ledig erkant/vnd widerumb zu seinem Weib/ Kin  
dern/haab vnnd gütern zuge lassen worden.

¶ Bald aber nach solchē hat diser arbeitseligste mensch Gottes vñ  
dz erschöcklich vñ theyl Gottes/sonun wid in ergangen/ Gottes vñ  
theyl vber  
eylt Fran  
ciscum.  
befundē/vñ von stund an gefület/dz des Allmechtigen ewi  
gen Gottes/zorn vnd grim̄/gewaltig vff in gefallen seye.

¶ Von stund an hat er alle gaabē des H. geystes verlort/  
Christus d̄ herr ist von im gewichē/ alle güet hatē Christi/  
aller

# Von den H. Gottes Bekennern

Wider das  
gewissen  
sündigen/  
ist ein groß  
se sünd.

aller trost ist bey jm verschwunden / Der Glaub / die Hoff  
nung / die Liebe ist also bald von jm gewichen. Vnd das  
gegen sein hertz / mit Leid / Hass / Schand / Lestering vnd  
fluch erfüllet worden. Da seind jm für seine augen hauf  
senweiß kommen / alle seine sünd / die er von jugent auff ge  
thon hat. Vnd was soll ich vil sagen: Christus der Herr  
selbers / vnd der aller heyligste frid Christi seind von jm  
gewichen / vnd an jr statt einkommen / der Todt / Teuffel /  
schrecken / Schand vnd verzweiflung / vnd ist der arbeyt  
selig mensch / in solchem erschrocklichen jamer / sechs gan  
zer Monat stecken bliben / vnd erst nach den selbigen mit  
weib / kind vnd seinem ganzen haufgesind / gehn Pa  
dua gezogen. Da er dan / die weyle ye länger ye erger wor  
den / vnd er Gottes zorn ganz greulich wider ihn besun  
den / in endliche verzweyfflung gerhaten ist.

Wie Fran  
ciscus nach  
seiner ver  
leügnung  
bschaffen  
gwesen  
sey.

**I**m beth ist er gelegen ohn ein feber oder andere  
frantcheyt / der ganz leib abgenommen / keyn glyd hatt  
sein ampt gethon / außgenommen die zung. Er hatt nichts  
begert / auch nichts gessen / Vnd ob man jm schon ettwas  
mit gwalt eingossen hat / so hat ers doch nit verderwet / er  
hatt keyn stulgang gehabt / Alleyn getruncken / vnd grau  
samē durst gelitten. Sonst ist sein angficht recht gestalt /  
sein verstandt gut / sein gedächtnuß mechtig gewesen / also  
das er keyn ding zweymal geredet hatt. Wer zu jm kom  
men / den hat er angenommen / Gewaltige ding hat er ge  
redet / vnd sich für vnd für bezeüget / er seye auß grechtem  
Gottes vertheyl verdampft / Er sey yetzund in der Hölle /  
da leyde er ohn vnderloß grosse peyn vñ marter / Er sey al  
ler gnaden vnd hoffnung auff Gott beraubet / vnd kön  
de sich

de sich der barmherzigkeyt Gottes nit vertrösten. Er habe gesündiger in H. Geyst/welche sünd ihm nimmermehr verzygen werde. Der verdienst Christi gang ihn nichts an. Es sey weder Glaub noch hoffnung mehr in jm/Sonder er warte alleyn täglichs des erschrocklichen Endurtheyl Gottes wider jm/Vnd ob wol die Barmherzigkeyt Gottes aller welt sünd weit vbertreffe/so sey sie doch ihm nichts nutz/dann er von ewigkeyt verstorffen/vnnd nyemals im büch des lebens eingeschryben worden. So habe Christus nicht für ihn/sonder alleyn für die Außerwöleten gelitten.vnnd gebetten. Gottes vrtheyl werde in ihm alleyn geoffenbaret/vñ Göttliche gerechtigkeit erfüllet werden. Vnd er werde bald ein gewolich end nehmen/damit er allen Außerwöleten ein exempel seines widerriuffs seye.

¶ Dise vnnd dergleichen reden/hatt er in viler leüt bey sein/vnnd nemlich auff xxx. personen so zügegen waren/mit sampt dem Ehrwürdige Herrn Bischoff Vergerio/mit gutem verstande vnnd offentlichen gefüret. Vnnd hatt gemeldter Bischoff in angefangen auff alle weiß vñ weg zü trösten. Vnder anderm als in auch Doctor Grybaldus ansprechen wolt/sagt der Bischoff Vergerius zü ihm/Mein lieber Herr Francisce/hye ist zügegen Doctor Grybaldus/der allhye zü Padua die Rechten lisset/ein frommer/treüwer vnnd Gottesfürchtiger mann/der will euch heymführen/Darauff gab Franciscus antwort innt Italianischer sprach vnd sagt/Sia lui il ben uenuto, & io il mal nouato &c. Doctor Grybaldus sprach ihn an/vñ sagt/Mein Herr Francisce/diß alles ist nür ein Teüffels gepenst

# Von den 5. Gottes Bekennern

*S. Gyzbal  
di wort  
zum ver=  
zweyffelte  
Spiera.*  
spenst vnnnd betrug / der eüwer hertz dermassen zermar-  
tert vnnnd plaget / darumb bekeret eüch von ganzem her-  
zen / zü dem Gebenedeyten Gott / dann er ist bereyt vnnnd  
willig / dz er sich eüwer erbarme. Wißt jr nit / das die gan-  
ze erde / voll ist der barmhertzigkeyt Gottes? Vnd wän  
gleich aller welt sünd / auff einem menschen legen / so möch-  
ten sie doch Keyns wegs nicht verglichen werde / auch dem  
aller EleyNSTen sündlin vnd tröpfflin der Barmhertzig-  
keyt vnd güte Gottes / Dann er sagt / So offte der sündler /  
vnd zü welcher zeyt er erseüffzet / so will ich seiner sünden  
nicht mehr gedencen. Sehet an den H. Apostel Petrum /  
der doch den Herren Christum selbers / mit welchem er lan-  
ge zeyt ganz freündlich gelebt hatt / auch mit dem Lyde  
schwär züm dritten mal verleügnct hatt / ob ihm wol der  
Herz vil güts gethon / vñ in für andere lieb gehabt hatt /  
noch hatt ihm solchs der gütig Gott verzygen. Sehet an  
den Schächer am Creüz / 8 doch nye nichts güts gethon /  
sonder all sein leben / in sünd / schand vñ laster zügebracht  
hatt / diser ist doch gleichsam in einem augenblick / so bald  
sein hertz eroffen / vnnnd der Glaub angefangen hatt / wi-  
derumb zü gnaden auffgenommen worden. Wißt jr nit /  
das der arm des Herren nicht abgetürzet ist / vnnnd das  
Gottes eygenschafft ist / das er gnädig vnd barmhertzig  
ist? Ach rüfft in doch ein wenig von hertzen an / bitten ihn  
ymb sein gnad / so verspricht ich eüch gewißlich / das er be-  
reytet ist / eüch zü verzeihē / eüch zü gnadē vffzunemen / vñ  
dz durch Jesum Christum seinen eingebornen lieben son.  
Ach mein Herz Francisce / Glaube solchs / wie yetzund ge-  
sage / seind wol gertöst / vnnnd stchet auff / dann der Herz  
hatt

hat sich eüwer erbarmet/vnd eüch alle eüwere sünd durch  
Christum verzygen vnnnd nachgelassen.

¶ Franciscus antwortet hierauff vn̄ sprach/ich glaub  
solchs nit.

Spiere  
verzweyfa  
felre antz  
wort.

¶ Doctor Grybaldus sagt hyegegen/mein Herz Fran-  
cisce/ Ich hab vil solcher leüt gekannt/die grosse sünd-  
er/ auch vom Teüffel besessen gewesen / vnd es vil vbler vmb  
sie/dann eüch / gestanden ist/ derhalben sie auch endlich  
in höchste verzweyflung kommen seind / yedoch seind sye  
durch Gottes gnad/ vnnnd durch das freündlich anspre-  
chen frommer leüt/widerumb getröset worden/vnnnd zu  
gnaden kommen / auch ein rüwig / wol bestridet gewissen  
vber kommen. Was verhindert es dann / das jr nicht kün-  
den/das geringest sündlin ewers hertzen / in die vberflüss-  
sig barmherzigkeyt Gottes rühren / vnd mit einem seüff-  
zen in rechter hoffnung vnnnd glauben anrüssen?

¶ Als nun Doctor Grybaldus solche vnd dergleichen  
mehr wort eingefüret hatt / hat der ehrwürdig Bischoff  
Vergerius auch angefangen vnnnd gesagt / Ach mein lie-  
ber Herz Francisce/nemmet doch zu hertzen die wort/so jr  
sezund vom Doctor Grybaldo angehört habt / dann er  
ist treüw/vnd ein diener Gottes/den Gott zu diser stund  
zu eüch gesandt hatt / das er eüch seiner barmherzigkeyt  
vergewissen vnnnd versichern solle. Warum glaubt jr ihm  
dann nit? Wolten jr nit gern / das sich Gott eüwer er-  
barmete/der sich doch ohnzweyffel eüwer erbarmē würt/  
vnnnd alle schuld verzeihen/der eüch auch seyn gebenedey-  
ten Son Christum Jesum geschenckt hatt/der würt eüch  
ja nichts künden oder mögen abschlagen. Seind wol ge-

L ii tröset/

# Von den H. Gottes Bekennern

eröstet / vnnnd richten doch eüwer hertz mit rechtem glauben vnnnd hoffnung auff. So wöllen wir alle für euch bitten. Was es euch dann also gefallt / so wöllen wir das Vatter vnser von hertzen mit einander betten.

¶ Hier auff antwortet Franciscus vñ sagt / Ich glaub das alles / wie jr sagen. Dann solchs auch die Teüffel glauben / erzittern aber darfür. Aber mich nuzet solchs alles nit. Ich hab züm Tode gesündigt. Ich wolt ja gern / das mir Gott gnädig vnd barmhertzig were / aber er wills nit thün / so ist mir alle krafft des glaubens entnommen. Der Herr hat Petrum angesehen / mich aber will er nit ansehen / Petrus war der erwölte einer / Ich aber bin der verworffnen einer. Ich will gleichwol mit meiner zungen betten / vnd eüch alles / was jr wölt / nachsprechen / Aber mein hertz ist voller Neid / fluch vnnnd lesterung. Ich weyß vnd befinds auch / das Gott mein Feindt / vnnnd mir züwider ist.

¶ Vnd als er solchs sagt / flog jm ein Wuck für dem angesicht vmb / da sprach er / sihe zü / der Teüffel ist schon vorhanden. Mein end werden jr bald sehen werden / züm exempel viler / damit in mir Gottes vrtheyl vnnnd gerechtigkeit offenbaret werde. Vnnnd wie er solchs geredt / wendet er sein angesicht von den leüten / vnd keret sich auff die ander seyten hynumb. Da sagt Vergerius / Ach aller liebster Francisce / wendet doch eüwer angesicht zü vns / dann ich will / das wir mit einander betten / vnd ein H. Vatter vnser sprechen sollen.

¶ Da wendet Franciscus wider herum / sieng an in Italianischer sprachen das ganze Vatter vnser zü betten /

Epiera:  
betet.

ten/mit einem solchen ernst/ vnnnd so grosser andacht/das sich die vmbständer alle hyerüber verwundereten. Als er aber außgebettet hatt / sagt er / Ich hab seztund mit meiner zungen gebetten/ aber mein hertz ist weyt daruon gewesen/ Gott hat mir alle seine gnad engogen/ er hat mein hertz verstocket/ darumb bemühet jr euch vmb sonst vnnnd vergebens. Solche vnnnd dergleichen reden haben sich den ersten tag mit ihm verlossen/ endlich seind die vmbständer von ihm hinweg gangē / haben ihn gesegnet / vñ gesagt/ sie wöllen Gott für ihn bitten/ vnnnd morgens wider kommen/ ob doch der gnädig Gott sich seiner wolte erbarmē.

¶ Des andern tages ist D. Geybaldus mit dē Bischoff Vergerio widerumb zu disem ellenden menschen kommen/ vnnnd haben ihn erstlich (wie brüchlich) gegrüßet/ Bald hat der Bischoff angefangen vnnnd gesagt / Aller liebster Franciscus/ ist auch euwer sach durch Gottes gnad ein wenig besser worden. Habt jr auch ett was trostes vnd hoffnung in euwerem hertzen empfangen? Hyerauff antwortet Franciscus/ Gar nichts/ sonder ich befind mich ye länger ye vbler. Da haben sie ihn angefangen von vilen stuckē zu fragen / vnnnd sonderlich zu welcher zeit er in solche verzweyfflung erstlich kommen/ auch wann diser vnsterblich Wurm sein conscienz vnnnd gewissen hab angefangen vnrühwig zu machen.

Handlung  
des andern  
tags.

¶ Da hat er nach ordnung erzölet wie es sich verlossen hab/ beyde in seiner ersten / vñ auch in der andern verlegung. Wie dan solchs droben erzölet worden ist. So bald er aber verleugnet hatt / zeygt er weiters an / wie er von skund an besunden hette/ das Gottes gewaltige hande

Merck.



## Von den G. Gottes Bekennen

anff in geckungen/nicht aber das sein leib geplaget vnd schwach worden sey/welchs er zur straff/vnd besserung seiner sünden/gerne angedimmet hetze/vnd nicht also gar vom Glauben vnd aller hoffnung abgefallen/sonder der arbeitselig mensch hatt in der selben stunden im hertzen/im Geyst/vnd seinem gwissen/solche vnrüg befunden. Dann Gott der Herr hat ihm von der selben stund an ein nagenden wurm/vnd vnauslöschlich feür gesendet/das er voller schrecken/schand vnd verzweyfflung eins mals worden ist/Welcher nagende wurm vnd brennend feür/in von der selben zeyt an nyemals verlassen hatt/also das er frey bekante/es stand vil übler vmb ihn/dann wann er gestorben/vnd mit Juda/Cain/vnd andern verdampfen were. Ja er begett auch tausent mal lieber todt vñ verdampe zu sein/dann also hye zeytlich leben.

¶ Er hatt auch dazumal angefangen zu erzölen/was greülicher gesicht er für vnd für habe/wie er auch von der zeyt befunden hab/das der Teüffel für vnd für in seiner kammer/auch in sein bechkomme/allerhandt vnrüg vnd gerümel angerichtet/in vnder dem küßin mit nadlen stochet/vnd solchs hab er warhafftig befunden/wie er jezund mit ihnen allen rede/vnd sie sehe zugegen stohn.

¶ Hier auff hat ihm Bischoff Vergerius geantwortet vnd gesagt/ach lieber mein Herr Franciscus/eüwer Geyst ist so gän verstor/dz er eüch solch beerüglie fantaseye/fürhaleet. Aber wenden eüch doch ein wenig zum Geyst d warheyte/vñ richten eüwer hertze mit glauben vñ hoffnung zu Gott/der doch gebenedeyet/gütig vñ güt ist. Er würd eüch gewißlich gnädig vñ barmhertzig sein/Vñ von eüch

allen schrecken vñ sagen hinnehmen. Ach mein Herr Fran-  
cisce/seyde doch jr wol getröstet/ wir seind eüwerer perso-  
nen halb / durch die vnendlich barmhertzigkeyt Gottes  
auch wol getröstet/ wa es euch nun also gefallt/ so wöllent  
wir ein D. Vatter vnser/vnd das von hertzen betten. Da  
hat Franciscus angefangen dz Vatter vnser in Lateini-  
scher sprachen mit hefftigem weynen / so ganz ernstlich/  
andächtigt/vñ (wie die vñständ der vteylen kōnden) von  
ganzem hertzen/zit Gott gebettet/dz die vmbständ alle  
mit jm weyneten.

Franciscus  
bettet.

¶ Als nū Doctor Grybaldus sahe die trähern / die büß  
vnd reüw dises menschen/sagt er / Ach lieber Francisce/es  
sey Gott im Himmel gelobt / dann gewislich dises seind nit  
zeychen/ das eüch Gott ganz vnd gar solte verstoffen ha-  
ben/ Ihr erseüßgen doch/vnd rüffet die gnad Gottes mit  
ernst an: Ach verzweiffen nicht also gar an seiner gnadē/  
sagen doch nit mit einem so gar verstockten hertzen / das  
euch Gott seindt sey/ Glaubts doch nit / das jr von ewig-  
keyt verdampft seyen. Dann der mensch kan ye / so lang er  
hye auff erden lebt / durch die gerechtigkeit der wercken/  
nicht gwis sein/ ob er der liebe oder des zorns Gottes wür-  
dig sey.

¶ Vnd nach dem in die vmbständ ernstlich verman-  
ten/er solte nicht also gar vom glauben vnd vertrauwen  
abfallen/vñnd ob wol ein mensch aller Welt sünd gethon-  
heit/solt er doch an der gnaden vñ barmhertzigkeyt Got-  
tes nicht verzweiffen/dan Gottes güte vnd gnad/sey vil  
größer/dan menschlicher verstandt begreyffen vñ fassen  
kōnde. Vñ ob schō auch jrē einer in solche arbeytseligkeyt  
gefallen/

## Vonden G. Gottes Bekennen

gefallen/ dannericht nicht solte an der gnaden des höchsten  
vnd freündlichsten Gottes verzweyfflen oder verzagen.  
¶ Dierauff hat Franciscus geantwortet vnd gesagt/  
Ich weys das alles wol/vnnd glaub auch das die vnende  
lich barmhertzigkeyt Gottes aller Welt sünd weit vber  
creffe/das auch allen die solchs glauben/ alle sünd nachge  
lassen vnnd verzygen werden/ Aber diser glaub vnnd dis  
vertrauē/ist ein gaab Gottes. Darumb so mangelt mir  
nichts/dann das ich auff Gottes gnad vnd barmhertzige  
keyt gegen mir/ weder hoffen/ vertrauwen oder glaub  
ben kan. Ach das mir doch Gott alleyn das gebe/ das ich  
ein kleyn wenig solcher hoffnung vnd glaubens/ von der  
gnad vnnd verzeihung in meinem hertzen haben köndte.  
Aber solchs ist so vnmüglich/ als vnmüglich es ist/ das  
man das ganz Wör mit einem löffel auffschöpffen/vnnd  
ausstreicken könde. Wann der König Salomon einen  
solchen fall erfahren hette/wie ichs leyder jezund im werck  
erfare/wurde er ohn zweyffel solche wort (wie oben eynge  
füret) nicht geredt haben. Ich aber glaub/vnnd weys es  
fürwar/das auff erden kein mensch nyemals gewesen ist/  
der da augenscheinlicher in seinem leben den zorn vnd vno  
gnad Gottes wider sich befunden hab/dann ich in auff dē  
heütigen tag befinde. Ich wolt von hertzen/das ich an ei  
nes verdampften menschen statt vñ ort stohn müste. Ihr  
zwar/ die jr noch in einem rüwigen stahet seydt/vermeyne  
das sey leichtlich vnnd bald beschehen/das ein sündler/der  
sein schuld erkennet/ auch reüw vnd leydt über seine bos  
heyt hatt/ sich zu yeder zeit widerumb möge durch glaub  
ben vnnd hoffnung/zü Gott bekeren/ vnnd deshalb ver  
manet

mant jhr mich auch/das ich (dieweil jr etlich zeychen der reuiv vnd büß an mir sehen) etlicher massen mein hoffnung vñ glauben auff Gott den Herren setzen solle/zwar/der gesund bedarff Keynes Arzters / so kan auch der / der gesunde ist/dem Kranken leichtlich einē güten vhat gebē/ Aber da ligt mein grōstes leyden/das ist mein Döll/mein verzweyfflung/dieweil ich wol sihe/ das alle gnad mir entnommen/das mein hertz gar vnd ganz verstocket ist/ das ich von der versündig oder gnaden Gottes/nichts nit weder hoffen/noch glauben kan.

¶ Die vmbständler trōsteten jn so vil müglich/ endelich gesegneten sie jhn/verbiessen jm / wie das sie Gott wolten für jn bitten/vnd giengen also von ihm / mit sampt dem Herrn Bischoff Vergerio widerumb hinweg.

¶ Das ist aber sein auffenthalt vnd narung gewesen. Ein starcker mann/ wann er ihm speiß hat geben wöllen/ hat er ihm die arm mit gewalt zūsammen gebunden/ da mit er sich mit den händen nicht wehren kōndte / Nachmals hat er jm mit gewalt den mund auffgebrochen/ entweder mit einem löffel/oder anderem instrumentlin/als dann ihm ein brülin in hals gegossen/ dagegen hat er sich mit der zungē gewehrt/so vast er kōndte vñ gemōcht hatt/ Aber nichts desto weniger so hatt er doch etwas hinab geschlungen/das hernach in den Wagen kommen ist. Vnd also ist er zwey mal im tag gespeiset worden. Sonst hat er Keyn stülgang gehabt / sein beger ist nichts anders gewesen dan das er sterbē/vñ zür Döllen hinunder faren möchte. Er hat auch alle stund erwartet Gottes erschicklich vrtheyl wider jn/wie er sich dan solches offtmals vnd of

Was der auffenthalt Spiere zeitlich gewesen sey.

# Von den 5. Gottes Bekennern

lichen vernemmen vnnnd hören laßt.

Handlung  
des dritten  
tags.

¶ Auff den nachfolgenden dritten tag / seind sie wider rumb mit sampt dem Herrn Bischoff zu ihm gangen / ihm (wie breüchlich) gegrüßet / vnd widerumb angefangen zu trösten. Aber er (der Kranck) behielt die augen zu / als wann er schlieff / vnnnd gab schwärlich antwort.

¶ Da kam ein seiner gestandner mann auß der statt Citadella / frage ihn / ob er in auch kennete? Aber der ellend mensch sahe in ein wenig an / vnnnd kennet ihn kaum. Da sieng er an vnnnd sagt / Mein Herr Francisce / Ich bin Antonius Fontanina der Priester / der ich bey euch war / auff den tag da jr gohn Venedig zogen / etwan vor sibben oder acht Monaten.

¶ Da hüß Franciscus an mit seüßzen vñ wehklagen / vnnnd sagt / Ach des verflüchten tags / Ach des verflüchten tags. Wolte Gott ich were nye gehn Venedig kommen / oder were dazumals gestorben. Da siengen sie an in für vnd für fragen / vnd sonderlichen von seinem vorigen glauben / ob er doch auch yemals steriff vnnnd vollkommenlich geglaubt hette / vnnnd wie er doch von disem glauben so schandlich abgefallen were / die weil es doch vnmüglich sey / das der / der ein mal recht geschaffner weiß geglaubt hett / widerumb fallen köndte.

¶ Hierauff gab er antwort / Ich hab ihu glaubt / das Christus vnser erlösung sey / vnd das er alleinig sey / durch den wir müssen gerecht vnd selig werden / hab auch hie in nen nyemals gezweyffelt. Aber ich hab die güethaten Christi / nyemals recht erkennet / auch (das ich die warheit sag) in nyemals auß ganzem hertzen geliebet. Sonder

der vil mehr mich des Euangelischē glaubens zu fleyschli-  
cher freihert mißbraucher/vn mich auch meins glaubens  
zum mitterwill in sünden fürzuführen verdröset/das ich die  
hauptsach warer Gottseligkett vnd Christlicher Reli-  
gion hab lassen anstohn. Vnd wie er das sagt/wendet  
er sich zu etlichen jungen so zugegen stunden/vnd sagt/  
Lieben Kinder/hörte doch meine wort. Disß jezund alles  
hab ich nit darumb gesagt/das ich dem H. Euangelio et  
was wolte entnemmen/das ich doch erkenn/die warheit  
selber sein. Sonder das jr euwerem glauben nicht zu vil  
zulegen/sond auch darneben eüch in gütten wercken üben.  
Glaubt mir/als einem/ders erfahren hatt.

Spiera ist  
ein Maul-  
thust gewe-  
sen.

¶ Für vnd für lobt er mit seüßzen vnd trähern über  
alle andere schrifftten/die Epistel des H. Apostels Petri/  
dardurch er die gleübige zur Gottseligkett / Keüschheyt/  
Heyligung / vnd zu einem vnsträfflichen leben verma-  
net / das sie Gott dem Herren ein Heyligen vnd vnbes-  
flechten Tempel zürüsten. Dagegen sagt er/ich aber / da  
ich mich des beredet/ich hette nun einen vollkōnnen glau-  
ben erlanget / vnd deßhalb ander leüten auch anfieng pre-  
digen/vnd alle spruch der Schrifft wol wuste/ so lebt ich  
doch darneben Gottlos vnd vnchristlich / dannenher  
dann mein sünd ye länger ye grösser worden ist. Vnd sihe  
Gottes vrtheyl ist schon an mir offenbar worden. Dann  
er hat mich gestrafft in seinem zorn vnd grām/nicht zur  
besserung/sonder zu mehrer verdammnis.

¶ Da stünd auff ein sehr gelehrter/vnd in H. schriff-  
ten hocheffarner mann / der sprach in an/vnd sagte / mein  
Herr Franciscus/Läwer yetz gethont vermanung gefalle

# Von den 6. Gottes Bekennern

Von zwey  
erley ges  
rechtig=  
feyt.

vns gar nit/dann jr sagen / man soll dem Euangelischen  
glauben nicht zūvil zūgeben / sonder auch das vertrau  
wen auff die werck setzen. Dann wir wissen / das zweyer  
ley gerechtigkeit ist / ein Innerliche / vnd ein Eüsserliche.  
Die eüsserlich gerechtigkeit / welche da ist die gerechtig  
feyt der wercken / vnd die der Welt wol gefalle / die macht  
vns nicht gerecht bey Gott / ist auch zur seligkeit nicht  
notwendig. Dieweyl auch die Heyden / als Socrates / Ca  
to vnd Aristides die selbigen gerechtigkeit / gang gewalt  
zig gethon haben. Vnd haben deshalb in diser Welt lob  
vnd ehr erlangt. Aber die Innerliche gerechtigkeit ist  
auff Gott / der vns durch sein gnad zum Glauben / Hoff  
nung vnd Liebe widerumb gefüret / vnd durch einen sol  
chen Glauben / der vns auff gnaden gegeben würt / leben  
wir / vnd werden gerechtfertigt. So rechnet vns auch  
Gott die sünd nit zū / ob wir wol der selbigen nymer mehr  
gar ledig künden werden / Wie die Schrifft sagt / wañ wir  
sagen / wir haben keyn sünd / so verführen wir vns selbers.  
Selig aber ist der / dem Gott der Herz seine sünd nicht zū  
rechnet / vnd des sünd zūgedeckt seind. Der halben so solt  
jr vns nicht auff die eüsserliche werck / als solten wir durch  
die selbigen gerecht vnd selig werden / weisen.

¶ Hier auff sagt Doctor Grybaldus / mā muß die wort  
Francisci nicht also scharpff außlegen / od dahin deüten /  
das er heet wöllen der Innerlichen gerechtigkeit / oder  
dem Euangelische glauben / die eüsserliche gerechtigkeit  
der wercken vergleichen. Sonder er hatt alleyn der ju  
gende darumb dermassen zūgesprochen / dieweyl der meh  
rert heyl die Euangelische freihert zū fleyschlichem müc  
willen

willen verkeren/vnd sich der gaab des Glaubens schand-  
lich mißbrauchen/ Welche ob sie wol mit dem munde sa-  
gen/sie seyen gläubig/ so verleügnē sie doch den Glauben/  
mit ihren wercken. Dannenher auch der H. Apostel Pe-  
trus in seiner Epistel (welche er/wie jr gehört/ züm höch-  
sten gelobt hatt) desgleichen der H. Apostel Jacob an-  
derst nicht lehren/dann das wir vnseren glauben auch sol-  
len mit eüsserlichen fruchten bezeügen. Wie dann Petrus  
sagt/lieben Brüder/thünd fleiß/eüwern berüß vnd erwö-  
lung fest zümachen. Vnd S. Jacob sagt/zeyg mir deinen  
glauben/ so will ich dir auß meinen wercken meinen Glau-  
ben zeygen. Derhalbē beklagt er sich auch züm höchsten/  
das er sich erwann gerümpft hab/das er die innerliche ge-  
rechtigkēyete gehabt hab/vnnd hab doch die eüsserliche all-  
wegen auff ein ort gesetzt.

¶ Da haben sie angefangen vndereinander sich zü be-  
reden von diser ganzen sachen/ vnd mit fleiß erwegen/ob  
doch auch sein sünd/ ein sünd züm Todt sey/ für welche  
man/wie Johannes sagt/nicht bitten solle. Da sieng ob-  
gemeldter sehr gelehrter mann an/ gang kunstreich vnnd  
herzlich züreden von der sünd in den H. Geyst/ vnd vom  
abfall oder widersprechen/ das er wann folget nach erkan-  
ter warheyt/hat auch öffentlichē sein vnder scheyden alle  
stück der sünd in den H. Geyst. Darzū dann/ der arbeyt  
selig mensch ganz fleißig auffmercket. Deshalbē ihn der  
Herr Bischoff Vergerius ansprach vnd sagt/ Mein aller-  
liebster Francisce/Wann jr dise ding/ die allhye so Gott-  
selig disputiert werden/vnd so vil herzlicher sprüch der H.  
Schriefften/in deren jr auch vormals wol seydt erfahren ge-  
wesen/



## Von den H. Gottes Bekennern

wesen/höret/entpfahet jr nit ettwann ein trost/vnnd erquickung mit vns: dieweyl ihr doch selbers / nach eüwerem verstandt vnd vermögen/die Heylig schrifft/ so hält vnd klar anlegen/so bedunckt vns ymer wir haben noch hoffnung zu eüwerer erlösung / vnnd gedencen fürwar/ der Geyst Gottes/sey eüch nicht so gar entzogen.

¶ Franciscus antwortet ihm vnnd sagt/ Ach was kan doch für ein trost einem verflüchten vnnd verdampften mensche/oegegnē: Fürwar/wz ich rede/höre/sihe/versüch oder entpfinde/das diene mir alles zum fluch vñ schand.

¶ Der Bischoff Vergerius gab jm antwort/vnd sagt/ Ach aller liebster Herr Francisce/ Was habe jr doch für vsach/ vmb deren willen ihr so gar nichts auff die barmherzigkeyt vnnd gnade Gottes hoffen köndten oder solten: Ist nit Gott der/ der in die Höll hinunder / aber widerumb herauffser führet: Sehet doch an den Propheten David/der/ob er wol biß in den todt vnd die Höll hinunder kommen war / bach er doch Gott mit scüßzen vnnd trähern / das er ihm ein neüw hertz vnnd neüwen Geyst verleihen wolte. Hierauff sagt Franciscus. Iha/ Dauid ist allwegen der Erwölten einer/vnd Gott angenehm gewesen. Vñ wiewol er schwärlich gefallen/ so ist doch der Geyst Gottes nyemals von jm gewichen. So bat er auch Gott den Herren/das er jm nicht wolte von seinem angesicht verstoffen/vnnd seinen H. Geyst nicht von ihm hinwegnemmen. Ich aber bin vil in einem andern stand/we der erwölt/nach Gott angenehm /sond verworffen/ vñ allwegen verflücht gewesen. So kan ich auch nit betten/das er seine H. Geyst nicht vö mir hinweg neme/dañ er ist mir schon

schon enttrüben/vnd würt mir auch nimmermehr gegeben werden. Ich weyß wol dz Gott die todten/vñ die zur Höllen/das ist/ins grab gefaren seind/widerumb kan lebendig machen/wie dann der Herz Christus den abgestorbenen Lazarum/der zur Höllen gefare war/widerumb hat lebendig gemacht. Ich aber/der ich zum ewigen Tode verdampft bin/kan keyn hoffnung mehr meiner erlösung haben. Könndt ich doch nur ein wenig auff Gottes barmherzigkeyt hoffen vnder vertrauwen/so wölte ich doch vil hundert tausent jar/vnd noch länger (alleyn das doch noch ein hoffnung were/das es solt auffhören) inn der Höllen qual vñd peyn sitzen. Aber ich glaub gänglich/das ich darumb hie auff Erden in allem fluch vñd verzweyfflung bleyben werde/das in mir Gottes vrtheyl erfüllet werde/vñd ich zu einem Exempel werde aller Welt/Göttlichs gerechtes zorns vñd vrtheyls/wider ein verdampften menschen. Wolt Gott das ich todt were/vñ an der statt eins verdampften säße.

¶ Da antwortet ihm Doctor Grybaldus/vñd sagt/ Herz Franciscus/ lieber hört mich doch ein wenig/ Ich kan yhe nicht an eüwerer Erlösung so gar verzweyfflen/dañ ich darffes zum besten deüten/das der gütig Gott eüch in disem leben so hart angriffen hatt/das er eüch in der andern Welt nicht straffen will. Derhalben binn ich guter hoffnung/er werde sich eüwer endlich erbarmen. Hiezü sagt Franciscus. Ich weyß wol das ich verstorben bin/vñd das Gott der Herz mein sünd nicht mit diser zeytlichen straff will züchtigen/Sonder er straffe mich in seynem grimmen vñd zorn/vñd hatt deshalb

meins

## Vonden G. Gottes Bekennen

mein seel/hertz vnd Geyst ewiglichen verhartet vnd verstocket. Ach das er doch den leib alleyn geplaget hett/vnd hette mir meinen Geyst frey vnd rüwig gelassen. Also haben sich die reden bis auff den abend verzogen / vnd seind vil sprüch der schrifft / auch die wunderbarlichen vrtheyl Gottes/erklärt vnnnd außgelegt worden.

¶ Vnder andern frage in auch D. Grybaldus/was er doch hielte vom schlaff der Seelen/Hierauff antwortet er vnd sagt/Wiewol ein Teütscher Doctör der meynung ist/das solches in der Schrifft nicht gnügsam erklärt sey/so glaub ich doch/das die seelen der Außerwöleten von stund an zur ewigen sältigkeyt hinsaren / vnnnd mit nichten bey dem todten Körper im grab ligen vnnnd schlaffen.

¶ Da sage der Bischoff Vergerius / daran solt du garnitzweyfflen. Dann diß bezeügen ertliche hälle vnd klare sprüch der H. schriften. Als da Christus sagt/Heüt würstu bey mir im Paradeis sein/2c. Item in der history Lazari/vnnnd des Reichen Manns. So sagt auch Paulus/Er berger auffgelöst zu werden/damit er im Himel beim Herren Christo sein köndte.

¶ Letzlich/dieweil Doctor Grybaldus sahe / das ihm diser verzweyffelt mensch nicht wolt helfen lassen / frage er in vnnnd sage / mein Francisce / gebt mir doch antwort/dieweil ihr hye bekennen / das ihr vor lauterer verzweyfflung/vil in einem greüwlichern stand seind / dan auch die verdampfen in der Höllen selber/ Vnd ich selbs sihe / das jr des todes begürig seind / damit jr nur bald zur Höllen saren möchten/gleich als wann eüwer leib vnnnd seel in vil grösserem schmerzen weren / wie jr eüch dann öffentliche  
ver?

vernemmen laßt/so frag ich eüch/wann jr yezt ein messer  
oder Schwerdt in der handt herten/wolten jr eüch auch  
selbs vmbbringen/wie dann gemeyngtlich alle verzweyft  
felte züchün pflegen/das sie sich entweder erstechen/oder  
zütodt stürzē/oder aber sich selbs hengen: Hierauff ant-  
wortet er/gebte mir ein messer her/so werdet jhr wol sehen/  
was ich thün will. Antwortet D. Grybaldus vnd sagt/  
Ich bitt eüch aber/jhr wölte vns eüwern willen in disem  
fall eröffnen/Da sagt er/ich weyß es nit/Ean auch nit sa-  
gen/wie mein will beschaffen sein wurde.

¶ Vnd nach dem solchs alles verhandelt/köndt in der Franciscus  
betet/aber  
mit vnwil-  
len.  
Bischoff kaum dahin treiben/das er das Vatter vnser  
betet. Aber nit mit solchem ernst/wie er züvor gethon  
hatt/sonder hatt öffentlichen bekant/das sein hertz gar  
von Gott abgefallen sey/Eönde in auch nicht mehr von  
hertzen einen Vatter nennen/sonder vil mehr fluchen vñ  
lesteren. Derhalben solten sie sich hinsüret mit ihm nichts  
mehr bemühen/dann es sey vergebens/Vnd sey so vnmüg-  
lich/das er widerumb zür hoffnung vñnd züm Glauben/  
auff Gottes Barmhertzigkeit vñnd gnad gebracht wer-  
den möge/so vnmüglich es sey/das man mit einem einzi-  
gen hirsē köndlin die gang welt erfüllen könde.

¶ Die vmbständler entsetzten sich ab disem so wunder-  
barlichen vrtheyl Gottes/gesegneten in/vñnd giengen  
daruon. Vnd dieweil seine freünd willens waren in wide-  
rumb auff einen karch von Padua gehn Citadella den  
nachgehenden tag züsüren/haben sy sie vermant vnd ge-  
betten/das sie ihn nicht verlassen/sonder im für vñnd für  
fromē leüt züordnen wolten/ob doch jr ernstlich gebett

Am vñnd

# Von den 5. Gottes Bekenern

vnd trost/ Gott der Herz erhören/vnd dem armen menschen widerumb sein gnad erzeygen wolte.

Franciscus  
begärt sich  
selbs zür-  
würgen.

¶ Des nachfolgendē tags/ als der arbeitselig mensch/ sich zur wegfart rüstet/vnd nun angethon/ außer seiner Kammer geführt ward/hat er mit grausamen augen vnd erschrocklichem gesicht hin vnd wider in alle wüncel der Kammer vmbgesehen / vnd ohne geferd ein Kleyne messerlin/das auff dem Tisch lag/ersehen/dasselbig also bald erwüschet/damit er sich selbs erwürgte. Aber seine zweent Sön/die dann für vnd für bey im stünden/erwüscheten im die hande/vnd namen ihm das messer. Also ist diser ellend mensch in sein statt Citadella widerumb geführt / vnd ( wie oben vermeldet ) daselbst gestorben.

¶ Ende diser History/welche vilgemeldter D. Gry/baldus selbers beschryben hatte / auff den ersten tag Decembris/ Im jar nach der geburt Christi/

M. D. XLVIII.

J. Sam.

i. Samuel. ij.

**¶** Der Herr spricht / wer mich ehret / den will ich auch verehren / Wer aber mich verachtet / soll widerumb verachtet werden.

Gal. xj.

**¶** Irret euch nit / Gott lasse sein nit spotten.

ij. Timoth. ij.

**¶** Das ist gewislich war / sterbē wir mit / so werden wir mit leben / Dulden wir / so werden wir mit herrschen / Verleügnen wir / so würt er vns auch verleügnen / zc.

Heb. x.

**¶** Der Gerecht würt des glaubens leben / Wer aber weichen würt / an dem würt mein Seel keyn gefallen haben.

Augustinus in der lxxxviij. Predig de Tempore.

**¶** Fürwer liebe soll diß warhafftig vñ vestiglich glauben / Gott der Herr verlast dē menschen nicht ehe / es hab ihn dann der mensch zūvor verlassen.

Vonden H. Gottes Bekenern  
Ein schön Gebett zum Herren Chri-  
sto in Anfechtungen.

**G**OTTES Jesu Christe / Wir bitten dich vmb ster-  
cke vnsers gemüts vnnnd hertzens / vnnnd das du mit  
deiner gnaden krafft hinweg nimmest vnser blödig-  
keyt. Hilff das wir vns dir vnder deine handt in warem  
glauben gänglich vndergeben / Vnd wann es ye dein vnd  
deines Vattern Götlicher will / vns wol verschuldte ar-  
me sündler zeytlich zustraffen ( Ach Herr ) so gib vns dar-  
under ein gelassen gedultig hertz / das wir alles / als von  
dir alleyn / annemen / das wir vns auch selbs darunder  
gründlich lernen erkennen / vnnnd vnser manigsaltige  
sünd hertzlich bereüwen vñ beweynen. Desgleichen auch  
die woluerdiente straff für die sünde / vnd sonst alles in dei-  
ner gnaden vnderthenigklich ertragē mögen / damit nur  
vnser seelen von dir nimmermehr gescheyden werden.

¶ Erhalte du treüwer Hirt vñ Bischoff vnserer seelen /  
was dein vnnnd deines heyligen Geystes ist / auch alle offen-  
barte warheyt / vnd was du vns bishär gnädigklichen ge-  
geben / das zü deinem Erkantnuß vnd züm ewigen leben  
diener. Lasse das angezündte kertzin ( ob es wol leyder  
noch an ein duncckeln ort leüchtet ) dannaucht Christe Je-  
su / nit außgelöscht werden. Lasse vns nit widerumb inn  
die vorige blindtheyt / Abgötterey vnnnd Irthumb / eyni-  
cherley weiß getribē werden. Gib frid Herr / verleihe frid /  
vmb des ewigen fridens willen / den du vns mit deinem  
theuren blüt am Creütz hast erworben. Gib auch gnädig-  
klichen / das wir hinsürt aller deiner gaaben / mit mehrer  
danckbar

Danckbarckeyt seligklich gebrauchen. Das wir dich in allem/vnsern Herzen/ohn heuchlerey erkennen/vnnd recht erkennen/Auch mit gehorsam vnseres lebens / dir vnd deinem Vatter alle vnderthenigckeyt beweisen. Mache vns selig Jesu Christe/streite vnd kempffe du für vns/tröst vñ stercke vns in aller gefärligckeyt / vmb deines todes/ auch vmb deiner Glorien/ Nammens / vnd herzigckeyt willen/wie wir dann wissen/das alle ding in deiner handt stehen. Darumb du/als ein Herr Himmels vnd der erden/ sollichs alles wol vermagst/Wie wir auch gänzlich glauben/das du/so vil vns nur seligklich ist / auff vnserer stöhliche bitt vnd ansuchen / alles thün/vnd vns nit verlassen werdest.

Christe Jesu biß vns gnädig/vnd erbarme dich vnser.

Herr Jesu Christe/der du mit Gott deinem Vatter/in eynigckeyt des Heyligen Geystes/lebest vnd herrschest/ Gott/nun.  
vñ ewigklichen/  
Amen.

## Nammen der 5. Auserwölten Gottes

Zeügen/Bekenner/vñnd Martyrer/in disem

Dritten Theyl begriffen.

Anna Af Kewe.

clxxxviii.

Bernhardus Mönch.

cxix.

Dominicus von Basana.

cxc.

Saninus von Sauentia.

clxxxvj.

Gerard Normar.

cxix.

Georg ein Magister vnd Prediger zu Hall inn Sachsen.

cxviii.

An ij

Georg



# Register.

Georg Schärer von Salueld.	cxxxviii.
Johannes Oldecastell ein Ritter in Engellandt.	xxviii.
Johann Castellam ein Doctor.	lviii.
Johannes Clerick.	lviii.
Johann Vedastus.	lviii.
Johann Beck/Pistorius genant/von Wörden.	lxix.
Johannes Rhodius.	lxx.
Johann Adlam.	clxxxviii.
Johannes Lacels.	clxxxviii.
Johannes Mollius Mont Jlinus/ein Doctor.	cxcii.
Lazarus Spengler.	clxxviii.
Maria vnd Disula/zwo edler Junckfrauen.	clxxx.
Nicolaus von Otterden.	clxxxviii.
Pfarrherrn von Schonbach vnd Büch.	lii.
vil Priester heymlich ercrenckte.	clxxvii.
Thomas Rhedonensis/ein Franzos/vnnd Carmelit.	xlviii.
Disula vnd Maria/zwo edler Junckfrauen.	clxxx.
Wendelmüt Claus tochter von Münchendam/ein Witwe.	cxx.
Wilhelm Thorpe/ein Magister/vnd Priester in Engellandt.	f.
Wilhelm Sautreus/in Engellandt verbrannt.	viii.
Wilhelm Taylour/ein Magister/vnd Priester in Engellandt.	xlvf.
Wilhelm Whyte/ein Priester in Engellandt.	xlvii.
Wilhelm von Zwollen.	cliii.
Wilhelm Gnapheus.	lxviii. c.
Wilhelm von Driech.	cxix.

End des Dritten theils / der Histo:  
rien von den H. Auserwöleten Gottes Zeü:  
gen / Bekenner vnnnd Mär:  
tyrer.

Gedruckt zu Straßburg durch  
Samuel Emmel.

M. D. LV.

A 1479261

Handwritten text, likely bleed-through from the reverse side of the page. The text is mirrored and difficult to decipher due to the ink bleed-through and the texture of the paper.

Handwritten text, likely bleed-through from the reverse side of the page. The text is mirrored and difficult to decipher due to the ink bleed-through and the texture of the paper.

M. D. L. V.

